

ترکیبا  
قبول و طبعی حقیقی

معانی و کلمات

عدد: ۱

# کتاب علی خانی

محرری: وحید

تألیف و ترجمه هیأت تبحر و قبول ایدلشدر

استانبول - مطبعة عامره

۱۳۳۸





توکیب  
قبول و طلبہ مجلسی حکومتی


معارف و کائنات

عدد : ۱

# گوئی علی خالی



محرری : وحید



تألیف و ترجمہ ہیأتہ تدقیق و قبول ایدلشدر



استانبول — مطبعہ عامرہ

۱۳۳۸



Handwritten text at the top of the page, possibly a title or header.

Large, faint, stylized characters in the center of the page, likely a title or a large heading.

Small, faint, illegible text at the bottom of the page, possibly a footer or a small note.



## کویلی علم حالی

ای جماعت؟ شو ایچنده بولندیگنر جامعه بر گوز گزديرک . باقک نه لر وار؟ قنديل  
شمعدان ، سجاده حصير ، رحله گرسی ، منبر محراب ، قپو پنجره ، جام چارچيوه ، ديوار  
طاوان ، صکره مناره شادروان . بونک گبی دها بر چوق شیلر دکلی؟  
شیمدی پک اعلا بیلیرسکیزکه بونلرک هپسنگ بر خدمتی، هپسنگ بر حکمتی واردر.  
پنجره لر قپولر صره سنه گوره آچیلیر قاپانیر . قنديللر شمعدانلر یانار یاقیلیر . شادروانده  
آبدست آلنیر ، مناره ده اذان ویریلر . سجاده لر اوزرنده نماز قیلنیر ، منبرده خطبه  
اوقونور ، گرسیده وعظ ایکیلیر . بونلرک هیچ بری فضله، هیچ بری لزومسز دکلدر.  
بونلرک هر بری بر ایشه یارار .

دیمک که: وقتيله بورایه برجامع یایمق لازم کیش . اوسته لر اولچوب ییچمشلر . دولکرلر ،  
دیوارچیلر کلوب تمیل آتمیش ، دیوار یایمشلر ؛ دیرک دیکمشلر بو بنایی قورمشلر .  
صکره ده نه لازم ایسه هپسی یرلی یرنده دوزولوب قوشولش .

شیمدی بو بویه ایکن بری چیقسه ده : یوق جانم ؛ بوجامع اویله اوسته نك ، دولکرک  
یایمه سیله اتمه سیله اولوب بیتمه مشدر . بونلرک هپسی کندی کندینه ؛ کلیشی کوزل  
اولیورمشدر . . سیلار طاشنی ؛ طوراغنی کتیروب ییغمش . روزکارلر یغمورلر  
کیره چیقه بو کومبه اتی بی دلیک دلیک ایتمش ؛ پنجره لر آچلمش . . کونلشک صیجاغندن بویيغنتینک  
اوستنده کی چامورلر قورومش ، کیره مید اولمش . . محرابی منبری ، قپوسی چاتیبی ده اویله  
حسابله کتابله یایلامش . نصلسه راست کله اولیورمشدر « دیسه بوسوزه هیچ اینانیلیرمی؟  
هیچ بو جاملر چارچيوه لر بو قنديللر شمعدانلر ، بتون بو جامعه کی شیلر کندی  
کندینه اولورمی؟ هیچ اویله یلک ، سلیک آتمه سیله ، ییغمه سیله ، بو دیوارلر ، بو طاوانلر ،  
بو بویالر ، بو صیوالر میدانه کلیرمی . بونلری دولکر دیوارچی ، صیواجی ، بویاجی  
یایلامش ده کندی کندینه می اولمش بیتمشدر . هیچ بو اینانیه حق شیمیدر؟  
سویله یلک یا هو ! هیچ بو جامع کندی کندینه قورولورمی ! بو قدر شیلر کندی

کندينه دوزولوب قوشولورمی ؟ بو اوله جق شيميدر ؟ چوجقلرک بيله غقلي ايررکه مطلقا بونلری بر ياپان ، بر ايدهن واردر .

شيمدی جامی بر اقوب بر کرده شود نيابه باقک !... سزه صوررم ! بو يرلر کوکلر ؛ آيلر کونشلر ، ييلديزلر ييلديرملر ، بولولطرلر شمشکلر روزکارلر ؛ قارلر ياغمورلر ، طاغلر طاشلر ؛ قيرلر اووالر ، دره لر تپه لر ، ايرماقلر پيکارلر ، دکنلر آدالر ، آغاچلر چيچکلر ، يمشلر اكينلر ، معدنلر حيوانلر ، قوردلر قوشلر ، بالقلر انسانلر ، قادينلر ارككلر ، چولقلر چوجقلر — بونلری هپ کوروب دور بيورسکيز ! — بونلر نه در ، نه يك نه سيدر ؛ باشکيزک اوستمه دونوب دولاشان ، کوزلر يکيزک اؤکنده اولوب بيتن شبلری شوبه بر دوشونک .. بونلری يکی کور بيورم شسکيز کي داوارانک !.

باقک بر کره نه تحقدر : صباح اولور ، کونش دوغار ، اورتهلق آيدينلانير . هر کس ايشنه کوجه کيدر . قوردلر قوشلر بيله رزقني آرامغه باشلار . آقشام اولور ، کون باتار اورتالغه قرانلق باصار . قورد قوش يوواسنه چکيلير . هر کس اويقويه -الار . آي دوغار ييلديزلر چيقار ، روزکارلر نينی سويلر ، دنيا بر زمان بويه قالير . صکره شفق آتار ، صباح اولور ، آقشام اولور ، کونلر کليز ، کچر . هر کون دنيا يک درلو قياغه کير . کون اولور بولولطرلر ييغيلير بارداقلردن بوشانير جه سنه ياغمور ياغار . کوک کورلر شمشک چاقار ؛ ييلديرملر دوشمر . قيش کلير قارلر ياغار بوزلر طوتار ؛ اورتهلق بياضلره بورونور .. کونشلر آچينلجه قارلر يواش يواش ارييه رک صولر ؛ سينه سينه طاغلرک باغرينه کچر ، خزينه لرده طولانير . هوالر دوزلير . بهارلر آچغه ؛ اورتهلق ايصمنغه باشلار . اكينلر بستر آغاچلر چيچکلره نير . اوتلر اورمانلر ياشاير . دره لر تپه لر ييشيله نير دونانير . کلبلر اوچوشور ، قوشلر جيويلاير . طاتلي طاتلي روزکارلر اُسره ، ايرماقلر آقار دکر منلر دونو ؛ حيوانلر ياورولار . اكينلر طولانير ، خرمنلر صاوريلور ، آيلر کونلر ، يازلر قيشلر بر بريخی قوغالر . بويه بويه دورلر دوزر ، زمانلر کچر .

شيمدی عجبنا بونلر نه دن اولمش نصل قورلمش بونلری بويه کيم بايمش کيم ياقيشدير مشدر ؛ بر ياپان يارادن وارميدر . يوقسه هپ بونلر کندي کندينه می اولوب بر مشدر ؛ بونی بر کوزله دوشونک ! ..

باقک ده مين آکلادق کسديروب آندق که : شو جامع کندي کندينه اولما مشدر . مطلقا بر ياپانی چاتانی واردر . البته طقه نوکا اينانديغمز کي ؛ دنيا نکه کندي کندينه



اولد یغنه اینانه جغز! اُکی بوی میداند اولان بر بنایله کندی کندینه اولمازسه بوقوجه دنیا؛  
او اینجه اینجه شیلر؛ او بویلی بوصلی انسانلر؛ او ای قوقولی؛ کوزل رنکلی چیچکلر؛  
او برلر او کوکلر؛ اوایلر او کونلر؛ هیچ کندی کندینه اولورمی؛ البته بونلرک ریایانی؛  
یارادانی اولاجتی .

ایشته ای جماعت؛ ای انسان اوغللری! بیلمش اولک که بو دنیای بویله جه یابوب  
یوقدن وار ایدنده «الله» تعالیٰ حضرتلریدر! .

ایشته بونک بویله اولدیغنه اینانیدیغکنز کبی ینه بیله جکسکنز اینانه جقسکنز که؟ اللهدن  
باشقه الله اولیوب اوغلی، قیزی؛ اُشی، اورتاغی دخی یوقدر . حق تعالیٰ حضرتلری  
هیچ بر شیئه محتاج دکلدر، هر شی اوکا محتاجدر . دیریدر؛ کورور، بیلر، دویار،  
ایشیدر، هر شی اوکا آشکاردر . اوکا قارشی کیزلی، قیاقلی برشی یوقدر . دیلهر دیله دیکی  
کبی یاپار، کیمسه ایشه قاریشه ماز . حکمنه کیمسه قارشو دوراماز، سویلر، کوچی بتر،  
اوکا قارشی بیریکلک اولماز؛ اوکا قارشی چالم صائماز . هیچ بر ایشی بوشنه دکلدر؛ هر  
یاراندیغنده بر حکمت وارددر .

«الله» تعالیٰ حضرتلری بزم بکیزه من . عقلمزه کلان شیلرکده هیچ بریسنه  
آکدیرماز . دوغماش دوغورمامش؛ بزم کبی صکره دن اولمامش، باشقه سی طرفدن  
یارادیلماشدر . بیک ایچمک، اویومق اولمک، آنایه بابایه، قارییه قوجهیه محتاج  
اولمق؛ بونلرک هپسی مخلوق شانیدر . بونلرک هیچ بری حق تعالییه یاراشماز .

نه قدر فالق چیرکینلک؛ نه قدر عادیلک اُکسیکلک وارسه اونلرک هیچ بری یارادامزده  
یوقدر، اولماز . نه قدر ایلیلر، کوزللرک وارسه هپسی ریمزده وارددر . لیکن  
بزمکیلره بکیزه من . وارلنی بزم وارلغمه بکیزه مدیکی کبی دیریاکی ده بزم دیریلکمز بکیزه من  
بزم بون کون وارز، یارین یوغز . لیکن جناب حق هر زمان وارددر . دهها زمان اولمادن  
اول بیله او وار ایدی . کچمشده ده کله جکده ده اونک اولسادیقی اولماز . همده بزم  
دیریلکمز جانله قاله، اُله کیکله، دامارله، سینیرله، یمکله ایچمکله در، اما جناب حق  
دیریلکی بویله لکله دکلدر .

بزم کورر؛ بیلر، ایشیدر، دیلهر، سویلر، کوچی بتر اما بزم کبی کوزله قولاقله؛  
دیل ایله دوداقله اُل ایله آیاقله؛ عقل ایله کوکل ایله دکل . نصل اولدیغنه بزم عقلمز ایرمنز .  
هر شیئه عقل ایردیردکده بر بومی قالدی؛ عقلک ایردیکی شی وار، ایرمدیکی شی وار .

بقال ترازيسي اوج اوقهلق ، بش اوقهلق ، يكرمي اوقهلق برشي طارطار . اما بر چكي اودوني طارطاماز . چونكه هر شينك برقراري واردر . بقالك ترازيسي بقاله لازم اولديني قدر طارطار . بزم عقلمزده كنديمزه لازم اوله جق قدر ايرده اوتيه كچه من . بونك ايچون اللهك وارلغنه برلكنه ، كوجنه ، قوتنه اينانيرزده : «الله» نه ايمش ، نصل مش ، نه ايله ياپور ؛ نصل اولورده يارادييور ؟ «ديه عقلمرك ايرمه چكي شيلري آكلامغه قالمشمه يز . اوزيمزه ائزم اولان ايشلري عقلمرك ايره بيله چكي شيلري بر اقوبده اوستمزه ائزم اولمان شيلرله مشغول اولمايز .

شيمدي بز برارده كنديمزي دوشونهلم ؛ بز نه يز ، نه نك نه سي بز . نره دن كلك ، نيه كلك ؛ نه اولاجغز ، نره كيده جكز ؛ بونلري سه زوب آكلامغه چاليشالم . بر آدم بازاره كيتديكي وقت نه آلوب نه صانا جغني ، نه ياپوپ نه ايدة جكني ؛ بازاره نه ايچون . نيه كلديكني بر دوشونمزي ؛ ايشته اي آغالر سزده بونك كي دوشونك ؟ بو دنيا ده نه جي سكر نه اولاجق سكر بوني بر اوكرنمكه چاليشك ؟

ساده ، يه ايج ، اطور قالق ؛ كز ، توزو خوشكه كيدهني قاب قوپار ، خوشكه كيتمه يهني آت فيرلات . باشك هيچ بر بيوروغه باغلي اولمسون . كيمسه يني طانيه ؛ بيوك كوچوك صايه ؛ خاطر كوكل بيلمه ؛ كيفكي قيران ، برونكه دوقونان اولورسه هان يره چال ، صاغكي صولكي كوزمه ؛ بويه جه باش بلاسي اوله رق بوي كوتر ؛ صوكرده كونك برنده ييقيل كيت . طوتسونلر سني برطوپراغه صوقو ورسونلر ! . اولدي بيتديمي ؟ سنك اولوب اوله جغك بومي ، بو قدر جقمي ؟

دنياه بونك ايچون كلكسه سنك جانا واردن نه فرق قالدی ؟ اونلرده اويله ياپار . خوشلانديغني قاپار ، يوتار . خوشلانمديغني تهر ، كچر . كونك برنده اولور كيدر . شيمدي حاشا سنده اونلرله برمي اولاجقسك كنديكي اونلرله برمي طوتاجقسك ؟ اولاماز آغام اولاماز ! .. ايجه دوشون ؛ كنديكي كوزله دوشوندر ؛ سنك كوروب كوره جكك اويله ايكي كونك دنيا ايله بر آووج طوپراققي اولاجق ؟ «الله» سني بويه تبلكك ؛ سرملك ؛ جانا وارلق ايچونمي دنياه كتردي ؟ سكا بو بوي ، بو بوي ؛ بو عقي بو فكري بونك ايچونمي ويردي ؟

خير خاير . . بز دنياه اويله كدير قوزولر ، سينكلر كلبكلر كي ساده ييوب ايچمكه ، ساده قوشوب كزمكه ؛ دونوب دولاشمغه كلك . امتحان اولمغه كلك . دنيا



هر كسك نصل آدم اولديغنى ميدانه چيقاره جق برامتحان يريدر . صاقين بردنبره ياكلش آكلامه يك . بوامتحان هر كسك هم كنديسنه قارشى همده بربرينه قارشيدر . يوقسه الله قارشى كيزلى قباقلى برشى اولمديغندن هر كسك نه مال اولديغنى آكلامق ايچون انسانلرى امتحان ايتمكه جناب حنك حاشا احتياجي يوقدر .

هر كسك دنيايه چيقديغنده نه ياپوپ نه ايدده چكنى حق تعالى حضرتلرى پك اعلا بيلير . « الله » تعالى ايسته سه ايدى : دنيايه كتيومه دنده هر كسى لايقنه كوره جتنه ، جهنمه قوياردى . ساده شو واركه ، اووقت جهنملىكلر : ياهو بزنه ياپدقكه بزى بورايه آنديكز ؟ ديرلر . . اونلره قارشى : سز دنيايه چيجه ايديكز شويلاه فناقلر ياپه جقديكز . بونى « الله » بيلوردیده . بونك ايچون سز جهنمه كيرديكز ! « ديلسه اونلر او وقت : حاشا بز هيچ اويلاه شيلر ياپمزدق ، اصلا اويلاه فناقلرده بولمزدق . بر فناق ، بر كوتولك ياپمدهن ايتمه دن بزى نهيه جهنمه آتورسكز ؟ » ديه جكلر .

ايشته صكره بويلاه دينمه مك ايچون حق تعالى انسانلرى بر دفعه دنيايه چيقاريور . ايني ، كوتى يي سه چك ايچون ده عقل ، فكر ويريور . اونلرى بيلير ، آكلار ، سه زهر ، دوشونور برحاله كتييريور . صكره انسانلرى ير يوزنده اويلاه بستهاون حيران قوييور . هر طرفي اونلرك يوزينه قارشى قابالى ده براقيور . بيغمبر كونديريور ، كتاب اينديريور . كندينى . كوسترمكسزين انسانلره سوز سويلاور ، كلامنى ايشيتديريور ، نصيحت ويريور ؛ بيوريور :

اي انسانلر ! بن نم ، الله . . سز بر طاقم زواللى مخلوقلر سكز ! بن هيچ بر شيئه محتاج دكلم . سز هر شيئه محتاج سكز ! بربريكزه بيله محتاج سكز . بونك بويلاه اولديغنى صاقين اونونميك ! امرى طونك ، بربريكزله خوش چينك . كنديكزى فناقلره بولاشديرميك ؛ نيمده اولولر اولوسى اولديغنى خاطر دن چيقارميك . . ايلره جنت ، كوتولرده جهنم . ايشته جنت يولى بو ! جهنم يولى ده بو ! .

جناب حق انسانلره خيرى شمرى بويلاه بيلديروب جنت ، جهنم يولنى كوسترد كدنصكره اونلرى ايكي يول آغزنده مخير براقيور ، بونك اوزرينه آرتق هر كس كندى ديله كيله ايسته ديكي يولى طوتيبور . جنت يولى ايسه جنت . جهنم يولى ايسه جهنم . بو بويلاه اولورسه ، انسانلر بويلاه بر امتحانه چكيلرسه هر كسك قاچ پارملىق آدم اولديغنى كندیده آكلار ،

عالمده آكلار . او وقت كيمسه نك كيمسه يه برديه چكي قالماز . كندم اپتدم كندم بولدم .  
ديوب هر كس جزاسنه راضي اولور .

ايسته اي مسلمانلر شيمدي نر تام يولك چاناللانديني يرده دوريوورز . جنت جهنم  
يولينك آيرلديني يرده بولايوورز جناب حق بزه عقل فكر و برمش ، همده پيغمبر ، كتاب  
كوندره رك بيوره جغني بيورمشدر . بزدر اول كلنلرده كتاب كمش ، پيغمبر كمش ،  
هر كس صره سني صاومش . شيمدي نوبت بزه كلشدر . آرتق كيسني قورتاران  
قپوداندر . زده كوزمزي دوت آچام ! اللهك پيغمبرلرينه اينانهم . نه بيورمشه « الله »  
اوني يا نغمه چاليشالم . بويله لكه جنت يولني طوتالم ، سلامتي بولالم ! .

آغالر ! باقيك بورايه قدر اللهك وارغنه ، برلكنه نصل ايمان ايده جكمزي بللهك .  
دنياه كلشمزك سيني و پيغمبر ، كتاب كوندرلمسك حكمتني آكلادق . برآزده پيغمبرلر  
كيملرده نصل آدملردر ، اونلره ويريان كتابلر نه دره ، نه كي شيلردر بوللري اوكره نلم .  
شيمدي اي جماعت بيلمئن اوليك كه : پيغمبرلرده سزك بزم كي برر انساندر . اونلرده  
بيرلر ، ايجرلر ، اوپورلر ، كزرلر ، اوله نيرلر ، چولوق چوجوق صاحبي اولورلر ،  
وعده لري تمام اولنجيه هر كس كي بو فاني دنيسان چكيلوب كيدرلر . ياراديايشجه  
انسانلردن هيچ فرقلري يوقدر . ساده شو وار كه : پيغمبرلر هپ اللهك اي و سوكلي  
قوللريدر . ايجلرنده حاشا هيچ بر فنا كيمسه يوقدر . اونلرك وظيفه سي انسانلره طوغرو  
يولي كوسترمك دائما انسانلرك سلامتنه چالشمقندن عبارتدر . اكين اكمك ، يمك پيشيرمك ،  
ديكيش ديكمك ، ده ميرجيلك ميچيلاك اتمك كي او زمانلر ده ا كيمسه نك بيله مه ديكي  
صنعتلري ايلك او كجه پيغمبرلر اورته يه قويملشدر . هر شينك يولني ايزيني هر كسه هپ  
اونلر كوسترمشدر . اكر انسانلر محتاج اوندقلري شيلر ايجون ايلك اول بويله باشقه  
بر طرفدن صاغلق آلامش اولسيدلر ؛ او عجميلكلريه حاللري نره يه واردي . بونك  
ايجون پيغمبرلرك وجودي عالمه رحمت اولمشدر .

پيغمبرلر ساده بو قدرله قائموب انسانلره مولاسني ده طانيتد يرملشدر . بربريله خوش  
كچينه نك بربرلرينه قارشى دائما اي معامله ده بولونمه نك يولني كوسترمشدر . انسانلره  
ايلك ابتدا : حق ندره ، حقوق ندره ، انصاف ندره ، مرحت ندره ؛ بتون بو كي شيلري  
اوكره دن هپ پيغمبرلر اولمشدر . ريوزنده ايلكلرك تمليني او كجه اونلر آتمشدر .  
شوني ده بيلمش اوليك كه : پيغمبرلر بو ايشلري عقللريه بولوب كند يملكلرندن



یا نامشدر . هب اللهك امريه یا مشدر . برانسان کنديلکندن نه قدر چالیشه ، نه قدر ایسلکرده بولونسه ؛ درجه سی اوقدر آرتار . کیت کیده بلکه اولیا صره سنه بيله کچر . لکن قابل دکل پیغمبر اولاماز . طاش چاتلاسه او مرتبه یی بولاماز . پیغمبرلک الله ویرکسیدر . اولیه چالشمغله جابالامغله آله کچه جک برشی دکادر . او بر منصبدر که الله اونی زمانه کوره ایستدیکی قولارینه ویرمش و او قوبی آرتق قپامشدر . بوندنصکره یکیدن پیغمبرده کیه جکدر . انسانره مولاسنی طایتوب ایگری یی طوغری یی کوستره جک آرتق علمادر . بو وظیفه اونلره قالمشدر . چونکه بر کره چیغیر آچیلش ، ایش بر درجه یه قدر قولایلاشمشدر . کله م شیمدی پیغمبرلک کیملر اولدیغنه . .

پیغمبرلک ایلیکی « آدم » علیه السلامدر . صوکنجیسی ده آخر زمان پیغمبری « محمد مصطفی » صلی الله علیه وسلم افندیمز حضرتلریدر . بوایکینسک آراسنده کلوب کچن پیغمبرلک صایینی الهدن غیری باشقه کیمسه بیلمز . لکن مشهورلری : ادريس ، نوح ، هود ، صالح ، شعيب ، لوط ، ابراهيم ، اسماعيل ، اسحق ، يعقوب ، يوسف ، موسى ، هارون ، داود ، سليمان ، ايوب ، اليسع ، ذوالکفل ، الياس ، يونس ، ذکریا ، یحیی ، عیسی ، علیهم السلامدر .

پیغمبرلک درجه سی هب بر دکادر . هر برینک کندینه کوره الله یاننده بر مرتبه سی واردر . بونلردن کیمینک پیغمبرلکی ساده بریره در . کیمینک بر قاج یره در . هله پیغمبر افندیمزک پیغمبرلکی بتون دنیا یه در . اولیه ساده بر ویا بر قاج یره مخصوص دکادر . پیغمبرلک ایچنده هم پیغمبر ، هم پادشاه اولان ده واردر .

پیغمبرلک کیمینه حق تعالی طرفدن کتاب ویرلشدر ، کیمینه ویرلمه مشدر . کنديلرینه آریجه کتاب ویرلیوبده ساده پیغمبرلک ویریلنلرک وظیفه سی کنديلرندن اول کچن پیغمبرلک شریعتی خلقه اوکره تمک ونصیحت ایدوب طوغرو بول کوسترمکدر .

پیغمبرلره کلن کتابلرک بعضیسی بیوک بیوک کتابلردر . بعضیسی ده بر طاقم صحیفه لردر . کتابلرک اسملری : « تورات ، زبور ، انجیل ، قرآن » در . بونلردن « تورات » موسی علیه السلامه ، « زبور » داوود علیه السلامه ، « انجیل » عیسی علیه السلامه ، « قرآن کریم » ده پیغمبریمز صلی الله علیه وسلم افندیمز ککشددر . آدم علیه السلامه اون صحیفه ، شیت علیه السلامه الی صحیفه ، ادريس علیه السلامه اوتوز صحیفه ، ابراهيم علیه السلامه اون صحیفه ویرلشدر .

قرآن کریمدن ماعدا بوصایدیغ کتابلرک ، صحیفه لک هربری بر زمانه کوره بولندیغندن آرتق اونلرک زمانی کچمش ، اصلا حکملری قلامشدر . لکن قرآن کریم اویله ساده بر زمانه مخصوص اولمادیغندن اونلک حکمی قیامته قدر سوره جکدر . نصل که هر خسته لغلک کچیدینه کوره بر علاجی ، بر پرهیزی وارسه هر دورک ، هر زمانک ده کندینه کوره بر کتابی ، بر شریعتی واردر . اول زمانله آخر زمان هیچ بر اولورمی ؟

البته آدم اوغلنلک امله دیکی ، صره لادیغی دورلر باشقهر ، یاشینی باشینی آلوب دوشومکه باشلادیغی دورلر باشقهر . بونک ایچون اول زمانده پیغمبرلر کلهن کتابلرله پیغمبر افندیلمزه کلهن قرآن کریم بردکلدر . . هپسی «الله» کلایمدر . لکن قرآن کریم آخر زمانه کوره بر کتابدر . بونک بویله اولدیغنه اینا نایانلر ؛ یا عناد ایدنلرر یا خود قرآنی ایجه آ کلایمانلردر . یوقسه او الله کلایمی آ کلایوب انصاف ایدن ، نهم دیدیکم کبی دیر ، باشقه درلو دیه منر .

بویله دوشونن آ کلار ، ایمان ایدرکه قرآن نوردر . قارارمش قبلر هر زمان اوکا محتاجدر . قرآن شفادر . انسانه انسالغنی اونوتدیره جق خسته لقلرک ، اخلاقسزلقلرک درمانی آنجق اودر . قرآن عالمه رحمتدر . دوست دشمن ، بیلهرک بیلیمهرک اونلک یوزندن بیک درلو خیر کورمشدر . حتی بوکونکی کونده دنیایی طوتمش اولان عاملرک ، صنعتلرک بیلر بو بویه کلسنه هپ قرآن کریم سبب اولمشدر . دکلدر دیه نلر تاریخ کتابلرینه انصاف ایجه باقسینلر .

قرآن اُده بر مهنک طاشیدر . اینی کوتو دایما اونکله آ کلایشیلر . قرآن اُده بر ترازیدر . قیامته قدر کلوب کچه جک شیلر هپ اونکله طاریایر . ایشته : قرآن کریمک حکمی قیامته قدر سوره جکدر . دیدیکمزک بر حکمتی ده بودر . ساده شو وارکه : اصل معرفت اویله نازک بر مهنک طاشی ، اویله اینجه دن اینجه به بر ترازیی زمانه کوره قوللائمی بیلیمکدر . سن بن آلتون پارچه سنی مهنکه اورساق نه آ کلارلز ، اجزاینک کیمیا جینک قیلی قرق یاراجق قدر اینجه حساب ویرن ترازیسنی نصل قوللائیرز ؛ اوکا اهل ایستر ، ارباب ایستر . بز آ کلایه مزساق ، قوللانه مزساق قصور مهنکده ، ترازیده میدر ؛ یوقسه بزده میدر ؟ بونک ایچون انسانلر انصاف ایتسینلرده کندی قصورلرینی قرآنک اوزرینه آتاسینلر . الک قولای صاندیغمز بر صنعت بیلر سنلرله اُمک ویرلدکجه ایجه قاوارائیلور . نزده قالیرکه قرآن ؟ . قرآن کریمده هر کسک آ کلایه بیلر جکی پک چوق شیلر بولندیغنی کبی ساده اهلنک



اربابك آكلايه بيله چكى بر چوق شيلرده واردر. «الله» بش پارماغى بر ياراتامشدر . هر كسك عقلى براولماز . هر كسك ده مطلقا امام اعظم اولسى لازمكلمز . شيمدى بر آزده بوكتابلرك پيغمبرلره نصل ويزلدېكنندن ، ملكلره نه ديه اعتقاد ايديله چكندن بحث ايده لم . بيلمش اوليك كه اى جماعت ! حق تعالى طرفندن پيغمبرلره كتاب كتيرن «جبرائيل» عليه السلامدر . بو وظيفه نى جناب «الله» اوكا ويرممشدر . جبرائيل انسان دكلدر ، بر ملكدر . پيغمبرلره كلديكى وقت بعضى انسان قيافته كير ، اويله كورونور . بعضاده كيمسياه كورونمدهن بيلديره چكى بيلدير . اصل ملك قيافته ده پيغمبر افنديمه بر ايكي دفعه كورونديكى اولمشدر .

ايشته «الله» طرفندن پيغمبرلره بويله جه كتاب كلشنه ، امر كله سنه «وحى» دينير . وحى كله چكى وقت بعضا پيغمبر افنديمزدوه چاكنى آكديرر هيتلى بر صدا ايشديرلردى . يناقلى كل كې قيزاروب بر آز اويله كنديلرندن چركې اولورلردى . اك صغوق زمانلرده بيله بو حال كلنجه مبارك آللى تر ايچنده قاليردى . او صروده يانلرنده بولنانلر بو حالى كورلر ، وحى كلديكى آكلارلردى . پيغمبر افنديمزدوه وحى تمام اولونجه كنديلرينه الله طرفندن نه بيلديرلديسه اونك بر حرفى بيله اونو تقمىز ين اصحابنه بيلديرلر ويازديرلردى . ايشته بويله جه جبرائيل عليه السلامك پيغمبرلره بيلديرديكى كتابلره هپ «الله» كلاميدر . ملك سوزى ، پيغمبر سوزى دكلدر . ملكك ، پيغمبرك وظيفه سى آواده بر ايلچيله كدر . امر ويرن ، كتاب كوندرن جناب اللهدر . تلغراف چكديرن ايله تلغرافچى بوكا بر آورنه كدر .

تلغرافچى ماكنه نك باشنه او طوروب ماكنه نك طيقيرديسنى ديكهر ، بر طرفندن ده بر شيلر يازار . صكره ده باقارسكزكه اورته يه بر تلغراف چيقار . مثلا شويله اولاجق ، بويله كيده چك ديه والى طرفندن ويرلمش بر امر .. شيمدى بو امرى سزك كوزيكزك اوكونده يازان كيم ؟

— تلغرافچى .

— بك اعلا . تلغرافچى او امرى كنديلكندنمى يازدى ، يوقسه اوكا والى طرفندن

بيلديره نى وار ؟

— البته والى طرفندن بر بيلديرن اولدى ، اوده يازدى . يوقسه او امرى ، او

هر كسك عقل ايده ميه چكى بر طاقم اهميتلى شيليرى تلغرافچى كنديلكندن نصل بيلير ،

نصل یا زار؟ ایشته بو بر تمیلدر. اصل امری ویرن ، اصل پیغمبرلره کتابلری کونده رن جناب حقدر . جبرائیل آزاده بر سیددر . شیمدی کله ملکلره :

جناب حق ملکلری درلو درلو یاراتمشدر . اونلرک یارادیلشی بزم یارادیلشمزه هیچ بکنزه مز . بونک ایچون بز اونلری کورده مه یز ، نه اولدقلرینی بیله مه یز . لکن بزم کورده مه مکلمکمز دن ملکلرک اولماسی لازم کلز . چونکه بزم کورده مدیکمز ساده ملک می؟ دها نیجه شیلر وارکه هیچ برینی کورده میورز ، نیک نهسی اولدقلرینی بیله میورز . شمدی هر کورده مدیکمز شیئه یوقی دیلم؟ آئیمزله طوتامیورز ، کوزیمزله کورده میورز دیه کندنی جائزی ده می انکار ایدلم؟ انسانک جانی کوریلورمی ، نه اولدیغی بیلینورمی؟ بونک بر اورنکی ده آلکتریکدر . اوتاغرافلر ، ماکنه لر ایشاتوب بیک درلو معرفلر کوسترن الکتریکی ده کوزیمزله کورده میورز ، اونک ده نه اولدیغی بیله میورز . شیمدی قالقالم الکتریکی ده انکار می ایدلم؟

بر دنبره سوزیمی یا کلش آکلامایک . الکتریک کوریلوریا . . نهدن کوریلوردهش دیمکه قالقشمایک . اوبزم کوردیکمز ، بزم بیلدیکمز آلکتریک کندیسی دکلدر . پارلاقنی ، صیجاقلنی ، خیزی ، قوتیدر . یوقسه آلکتریکک اصل کندیسنی کورمک بزم ایچون قابل دکلدر . ایشته کورونمهن شیلرک کیمی - روح کبی ، آلکتریک کبی - بویله عقل ایله بیلینیر . کیمی ده « الله » بیلدرز .

شیمدی ای جماعت ! قرآن کریم کوستریور ، پیغمبر افندیمزده خبر ویریورکه . اللهک یاراتمش اولدیغی بر چوق ملکلر واردر . اونلرده اویله اراکملک دیشلیک یوقدره . ییمزلر ، ایچمزلر ، الله قارشنی کلزلر . دائما حقلک امرینی یرینه کتیررلر . وظیفه لری نه ایسه هپ اونلکه مشغول اولورلر . ملکلرک کیمی پیغمبرلره کوروشور ، کیمی روحلرله اوغراشیر . کیمی دنیانک ترتیبه نظارتنه قاریشیر . کیمی ده انسانلرک اطرافده دوزدولاشیر . الحاصل ؛ حق تعالی درلو درلو ملکلر یاراتمش ، هر برینی برشیئه سبب قیلمش ، قدرتی ، قوتی اونلره کوسترمشدر . ملکلرک حدینی حسابنی اللهدن باشقه کیمسه بیلمز . اونلرک ایچنده اک زیاده مرتبه سی بویوک اولانلر : جبرائیل ، عزرائیل ، میکائیل ، اسرافیل علیه السلامدر .

ایشته ای مسلمانلر ملکلزی بویله بیلک ؛ اونلره بویله اعتقاد ایدوب دها ایلری به کیمه یک . عجباً ملکلر نه ایش ، نصلمش دیه دوشونوب طورمایک . یارادان « الله » بویله



یار آتش ، ملککاری بزدن کیزله مش . بو دنیا ده بزه اونلری کو ستر مک ایسته مه مش نه ديه لم ؟ حکمتندن سؤال اولنور می ؟ نصل دیلر سه اویله یاپار . بعض مخلوقی کیزلر ، بعضیسنی کیزله مز . کیمیسنی یوزدیرر . کیمینی هوا ده اوچوریر ، کیمینی یرلر ده سوروندیرر ، کیمینی ده بویه ملک یاپار ، بر آنده یرلری کوککاری دولاشه جق بر حالده یارادیر . اوکا قارشى کوچلکمی وار ؟

بر کیمسه الله قدرت نه قوتنه ایمان ایتدکدن صکره آرتق «الله» طرفندن پیغمبرلر له ملک کلوب خبر کتیر مسنه اینانامزلق ایده مز . ایستر ملککر پیغمبرلرک کوزینه ملک قیاقیله کورونسون ، ایستر انسان قیاقیله کیرسین ده اویله کورونسین . ایستر سه هیچ کورومدن ديه جکئی دیسین . جناب حق هر درلوسنه قادر در . یاپان ، یارادان «الله» اولدقنصکره بونده اینانیمیه جق برشی یوقدر .

ملککک ککسی کیمتسی ایچون بزم بیلدی کمز کبی آدیم آتمق ، قناد آچق ده لازم دکلدیر . بر آنده بیلدیرملری ایندیرن «الله» ایستر سه بر ملککئی کوکدن یره ایندیر مز می ؟ اویله لکله پیغمبرلرینه بر طاقم سوزلر سولته مز می ؟ های های .. بر ملککی دکل میلونلر جه سنی ده ایندیرمه قادر در . ایندیرن کونده ون کیم . اولور اولوسی اولان جناب حق دکئی ؟ بتون دنیای یوقدن وار ایتسین ده ؟ بر ملک یارادوب پیغمبرینه حاشا کونده مسین . استغفر الله . اللهم بیان بویه شیلر ده هیچ شبهه دوشمز . شبهه ایدنلر هپ لایقیله دینی بیلیمه نلردر .

اما بعضی کیمسه لر دیرلر که : جانم ملککک قنادی وارمش ، یاغموری کوککدن هپ ملککر ایندیرر مش . بونلر نصل اولور ، عزرائیل بر آنده بیکرجه کشینک روحی نصل آلیر ؟

بویه ديه نلره قارشى بن دیرمه ؛ یا هو ملککک قنادی اولور سه ، یاغمورلری کوککدن ملککر ایندیرر سه نه اولور قیامتی قوپار ؟ رجا ایدرم سز ملککری نه صایورسکمز ؟ اونلری هپ اویله قنادلی قنادلی حاجی بابالر ، توکمز توسمز دلیقانلیلر ، یاخود کوزل کوزل قیزلر ، یومول یومول چوجقلمی ظن ایدیورسکمز ؟ سز انسانک روحی بر قوشه ؛ عزرائیل عایه السلامی ده اودن اوه سکر دوب طوران بر اوماجی به می بکزه تیورسکمز . صکره بزى ده ملککر ایچون بویه می اعتقاد ایتدی کمز بلله یورسکمز ؟

خایر ، خایر .. بزم اصلا اویله اعتقاد ایتدی کمز یوقدر . خرستیانلرک ملک ديه

یابدقلى رسمله بزكوله رز . اویله شیلره هیچ اهمیت ویرمه یز . بز ساده ملکلرک وارلغنه اینانیرز . بز قیاقمزده بز یارادیلشمزده بز شیلر اولدیغنه اعتقاد ایدرز . نه اولدقلىنی ، نه بکزمه دکلرینی بیله میز . بیلمکده وظیفه من دکلدر .

بونک ایچون ملکک قانادی دیر دیمز اصلا خاطریمزه قوشلرک قانادی کلز . بللی بر شیرکه هر شیک قانادی کندینه کوره اولور . البته قوش قاناديله قبو قانادی بر دکلدر . اوده قاناد بوده قاناد اما بری توکدن دیرپدن ، سیکیردن کمیکدن عبارت . اوتنه کیده آغاچدن تخمونه ، چویدن چوماقدن عبارت ... هله آنلک بابانک اولاد اوزرینه آچدیغی قانادله یل دکرمتک قانادی آرا منده دنیالر قدر فرق واردر .

ایشته انسان بورای دوشونملى ده براز انصاف ایتلی . ملکک قانادی اولونجه البته اوده کندینه کوره در . البته اویله سنک بزم بیلدیکم کبی بر قاناد دکلدر . ملکک کندینی آکلادقده شیمدی قانادینک نه دن اولدیغی آکلامق قالدی ؟ روحک نه اولدیغی اوکره ندکده ؟ ساده عزرائیل علیه السلام روحلى آلغه نصل یقشدیکنی می اوکرمتک قالدی ؟ بزدها کندیمزى آکلایه مدق . نه یک نه سی اولدیغمزى لایقيله اوکره نمک . زده قالدی که روحله ملکلر ! .

انسان آزیحق انصاف ایتلی ؛ جناب حق ملکلرله کوک کورله در یاغمور یاغیررسه ، بو دنیانک دوزهنی اونلرله اداره ایتدیررسه بوندن ده آکلاملى که ملکلر اویله بیکلرکل ؛ بز عقلمزک فکریمزک ایره میه جکی بر طاقم عجایب شیلردر . بر آنده بیکلرجه انسانک اجلی کلوب روحلى عزرائیل علیه السلام قبض ایدرسه بوندن ده آکلاملى که : روح ده عزرائیل ده اویله بز آکلایه بیله جکمز شیلردن دکلدر . روح ؛ اللهک بر سریدر . ملکلرده اورته ده برر سبیدر . کچن کون دیدیکم کبی « الله » قدرتی قوتی اونلرله کوسترمشدر . ایشته او قدر . . اما جناب حق دیله سیدی ملکلری قاریدیرمادنده بو دنیایه بو نظامی ویرردی . آرایه هیچ جبرائیل قوممادنده پیغمبرلرینه بیلدیره جکنی بیلدیرردی . لکن بونک بویله اولیشنده نیجه حکمتلر واردر .

ای جماعت باقیک بورایه قدر دنیامزى دوشونرک مولامزى طانیدق . بو عالمه نه کلدیکمزی آکلادق . پیغمبرله ؛ کتابلره ؛ ملکلره نصل اینانه جغمزى اوکره ندک . آرتق صیره اوتنه کی دنیایه کلدی . ایسترایسته من بر آزده اورادن بحث ایدم . انسانلرکوزلری یومولونجه نه اولیورلر ، نه حاله کرییورلر . آزیحق ده بونلری سویله یلم .



شیمدی ای جماعت هپ بیلورز؛ هپ کوریورزکه اولوم کلنجه انسانی آلوب  
توریور؛ صانکه بو دنیاه هیچ کلهمش کبی بر حاله کتریور. او انسانی قوشوب  
کزیره ن جان کیدنجه جسد صوبی چکلمش ذکرمن کبی قالیور. صکره کیت کیده اویله  
بر قیلغه کیریورکه آرتق اونی مزاردن باشقه بر یر پاکله یه میور.

بر وقتلر؛ کللر چیچکلر کبی اولان انسانک وجودی اوراده شیشیور قورتلانیور؛  
ده شلوب داغلیور. اک صوکنده اریور چوریور؛ طوراغه قاریشوب کیدیور. لکن  
اونوتماملی که بو حاله کلن هپ انسانک جسدیدر، بدنیدر. یوقسه جان، روحه برشی  
اولماز. اوطوبراقدن کلمدی که ینه طوراغه کیتسین. اونک عالمی باشقه در. انسانک روحی  
طبقی وطنندن اوزاق دوشمش برغریبه بکزر. روحک الله اولوب اولاجق برآتی،  
برینه جکی واردر که اوده بدنیدر وجودیدر. او اوکا بر نعمت در. بو نعمت الله ایکن  
قدرینی بیلرده کندی غربت ایلندن؛ تهله کله ی قورقونج یرلردن قورتاروب وطنه؛  
جنته؛ اصل کندی عالنه دونه بیلیرسه نه اعلا. یوق اکر یوللرده اکله نوب حایلزلق  
ایدرسه؛ الله کی آتینی قایدیروب یاری یولده قالاجق اولورسه وای اونک باشنه کله جکلره!  
ایشته اصل یکیتلک جان تنده ایکن؛ فرصت الله ایکن یول آلوب جنته یاقلاشمقده در.  
اصل معرفت عادیلکی؛ بیاغلی بر اقوب ملک لشمکده در. برانسان فناقلردن نقدر اوزاق  
اولورسه مرتبه می ده او قدر آرتار؛ الله ده او قدر یقین اولور. بر آمده فسالغه نقدر  
چوق دالارسه الله رحمتدن او قدر اوزاق اولور.

ایشته نعوذبالله بویله فنا آدملر اولنجه باشلار روحلری صیقلمه. اولوم هر نقدر  
روحی بدنندن آیررسده ینه آراده کی ایلشیک کسيلمز. روح ینه جسدک اوزینه  
تیرره طور. ساده النی آغانی قیلمداتامز. اویله اسکیزی کبی قالبه حکمی کچه مز.  
کچه مز اما اوسوکیلی وجودینک نه اولدیفنی نه حاله کیردیکنی هپ کورر بیلیر. اینملی  
آدملر کبی هیچ برشیته کوچی یته مز؛ کمدینه اصلا قوماندا ایده مز. . . امان یاربی!  
نه زورش! او یان او یانامزسک قالق قالمزسک؛ ایده مزسک. . .

ایشته ایلک صیقتی؛ ایلک عذاب بورادن باشلار. روح باقارکه اوقیمتلی وجودینی  
طوتیورلر قالدیریورلر. بو آدهمه بواوک، بوباقک صاحبیدر دیموب آییورلر؛ کوتوریورلر.  
اونی سوکیلی اولاندن عیالندن زورله آیریورلر. تابوت؛ تهنشیر؛ کفن؛ مزار. . .  
آه هپ بونلر روحک هیچ سومدیکی هیچ خوشالنامدیفنی شیلر. هپسی صوغوق؛

هېمى قورقونچ . هله اومزار يوقى ؟ او هېسندن بتر . بر كره دارمى دار . قراكلقمى قراكلق . يالكىزمى يالكىز . هېچ بويله بى انسانك روحى سورمى ؟ روح ديدىكك هې كنىش ؟ فرح يرلر ايستر . دائما آچىق آيدىنلق يرلردن خوشلانير . دائما اشله دوستله دوشوب قالمق آرزو ايدر . او اويله كورمش ؛ اويله يرله آليشمش . شيمدى بو مزارده نه ياپسين . بوبلايه نصل تحمل ايتسين ؟

ايشته كوكلىرى الله قارشى قاپالى اولان فنا كيمسه لر بويله جه اولومك ، آيرىلغك آجيلرني بربرر كوره رك طاهر ق كندىنى مزارده بولونجه قورقار ؛ صيقاير ؛ بونالير ؛ بىك درلو عذابلر چكر . بونلر يتشميورمش كى برده صورغويه سؤاله چكىلير . باشلار برطاقم عذاب مدكلىرى كورونمكه . اونلر اوكا صورارلر : آغامىسك افندىمىسك بكمىسك باشامىسك هر نه ايسه ؟ كل سويله باقلم سنك ربك كيمدر ؟ نه دين طوتدك ؛ هانكى بىغمبره اويدك . كتابك نه در ؛ قبهك نره سيدر . نه سك نه متلدنسك ؟ « ديرلر .

دينمزلر ؛ صايقلر اوزمان شاشروب قاليرلر . نه جواب ويره جكلر ؟ . كيمى مولاسنى بر اقوب شيطانه طامش . هې اونك ديدىكنى يامش . كيمى پارهيه طامش پاره ايجون هر شىئى آياق آلتنه آمش . كيمى ده اللهنى طانيامش . دنيا ده ايكن هر شىئى بيلمش ، هر شىئه عقل ايرديرمش ده مولاسنه كلنجه ذهنى قاپامش ؛ قفاسى قالينلاشمش . ده طوغرىسى كندىنى دوشونديرمه مش . ياخود دوشونمك ايشنه كله مش . ايشته اووقت بونلر ك هېسك باشى طاشه ده كوب پشيمان اولورلر اما اوپشيمانلق بونلرى عذابدن قورتارماز . بلانك برندن قورتولوب برينه طوتولورلر . نرده برخويلانوب خوشلانمىقلرى شيلر وارسه هېسنى كندىلرينه اوشوشمش كوررلر . فنا سسلر ايشيديرلر ، فنا قوقولر طويارلر . دنيا ده يادىقلرى فناقلرده هې قارشيلرينه چيقار . بو ده اونلرى بسبتون صيقار . بىك درلو محنت مشقت چكرك قيامته قدر اويله قاليرلر .

اما ايبىلر اللهك اميرنى طوتوب بىغمبرك كوستردىكى يوله كيدنلر ؛ اونلر هېچ اولوم آيرىلق آجيسى چكميزلر . قبر عذابى كورمزلر .

الله اونلره او آجيلرى صيقينلىرى دويورمزر . او قورقونچ شيلرى كوسترمز . اونلر ك روحنه جناب حق برنشئه برلذت ويرر . برطاقم اى ايشلر كوستره رك ، كوزل سسلر ، كوزل قوقولر دويوره رق اونلرى طائلى بر او يقويه طالديرر . وجود مزارده ياتار ، لكن روح هې جنتلر سيرايدكه صفاسنه باقار . اويله لرينه كوره اولومك ، آيرىلغك نه اهميتى اولور .



ایشته مسلمانلر! بیلیمش اولك كه انسانلرك بویه جه یایی یافنا اوله رق کچیر، جکی عالم؛ دنیا ایله آخرت آره سنده برشیدر. بو بردفعه دنیا دکادر. چونکه اولوم کنججه دنیا بستر کیدر. تام آخرت ده دکادر، زیرا دها قیامت قومامش. . نه دنیا، نه آخرت. اویله ایکسی اورنه سی برشی. بونک قبر عذابى تماميله آخرت عذابنه بکنزه مز. آخرتده جزا کوره جک؛ هم روحدر هم جسددر. لکن قبرده اصل عذاب چکه جک روحدر. بو بویه اولدیغندن اولولرك چکدیکنی دیریلر کوروب آکلایه مزلر.

آغلر! بیلیرمیسکیز بو طبقى قورقونج رؤیا کورنله یاننده اویانیق اوطوران کیمسه به بکزر. بعضاً انسان قورقولى رؤیا کورر. بریرلردن دوشر، برشیلردن قورقار. قاچق ایستر قاچماز، ایده مز. نهلردن، نه عذابلردن صکره کوچ حال ایله اویانوب اوصیقیتیدن قورتولور. شیمدی سزه صورارم! او آدم بورؤیانی کوررکن، مثلاً اورؤیاده کی بیانلرك عقربلرك بلاسنی چکرکن یاننده بولمانلر برشی کوره بیاموررمی؟ کوره میورلر. کوره میورلر اما او اویویان آدم کوریور، اونک جانی یانیوریا. اصل سز اوکا باقک! باشقه سنک کورمه مسندن اوکا برفانده یوقدر. ایشته قبر عذابى هر کسک کورمه سى ده بوکا بکزر. باشقه لری وارسین کورمه سین، آکلایه ماسین. عذابى چکن چکیوریا، اویتمز توکنمز بیك درلو صیقیتیلری کچیریوریا. اونی اوزوب اوزوب بونالتمق ایچون بوقدری یتیشیر. باشقه لری ها کورمش، ها کورمه مش. اونجه ایکسی ده بردر.

صاقین سز سوزیمی یا ککش آکلایوبده: آدم قبر عذابى رؤیا کی برشیمش، دیه اهمیت ویرمه مزلك ایتیهك! بن؛ اولولرك عذابى دیریلرك کورمه مسنه رؤیایی اورنهك طوتیورم، ایجه آکلایه سکیز دیه سزه اونکه تمیل کتیریورم. یوقسه قبر عذابنه حاشا اهمیت ویرمه مزلك ایتیورم. همان ربم جمله مزى اویله قورقولر کورمیوب عذاب چکمه یین قوللردن ایله.

شیمدی ای جماعت! دنیا ایله آخرت آره سنی برآز آکلادق. انسانلر اولور اولمز همان طوغری جنته، یاخود طوغری جهنمه کیتمدیکنی اوکرنک. آرتق برآزده آخرتدن قیامتدن بحث ایده لم.

آغلر بیلیمش اولیک که؛ آخرت کوننه ایسانه میانلر، اولد کدنصکره تکرار دیرلمکی بر درلو ذهنته صغیدرامیانلر هپ نفوذ بالله الهی بیلیمه فلردر. الله طانیان کیمسه آخرت کوننه فصل اینانیر؟ البته ایسانه ماز. البته اولد کدنصکره دیرلمکی ذهنته صغیدراماز.

۱. به لری ایچون آخرت لافنی براقوب سوزه باشند باشلامق یعنی هر شیدن اول اولنره  
الاهی طایتمق لازمدر. چونکه مولاسنی طانیان آخرتی انکارایده مز. حتی پیغمبر کله مش  
بیله اولسه ینه کندی کنیدینه عقل ایدرک آخرتی آزچوق بوله بیایر. اما البته پیغمبر لرك  
خبر ویردیکی قدر بیله مز.

بلکه دویمش لغکز واردر: برکون پیغمبر افندی مژك دده سی «عبدالمطلب» حضرت تدرینه  
شام طرفلر نده بولان پك ظالم بر کیمسه نك اولدیکنی خبر ویرلر. او وقت او ذات  
شریف صورار: بو حریف عجبا نه حالده اولمش؛ بلاسنی بولمشمی، او یابدق لرینك  
ایتدکلرینك جزاسنی کورمشمی؟ «دیر. خایر، دیرلر. هپ اویله بیلدیکنز کبی جان  
یاقهرق، اویقه رق، ذوق و صفا سورده رك اولمش کیمش دیرلر. بو سوزی دونهجه  
«عبدالمطلب» حضرت لری صقالینی الله آله رق دوشونور، دوشونورده: چوجقلر! دیر.  
بیلمش اولیک که بو عالم دن بشقه بر عالم دها اولاجق! چونکه «الله» عادلر؛ کیمسه نك  
حقق کیمسه ده بر اقامز. لکن اشته بو ظالم حریفده هر کسك حقق قالدی کیتدی. اکر  
بو بوقدرسه، بو آدامك اولسیله هر شی اولدی بیتدی ایسه؛ بونجه مظلومك حقق نه  
اولاجق؟ صکره اللهك عدالتی زرده قالیر؟ دیمك بو دنیادن بشقه بر عالم دها وارکه  
حقق حقق اوراده آلا جقدر. هر کس ایتدیکنك جزاسنی اوراده چکه جکدر. «دیه رك  
عقلیه بولوب آخرته ایمان ایدر.

بو سوز اولدینی وقت حضرت عیسا دن صکره پیغمبر کلیه لی بشیوز سنه دن فضله اولمش،  
اورته لق دینسزك ایچنده قالمشدی. شیمدی حمد اولسون ایش بشقه لاشمشدر. قرآن کریم  
کلش، آخر زمان پیغمبری ذهنلریمزی آچوب دنیا مزی، آخرتیمزی بیلدیرمشدر. اوتق  
بز مسلمانلر عقلمزله بولیورز، دینمزدن ده اوکره نوب ایمان ایدیورز که: انسان اولمکله  
قورنولماز. طوپراغه کیرمکله آدامك ایتدیکی یانه کار قالماز. بونیادن بشقه برده آخرت  
کونی واردر. بوراده یاییلان؛ ایدیلن شیلرك بتون حسابی اوراده کوریه جکدر. دنیاده  
کیزله نه ن قباحترلر هپ اوراده میدانه چیمه جق؛ هر کس ایتدیکنك جزاسنی چکه جکدر،  
حقق حقق آله جق؛ کیمسه نك حقق کیمسه ده قالمیه جقدر.

«الله» طانیوب پیغمبر سوزی طوتانلر؛ ایمانی قورتاروب حسابی کوزجله ویره نلر  
جنته کیده جك. تبیلر کنه کارلر ایمانسزلرده جهنمی بویلایه جقدر. جنتده انسان نه ایسترسه؟



نه ارزولرسه بولاجق ؛ هر شی هپ کوکلنه کوره اولاجقدور . جنته کیردکدن صوکره  
آرتق نه اولوم واردر ؛ نده بردها اورادن چیقماق .

ایشته جنت نه قدر انسانک کیفنه کوره ایسه جهنمه او قدر انسانک خوشلامیه جفی  
بر ردر . اورده آتش واردر . عذاب واردر . نرده انسانی صیقوب بوناته جق فناشیلر  
وارسه هپسی جهنمه موجوددر . کنهکارلر اوراده کنههلری قدر عذاب چکدکنصکره  
چیقارلر . لکن نعوذبالله ایمانمنز کیدنلرده جهنمه تمللی قالیرلر . اونلرده نه اولوم واردر ؛  
نده اورادن قورتولوش ...

شیمدی رجا ایدرم بونده اینانلیه جق نه واردر ؟ بو دیدکلره اولیه جق بر شیمیدر ؟  
حاشا جناب اللهک کوچی بونلره یتیمی ؟ هر بر ذره سنده بیك حکمت اولان بو قوجه  
دنیا بی الله هیچ یوقدن وار ایدرده انسانلری اولدکنصکره بر دها دیرلته مزمی . اونلره  
بو دنیادن بشقه بر عالم دها کوستره مزمی ؟ جهان یاراتماق ، بیکارجه عالم وجوده کتیرمک  
اوکا کوره کوچ بر شیمیدر ؟

ای آخرتی انکار ایدهلر ! عجبا سز حق تعالی حضرتلری نه صانیورسکمز ؟ بر شی  
یاراتماق ایچون حاشا اولیه بزم کبی صیوانوب چالشمغه می محتاجدر ظن ایدیورسکمز ؟  
« الله » دینانجه عجبا کوزیکیزک اوکنه نه کلیمورکه اوکا باقیورسکمزده : اولاماز ، بو الله  
بزی اولدکنصکره بردها دیرلته مز « دیورسکمز ؟

انسان کوزینک اوکنه عقلنک ایره بیله جکی بر شی کتیررده اونی الله دیه اعتقاد ایدرسه  
البته یا کیلیر ؛ البته آخرتی ده ، هر شی ده انکار ایتمهک قالدشیر . اما حد اولسون بزبویه  
دکلز . بزبویه کوزیمزک اوکنه اللهی کتیره مز . جناب حق حاشا هیچ بر شیته بکیزته مز .  
بزبیلیرز اینانیرزکه « الله » واردر ، برذر . اصلا اشی مانندی یوقدر . یاراتیر یوقدن وار  
ایدر ، هر شیته کوچی یت . دنیا بی قورار ؟ انسانلری میدان کتیرر . یاشانیر ، اولدیرر ،  
ینه دیریلیر . جنته قویار ، جهنمه آتار ، نصل ایسترسه اولیه یاپار . ایشته بزبویه اعتقاد  
ایتدیکمز ایچون اللهک قدرتی انسانلرک کوچیله قوتیله اولچمهک قالمیورز . اولدکنصکره  
انسانلر نصل اولورده دیریلیر ، نصل اولورده مزاردن چیقاریلوب محشره دوکیلیر دیه  
شاشوب قالمیورز .

ای اولدکنصکره دیرلمکی ذهننه صیغدیرامیانلر ! نه اولور کلپک سزده بر آز بزم کبی

دوشونيك ؟ ! سزده براز كنديكزى شويله كوزلجه دوشونديريك ! بايكت بو دنيايه نصل  
 كمشز ، بو كورتونك ايچنه نصل دوشمشز ؟ اصل بو شاشوب قالينه حق شى دكيدر ؟  
 دوشونسه كزه بر كرد ياهو ! سز اولى نه ايديكز ، بايكت شيمدى نه اولديكز ؟ ..  
 سز اسكيدن كوچكديكز ، چوجقديكز . آنا قارنده شو ايديكز ، بو ايديكز . دها  
 اوتيهسى آرانه حق اولسه تارلاده آرپه ايديكز ، بوغداى ايديكز . دها اولده صوايه  
 طوپراق آره سنده بر شيلرديكز . اوزمان رجا ايدرم سزه سز دينه جاك بر حالده مى  
 ايديكز ؟ بايكت شيمدى « الله » نه ياپدى ، سزى نه حاله كيتيردى ! بوى بوس ، قالب  
 قيافت ، عقل فېكر ، دهانه لرنه لر .. اوللرى بر صولولجان قدرا ولا مزديكز . شيمدى باصديغكز  
 يرلر تيتيره يور . بوكا ، بو حالكيزه نيه شاشميورسكيز . نيچون : خاير اولاماز ، بز چموردن  
 بو حاله كله . يز ، ديمكه قالششميورسكيز ؟ نصل قالششه جقسكيز . ايش ميدانده . كيزلى  
 قاپاقلى دكل . بر طرفدن آرقهسى كلوب دور ييور . كوز بكزك او كنده بيكر جهمى دنيايه  
 كلوب سز لر كي بر انسان اولييور . ايشته انسانلر بويه جه يوق ايكن وار اولدقلى كي ؛  
 وار ايكن ده يوق اولييور لر . كونك برنده يته كلكلى يره دونيور لر : تارلادن كليور لر ،  
 تارلايه كيدييور لر . بر مزاردن بر مزاره .. بر قره طوپراقدن بر قره طوپراغه . ايشته  
 صكره تكرار طوپراقدن چيقوب ديريله جكار ، بر بشقه عالمه قاريشه جقلر .. امانصل  
 چيقه جقلر ، او عالمه نصل قاريشه جقلر ؟ اوراسى بزه لازم دكلدر . نصل اولورسه اولسون  
 چيقاراجق « الله » چيقار ير . بو دنيايه بويه آنادن دوغدير . اوبر دنيايه ده دها بر بشقه  
 درلو ميدانه كيتير . آرق او كندينك بيله چكى بر شيدر . بزه دوشه ن آخرت كونه  
 اينانمقدن عبادتدر . بو بويه .. بر آزده قيامته ، محشر كونندن بحث ايدم لم .

شمدى اى جماعت ؟ هپ كوروب دور ييور زكه اجلى كلنلر بر طرفدن اولوب كيدييور .  
 بر طرفدن ده چوجقلر دنيايه كلوب اولنلرك يرني طوتيور . بويه بويه هر كس جهانده  
 بر دفعه بوى كوستره رك نوبتى صاوب صاوشيور . لكن بو هپ بويه كيتمز . بر كون  
 اولور بو دنيايه ده بر صوكى كلير . قيامت قوباز ، بو ترتيب بوزولور . ير نندن اوينايوب  
 هر شى آلت اوست اولور . ير كوك بر يرينه قاتيلير . طاغلر حلاج باموغى كې هوايه آتيلير .  
 نه دن نه لر دن صكره عالم بر باشقه عالم اولور . ترتيب ، نظامى باشقه درلو قورولور . دير كن  
 انسانلر برده كوزلرني آچارلر باقارلر كه نه باقىفلر : دنيا دكشمش ، ايش باشقه لاشمش .  
 نه ير شيمديكى يره بكز نه ده كوك .. هپسنده بر باشقه لى ، هپسنده بر باشقه درلوك وار .



ایشته محشر او دقیقه دن باشلار . آرتق وار سیرایت آنا بابا کوننی . . دنیا قورلدی .  
 قورولالی نقدر انسان گلش کچمش سه هپمی اوراده . . هیچ قاجوب قورتولان یوق .  
 پیغمبرلردن طوتده فرعونه ، نمروده وارنجه هپمی اوراده موجود هر کس اوزاقدن  
 یقیندن بر برینی کوره جک ، بر برینی طانیه جق . لیکن کیمسه دن کیمسه یه برمدداولمیه جق .  
 هر کس کندی دردینه دوشمش ، هر کس کندی باشندن عاجز . اوصرده انسان ،  
 احباب دکل ، باباسنک اوغلی بیله اولسه ینه باشنی چوروب باقاماز . او کونکی کونده  
 انسانک کوزینه نه آنا کورونور نه بابا ، نه ده چولق چوجق . ساده نفسی نفسی . هیچ  
 باشقه بر شی دوشوننه یوق . محشر بو ؛ لاف دکل .

اوقدر خلق قاینشوب دورر . کیمسه بر یرده قرار ایده منر . هر کسده بر تلاش ، بر  
 حلجاندر کیدر . بر طرفدن قورقو ، صیقنتی انسانلری بسبتون بریشان ایدر . غایهلق  
 اوقدر چوق وخلق اودرجه صیقشمش که بر آیاق اوستنده بیک بر آیاق . هانی شویله ایکنه  
 آتاسه یره دوشمنر . آغلایان کیم ، باغران کیم ، آیاقلر آلتنده ازیلوب قالان کیم . مددالله .  
 باقارسک بر مظلوم بر ظالمک یقاسنه باشمش سوروکلر ، طارطاقلار طورر . اوایتدیکندن  
 اوتانانلر ، عالمک کوزینه کورونه مک ایچون صاقلانه جق دلیک آریانلرمی دیرسک بیکی  
 بر پاره یه . اوتانلیه جق کی دکل که :

دنیا ده کیزلی طوتولوب بللی ایدلمیهن قصورلر قباحترلر هپ میدانه چیقمش . هر کسک  
 بویاسی بتون طیشنه اورمش . هر کسک صوچی صوراته یازمش . انسان دنیا ده ایله  
 مشغول اولمشه اونکله حشر اولمش . بو آرز شیمیدر ؟ بر آدام بر قباحتی یاپدینی حالیه  
 اورته یه چیقاریلوب عالمه اعلان ایدیله جک اولسه نه اولور ، نه حاله کیردر . اونک ایچون  
 اولمک ، یوره کنه اینک بر شیمیدر عجبا . اوله سنک عارندن حجابندن یوزینک دویلی  
 اترلی دوکله یری یوقیدر ؟

ایشته بونلر هپ اولاجق ، پیغمبرلرک بتون دیدکاری اُک صوکنده یرینی بولاجقدر .  
 هر کس لایق اولدینی قیلغه قیافته کیره جکدر . باقرسکز نمودبالا کیمک صورتاتی مایمون  
 صوراته دونمش ، کیمک صورتاتی خنزیر صوراته دونمش . اما ینه کیم اولدینی بللی .  
 عجایب بر حال ؟ . فتنه جیلک ایدوب خاخی بر برینه دوشوره نلرک دیلیری اُکسه لرندن چکله مش .  
 بیدکلری سلنهک حدی حسابی یوق . حرام بییه نلر ، عالمک حقنی بو عازینه کچیره نلر ؛ اونلر ده  
 جیلدیرمش کی اُتیه بهری یه قوشوب دوررلر . او چالوب چیرپدقلری پاره لرک هر بری

پر آتش اولمش وجودلریته یاشمش . نه یاپاجقلرینی بیلملزلر . ایچلری یانار طوتوشور ،  
اغزلرندن آتشلر دوکیلور .

ایشته ای جماعت ! بونک کبی دها نیجه بیک درلو مختلر مشقتلر ایجریسنده مختلر  
اهالیسی برزمان بویه چالقانیر دورر . نه دنصکره حساب کتاب ، صورغو سؤال باشلار .  
برطاقم کتابلر دفترلر میدانه چیقار . انسانک ایملکدن ، کوتولکدن یانا نه سی ، نه سرمایه سی  
وارسه هپ یازلمش ، هپسی دفتر ایملش . بر دانه نقصانی یوق . حق تعالی حضرتلری هر  
کسک دنیا ده نه یابوب نه ایشله دیکنی ملکله مخصوص یازدیرمش . کیمسه لام جمیعده مک  
ایچون محشرده بونلر هپ اورته یه قونور . ایملک کوتولک عالمه قارشی ترازیه اورولوب  
طارتیلیر . کیزلی قاپاقلی بر شی قالماز . هر کسک نه مال اولدینی میدانه چیقار .

بونک بویه اولوشنده کی حکمت بویوکدر . چونکه محشرک کورلنسی انسانک عقلنی  
باشندن آلوب ذهنتده نه وار نه یوق هپسی اونوتدیرر . بونک ایچون انسانلر بونالدجه :  
جام ندر بو بلار ؟ بز نه یایدق که بز یوقدر صیقوب جندره لره قویبورلر ؟ آرتق بو  
قدری ده فضله در .. « کبی سوزلره قالدیشیرلر . ایشته او وقت طاشی کدیکنه بو کتابلر  
قویه جق ، اولره جوابی بونلر ویرم جکدر . هر کس کندی کتابنه باقیجه ای کوتوهر نه  
عملی وارسه هپسی خاطر لایه جق ، هپسی برر برر کوزی اوکنه کله جکدر . او وقت  
هر کس یایدیغندن اوتانه رق باشی اوکنه ایکه جک ، یر یاراسه یره کچمکی جانه منت بيله جکدر .  
ایشته اوزمان بتون انسانک وجودی قولاق کیلوب ، باشلایه جق الله کلامنی ایشتمکه .  
او کونکی کونده جناب حق هر کسله ایله چیسز ، ترجانسز قونوشه جو ، هر کسه لایغه  
کوره آجی طاتلی سوز سوبیله جکدر . الله کلامی عاصیلره دینسزلره اولیه سدتلی کله جک که  
اونک یاننده محشرک صیقتیسی هیچ قالا جق . الله ذوالجلال اولره بتون عظمتیله خطاب  
ایدوب بیوره جق :

ای قولم کل باقلم ! بونه کلیمشدر ، بونه حال !؟ سن نه قلیغه کیرمشسک ، نه صفت  
یاغلامشسک ؟ بن سنی بویه می یاراتدم ، دنیا ده بو حالده می کزدیردم ؟ سزی بن ایپکدر  
چیچکدر کبی یاراتدم . عقل ویردم فکر ویردم . ملکری بيله سزه سجده ایتمدیردم .  
سزک یوزیکزدن شیطان لعتلهدم . یرده کوکده نه وارسه هپسی سزه خدمتکار آیلهدم .  
سزی بو قدرلده براتمدم . پیغمبرلر کتابلر کوندردم . دوغری یولار کوستردم . بونجه  
فعمته ، بونجه عزته اکرامه قارشی سن نه یایدک ، نه ایشلدک باقیم ؟ قوجه دنیا ده کی قازانجک



یومی، بوپس مردار کناهلردن عبارت می؟ بن سنی دنیا به بونلری قازانسین دیه می چقاردم  
او بوی بوی بوسی، او کوچی قوتی عالمک مائه جاننه، عرضنه ناموسنه کوز دیکسین  
دیه می ویردم. هانی نمازلر نیازلر، هانی ایی حاللر کوزل خویلر؟ بونلرک هیچ برندن  
سندھ اثر یوق. یازیقئر اولسون. سنک لایغک بومی ایدی؟ مایکلر سکا بونک ایچونمی  
سجده ایتدیلر؟ کیت هایدی بلاکی بول، جزا کی چک !.

آغالر! دوشونک بر کره؛ مولاسندن بوپایی بو آزادی ایشیدن آدام نه اولور، نه حاله  
کیره؟ امان یاربی آرتق او آدم بکا قالیرسه مطلقا آریر، آقار کیدرده جزا کورمک ایچون  
ینه یکیدن یارادیلیر. چونکه بو سوزلره انسان طاشدن، ده میردن اولسه ینه دایانه مز.  
شیمدی ای جماعت! بیلمش اولک که محشرک بو صیققتیلری بو اوزونتیلری هپ  
کنه کارلره، عاصیلره، نعوذبالله ایمانسر کیدنلره در. یوقسه الهنی، پیغمبرلری بیلوب  
دینک کوستردیکی یولی طوتانلر، حق حقوق طانیوب دائما اییلکدرده بولانلر کندیلری  
محشرده بولونجه؛ اولیه باشقهلری کبی آفاق آلتنده قالمازلر. عزت اکرام کوروب طاتلی  
دیل کوله ر یوزله قارشیلانیرلر. عرش اعلانک آلتنده اوطوروب محشری سیر ایدرلر.  
خفیف قولای بر حسابدن صکره هان جننه کیدیویرلر. شهیدلره، دها بر طاقم کندی  
اللهه چوق سودیره نلره نه صورغو نه سؤال، نه صراط نه میزان، دوغری جنت.

ایشته بزمسلمانلر هپ بونلره اینانوب ایمان ایدیوروز. بونلرک هیچ برنی اللهه قارشی  
حاشا کوچ بولیوروز. ذاتاً دنیا یارادیلوب ده بو شیمدیکي حاله کلنجیه قدر نلر اولمش،  
نه قلیقلره کیرمش، نیجه زلزله لر کچیرمش؛ نه قیامتلدن صکره بو قوامه کش. دنیایی  
هیچ یوقدن یارادوب بو حاله کتیره ن الله؛ دنیانک باشنه برقیامت قوبارامازمی؟ طاغلری  
طاشلری اون اوراق ایدوب هوا به صاوورامازمی؟ اللهک قدرتنه قوتنه قارشی طاغک  
طاشک، دنیانک آخرتک، محشرک میزانک نه اهمیتی اولور. الله اولیه بر اللهدرکه بر آنده  
جهانی محو ایدوب یکی باشند خلق ایدرده بوندن کندیسنه اصلا بر قوتور کلز. محشر  
قوروب خاکی حسابه چکمک اللهه کوره هیچدر هیچ !. جناب حق بر لحظه ایچریسنده  
بتون محشر اهالیسنی بدن حسابه چکره هپسمله آری آری قونوشور. هر کس ده ساده  
کندی حسابه چکلمش صانیر، جناب حق ساده کندیسیله قونوشیور ظن ایدره او بر  
لحظه هر کسک حاله کوره دکیشیر، عاصیلره، نعوذبالله ایمانسرلره کوره بیکلرجه سنه لر  
قدر اوزون کلیر. بر زمانک اوزامسی قیصالمسی کیمه قارشیدر، بر کشی ایله قونوشور

ایکن باشقه سیله قونوشاماق کیمه کوره در ؟ انسان هیچ اونو تاملی که هپ بونلر بزه کوره در . یوقسه اللهه کوره نه زمان واردر ، نه مکان ؟ نه ده بر کو چکلک . آغالر ؟ هر وقت سویلیورم ینه سویلیه یمکه دینک دیدیکی بوگی شیلره اینانماق هپ اللهی بیلمه مکدن ایلری کلیر . اللهی سلیمین آدم بویم دیدکیریمه کوله بر درلو اینانه ماز . اوبله لرینه میزاندن صراطدن دم اورمق بوشنه در . اصل اونلره ایلک اوجکه اللهی طایتمق لازمه در .  
اللهی بیلن هیچ شبهه دوشمز ، بونلرک هپسنه ایمان ایدر ..

شیمدی کله قیامتک نه زمان اولاجغه ! قیامت قیامت دیورز . عجبای قیامت نه وقت قوپاجق ؟ زمانی یقبنمیدر ، اوزاقیدر . بونک ایچون چوق لافلر اولور ، بر طاقم دیدی قودیلر ایشیدیلر . بن سزه بونک اُک دوغریسنی سویلیوب لافی قیصه کسه جکم .

ای جماعت بیامش اولک که : قیامتک نه وقت قوپاجقنی اللهدن باشقه کیمسه جکلر بیلهمز . پیغمبر افندیمز ساهه دنیانک کچن زمانی قالان زمانندن چوق اولدیغنی بیلدیرمشدر . یوقسه شوقدر سنه صکره قیامت قوپاجقدردیه ، نه کیزلی نه آشکار هیچ برشی بیورمه مشدر . بوسوزم سزک قولاغکزه کوپه اولسون . اکر : پیغمبر افندیمز قیامتک وقتنی بیلدیردی » دیرلرسه اونی سزه سویلیهن یلانجیدر اینانمایک . اما ایشته پیغمبر افندیمز قیامته آزالدیغنی خبر ویرمشیا .. » دیه جکسکیز . آغالر رجا ایدرم سوزیمی یا کلش آکلماک ! پیغمبر افندیمزک بیلدیردیکنه کوره دنیانک قالان زمانی کچن زمانندن آذرر . آذرر اما کچنه کوره آذرر یا کچن سنه لر بر ملیوندرده قالانی اوج یوزبیک سنه ایسه ؟ کچن سنه لری سن بکا صای . بن ده سکا قالان سنه لری سویلیهم . نه سن کچن سنه لرک صایدیسنی بیلیرسک ، نه ده بن قالان سنه لرک صایدیسنی بیلیرم . اونی اللهدن باشقه سی بیلمز . ایشته بوقدر .. اما قیامتک علامتلی ؟ اوباشقه . قیامتک کوچوک بیوک بر طاقم علامتلی واردر . لیکن قیامت علامتلرندن بری ده حضرت آدمک یارادلمسیدر دینلور . بوکا نه دیه جکیز ؟ ایسی می ای آغالر سز ایشکیزی کوچکیزی بر اقوبده قیامتک وقتنی حساب ایتمه قالقشماک . وقتنی ساعتی کنجه دنیانک قیامتی قوپار ، اونک حسابی سزدن هیچ صوران اولماز . سز اصل کندی باشکیزک قیامتنه باقک که او پک یقیندر . بلکه آقشامه صباحه ، بلکه ده برایکی دقیقه صکره در . ایشته انسان اصل بونی دوشونوب اکا کوره داوراملی . کندینک باشی اوجنده دونوب دولاشان اولومی ، قزیلجه قیامتی دوشونوب ده دنیانک قیامتی حساب ایتک هیچ دوغری دکدر .



شیمدی کله لم محشرک صوکنه ..

ای جماعت! محشرده هر کسک حسابی کتابی کوردولوب جنتلکدر عزت اکرام ایچیریسنده جنته کچوب کیدنجه جهنملکدر بونلرک آرقه سندن بیونلریخی بوکوب باقا قالیرلر . صکره عذاب لملکدری باشلارلر اولری ایته قاقه صراط کوپریسنه دوغرو سورمهک .. جنته کیدنلر تقدیر نازلی نعیم ایسه بونلرده اوقدر خور ختیردر ، نه بر بونلرک یوزینه باقان اولور ، نه ده یالواروب یاقارمه لرینه قولاق ویرن بولنور . چونکه آرتق هپ حسابلر کوردلر ، هر کس ایجه اوکرندی که — قادینی اولسون اُرکیکی اولسون — بونلرک هیچ بری آجینه جق بر مخلوق دکلدر . سرخوشلق قاربازلوق ، خرسزلوق دوزه نیازلق بونلرده ، یلانخیلق افترا جیلوق ، ناموسسزلوق حیاسزلوق بونلرده .. اشقیالوق حرامیلک می دیرسک هپسی مکمل .

عجبا دنیا ده بونلرک یامادقلری بر فاللق قالمشی؟ نه آناه نه بابا بونلرله باشه چیقاییلمش ، نه ده حکومت . هر بری بر آفت . هانی شویله هیچ برینک الله ایچون ایی بر جهتی یوق . بوسبیدن کیمسه اونلره آجیایور . کیمسه اونلرک یوزینه باقیبور . البته اولیلرلی بویله اولور . اونلر اوقئالقلری اوغدارلقلری یاپارکن هیچ کیمسه یه آجیورلر میدی ، هیچ کیمسه یه ذره قدر انصاف مرحمت ایدیورلر میدی ؟ ایشته الله ده آدمی صکره بویله یاپار . لافی اوزانیلم . بونلر بویله جه سوروله رک ، سوروکلنه رک صراط کوپریسنه کلیرلر . برده باقارلر که نه باقسینلر ! اوکوری دکل ؟ هر کسک عملنه کوره ده کیشیر عجایب بر عقبه ؟ . هله جهنملسکره کوره اونک . بر باش دردی اولدیغنی آکلاتمق ایچون ، « قیلدن اینجه قیلیدجن کسکین » دیمکدن باشقه چاره یوقدر . باص باصامزسک ، کچ کچه مزسک ، کری دون ، قورتول . عجبا براقان کیم ؟ اُکسه کده اُللی دانه زبانی علیم الله قاجق دکل انسانه شویله کوز آجیز مزلر . نه ، نه اولاجق هیچ چارده سی یوق ، یا بوکوپردن کچوب جنته کیده جکسک . یا آشاغی دوشوب جهنمی بویلا یه جقسک .

آه بورادن ییلدیرم کی بر آنده کچوب قورتولانلره نه موطلو ؟ نه موطلو اونلره که بولالرک بریخی اورمیدیلر ، بوصیقیتیلری اصلا چکمدیلر .

فضله دوروب دوشونمکه مجال یوق . نه اولاجقسه اولاجق ، الا کچه جکسک . کچه دکمی هایدی تکر طوقاق جهنمه :

آل سکا بر بلا داها که بلالرک کلین آناسی ؟ ! جهنم اولیله بر جهنم که شدتندن قابنه

صیغماز. حفظنا الله سوموردیکی وقت انصانلری دکل فیلاری بیلہ چوب کی چکوب آلیر.  
 آلهوینی صاووردینی وقت انسان اوزاقدن سیرینه بیلہ دایانامز. او اویله برشی که نه.  
 تعریف ایدیلیر، نه ده تحمل کتیریلیر. هان رهم جله مزی اورایه کیمینه قوللرندن ایلہ.  
 ایشته ای جماعت او وقت زبانیلر جهنملکله دونوب: یا هو سزه پیغمبر کلدیمی،  
 بونک بویله اوله جغنی سزه کیمسه بیلدیرمدیمی؟ « دییه جکلر! اونلرده اونلره قارشی  
 ایجیلرینی چکدرک کلدی دکل کلدی. لیکن بز اونلره اینانموب درلودرلو شیلر سویله دک  
 اودیدنکرکزک اصلی فصلی یوقدر دیدک. آم بزعل ایدوبده اونلری دیکلیه ایدک بویله  
 اولمازدق، بوبالاری کورمزدک. سرسملک ایتدک، پیغمبرلرک سوزلرینه کولدک. نصیحت  
 ویرنلره ا کلمه یی بر معرفت ظن ایتدک، ایشته شیمدی بلامزی بولدق « دییه قباحترینی  
 اقرار ایده جکلر، ایتدکلیینه بیک کره پشیان اولاجقلر. اولاجقلر اما نه فائده؟  
 صکره امر اوله جق، بونلردن برطاقلری جهنمدن چیقاریلوب سویله جنته دوغرو  
 کوتوروله جک. اوزاقدن اونلره جنت کوستریله جک. اورانک راحتنی، اورانک ذوقنی  
 صفاسنی کوره جکلر. جنتک او کوزل قوقولرینی دوياجقلر: اوخ جانم؛ نه کوزل قوقولر! «  
 دییه جکلر. ظن ایده جکلرکه اونلرده جنته کیره جکلر، اونمملره اونلرده قاووشه جقلر.  
 دیرکن بر امر کله جک: کری چویرک اونلری؛ اویله لرینک جنتدن نصیبی یوقدر! «  
 دینیله جک. ایوا! ایشته اووقت اونلر اویله بر محزون اولاجقلر؛ اورادن جهنمه اویله  
 بر دوانش دونه جکلرکه هانی اویله سی دها کیمسه نک باشنه کله مشدر. آرتق بوسفر جهنم  
 اونلره اسکینندن بیک قات فنا کله جک، اوجانم جنتلری دوشوندکجه یوره کلرینه آتشلر  
 دوشه جک. اوزمان اونلر: یاربی! کاشکه اوسو کیلیرینه ویردیکک جنتلری کوسترمدن  
 بزلیری یاقه ایدک. دها ابی ایدی. « دییه جکلر. اووقت جناب حق اونلره عظمت  
 وجلالیه بیوره جق:

« سزک کیلره بویله یامق ایستر. نصلمش؟ شیمدیمی ربکنز اولدم. بنی شیمدیمی  
 طانیدیکز؟ دنیاده ایکن اما هیچ بنی دوشونمبوردیکز. هپ عالمی دوشونوردیکز!  
 هرکسدن چکینیر، هرکسک یاننده بر قصور بر قباح یا پامزدیکزده یالکنز قالنجه هر فنانی  
 یاپاردیکز. بنم سزی کوردیکمه اهمیت ویرمزدیکز. بنی هیچ خاطر یکزه بیله کتیرمزدیکر  
 ایشته بنده آدمی بویله یاپارم. اوکوزه لم جنتلردن محروم ایدوب بو جهنمه آتارم.  
 بویله لکله بکا قارشی کله نلرک هم وجودینی همده یوره کنی یاقارم. جزا گزدر چکیک. «



بوتك اوزرىنه ؟ آه اولوم زرده سك ديه نلرك حدى حسابى اولماز اما اولوم زرده ؟ هر كس اينديكنك جزاسنى بولسون ديه اولومى اولديروب يوق ايتشلر، اونك وجودى اورتىلقدن قالديرمشلر. ارتق بوندن اوتىسى ، ساده آغلايوب ايكله مەدن عبارت قالير.. كنهكارلر كچن كون ديديكيم كچي جهنمه كنهالرى قدر جزا كوردكدن صكره چيقوب جنته كيدرلر . لىكن نەزىبالله ايمانسىز كيدنلرده جهنمه تمللى قاليرلر .

شىمدى اى جماعت كليك بر ديقه جق اولسون دنيايى اونوتوب شويله بردوشونك . اوجهنمى ، اوراده چكيله جك عذابلى كوز اوكنه كيتروب كنديكزى بر طارتىك ؛ جهنم لافى ديه قولايذر اما ايجه دوشونيله جك اولورسه آدمى علم الله چيله دن چيقارور . چونكه انسانى حمامه بيله قاناتلر ينه دايانماز ، ينه طاقت كتيريلز ، زرده قالدى كه جهنم . بيله نه كوره ساده الله رحمتدن اوزاق دوشمك يتيشير ، هيچ جهنم اولماسه بيله ساده بو يورمك آجيسى انسانى يقار يتيرر . دوغروسى بوپك دوشونيله جك برشيدر . بونى مصال ديه ديكه نلر هپ بر طاقم كندى بيلمه نلر ، كندى دوشوندرميه نلر . چونكه كندى بيلن ايترايسته مز اللهنى ده بيلر . اللهنى بيلن ده ايترايسته مز بونلره اينانير . شيميدن دوشونميه وارميانلر ، شيميدن بونلره اينانما نلر يارين اينانير ، امان ياربى ديرلر اما ده مينجك ديديكيم كچي بر فائده ويرمز . اينانق اويانمقده وقتنده كر كدر . شيميدى امان ديرسه فائده سى اولور . هم سن كندى آدام ايدرسك . همده خلق الكدن ديكدن سلامت بولور . يوقسه صوك پشيانلغك هيچ كيمسه يه بر فائده سى اولماز .

آخرتى انكار ايدنلرك حالى طبقى يمورطه ايچنده كى جيو جيوه بكزر ممكن اولسه ده اوقابوغك ايچنده كى جيو جيوه صورله ؛ سن بوقابوغك ايچنده سك ، ديشاريدن بر خبرك يوق اما بيلسه كه نلر وار نلر وار ؟ بردفعه سنك اوستته تيرر دورر بر آنهك وار ، بوبورله نير كزر بر باباك وار . كومس وار ، تونهك وار ، يم وار ، ييه جك وار . صكره قوجه بردنيا وار . آيلر كونشله دها نلر ، نلر . چايلاق ، يىچاق هپسى حاضر . هپسى سنى بكليور . بونلرده سسكا بك يقين . آرده اينجه جك بر قابوق وار . اونى بر قيرويه باشكى چيقارسهك بونلرى هپ كوردرسك . »

جيو جيو بوسوزلره قارشى ؛ هيچ ؛ اويله شى اولورمى ؟ ، دير ، نه وارسه اوقابوغك ايچنده كندن عبارتدر ظن ايدر . ايسته بوزره براورنه كدر . دنيا ايله آخرت آره سنده بر قابوق ، براينجه زار واردر . اوزار بزم اطرافنى آلمش ، بصيرتمزى باغلامشدر . اوتىكى

دنيایى بزه کوسترمز. انسانك كوزى بریومولاجق اولورسه اوزمان اوزار یرتیلیر. جنتیه جهنمیه، صراطیه میزانیه هپ آخرت میدانہ چیقار. اوزمان آرتق اینانیمان قالمز اما ایش ایشدنده کچر. ایسی می ای اللہک قوللری هر شیئه شیمیدین اینانوب ایمان ایدک. یوقسه کوردکدن صکره اینانمه نك ایمان کتیرمه نك بر قیمتی اولماز.

آرتق صره جتیه کلدی. بر ازده جتندن، جتندکی نعمتلردن بحث ایدیم... شیمیدی ای جماعت! اللہک سوکینی قوللری عزت اکرام ایچریسندہ صراطی کچوب جتیه دوغری کیدرلر. آرتق اونلرک اوصرده کی سونجی دیل ایله تعریف اولنر. نصل سونیه سینلرکه اوقدر تهلکهلر کچیردیلر، اوقدر کورولیلر آتلا دیلر. یا اونلرده باشقلری کی جهنمه کیده ایدیلر، اوصیقیتیلره کیره ایدیلر نه یاپارلردی، نصل تحمل ایدرلردی؟ او بلالردن قورتلدقلرینه می سونیسینلر؛ جنتلره کیره جکلر، نیجه نعمتلره قاووشه جقلر بونلره می شاد اولسونلر؟

ایشته بویه جه سونجیلر ایچریسندہ قوش کی سوزرلوب کیدرک جتیه واریرلر. برده باقارلرکه نه باقسینلر: جنتک قیولری آچامش، اورتالغه نورلر صاچلمش. هر طرف مسکلر عنبرلر ایچنده... بر طاقم طاتلی دیللی کولر بوزلی کیمسه لر اونلری قارشیلارلر. سلام ووروب کوزیکمز آیدین اولسون دیرلر، ده بر طاقم کوزل سوزلر سویلرلر. آرتق بونلر جناب حقہ قارشى حمدنلر ایدرلر. آلرندن کلسه سونجیلردن سجده لره قاپانه جقلر. لیکن عزت و اکرامدن عجباً وقتى وار. اوچبورلرمی، یوریبورلرمی فرقده بیه اولماسدن جنتک ایچنه دالارلر. نه یاپاجقلرینی، هانکی طرفه باقاجقلرینی بیه مزلر. ساده جنتک او یتمز توکنمز کوزلکلرینی کوروب کچرلر. کیتدکجه اطراف کوزللاشیر، کیتدکجه خاطر و خیاله کلدک شیلر کوزه چارپار. دیرکن: ایشته اقدام بوراسی سزه مخصوصدر، بیوریکمز! دیرلر، بر یرکوستریرلر.

أویه بریرلرکه نه اوجی بولنور نه بوجانگی؟ أویه بریرلرکه هانی ایچنده یوق یوق. او بیک درلو مجوهردن یاپلش کوشکلر، اینجیدن دوکلش چادیرلر... او زمردلردن، زبرجدلردن بیک قات ده کوزل برشیلردن یارادلمش آغاچلر. او آغاچلرک، او کوشکلرک آلتندن کچر پرلانطه کی صولر... اولماسدن یا قوتدن چاقیل طاشلری... او کوشکلرک، چادیرلرک تعریفه کلز دوشمه لری دایمالاری، سوسلری نظاملری... اوییه جکلر او ایچه جکلر، اوقوشلر... هله او انسانك اطرافنده سوزیلوب دوران نازلیر، پروانه کی



دولاشان نازینلر؟ هیچ شهه یوقکه بونلر، جنت نعمتلرینک هپسندن زیاده انسانک مقبولنه کچر. چونکه انسان تک باشنه یاخود خوشلانلیه جق کیمسه لرله اوکوشکرده، او جنتلرده بولونسه اوقدر ذوق آماز. اما بویه روحنک سوه جکی کیمسه لرله برابر بولوتجه آرتق آهام صفاسنه مست قاپلاتیر.

ای جماعت! جنتی آکلاتمق مشکل اولدیغی کبی جنت کوزلارینی ده مدح ایتک پک مشکدر. اونلری تعریف ایچون الماس کبی، پرلانطه کبی دینلسه ینه آزدور. لکن انسان آکلاتمق ایچون باشقه نه دییه بیلیر؟ ایسترایسته من اونلری بویه مدح ایده جک، برطاقم کوزل شیلره بکزده جک. یوقسه جنتک اوسویلدیکم کوشکری آغاچلری، دره لری، تپه لری. هله کوزلاری الماسدن ده پرلانطه دن ده بیک قات داها کوزلدر.

ایشته انسانلر بو کوزلار، بو کوزلاکدر آره سنه بر کره دوشدیمی آرتق کندنن کچمکه باشلار. فصل کچمه سین که: وجود راحت، کوکل راحت. نه اویله دنیا قیغوسی وار، نه ده اولوم قورقوسی. او اویله برجنه دوشمش که نره سنه باقسه، هر هانکی طرفنه دقت ایقسه هیچ چیرکین برشی کوره من. هپسی کوزل، هپسی کوزک کوکلک سوه جکی شیلر روحی صیقا جق، انسانه خوش کلیه جک هیچ برشی یوق. هپسی روحک ذوقه کوره. ایشته انسان بونعمتلری دوشونورکن، کوزلر او کوزل شیلرک سیرینه دالار. قولالدر او قوشلرک اوتوشینی، دره لرک جاغلتیسی، آغاچلرک خیشلتیسی دیکله. طاتلی سویملی بر روزکارده کوزل قوقولر کتیروب، انسانک وجودینی اوخشار، روحنه صفالر ویرر. آرتق بونلره قارشى جان اولسون ده دایانسن.

ایشته ای مسلمانلر! بونلر هپ انسانلرک دنیاده کی اییلکلرینک، دوغربلقلرینک، ناموسلیقلرینک مکافاتیدر. قادین اولسون اُرک اولسون برکیمسه دنیاده ایکن الله طائیش، بیغمیر طائیش، دینک کوستردیکی یولدن آیرلماش، هرشی ده حقنه راضی اولمش، کیمسه نك مالنه جاننه ال اوزاتماش، نفسنی آياغی آلتنه آلوب کیمسه نك عرضه ناموسنه کوزدیکمه مش، هرشی ده مولاسنی دوشونوب فنا آرزولرینک هپ اوکته کچمش شیمدی هیچ جناب حق بویه سنی مکافاتمنز بر اقیمری؟ براقاز ایشته بویه جنتلر، نعمتلر ویرر.

ایشته ای جماعت! جنتلرک بویه جه بعضاً ساده کندی سوکیلی لریله کوله رک اُکلنه رک وقت کچیرلر. بعضاً ده دنیاده کی احبابلریله کوروشه رک ذوق و صفا سوره لر، دیرکن

ضیافتلر باشلار . اؤنجه آدم بابامزك دعوتنه كیدیلهرك بتون اولیا ، انبیا ایله کوریشیلیر . هرکس دولو دولو نعمتله آغلانوب پك كوزل برزمان کچیریلیر . صکرده صره ایله نوح ، ابراهیم ، موسی ، عیسی علیهم السلامك دعوتلرینه کیدیلیر . اورالرده ده اولیه كوزل وقت کچیریلیر .

صکره صره پیغمبر افندیملرک ضیافته کلیر . اولیه برضیافتک ضیافتلرک سلطانی ، مبارک جالنی رؤیاده بیه کورمک هر قوله میسر اولیان سوکیلی پیغمبرمن آرتق اوراده هرکسه کوریشیر ، هرکسه التفات ایدوب دولو دولو هدیلهلر ویرر . انسان دنیاده حسمرتی چکدیکی اوطاتلی دیله اومبارک جماله می سونین ، اولیه برالدن آلمان هدیلهلره می سونین ؛ هانی بونعمتلك بیکده بری دنیاده اولاجق اولسه ؛ انسان بردفعه دکل آلی دفعه ذهنی اوینانیر . چونکه انسان اوقدر سونجه کله من . اما جتنده بویه دکل اوراده اولیه جیلدیرمق ، چالدرمق یوق جتنده نعمت چوغالدیجه انسانك نشئه می آرتار . نشئه آرتدیجه انسان فضله لذت دیوار . بوده اللهك آریجه برنعمتیدر .

هی مسلمانلر بیلمش اولیک ! الله اولیه براللهدرکه احساننه نهایت یوقدر . ویرمکله ، باغشلامقله کندندن برشی اکیلمز ، بونك ایچون دنیاده حق حقوق طانیسوب دائما اییلکلهردۀ دائما دوغریلقلرده بولان قوللرینهده جناب حق جتنده نعمت نعمت اوستنه ویرر . لیکن شونیده بیلمش اولک که جنت نعمتلرینکده بری برندن اوستونی واردر . هله شیمدییه قدر دوکوب صایدیغ نعمتلردن باشقه برنعمت دهاواردرکه اوندن اوستون ، هیچ برشی یوقدر ، اوده الله ضیافتیدر .

ای جماعت ! جتنده پیغمبر افندیملرک ضیافتندن صکره مؤمنلر حق تعالی حضرتلرینک ضیافته دعوت اولنورلر . بومژده اوزرینه هرطرف دونانیر ، هرطرف نورلره بویانیر ، آرتق جتنده اولیه برسوینجدر کیدر ، بتون جنت اولیه برشنك ایدرکه دیل ایله تعریف اولنمازه لیکن نه اولسه ، نه قدر شنك ایدلسه ینه آذرر . چونکه الله ضیافتی بو ! باشقه شیئه بکنزه من . کیمک بویه بردعوت کوردیکی وار ، کیمک بویه بردولته ایردیکی وار ؛ انسان دنیاده اشنیک دوستك ضیافته بیه سونیهرك جان آتارق کیدر . یاولولر اولوسی اولان جناب مولانك ضیافته چاغریلاجق اولورسه دوشونك برکره انسان سونجندن نه یاپار ، نه حاله کلیر ؟ اگر اوراسی جنت اولماسه هیچ شبهه یوقکه هرکس دلی دیوانه اولوب داغلره دوشر . لیکن جتنده « الله » تحملنی ویرر . هر نه حال ایسه سوزی اوزاتیملم



بومژده اوزرینه جنت خلقی سسینه رک سویجیلردن ایچلری ایچلرینه صیغیه رق دعوت  
یری اولان «جنت عدن» کیدرلر، برده باقارلرکه: اودنیانک زمردلردن زبرجدلردن  
دها کوزل برشیلردن یارادلش آغاجلر سرویلر آرہ سنده، یوز بیك چشید چیچکلر  
ایچریسندہ سدرلر تختلر دیزلش، کرسیلر منبرلر قورولش، کوزل قوقولر، آقارصولر،  
طاشار حوصلر، فسقیلر، سلسیللر، دها — نه بیلہیم هانکی برینی سویلہیم — خاطر  
وخیالہ کلدک بیکلرجه نعمتلر هپ بریرہ کلش، هپ برآردیه شوپلانمش.

هرکس درجه سته، مرتبه سته کوره کچوب سدرلرہ تختلرہ اوطورلر. نهیدلر،  
صالحلر، پیغمبرلرہ کرسیلرہ منبرلرہ قورولورلر. آرتق اوراده کی عزتک اکرامک عجباً  
حدی حسابی اولور؟ اولہ بریمکلر ییلیرکه هرلقمه ده لذتی ده کیشیر، اولہ برشیلر  
ایچلیرکه هر یوتومه طادی باشقه لاشیر. بونلردن نه قدر جوق ییلسه، نه قدر جوق  
ایچلسه انسانہ نه شیشکینک کلیر، نده برآغزلق. ایشته ای جماعت! مؤمنلر بویله جه  
آغزانوب اکرام اولنورکن عرش اعلادن نازلی نازلی برروزکار اسمکه باشلار. اللهمک  
حکمتیه بو روزکارک دوقوندینی آغاجک هر بردالی برنه کی اوتوب دم طوتار، طانی  
طانی صدار چقاریر. حوریلرہ اوکوزل سساریلہ هپ برآغزدن برطاق شیلر سویلوب  
جناب حقک مسافرلرینی مدح و ثنا ایتکه باشلارلر. ده میندیری صایقله بیتیرمه دیکم او  
جنتلرہ اونعمتلرہ برده اوطانی آهنگ قاریشنجہ آرتق هرکسه ذوقدن نشئه سندن بر  
نخورلق کلیر. برمدت اولہ جه قالیرلر. صوکر اسنک کوزلکی دنیانی طومش اولان  
«داود» علیه السلام یوکسک برنبرہ چیقوب درلو مقامله «زبور» شریفی اوقومغه باشلار  
آرتق هرکس بو صدانک لذتندن باییلوب نشئه لره غرق اولور. برزمانده بویله کچر.  
صکره پیغمبر افندمر قیزیل یاقوتدن بر منبرہ چیقوب «طه» سورہ سیله «یس» شریفی  
اوقور ایشته اووقت هرکس نشئه سندن برخوش اولور، عادتا سرخوش اولور. کرسیلر  
منبرلر عشقه کلوب صالنامغه باشلار. ملکریله حوریلرله بتون جنت جوشار جوشار حاله نیر.  
دیرکن انسانک بتون وجودی قولاق کسیلوب باشلار دوغریدن دوغریه جناب حقدن  
«انعام» سورہ سنی دویمغه.

آغالر هانی «بیوک الحمد» دیدیکمز سورہ یوقی؟ اونک اسمی «انعام سورہ سی» در  
ایشته او سورہ یی جناب حق مؤمنلرہ اوقویاجق، هرکس ده ایلچیسز ترجمان سز اوله رق  
دیگله یه جنت. نه، آرتق جان اولسونده دایانسن. کیم دایانه جق، الله کلامنک لذتندن

آرتق هر كس كمندي غائب ايدو . حوريلر باييلير ، دره لر دورر ، آغاچلر چيچكلر  
چيرييلير ، بتون جنت چالقانير . عرشي كرسي يي برتيرمه آير . ملكره باشقه بر حال  
كلير . ايسته اوصرده انسانك كوزنده كي پرد ، قالقهرق مولاسني كورمكه باشلار . بويله جه  
كوكل مرادينه ايره ، روح آرادينني بولوب حمرته قاووشور . آرتق نه جنتي دوشونه  
اولور ، نه ده جنت كوزلريني خاطرينه كتيردن بولونور . او اويله بر حالدر كه نه دويولور  
نه بيقييلير . بر مدت اويله قانير .

بوندن صوكرا انسان ينه اللهك امريله جنتلرينه دوزر ، اشيلاه دوستيله اكله نير ايدر  
اما اللهك جالنده بولدينني لذتي هيچ بر شي ده بولاماز . اولذتي باشقه هيچ بر شي ده  
طاده ماز . بونك ايچون جنت خلقنجه بايرام جناب حقك جمالنه قاووشمقدرد . ايسته  
انسانه اللهك بيوك نعمتي ده بودر . همان ريم جله مزي بونعمته قاووشان قوللردن ايله .  
اي جماعت ! باقك قاچ درسدر جنتي جهنمي اوزون اوزادي يه آكلاتدم . ايلرله  
فنالك عاقبتني بيلديردم . الله يوليني سزه بر كرده بن كوسترمش اولدم . آرتق سز  
سز اولك ده اي يي كوتوني سه چيك ! دائما دوزرو بولدن ايرلماغه غيرت ايديك ! سوز  
ديكله مزسه كز ؛ شيطانه اويارق باشقه ياكش يولاره كيدوسه كز صكره صاقين كيمسه يه  
بهانه بولمايك ! قباحته كزي باشقه سنه آتمغه قالقشمايك ! پك اعلا هر شيئه عقله كز ايريسور ،  
هر شيئه كوچكز يتيور . ايسته نيجه خيره ده يارايورسكز ، شره ده يارايورسكز !  
ايكيسنك ده اعلاسي الكزذن كليور . بويله ايكن كيمه نه ديمكه حقمكز واردر ؟

الله سزه عقل ويرمش فېكر ويرمش ، بو قدرله براقيوب كتاب اينديرمش ؛ پيغمبر  
كوندرمش . جنت جهنم يولي آغزنده سزي حر ، سر بست بر اقمش . نه زمان بر ايلك  
يايق ايسترسه كز كندی آرزو كزله يايورسكز ، الكزي باغلايان يوق ! نه زمان ده  
بر فئالق يايق ايسترسه كز ينه كندی ايسته ككيزله يايوب ايديورسكز ، سزي زورله  
چكوب كوتوردن يوق ! الكزه آياغكزه حكيمكز كييور . ايستديككز كي كنديكزه  
قوماندايده يايورسكز ! آرتق كيسني قورتازان قوداندر . بايق چيقيق سزك الكزده در .  
سز ايسترسه كز ايلك يايارسكز جنتي بولورسكز . ايسترسه كز فئالق ايدرسكز ، جهنمه  
مستحق اولورسكز .

بونك ايچون اي مسلمانلر صاقين : خير ، شر اللهندرد . سوزيني ياكش آكلا-  
مايك ! بيلمش اولك كه خيري شري يارادان اللهدر اما قازانان مستحق اولان ده



انساندر . بر ایلیک یایمق ایسته یین کیمسه نك ائنده جناب حق ایلیك خلق ایدر . او کیمسه ده او ایلیکی یایمغه آتلماسی یوزندن ثواب آلیر . بر فالقی یایمق ایسته یین کیمسه نك ده ائنده جناب حق فئالق خلق ایدر . او کیمسه نك ده فئالغه آتلماسی یوزندن کنه کار اولور . کوریورسک زیا خیری یاخود شری یایمق ایسته مک قولدن یاراقمق ده الله دندر . ایسته خیر شر الله دندر دیمک بودر . هر کسک هانکی یولی طوته جغنی ازله جناب حق بیلیمسی ده « قدره » در . بویله اولونجه آغالر کیمسه کیمسه بهانه بولاماز . کیمسه جکلر قباحتی صرتمدن آتاماز . بونک ایچون انسان نه یاپوب ، یاپوب چالشمالی چابالامالی ، جناب حق امرلرنی یربته کتیرمکه غیرت ایتملیدر . یول بویولدر . قورتولوش بونده در . بونک صوکنده جتنه کیرمک ، مراده ایرمک واردر سویلک بسدن قولینی قولایینی بولوب اوکا کوره داورانمق ده سزدن .

ای آغالر ! باقک بورایه قدر سزه « آمنت » نی سوبلدم ، ایماندن اعتقاددن ، هپ بوکا بکزر شیلردن سوز آچدم . شیمدی برازده نمازدن ، اوروجدن ، سائر عبادتلردن بحث ایده جکم . چونکه ساده ایمانله ، ساده اخلاق کوزلله کیله ایش بیتمز . عبادت ده لازمدر . عبادتسز ایمان دایما تهلیکه ائنده در . عبادت عادتایمانک مخفطه سیدر . زیرا ایمان دیدیکک انسانک کولکنده ، یوره کنده براینانه دن عبارتدر او طبقی آچیمده یانان بر قندیله بکزر . خفیف بر روزکار بیله اونی سوندورر . لیکن او قندیلی کوزهل بر فنار ایچنه قویارسه ک آرتق هیچ تهلیکه قالماز . مناره نك تپه سنه ده چیقارسه کینه اوکا برشی اولماز .

ایسته ایمان ده بویله در . اونی کیجه کوندوز عبادتلرله ، ایی عمللرله محافظه ایدرسه ک؛ چالیشوب چابالایوب دایما اعتقادیکی صاعلاملارسه ک کیمسه جکلر سنک ایمانکی چکوب چالاماز . اما سن کندی ایمانکه صاحب اولمازسه ک ، ایی عمللرده بولنماقدن باشقه کیجه کوندوز فئالق ایچنده یوزوب یانارسه ک ؛ کیت کیده کولک قاریر ، ایمانک ضعیفه ر . کونک برنده اودولت قوشی نعوذ بالله باشکدن اوچار کیدرده خبرک بیله اولماز . صکره آیقیرک صویه یرر اما ایش ایشدن کچر . آرتق او وقت دوکونورسک یوز بیک کره پشیمان اولور سک ، لیکن فائده ویرمز . بونک ایچون انسان وقتیله عقلنی باشه آلوب ایماننه صاحب اولمالی . اللهی بیله رک امرینی طوتوب عبادتده قصور ایتمه ملی ! ایماننه صاحب اولمانلر هپ عقلنی باشه آلمانلردر . عبادت ایتمیانلرده هپ اللهی اونودانلردر . بودنیاده ده

هر فئالق اللهی اونو تماقدن چیقار . هر درلو کوتولک هپ جناب حق دوشونمه مکدن ایلری کلیر . اللهی اونوداندن قورقولور . چونکه اولیه سندن هر شی اومولور . انسان اوغلی بر کره مولاسنی اونو تمسون یوقسه ؛ بردها اونک اوکنه کچیلمز . صکره آرتق اوکندی کیفندن ، کندی چیقاردن بشقه بر شی دوشونمز . جانی نه ایسترسه اونی یاپار ، کوکلی نه بی ارزواید رسه اونی یامغه باقار . حق کوز تمز ؟ حقوق کوز تمز باشقه لریک کارینی ضررینی خاطرینه کتیرمز . حکومت ایشی نه قدر صیق طوتارسه طوتسون . برفرست بولونجه ، قباحتی میدان چیمیه جغنی عقلی کمنجه اوینه یاپا جغنی یاپار ؛ الندن کلنده اصلا قصور ایتمز .

ایشته انسانلرک بو حاله کله مسی ایچون هر کسه اللهی اونو تدر مامق ، هر کسک کوکانه عادتاً بر بکچی قویمق لازمدر . بوده اولسه اولسه آنجق نمازله اولایلیر . سوزم سزه بردنبره تحف کله سین . . بن حساب ایده رک سویلیورم . سزده ایچه دوشونره رک دیکله یک صاقین نماز قیلدقدن نه چیقار دیوب کچویرمه یک ! . ایچه بیلک که نماز ساده صوفیلر خرجی دکلدرد . بلکه هر کسک محتاج اولدیغی برشیدرد . زیرا نماز انسانی قنالغه براقاز . نماز انسانلره مولاسنی اونوتد . ماز . نماز انسانی چکر ، چویریر . برآز دوشوندیروب کندینه کتیریر . نماز انسانی حقت دیوانه صوقار . ده دوشونسی هر زمان اللهک حضورنده بولندیغنی آدامک ذهنته قویار . یکریمی درت ساعتده هیچ اولمازسه بش کره دنیا غائله سنی بر طرفه آتارق کلوب « الله » دیوانه طورمق آزشی دکلدرد .

بویله جه دائماً مولاسنی اونو تیمان کیمسه اصلا بر فئالق یاپاماز . اولیه سینه دنیانک خزینه لری براقسله قابل دکل برخیا نیت ایده مز . چونکه اودائما حضورده بولنیور . اودائما کندینی « الله » له کورییور . آرتق بویله اولان ، بر کره بو مرتبه بی بولان کیمسه عالمک ماله جاننه ، عرضنه ناموسنه هیچ کوز دیکرمی ؟ هیچ اولیه قنا شیلره تنزل ایدرمی ، هیچ اولیه عادیلرک لری کمنده یاقشیدیرمی ؟

کوردیکز می ای جماعت نمازک بیوکللسکنی ؟ ! . بو دین توکلی می انسانلره بونی بیلدیریور ؟ بوشی بوشینه می جناب « الله » بزه نماز قیلک دییور ؟ نمازک نه اولدیغنی بیلمینلر ، ایشک ذوقنه ایچه رارمیانلر نمازی ساده یاتوب قاقمه قدن عبارت ظن ایدرلر . زوالیلر بیلمز لرکه : نماز ادای ملکره دوندیرر . نماز انسانی مولاسیله برلکده بولندیرر دنیا ده بوندن ده بویوک عبادت اولماز . دنیا ده بوندن بویوک کوکل صفاسی بولنماز .

ایشته سزده نمازی بویله بیلک ! سزده نمازک ذوقنه بویله وارک . اذان : « الله اکبر »



دیردیمز هان کندیگزه کلوب السکزی ، ائنگکیزی دنیادن چکیک ! او وقت ایش  
اویقو ، صفوق صیجاق دیمهیک نمازه قالمیک !

چینغیر چینغیر اذانلر ویریلیرکن ، مسلمانلر اللهک دیوانه چاغریلیرکن هیچ آلدیرماق  
اولورمی ؟ مناره لرده « الله » آکیلیرکن ، جناب حقک اولولر اولوسی اولدینی عالمه اعلان  
اولونوب دوررکن هیچ اوصردده اوزانوب یاتمی انسانه یاراشیرمی ؟ انصاف ایدک برکرم  
دوشونک ! اوزمان اویقودن قالمق ، صیجاق دوشهکی براقق سزه کوچ کلیورسه شو  
نماز وقتنی خبرویرن وؤذنی بردفمه دوشونک . اونی برکرم کوز اوکنه کتیرک .

کیم بیلیر او مبارک آدم اذاندن تقدیر اول ایاشمس . کیم بیلیر تا نره لردن قالمقوب  
کشم . بلکهده براختیار ؟ عاجز حالسز بر آدمدر . اونک جانی یوقی ؟ باقک او زوالی  
قار دیمز ، قیش دیمز ، راحتنی حضورینی ترک ایدر کلیر . اویوکسک منارهیه چیقار اذان  
ویرر . بورالر قوپار ، ییلدیرملر دوشر ؟ اوینه دقیقه سنی شاشیرماز . البته اونکده  
اویقوسی طانلیدر . البته اونکده کندینه کوره برصیجاق دوشهکی واردر . انسان هیچ  
اولمازسه بونلری دوشونمهلیدده هان داورانوب قالمقمالی . کندینه برآز سوز کچیرملی .  
نفسنه اویانلرک ، کندینه حکمی کچمینلرک صوکی کلز .

بونک ایچون ای جماعت سزده عناد ایدیک یکیمتک کوستریک نمازیکیزی کچیرمه مک  
غیرت ایلهیک ! همده نمازه چوق اهمیت ویریک . اویله باشدن صاومه نماز قیلمایک !  
قالیکیزی سجادهده براقوب عقلیکیزی فکریکیزی چارشوده پازارده کزدیرمهیک ! ساده  
وجودیکزه دکل ، کوکامیکزهده نماز قیلدیریک ! کوکلیمز قیلانن نمازدن برفانده چیقماز .  
اویله نماز آدامی « الله » حضورینه صوقاز . برانسان قرق بیل بویله نماز قیلسه نه کوکلی  
یوموشار نه اخلاقی دوزملیر ، نهده روحی بر ذوق دویار .

اویله ایسه ای مسلمانلر ، ای اللهک قوللری ! نه یابدیگیزی بیسلرک ، کیمک  
دیوانه وارمق ایسته دیککیزی دوشونهرک نمازه دورک . اکر بویله یاپارسه کز ، نمازی  
بویله قیلارسه کز هیچ شبهه ایتمیک که کوکلری آشار ، ملککاری کچرسکز . هیچ اولمازسه  
بر حظه حق « الله » ایله اولوب کندیکیزی اونوتورسکمز : ایسته بوده سزک معراجکزدرد  
نه موطلو نمازی بویله بیلوب بویله بولانلره . . . تقدیر یازیق رحمانه سجده ایتیوب  
مولاسنی اونوتانلره . . .

ایشته آغالر بویه جه نماز قیلار ق داغماللهنی اونو تیمان کیمسه البته اللهک امرینی طوتار،  
هر دیدیکنی یاپار . مولا سنه ده اصلا قارشى گلز .

نصلکه خوبینی صوینی پک سودیککز یا خوداییا ککنی چوق کوردیککز بر ذات سزه بر  
ایش بیورسه سز: پکی ایی افندم، باش اوستنه دهرک سه کر؛ صیچرار؛ اونک دیدیکندن  
اعلاسنی یامغه غیرت ایدرسککز . دیدیکنی یاپاماسه کز ازیلیر ، بوزولور ، بیک دورلو  
عذرلر دیلرسککز . زیرا سز او ذاتک چوق اییلککنی کوردیککز، بویوزدن اونی سه وهر  
اولدیککز . یا خود اونک حالی طورى ، سوزى صحتی ، قیلنی قیافتی سزک خوشکزه  
کیتمش ؛ او آدمدن خوشلانمشککز ! شیمدی سز اونک دیدیکنی یاپارسه کز . البته  
اوده سزدن ممنون اولور ؛ سزده اونک ممنون اولماسندن لذت طویارسککز . صاقین یامه  
دیدیکنده میم قویارق اوشی<sup>۱</sup> یامامغه غیرت ایدرسککز . چونکه ؛ یاپما دیدیکنی یاپارسه کز  
صکره قیزار ، سزدن صوغور آرتق سزى سه وهر اولور .

ایشته آغالر ! سز بویه جه بر اییلکی کوردیککز و یا بعضی خویلرینی سودیککز:  
کیمسه یه کندیکزى بکندیرمک ایسترسککز ، اونک کوجه کیده جک شیلردن قاجنیرسکزده  
سزى هیچ یوقدن یارادوب بونجه نعمتله عرق ایدن «الله» تعالیٰ حضرتلرینه کندیکزى  
بکندیرمک ، اونک کوجه کیده جک شیلردن چکنمک ، صاقمق خاطر یکزده گلز می ؟  
دوغروسى بو دوشونوله جک بر شیدر .

سز سه وهر جکسه کز هر شیدن زیاده اللهکزی سه ویک ! چونکه کوزلارک کوزلی  
اودر . بتون کوزلارک اوندن کلشدر سز اییلک بیه جکسه کز ایلاک اوجک اللهک سزه  
اولان اییلککرنی بیلیک ! جناب حقک بونجه نعمتله قارشى کیجه کوندوز شکرده  
بولونک ! سز سوز دیکلیه جکسه کز خاطر صایاجقه کز هر کسدن اول اللهک سوزینی  
دیکله یک هر کسدن زیاده اونک خاطرنی صایوب بتون امرلرینی یرینه کتیرمک باقت !  
سز قورقاجقه کز هر کسدن زیاده اللهدن قورقک ! چونکه «الله» هر کسدن ، هر  
شیدن بیوکدر . جزاسی ده هر کسک ویره بیه جکی جزالردن دها بیوک ، دها آغیردر .  
اییلککله بیکلیه جکسه کز اللهدن بکله یک ؛ اوندن اوموک ! چونکه کندیسندن اییلک  
اومدیغکز آدمک یوره کنى یوموشاده جق ینه اللهدر . «الله» بر آدمک یوره کنه الهام  
ایتمزه سز اونک قارشوسنده یا طاقلاقمق دکل ، سکسان دفعه طاقلاق بیه قیاسه کز ینه  
غائده سی یوقدر .



ایشته آغالر هپ بونلری خاطر یکزه کتیرکده ربکنزی هم چوق سهویک ، همده  
اوندن چوق قورقک ! بر رده « الله » دنیلدی شویله یوره ککیز تیره سین . همان  
« جل شانہ » دیهرک کندیکزه کلک ! اویله ایگری بوگری اوطوریورسه کز  
براز کندیکزی طوبیلاک ! چونکه « الله » اسمی شاقایه کز ، تکرینک آدینه اهمیت  
یرمه مک اولماز . یانکزده حق تعالی حضرتلری آکلدی سزده آ کاجقسکز ! اللهی  
آ کان ؟ کندینی اونک حضورنده کورر . حضورده هیچ آیاق اوزاتیلر می ؟ هیچ اویله  
چاربیق ، چوربوق اوطورولور می ! البته ادبه کلمک لازمدر . ایشته یانکزده « الله »  
آ کلدجه بویله یامالیسکز ! یامؤذنلر منارهیه چقوبده : الله اکبر ، الله اکبر ، دیه مسلمانلری  
مولانک دیوانه چاغیردقلری وقتده نه یابه جقسکز ؟ مؤذن خبر یریور ، دیوان اوله جق  
اولولر اولوسنک حضورینه واریله جق . آرتق بو دعوت تولاقلری چینلاتوب طوررکن  
نصل اولورده انسان دهوریلوب یاتار ، یاخود هیچ اهمیت یرمه ریکچوب کیدر ؟ مؤذن  
کندیلکندیمی عالمی چاغیریور . مؤذن کندی کیفی ایچونمی خلقی جامعده طوبیلاور ؟ او  
بر امر قولیدر . اصل دعوت اصل قوماندا بیوک یردندر . اصل چاغیران ، چاغیرتان  
اللهدر . بونک ایچون مسلمانلقدده اذانک ، مؤذنک اهمیت چوقدر . بو اهمیت شوندن ده  
آ کلالمیدرکه پیغمبر افندیمر : اگر انسانلراذان یرمه نک سبب وحکمتمنی بیلوب ثوابی ،  
فانده سنی ایجه آ کلارسه ایدیلر ؛ سن اذان یره جکسک ، بن اذان یره جکم دیه قلیچ  
قلیچه کلیرلردی « بیور . نهدن دیرسه کز آغالر ؛ پک اعلا بیایرسکزکه : نیا نک اجی  
طانی بیک دورلو دردی محنتی واردر . انسان یاشادجه بونک دورلوسنی کوروب کچیرر .  
کون اولورکه دنیا غائله سندن باشنی قاشمغه وقت بولاماز . صره کلیرکه تنبلیکدن ،  
اویوشه قلققدق قولینی قانادینی قیلدا تمغه بحالی اولاماز . سوزک قیصه سی ، انسان بعضی  
فضله سیله دنیا یه دالوب دیدنیر دورر . بعضاده فضله سیله راحتده دالوب مسکینه شیرقالیر .  
هرکس حالته کوره بر دورلو غفلتدن کندینی آلاماز .

ایشته بونک ایچون دین انسانلرک پشنی براقاز . بر دفعه دوعرو یولی کوستردم یا ،  
آرتق نه حاللری وارسه کورسونلر دیه اونلردن یوز جویرمز . دائما اونلرک اوستمه تیتور  
دورر . آمان فضله کیدیورلر ، اللهی اونوتوب آلشده یریشده انصافمزلق ایدیورلر ،  
یاخود : راحتده چوق دالیلر ، ایشلرینی کوچلرینی بر اقوب اویویه قالدیلر ، دیه برکون  
برکیجه ده بش کره انسانلره سسله نیر ، مؤذنلره اذان یردیرر . مؤذنلر ، او مبارک آدملرده

قار قیش دیمبوب ، اذانك دقیقه سنی شاشیرمازلیر ، چیقارلیر اذان ویررلر . حق تعالی  
 حضرتلرینک اولولر اولوسی اولدیغی عالمه اعلان ایدرلر . خلقی اللهک دیوانه چاغیررلر .  
 ایشته دینک بو دعوتنه قولاق آصایانلر بیلمش اولسونلرکه هر آدیملرنده اللهک  
 رحمتدن برآز ده اوزاقلاشمقده درلر . دنیانک آخرتک بیک درلو بلاسنه آدیم آدیم  
 یاقلاشمقده درلر . چونکه قولاننه اذان سسی کیرمه جک قدر غافل اولان کیمسه نک حافی  
 بر کره دوشونملی ! آرتق اوله سی جانی نه ایسترسه اونی یاپار . خوشنه نه کیدرسه اونی  
 قاقمه باقار . حق کوزتمز ، حتوق کوزتمز . باشقه لرینک کارینی ضررینی خاطرینه بیله  
 کتیرمز . نعوذ بالله هر کس بو حاله کلیرسه ، هر کس بو قدر بایاغیشوب عادیلشیرسه صکره  
 افسانلر آردسده نلر اولماز ، نه بلالر چیقماز ؟ ایشته بونک ایچون ای مسلمان ای اللهک  
 قولی ! اذان « الله اکبر » دیر دیمز سن هان کنندیکه کل . ایکی اتککی دنیادن چکوب  
 اذانی دیکه ! نه دینیور ، نه کوزل سوزلر سولنیور ، باق قولاق طوت :  
 — الله اکبر ، الله اکبر . . اولولر اولوسی اللهدر .

الله اکبر ، الله اکبر . . اولولر اولوسی اللهدر . اوندن بویوک یوقدر . الله قارش  
 هرشی کوچوک ، هر کس عاجزدر ! الله اوله براللهدرکه : اونک ویردیکنی نه کیمسه جک  
 ویره بیایر ، نه ده آلابیلر . بونک ایچون هر شیئی اوندن ایسته یک ، هر ایله کی اوندن  
 بکله یک ! صاقین اونی اونوتوبده اوته کنه بریکنه بویون اُکمه یک ! . ایشته مؤذنک دینک  
 ایسته دیکی بونلردر . الله اکبر « سوزندن بونلر چیقار . سن ده مؤذنک دیدیکنی تکرارلا .  
 کنندی کنندیکه : الله اکبر ، الله اکبر » دی . . صکره باق مؤذن ساده بو قدرله قالمیور :  
 اشهد ان لا اله الا الله « دیور ، شهادت کتیریور . سن ده اوله شهادت کتیر ؛ بیلدیکنی  
 سوبله ، تکرار ایت . یا ! البت « الله » تعالی حضرتلری هم اوله بیوکدر . هم ده اوندن  
 باشقه « الله » یوقدر ، اولاماز . . باق مؤذن صکره ده : اشهدان محمد رسول الله « دیور ،  
 پیغمبر افندیملرک حق پیغمبر اولدیغنه شهادت کتیریور . سن ده اوله دی . بوکا سنک ده  
 اینانوب ایمان کتیردیکنی سوبله ، تکرار ایت !

باق صکره ده : حی علی الصلاة ، حی علی الفلاح دیور ، خلقی نمازه چاغیریور ،  
 افلاح اولمانک یولینی کوستیریور . مؤذن : حی علی الصلاة ، حی علی الفلاح ، دیرک سن ده :  
 لاحول ولا قوه الا بالله « دی ! او صیره ده سکا بویه دینک یقیشیر . صکره مؤذن ینه :  
 الله اکبر ، الله اکبر ، لا اله الا الله « دیه تکرار ایدیور . د بدق دویمادق دیمه یک ،

ایشته کلریکزی خاطر دن چیقارمایک ! باقک بر دها سویله یورم : اولولر اولوسی الهدر ،  
اوندن باشقه « الله » یوقدر . اوکا کوره داورانک ! صکره سز بیلیرسکیز ، اوتسنه قاریشمام ،  
دیور . صباح اذاندهده : حی علی الفلاح « دیدکن صکره باشقه اذانلردن فضلہ اوله رق :  
الصلاة خیر من النوم » دیور . ای مسلمانلر ! بنده بیلیمورم اویقو ، هله صباح اویقوسی  
پک طایدر . لکن بیلیمش اولک که : نمازده اویقودن بیک قات خیرلیدر !

مؤذنک بوسوزلرینی ایشیدوب دوشونهن آرتق اوطوروب دورابیلیرمی ؟ سنده  
دایانه مدک ! اواذانلر ویریلیرکن اوله اوزانوب یاتمغه یورهکک قائل اولمدی . هان یرکدن ،  
یاتاغکدن قوبوب قالقدک . آرتق قرار ویردک نماز قیلاجقسک ، اللهکه عبادت ایدہ جکسک .  
چوق اعلا ، چوق کوزل . لکن اوجکه کندیکي بر یوقلا ، باقلم نه حالده سک ؟ بیلیرم  
جنب کز مرسک اما ؛ انسان حالی اویقوده ایکن بلکه صودو کونمک اقتضا ایتشدیر . ایلاک  
اوجکه بونی بر آکلمالی . چونکه جنب اولان کیمسه غسل ایتدن یعنی ییقانوب بوی  
آبدستی آلمان نه جامعہ کیده بیلیر ، نه نماز قیلابیلیر ، نده مصحف شریف طوتابیلیر .  
بونک ایچون اوله بر شی اولونجه هان غسل ایتلی ، وقت کچیرمه دن کوزلجه ییقانوب  
تمیزلنمہلی !

### تمیزلاک

ای آغالر بیلیمش اولیک که : بزم مملکتلر منر دنیانک اُک کوزل یرلریدر . بوبزم بولندیغمز  
یرلری یارادان « الله » اوکمشده اوله یاراتمشدر . بورالرده کی کوزل هوا ، ای صوهر  
یرده بولغز . بورالرده اولان بهت ، برکت هر یرده کورلمز . بزده چیقان بال بغدادی ،  
سوت یغورت ، یاغ قایماق هیچ بر یرده چیقماز . جام اورمانلریمک هواسی قیرلریمک  
بایرلریمک چیچک قوقوسی انسانک ایچی آچار ، جکرلرینی تمیزلر . پیکارلرمک پرلانطه  
کی صولری آدامک معدنه سنده طاش بیله اولسه آریتر .

بن بولری سزه اوزون اوزادی به دوکوب صایاجق دکل . اصل بنم سزه سویلاک  
ایستدیکم شی : شو بزم مملکتلریم هر یوزدن بو قدر کوزل ایکن نه بز بویه جایز ،  
چه لیمز اولوروز ؟ حالسز ، رنکسز قالیوروز ؟ نهدن چوجقلریمک بیونجقلری چوپ کی  
اینجہ ، قارنلری داوول کی شیش ؟ . نهدن قادیلریم یاریم اولور ؟ نهدن کنجلیم



دها اولمادن چورسيور؟ نه يچون ارككلريمز اوليه اويوشوق، اويونتو قلوب وقتندن اول چوكيور؟ اوجانم چام قوقولري نيه بزم جكرلريمزك باصيني سييله ميور؟ اواي صولر نهدن بزم معدله ريمزي دوزله لته ميور؟ او آچيق هوالر، قيزغين گونش لر بزم يوزيمزه نهدن بررنك ويرميور! نه ايجون باشقهرلى كچي بزده چوغالوب ارميورز؟ كيتدكجه دال بوداق سالاجق يرده نهدن اوليه جه قاوورولوب قاليورز؟ بوني سز آزيچق مراق ايديك! بونه ايجونلري سزده بر آز كنديكزه صوريك! دوشونك، طاشينك كه بونه دن بويه، بوكا سبب نه؟ ..

شيمدي سز داوملاسه كز بن ديه جكم كه: بونك سبي هپ بزم مسلمانجه ياشامني بيلمه يشمزد. اكر بز بوني لايقيه بيلمش اولسه ايديك بويه اولمازدق، بوحاله كلزدك. حمد اولسون بز مسلمانز اما نه يالان سويله يلم كه مسلمانجه سنه ياشامني بيله ميورز. نهدن ديرسه كز؛ مسلمانلق تميزلك ايسته يور، بز پيسر... مسلمانلق حاماراتلق ايسته يور، بز تنبلز... مسلمانلق وجود صاغلني ايسته يور بز چورو كز...

شيمدي هانكيكز قالفارده: بز پيس دكلز تميززه.. تنبل دكلز، حاماراتز.. چورو ك دكلز صاغلانمز» ديه بيلير باقاييم؟ كنديمزي آكلامق. يچون او قدد انجه آله يوب صيق دقومق ايسته مز. شويله بر دفعه اوستمزه باشمزه، اوميزه كويمزه باقاجق اولسه ق نه مال اولديغمز او ساعت ميدانه چيقار. زيرا ايجمزه اوليه لر بزم وار كه هفتله كچر وجودي صو صابون كورمز. آلي آياغي كيردن يوصون باغلار. تر قوقوسندن، سيديك قوقوسندن يانه واريلاز. بيت شقاقلرندن آقار، وجوديك هر طرفي اورو حك طوتارده كنديسني شويله براز تميزله مك عقلنه بيله كلز. شيمدي بوكا مسلمانجه ياشامني دينير؟ مسلمانلر بويه مي اوله جقدى؟ مسلمانلر آلي آياغي دائما كل كچي ترميز اوليه جقميدي؟ مسلمانلر اوستلري باشلري اُسكي، يامالي ده اولسه ينه تميزلكدن مسك كچي قوقوب يوزلرندن نورلر آقيه جقميدي هاني زرده او تميزلكلر؟ ..

اوستمز باشيمز بويه اولديني كچي اوبمز كويمز، ييمه مز انجمه مز، اوطورما مز قالممازده مسلمانجه سنه دكلدر. حالبو كه مسلمانلر اوستلري باشلري كچي اوطوروب قالدقلى يرلرده تميز پاك اولاجقدى. مسلمانلر مر دارلقدن قورقوب قاجنوب دائما وجود صاغلك چاره سنه باقاجقلى... ايسته بونك بويه اولديغي بيلملي ده درت آل ايله دينه صاريلملي. دائما مسلمانجه ياشامغه غيرت اتملي. و تميزلك ايجون هيچ اوشنمه ملي

و ایجه بیلملی که دینک بناسی تمیزلک اوزرینه قورلمشدر. بوکونکی آوروپانکدها کوزی آچیلسامیوب قرانقلر ایجریسنده یورودیکی بر صروده مسلمانلق قلی قرق یاروب عالمه تمیزلک اوکرتمشدر .

دین اولولری تمیزلک ایچون اوقدر چوق سوزلر سویلشلر ، اوقدر چوق کتابلر یازمشلر که حدی حسابی یوقدر . بونک ایچون ای مسلمانلر ، نه دیسه م ، نه لرسویلسه م صاقین چوق کورمه یک ! دینمک دیدیکنه باقوب اویکزی کویکزی ، اوستیکزی باشکزی ییه جککزی ایجه جککزی تمیز طومغه باقیک ! هر شیدن اول جنب کز مه مک دقت ایدیک . صواقضا ایدر ایتمز شیمدی آکلاته جغ کبی هان کوزلجه غسل ایله یک . ایکیده برده ده ییقانوب تمیزله نیک ! صواقضا ایتسونده اویله ییقانهیم دیه کیر پاص ایچنده کز مه یک .

جنب اولدجه ییقانمق فرضدر . اما هر جمعه ییقانمق ده سنت شریفدر . بونک ایچون هیچ اولمازسه هر جمعه ییقانمالی ، چالیشوب چابالامق یوزندن وجود کیرلندیکی وقت جمعه یی ده بکلمه ملی . هان کوزلجه ییقانوب تمیزلنلی . بویله یاپارسه کز سیکیرلر بکزدوزله لر . وجودیکز صاغلاملا شیر . اشتهاکز آرتار ، ایچکزده بر فرحلق دیوارسکز . نفه کزی کنیش آلیرسکز . تجربه ایدکده باقیک بکا فصل حق ویررسکز .

بزم دینمک هر امر ایتدیکی شیده بر چوق حکمت وارد . بیلیمش اولیک که بر ییقانمق بیک علاجه بدلد . آوروپالیر بونی ده شیمدی اوکره نمشلرده آتق هر کون ییقانیورلر . چوق فائده سی کوردکلری ایچون بر کون ییقانه دن ایده میورلر . بو سبدن ساده قصبه لرده دکل کویلرنده کی اولرنده بیله مطلقا کوزل ییقانه جق یر یاییورلر .

ییقانمقی آوروپالیره حکملر بیلدیریور . حالبوکه بزه « الله » امر ایدیور . بونک ایچون هر مسلمان اوند ییقانمغه مخصوص مطلقا مناسب بر یر بولماید . چونکه دینک تملی تمیزلکدر . هر عبادتن اول آدامه تمیزلک لازمدر . ایشته انسان بونی ایجه بیاملی ده نه یاپوب یاپوب کندینی تمیز طومغه نك چاره سنه باقالی . بر رینه فنا بر شی بولاشه جق دیه شویله اودی باطلاملی . آبدسته کیتدیکی وقت ده کوچی یتدیکی قدر تمیزلوب بر یرنده بر پیسلک بر اقامه چالیشملی . صکره ده آللرینی صابون بولنورسه صابونه ، صابون بولنورسه بر آز کول ایله ، یا طوبراق ایله اوغوشدیره رق بول صو ایله کوزلجه ییقاملی و هر وقت بویله یایمغه اوشه نمه ملی .

انسان باشقه سنك بر شيدن نصل ايكره نيرسه كندندن ده اويله ايكره نمنى . كندنيكدر ديه ايكره نوب ده اويله برايكي داملا صود و كرك پارمق او جلري بر برينه سوروشد ير مكله قانما ملي : صاقين : آدام سنده بويله اولورسه نه اولورمش ؟ « ديميك ! بويله اولورسه هرشي اولور . چونكه هر خسته لق ، هر قنالق پيسل كدن كلير . دنياهه اوندن دهه قسا نه اولور ؟ پيسلك ييلانك عقربك زهرندن ده بدتردر . اونك ايچنده اولمدي قنالق يوقدر . انسانه خسته لق كتيرون كوچوچك قورتلرك يمورطه لري بتون پيسلك ايچنده طوليدر . بونك ايچون انسان ييرتجي حيوانلردن قاچار كي پيسل كدن قاچه ليدر .

اينك بولاشيفنى ايجه ييقاميان كي مسه او ايله نهني طوتارسه ، نره يه ياپيشيرسه او خسته لق قورتلرينك يمورطه لريني ده اورالره بولاشد يرر . حكيملرك مي قروب ديدكلري او قورتلر ايچون كچلرده سوزه نلر سويلدم ، نلر آكلاديم اونوتديكزى ؟

ايسته ديدكلريمي دوشونك ده تميزلك ايچون اصلا اوشه نيميك . كتابلر يمزك ، خواجه لرميزك ديدكي كي كوزل كوزل آبدست آليك ، مسواك طوتونك آغز يكزي بورنكزي ، آليكزي آياغكزي تميز پاك طوتديغيكزي كي اوستكزي باشكزي ده تميز طومغه غيرت ايديك . اثوابكرك اسكي اولماسي عيب دكلدر . اصل كيرلي پاصلي اولمسي عيدير . يامالي اولسون ده پيس ، مردار اولسون يوقسه .

ايسته بونك ايچون انسان آلندن كلديكي قدر اوستني باشني صيقجه صيقجه ده كيشمه لي . بر چاشيري اويله موشامبا كي اولونجه يه قدر كي مه ملي . همده بو تميزلك انسانك ايچندن كللي . باشقه لري كورسون كورسون ينه انسان كنديني تميز طومغه غيرت ايتلي . كي مسه كورمه يور ديه هيچ آدام اويله كير پاص ايچنده كزرمي ؟ باشقه لري كورمرسه جناب حق كورير يا ؟ انسان اصل الله دن قورقالي ، كندندن ده بر آز ايكره نوب پاصا قيلمق دن وز كچملي و ايجه بيلملي كه پيسلك انسانك دنيا سني خراب ايتديكي كي آخرتي ده خراب ايدر .

شيمدي اغالر ! ديه م كه صو دوكونمك اقتضا ايتدي . ييقانوب بوي آبدستي الاجسكيز لكن بولنديغيكزي رده صو يوق . ياخود صو وار اما پيس .. ياخود صو وار اما آرزيق يتيشمز . ياخود صو بول اما بر خسته لق يوزندن ييقانمقده تهلكه وار . صو دوكونوله جك اولورسه خسته لق آزاراق ، آرتاجق . ياخود هوا غايت صوغوق .. سوز تمبيلي طاغده ، بارده سك . نه ايصيته جي شي وار ، نه ده بارينه جق بر ير .. صكره



انسان نعوذ بالله فنا بر خسته لغه طوتولاجق ؛ ياخود دوناجق ؛ آلی ، آياغی دوکوله جک ، بلکده اولوب هلاک اولاجق . ايشته بويله بر عذر وارکن فرض ايدلم که سکا صو اقتضا ايتدی ، انسانلق حالی جنب اولدک . او وقت نه ياپاجقسک ؟ نه ياپایم ، خسته لانيرسم خسته لانيريم . اولورسم اولورم ، قاليرسم قاليرم ديهرك کوز کوره کندیکي تلف می ايدجکسک ؟ يوقسه : صو يوق ديهرك اويله پيس پيسی کزه جکسک ؟ خایر . . ايشته او وقت تیم ايدجکسک ! هيچ اولمازسه کندیکي اويله لکله تمیزلر صیره سنه کچیر جکسک ! پاک طوبراق جنسندن بر شيله اولسون خفيف بر تمیزلک ياپاجقسک ده کندیکي اويله جنب جنب کنز مکه آليشدیرمه جقسک .

تیم ايدنجه آرتق غسل ايتمش کبي تر تمیز اولورسک . جامعده کيدورسک ، نمازده قیلارسک ، مصحف شريفده طوتارسک . بويله جه بر کره تیم ايتدکن صکره انسان حالی تکرار جنب اولسه کينه اويله عذر وارسه ينه تیمله عبادت ايدرسک . اما او عذر قالمايجه او وقت تیم بوزولور . مطابقا غسل ايتمک لازم کلیر .

ايشته بويله بر عذر وارکن تیم ايتمک ساده جنب اولانلره مخصوص دکلدیر . جنب اوليان کيمسه دخي بويله بر عذر اولونجه آبدست يرينه تیم ايدرك او تیمله ايدجکي عبادتی ايدر . اما او عذر قالمايجه او وقت تیم بوزولور ، آبدست آلمق لازم کلیر . شوده خاطر يکزه قالسين که آبدستی بوزان شيلر تیمی ده بوزار .

شيمدی : تیم نه در ؟ نصل اولور ؟ « صره تیم نصل اولور ، غسل ايچون ايديلن تیم ايله ؟ آبدست ايچون ايديلن تیم آره سنده بر فرق وارمیدر يوقیدر بونلری آکلامق ايسترم .

شيمدی ای جماعت بيلمش اولک که جنبلکدن پاک اولمق ايچون ايديله جک تیم ده اونک عیندر ، ساده نيتلری باشقهدر . آره لرنده بوندن ماعدا هيچ بر فرق يوقدر . کله شيمدی تیمک نصل اولاجغه ! انسان حالی بر رده بولنديکيز . آبدست آلاچقسکز ، نماز قيله جقسکز لکن صو يوق ، ياخود کچن کون سويلديکم عذرلردن بری وار . اونک ايچون تیم ايتمک ايجاب ايتدی . نه ياپاجقسکز ، نصل تیم ايدجکسکز ؟

آغالر ! بوقولای برشیدر . ساده قوللریکيزی صیوايه رق نماز قيلمق ايچون تیمه ايچکز دن نيت ايدرسکز . ديلکيزله ده : نيت ايتدم نماز قيلمق ايچون تیمه « ديهرك بسمله چکر سکيز . صکره پارمقلریکيزی آچهرق ايکی أليکزي تمیز برطوبراغه ياخود طاش ، قوم ، کره میدکي

طوبراق جنسندن بر شیئه بردفعه اودرسکزی . آلریکزی او یردن قالدیرمادن ایلری یه دوغری سورتوب ینه اویله جه یره سورتهدک چکرسکزی . صکره آلریکزی یردن قالدیروب توزطوبراق یایشمش ایسه دوکولسون دیه آلریکزک یانلری بربرینه اوره رق سیلکرسکزی . آلریکزک ایچی باشقه بریره سورمه دن یوزیکزک هریری مسح ایدرسکزی . یعنی آلریکزک ایچله یوزیکزک هریری اویله جه قوری قوری یه بر دفعه سیله رسکزی . صفا لکزی وارسه پارمقلریکزله حالالامنی ده اونوتمازسکزی .

صکره ینه بردفعه ده اویله جه آلریکزی یره اودوب سیلکرسکزی ینه آلریکزک ایچی باشقه بریره دو قوندیرمادن صول آلکزک باش پارمغدن ماعدا کیری قالان درت پارمغک ایچله صاغ الیکزک طیشنی پارمقلرک اوجندن باشلایوب دیرسکلره قدر مسح ایدرسکزی . صکره آلکزی هیچ قالدیرمادن صول آووجکزک ایچله ده صاغ قولیکزک ایچ طرفنه بیله که قدر مسح ایدرسکزی صول آلکزک باش پارمغک ایچله ده صاغ آلکزک باش پارمغک طیشنی اوجنه قدر مسح ایدرسکزی ! صکره او هیچ بریره دو قوندیرمدیغکزی صاغ آلکزک ایچله ده . ده مین صاغ آلکزه یایدیغکزی کبی یابارق . دیرسکه قدر صول آلکزک هیچ بر طرفنه مسح اولندق بریر برافزسکزی .

بونو بجه بیلدیکز نه اعلا . . شاید بجه مزسه کز قولایکزه نصل کلیرسه اویله جه یابارق . دیرسکلره قدر قولریکزی آلریکزک ایچله مسح ایدرسکزی ایشته نیم دیدیکمز بودر ، بو قدردر . یوزدن قولدن باشقه اعضایی ده مسح ایتمک لازم دکلدر جنبلکدن پاکلنمک ایچون ده تیم طبق بویله در . ساده جنبلکدن پاکلنمک ایچون تیمه « دیه بسمله چکمه رک نیت ایدیایر . باشقه هیچ برفرقی یوقدر .

ای آغالر ! شو بزم شریعت مزده کی قولایله باقک که بر عذو اولدینی وقت انسان بو قدر حق بر تیمله پاک اولویرییور . . مسلمانلق انسانی صیقوب جندره لره قویمور . هر شیئه مطلقا مناسب بر چاره کوستیریور . نه انسانه کندی نی تلف ایتدیریور . نه ده آدمک باشنی اویله بوم بوش بر اقوب مولاسنی اونوتدیریور . . صواولسون و الماسون ینه اللهه عبادت ایدیله جک . هیچ اولمازسه تمیز طوبراق جنسندن برشی ایل اولسون ینه آل یوزسیلینه رک « الله » حضورینه کیریله جک . . بویله لکه انسان دائما مولاسنی دوشونوب اوکا کوره خیری شری ، سه چه جک ، اوکا کوره دینه دنیا سنه چالیشه جقدر . تیمده بونک کبی ده ایجه حکمتلر واردر . بی نمازلر بر آزانصاف ایتسینلرده شریعتک نمازه نه قدر اهمیت و یردیکنی شوتیم بختندن ده

بر کره دها آکلا سینلر . صو بولتمدینی برزمانده ، یاخود باشقه بر عذر بولندینی صرمده بویه شرطیله شروطیله تیم ایتکی دوشونسونلرده ، صویک بول یرنده ایتدکاری بی نماز . اقلرندن آزیحق صیقل سینلر .

شیمدی فرض ایدم که صو بولوندی ، عذر قالمادی . اوزمان نه اولاجق؟ ینه تیم دورورمی ، یوقسه بوزولورمی ؟ بونی آکلایلم !

صو بولونجه یا باشقه بر عذر قالمانجه آرتق تیم بوزولور . غسل یرینه تیم ایدلش ایسه غسل ایتک آبدست یرینه تیم ایدلش ایسه آبدست آلمق لازمدر . بویتمدی . شیمدی کلهلم آبدسته . . آبدست فصل اولور ، نصل آلینیر ؟ بر ازده بونی اوکردهلم .

آغالر ! آبدست آلمق تیم ایتکه هیچ بکنزه من . آبدست آلاجفکز وقت ایلک اوجکه قوللریکزی صیویایوب آبدست آلمغه ایچکزدن نیت ایدرسکزر . دلیکزلده نیت ایتدم آبدست آلمغه ؟ اعوذ بالله من الشیطان الرجیم ، بسم الله الرحمن الرحیم ، دیهرک اللریکزی بیلکلیر بکنزه قدر اوج دفعه بیقارسکزر . بر آلیککزک پارمقلریله اوتنه کی آلیککزک پارماقلرینک آراسنی اوغوشدیره رق حلاللارسکزر . مسوا ککنز وار ایسه دیشلریکزی کوزلجه اوغارسکزر . مسوا ککنز یوقسه پارمقلریکزلهدیشلریکزی اولدینی قدر اوغوشدیررسکزر . صکره اووجکزله اغزی بکنزه صو آلوب اغزی بکنزی چالقالارسکزر . ایکی دفعه دها بویهلجه اغزی بکنزی چالقادقنصکره اووجکزله برونکزه صووویروب کوزلجه تمیزلهدیررسکزر . ایکی دفعه دها بویهلجه برونکزی تمیزلهدکنصکره یوزیککزک هر طرفنی اوج کره بیقارسکزر . بیقلریکزله قاشلریککزک آلتینی ده ایصلاتیرسکزر . صقالیکز اوزون ایسه بیقار ، یاخود حاللارسکزر . صکره اوجکه صاغ قولیکزی ، صکره صول قولیکزی دیرسکلریکزله برابر اوج دفعه کوزلجه بیقارسکزر . بوندن صکره ساده صاغ آلیکزی کوزلجه ایصلاتوب هیچ بر یره سورمه دن بانشککزک درنده بری قدرینی یاخود هر یرینی مسح ایدرسکزر .

صکره اللریکزه صودوکوب شهادت پارمقلریکزله یعنی باش پارمقلریککزک یاننده کی پارمقلره قولقلریککزک ایچنی ؛ باش پارمقلریکزلهده قولقلریککزک ارقه سنی سیله رسکزر هیچ موللانیمه دن ایصلاق قالان اوتنه کی پارمقلریککزک اوستلریله ده بیونککزک ایکی یانلرینی مسح ایدرسکزر . بوندنصکره ایلک اوجکه صاغ آیاغکزی ، صکره ده صول آیاغکزی طوبوقلره برابر اوج دفعه بیقایوب پارمقلریککزک آره سنی کوزلجه تمیزلهمکی اونوتمازسکزر . ایشته آبدست بویه آلینیر . اما انسانک بر یرنده یاره ، چیان یاخود قیریق ، چیقق



اولوبده اوستی صارلی بولونسه او وقت نه یامالی ؟ قیریق چیق هر وقت چوزیله مز . صکره صارغی نه یه یارار ؟ یاره چیان اویله ایکیده برده چوزیلوب اولور اولماز صو ایله ییقانه مز . صکره صو قاپار ، ضرر کلیر . شریعتده کوچاک اولمادیغی ایچون بویله اولدیغی وقت صارغیلری چوزوب آلتینی ییقامق ایسته مز . ساده صارغی اوزرینه بر دفعه مسح ایدایلر . همده مطلقا صارغینک هر طرفنی مسح ایتک لازم دکلدر . یاریسندن فضله سی ده مسح ایدلسه ینه اولور . اما صارغینی چوزوب آلتینی ییقامقده بر ضرر یوقسه ؛ صارغی اویله عادی بر صارغی ایسه او زمان صارغی اوستته مسح ایتک اولماز . مطلقا صارغینی چوزوب آلتینی ییقامق لازمدر . ایسته بویله جه آبدست آلدقدن صکره آرتق جامعده کیده بیلیرسکیز ، نمازده قیلا بیلیرسکیز . بر آبدستله بر نماز ، بش نماز قیلینر اما اویله اوشنمک یوزندن آبدستی او قدر اُسکیتمکده هیچ ای دکلدر . کندینی ادرار صیقیشدیر وبده تکرار آبدست آلماق ایچون : هله شو نمازی ده قیلا ییم ، هله بو نمازی ده قیلا ییم دیه کندینی زور طوتان کیمسه نک قیلدیغی نماز ، ایتدیکی عبادت مقبول دکلدر . چونکه اویله سنک کوزینه دنیا کورونمز . عبادت صرهمنده انسانک بویله بر صیقیتینی اولورسه جامع باشینه زندان کسایلر ؛ بر آن اول اورادن قورتلحق ایستر . بو حال ایله ایدیلن عبادتن هیچ بر لذت آلینرمی ؟ ایسته بونک ایچون اوشه نمیوب آره صره آبدست نازه لهرک راحت راحت عبادت ایتکی که انسانکده روحی بر شیر اولسون . یوقسه اویله آلا زبار نماز قیلقدن برشی چیقماز . شیمدی ده آبدستک نه ایله بوزولدیغی آکلایه لم . آبدست غایت نازک بر شیدر . انساندن قان ، ایرین ، ادرار ، یل ، پیسلک ، فضله سیله قوصموق حیة تاجق ، کله جک اولسه همان آبدست بوزولور . یکیدن آبدست آلمق لازمدر . سانه شو وارکه : انسانک بر یرندن چیقان قان یا ایرین اطرافه آقوب بولاشداندن چیقدیغی برده قالسه بو قدر جقله آبدست بوزولماز . اویویان ، باییلان کیمسه لرک آبدستلری بوزولدیغی کبی جاهلک ایدوب یاننده کیلر دو یاجق قدر نمازده کولهن کیمسه نکده آبدستی بوزولور .

شیمدی کله لم آیاق قابلی اوزرینه مسح ایتکه .

ای جماعت ! بیلیرسکیز که هر یرک و هر کسک کندینه کوره بر آیاق قابی واردر . بونلرک بهضیسنک کیلوب چیسارلمی قولایدر ، بهضیسی ده کوچدر . کیمی باغلی کیمی قوپچلی ، کیمی چکمه کیمی صیقمه ؛ حاصلی هر بری بر دورلودر . بویله آیاق قابی

کیمه نلر ایچون هر آبدست آلدیجه آياقلىرى ييقامقده بر آز کوجلك اولديغندن شريعتمز  
بزه بيوک بر قولايلىق کوسترمشدر . آياق قابلىرى چيقارمه دن اوزرينه مسح ايتمک اذن  
ويرمشدر. باقك بونك نصل اولاجنى آكلاتيم :

منز شيمدى آبدستلى ايکن آياق قابلىرى کيدىکمزده، آبدستکمز بوزولدقندنصکره  
بر دهها اولرى هيچ چيقارمديکمز ايسه آرتق آبدست آيرکن آياقلىرى ييقامق  
ايسه مزه . اويله جه آياق قابلىرىکمز اوزرينه مسح ايديو بررسکمز . يعنى آللىرىکمز پارمقلىرى  
ايصلا توب آياق قابلىرىکمز اوزرندن آياغىکمز پارمقلىرى اوستنه قويارسکمز . آووجلرى  
دوقوندرمقسز آللىرىکمز پارمقلىرى آز آچارق قونچلره دوعى بر کره چکرو آشيق  
کيمکلىرى آشبررسکمز . ايشته آق قابلىرى اوزرينه بويله مسح ايديلير . اما بر کيمسه  
بو نم تعريف ايتديکم کي مسح ايتمه ده آياق قابلىرىکمز اوزرى ؛ صو دوکدک ياخود  
بر بز پارچه سيله ايصلا تيه مسح ايتمش اولور . لکن پيغمبر افنديمک سنت شريفنى  
يرينه کتيرمش اولماز .

اگر آبدستکمز بوزولدقندنصکره آياق قابلىرى چيقاروبده آبدستمز کيدىکمزسه ،  
بردهها آبدست آيرکن اولرک اوزرلرينه مسح ايده مزسکمز . مطلقا آياقلىرىکمز ييقامق  
ايجاب ايدر .

اغلار دقت ايديو برميسکمز؟ هپ آياق قابى دييورم، مست دييورم . چونکه اوزرينه  
مسح ايتمک ساده مسته مخصوص دکلدز . مست ، لاپچين ، سرحدلى ، پوتين ، چيزمه ،  
قالچين ، قونچلى عباترلک ، غابت قابى چوراب کي آياق قابلىرى تميز اولدقندنصکره بونلرک هيسنه  
مسح ايتمک جائزدر . حق آياقلىرک اوزرى آشيق کيمکلىرى قدر اورتين چاريقلر اوزرينه ده  
مسح ايتمک جائزدر . بويله چاريقلرک اوست طرفدن بر ايکي پارمق قدر آزالق قالاجق  
اولسه ده ضررى يوقدر . برده آياق قابلىرىکمز مطلقا دريدن اولسى ياخود آلتى مشينلى  
بولنمى ده شرط دکلدز . عبادن ، قالين چوخه دن ده اولاييلير آليررکه آياقلىرى و آشيق  
کيمکلىرى اورتسون ، قونچى آشاغى دوشميه جک و هانجه جق ايجينه صو آلمايه جق قدر  
قالينجه بر شيدن اولسون .

مرکوب کي ، اسقارپين کي ياريم آياق قابلى اوزرينه مسح ايدلنز . اما بونلره  
عباء چوخه کي قالينجه بر شى ديكيله رک آشيق کيمکلىرى اورتين جک قدر قونچ يايلا جق  
اولورسه مسح ايتمک جائز اولور . برده شوکا دقت ايتلى که اوزرينه مسح ايديله جک آياق

قابلك برنده ، بر یرده یا باشقه باشقه یرلرده اوج پارمق کورینه جك قدر دليك یرتیق آچیق سوکوک بولونه جق اولورسه او حالده ایکن مسح ایتك جائز اولماز . لکن بو ؛ دليك کديكك آشیق کیکندن آشاغیده اولدیغه کوره در . یوقسه یوقاریده اولورسه هیچ بر ضرری یوقدر . شیمدی کل کله لم بویه آياق قابلی اوزرینه نه وقته قدر مسح ایديله جکنه ! .

یولجی اولانلر یتش ایکی ساعت ، یولجی اولیانلرده یکرمی درت ساعت آياق قابلی اوزرینه مسح ایده بیلرلر . سوز تمثلی سز یولجی فلان دکلسکز . بو صباح آبدست آلوب آياق قابلیکزی کییدیکز . دیلم که آياق قابکز آياغکزده ایکن اؤکله وقتی آبدستکز بوزولدی . ایشه او آندن اعتباراً یکرمی درت ساعت کنججه یه قدر یعنی یازین تام اؤکله وقته قدر هیچ چقارمه دن هر آبدست آلدجه او آياق قابلی اوزرینه مسح ایده بیلر سکز . برده فرض ایدلم که یولجیسکز . صباحلین آبدست آلاق آياق قابلیکزی کییدیکز . سوز مثالی آياق قابلر آياغکزده ایکن اؤکله وقتی آبدستکز بوزولدی . ایشه او آندن اعتباراً یتش ایکی ساعت کنججه یه قدر یعنی تام اوج کون صکره کله جك اؤکله وقته قدر هیچ چقارمه دن هر آبدست آلدجه آياق قابلیکز اوزرینه مسح ایده بیلر سکز . دقت ایدیور میسکز ؟ بو ساعتلر هب آبدستک بوزولدیغی زماندن صایلغه باشلا یور ، آياق قابلرینک کییدیکز زماندن دکل .

شیمدی برده وارکه : یولجی ایکن ده ایتش ایکی ساعت کچمه دن ، یاخود یولجی دکل ایکن هنوز یکرمی درت ساعت تمام اولمان آياق قابلیکزدن برینی ، ویا ایکیسنی چقاریر یوریه جك اولسه کز آرتق او حساب بوزولور . اکر او صرده آبدستلی دکلسه کز یکیدن آبدست آلمان آياق قابلرینی کییه جك اولسه کز اوزرلرینه مسح ایدمز سکز . یوق اکر او صرده آبدستلی ایسه کز ، اویه آياق قابلیکزک چقه ماسیله آبدستکز بوزولماز . ساده آياق لریکزی بیقایوب آبدستکزی تماملار سکز . آياق قابلیکزک ساده بری چیقدیغی وقت یالکز او آياغی بیقامقله آبدست تمام اولماز . مطلقاً اونه کی آياغکززی ده بیقامق کر کدر . اما مسح وقتی تمام اولدیغی زمان یعنی یولجی به کوره یتش ایکی ساعت ، یولجی اولیانه کوره یکرمی درت ساعت کچدیکی وقت آبدستلی بولنیورسه کز ساده آياق لریکزی بیقایوب آبدستکزی تماملار سکز . یوق او صرده آبدستلی بولنیورسه کز آرتق یکدن آبدست آلیرکن چقاروب آياق لریکزی کوزله بیقار سکز .



شیمدی ده کیملر یولجی صاییلیر ، کیملر صاییلار بو بجنی بر آکلاتمق ایسترم . بونی  
 ییلمک ده اوستمزه الزمدر . زیر ازم شریعتمزده یولجیلر ایچون مسح مدتی اوچ کون  
 اوچ کیجه یه اوزاتمق ، دوت رکعتلی فرضلری ایکیشر رکعت قیلمق ، جمعه و بایرام نمازلرینی  
 قیلماق ، فطره و یرمه مک ، قربان کسمه مک ، رمضان اوروجنی براقق کبی بر طاقم  
 قولایاقلر واردر . یولجی دیه کیمه دینیر ، کیمه دینیز بو ییلنمه جک اولورسه صکره  
 ایشک ایچندن چیقلماز . بونک ایلک اوجکه بونی اؤکره نلم . صکره ان شاء الله نماز اوروج ،  
 قربان فطره بحثلرنده یری کلدکجه هر برینک مسئله سنی دیلم دوندیکی قدر سولنمکه غیرت ایدرم .  
 شیمدی او جماعت ! هر کیم که کویندن قصبه سندن قالقوب ده ؛ قره ده دوه آیاغله  
 دکزده یلکین آچهرق اورته بر هوا ایله قیصه کونلرده اؤکله یه قدر یول آلاق اوچ  
 کونلک یعنی کونده آلتیش ساعتدن اون سکیز ساعتک بر یره کیتمک ایچون یوله چیقسه  
 او کیمسه یولجی صاییلار . حتی واردینی کویده قصبه ده اون بش کون ، یا ده زیاذه  
 قالغه قرار ویرمدکجه ینه یولجی صاییلیر . اما او واردینی یرده اؤک آشاغی اون بش کون قالغه  
 قرار ویرنجه آرتق یولجیلق فلان قالماز . مسح مدتی بر کون بر کیجه یه اینر ، دوت  
 رکعتلی فرضلری تمام قیلمغه باشلار ، جمعه و بایرام نمازلری قیلار ، فطره ویرر ، قربان  
 کسر ، اوروج طوتار . حاصلی یرلی اولانلردن هیچ بر فرقی قالماز . اما کندی قصبه سنه  
 دوندیکنده اون بش کوندن آز ، یا چوق قالمق ایچون نیت ایتمک لازم دکلدیر . زیرا  
 بر کیمسه کندی یرنده ایستر آز قالاجق اولسون ایستر چوق قالاجق اولسون ینه یولجی  
 صاییلماز .

لیکن آغالر دقت ایدیک که بو یولجیلق ده مین دیدیکم کبی اؤک آشاغی اوچ کونلک  
 بر یر ایچوندر . یوقسه بوندن یقین بر یره کیتمک ایستین کیمسه یولجی صاییلماز .  
 حتی بر کیمسه یقین بر یره کیده جکم دیه کویندن قصبه سندن چیقسه ده ها شوراجغه ،  
 ها بوراجغه دیه دنیایی دولاشه ینه یولجی صاییلماز . بونک ایچون اؤک آشاغی اوچ  
 کونلک بر یره کیتمک نیتله یوله چیقماق لازمدر . بویله بر نیتی اولمیان کیمسه یولجی  
 صاییلمدینی کبی بویله نیتی اولوبده یوله چیقماق کویک قصبه نک اولرینی - کوجه  
 اولانلره کوره اوبالری - کجه نجه ینه یولجی صاییلماز . یعنی ساده یوله نیت ایتمکه ده  
 اؤینک کوینک ایچمنده ایکن اوروج یمکه ، دوت رکعتلی فرضلری ایکیشر رکعت  
 قیلمغه فلان قالقشماز .

شیمدی آغالر بر کیمسه دوه آیغیله اون سکنز ساعتک بر یره آتله عربله ایلا یاخود شمندوفرله چابقجه کیدیورسه ینه یولجی صاییلر . دکنز بولجیلمغنده بویله در . یعنی بر کیمسه یدکن آچهرق اورته بر هوا ایله اون سکنز ساعتک بر یره واپورله چابقجه کیدیورسه ینه یولجی صاییلر . اکر بر یره ایکی یولدن کیدیلیر اولسه؛ سوز تمبلی یولک بری ایکی کونلک ، بری اوچ کونلک بولونسه اووقت هانکی یولدن کیدیلیرسه اوکا باقیلیر . انسان اوچ کونلک یولدن کیده جک اولورسه یولجی صاییلر . ایکی کونلک یولدن کیدیرسه یولجی صاییلماز . بو ایکی یولک بری دکنز اولسه ده او یره دکنزدن ایکی کونده ، قره دن اوچ کونده کیدیلیرسه ینه هانکی یولدن کیدیلیرسه اوکا باقیلیر . یعنی او یره قره دن کیدیرسه انسان یولجی صاییلیر . دکنزدن کیدیرسه یولجی صاییلماز . بو بحثده بو سفرلک بو قدرله قالسین . شیمدی کله غسل بختنه !

### غسل ، بو آبدستی

جنب اولنجه غسل ایتمک یعنی تپه دن طیرناغه قدر ییقانوب بوی آبدستی آلمق اوزریمزه فرضدر ، اللهم امریله بیونمزه بورجدر . اوله ییس ییس کزمه نك کناهی بك چوقدر ، بونك ایچون برانسان جنب اولدیمی همان غسل ایتمی ، برآن اول ییقانوب او ییسلکی اوزرندن آتالیدر . شیمدی غسل نصل اولاجق بونی بر اؤکره نلم !

غسل ایدیله جکی وقت ایلك اؤکجه بسمله چکدک جنبلکدن تمیزلنمکه ایچکزدن نیت ایدرسکنز دیلیکنزله ده : نیت ایتم جنبلکدن تمیزلنمکه دیهرک األریکنزی بیلکله قدر ییقابوب طرناقلریکنزك آره سنده بیریکمش بر شیلر وارسه اونلریده تمیزلرسکنز . صکره اوله قملره عورت یرلرینی کوزلجه ییقارسکنز . صکره آغزیکنزك ایچنی و دیشلریکنزك آره سنی اوچ کره ییقابوب چالقارسکنز . صکره صو چکوب بورنکیکنزك ایچینی ده اوچ کره ییقارسکنز . شاید قورومش کیر ، پاص وار ایسه اونلریده کوزلجه تمیزله دکن صکره طقی چکلرده تعریف ایتدیکم نماز آبدستی کی بر آبدست آلیرسکنز . اکر اوزریکنزدن دوکولن صولر آیاقلریکنزی باصدیغکنز یرده طوپلانیورسه آیاقلریکنزی آبدست آلیرکن ییقامبوب غسل بیتدکن صکره ییقارسکنز . اکر باصدیغکنز یرده صولر طوپلانیورسه آبدست آلدقدنصکره باشکزه اوچ کره صو دوکرسکنز . صکره صاغ اوموزیکزه اوچ کره صو دوکرسکنز . صول اوموزیکزه ده اوچ کره صو دوکدکن صکره هر طرفکنزی ییقارسکنز . صوی ایلك دوکوشده األریکنزك ایره ییلدیکی قدر وجودیکنزی

او غوشدیرر سکنز. ایشته بویه جه غسل ایدر سه کز جنبه کدن قور تولوب تمیز پاک اولور سکنز. شیمدی آغالر! دیم که غسل ایتمدیکز، یا خود آبدست آلدیکز، وجود یکز تر تمیز آرتق نماز قیلا جقسکز. لیکن باقم اوستکز باشیکز، نماز قیلا جق یریکز نصل؟ چونکه نماز قیلا جق اولان کیمسه نك هم وجودی هم ائوابی، همد نماز قیلا جق یری تمیز اولاجقدر. اگر وجودنده، یا اوستنده باشند، یا خود نماز قیلا جفی یرده برکونا بیسلک وارسه اونی تمیزله مک فرضدر. انسان اویله بیسلک مردارلق ایجریسند. ایکن «الله» حضورینه وارا بیلیری؟ مطلقا تمیزلنه جک، مطلقا تمیز پاک اولارق کلوب نمازه دوراجق، دوردینی یرده تمیز اولاجقدر. بونک ایچون انسان پک دقت ایتلی، اوزرینه بیس بر شی صیجراه جق یا خود سوریه جک دیه شویه یورده کی تیترده ملیدر.

شیمدی دیم که وجودیمز، ائوابیمز، نماز قیلا جق یریمز هپ تر تمیز. آرتق نماز قیلا جق کیمسه اویله چیریل چیلاق نماز قیلاماز. اگر ککلر هیچ اولمازسه کوبکدن دیز قاپاغنک آلتیه قدر هر یرلینی اورتیه جکلردر. قادنلرده آلرینک ایچله یوز وایاقلرندن باشقه هر طرفلرینی اورتیه جکلردر. نهاده یا خود قراکقدده دخی نماز قیالینه جق اولسه ینه بویه جه اورتوتنک فرضدر. بو اورتنک «الله» ایچوند. نمازه دوران، مولاسنک حضورینه واران کیمسه البتهدینی طاقینه جق، البتہ کمدینی برآز دهرله یوب طوبیلایه جقدر. شیمدی فرض ایدم که هم آبدستلی بز، هم تمیز پاکز، همد چیلاق دکلز. نماز قیلماق ایستیورز. پک اعلا لیکن نه وقتلری قیلاجفز بونی ده آکلا یالم!

یکرمی درت ساعته بش وقت نماز قیلماق اوزریمزه فرضدر. یعنی برکون بر کجه ده بش کره نماز قیلاجفز. بونلرک بری صباح نمازی، بری اوکله نمازی. بری ایکندی نمازی، بری آقشام نمازی، بری ده یانسو نمازیدر. هر نمازی وقتنده قیلماق ده فرضدر. بر نماز نه وقتندن اول قیلماق، نه وقتندن صکره یه براقلمالیدر. مثلاً بر کیمسه اوکله وقتی اولمادن اوکله نمازی قیلسه او آدامک بیونلک بورجی اوده نمش اولماز. اوکله نمازی؟ وقتی کچدکن صکره قیلسه بورجی اودهنیر اما نه قدر اولسه وقتنده قیلماق نمازک یری طوتاماز اونک ثوابی بردورلو بولاماز. بونک ایچون انسان دقت ایدوب نمازلری هپ وقتنده قیلماغه غیرت ایتلیدر. پک اعلا شیمدی آکلا دق آرتق نمازی وقتنده قیلاجفز. لیکن نماز نروده قیلینه جق یر

آغالر! نماز جامعه ده قیلنیر. اوده ده قیلنیر تمیز یر اولدقدن صکره قیرده یایرده، هر



ترمه اولسه قیلنیر . لیکن جماعتله قیلمه نك ثوابی یالکیز باشنه نماز قیلمه نك ثوابندن یکر می  
یدی قات فضلهدر . جماعتله نماز قیلماق ارککلر مه سنت شریفدر . بونک ایچون انسان اُلندن  
کلدیکی قدر جماعتله نماز قیلمه غیرت ایتلیدر . بر محله خلقتک یاخود برکوی اهالیسنک  
أویله یکر می دوت ساعتده بش کره برلشوب یان یانه عبادت ایتمی ، بر برینه یابانجی قالمیوب هپ  
آشئالق پیدا ایتمی پک بیوک بر شیدر . جماعتله نماز قیلمه نك دهانجه حکمتلری واردر .  
ایشته انسان بونی بیلملی ده جماعتله نماز قیلمه خور باقاملیدر . اما برده وارک : برایشکیز  
بر خدمتکیز وار ، جماعته یتیشه میه جکسکیز ؛ یتیشه میورسکیز ! ضرر یوق . سزده تک  
باشکیزه قولایکیزه کلدیکی برده کوزلجه نمازیکیزی قیلارسکیز .

شیمدی ده ؛ نماز قیلارکن نه طرفه دوغرو دورولاجقدیر بونی بر اؤکر نهلم ! .  
نمازی قبله یه دوغرو یعنی « کعبه نك » بولندیغی « مکة مکرمه » نه یانده ایسه او طرفه  
دونه نك قیلماقده فرضدر . جامعده اولسه کیز قولایدیر . اوراده قبله طرفنده محراب  
واردر آکلاشیلیر . باشقه یلرله اکر قبله نك نه طرفده اولدیغی بیلمزسه کیز صوردار  
اؤکر نهیرسکیز . صوراجق کیمسه ده یوقسه کندی کندیکیزه دوشونوب حسابلارسکیز .  
عقلکیز نه طرفه کسیدیرسه او طرفه دوغرو قیلارسکیز . شیمدی برارده بش وقت نمازک  
نصل قیلنه جغنی عجمی خرجی اولارق آکلاتیم :

شیمدی ای جماعت ! فرض ایدلم که صباح نمازی قیلاجغز : صباح نمازی دوت  
رکعتدر . ایلك اؤنجه ایکی رکعت ، سنت ، صکرده ایکی رکعت فرض قیلنه جق ؛ ایشته  
او قدر . نمازه باشلايه جغکیز وقت صباح نمازینک سنتی قیلمه ایچکیزدن نیت ایدرسکیز .  
دیلکیزله ده یواشه جق : نیت ایتدم الله رضا میچون صباح نمازینک سنتی قیلمه ، دیه نك  
باش پارمقلریکیزک اوجلری قولاقلریکیزک بموشاغنه دو قونه جق قدر . آللریکیزی قالدیروب  
بر کره « الله اکبر » دیرسکیز . آللریکیزی ده یانلریکیزه صالیور میوب بر برینه باغلار-  
سکیز . یعنی صاغ آلیکیزک آووجنی صول آلیکیزک اوستنه قورسکیز . صاغ آلیکیزک  
سرچه و باش پارمقلریله صول آلیکیزک بیله کنی طوتوب کوبککیزک آلتینه قویارسکیز .  
ایاقلریکیزک آره سفی ده دوت پارمقدن فضلہ آچایوب دؤس دوغرو دورورسکیز .

ابتدا : « سبحانک اللهم وبحمدک وتبارک اسمک وتعالی جدک ولا اله غیرک » دیدکدن صوکره أعوذ ،  
بسمله چکدرک فاتحه شریفه یی یعنی « الحمد لله رب العالمین » سوره سنی آخیره قدر اوقویوب  
« آمین » دیرسکیز . صوکره ده بسمله چکمه دن بر سوره ، یا اوج آیت ، یاخود اوزونجه بر آیت

اوقورسکیز. صکره اللریکیزی یانلریکیزه صالیویروب «الله اکبر» دیه رک رکوعه واریرسکیز. یعنی اللریکیزله دیز قایلریکیزک اوستیکی طوتوب صیرتسکیزی و بلیکیزی دوم دوز ایدرسکیز. طوبوقلریکیزی ده بریرینه یانا شدیررسکیز. او حالده ایکن اوچ دفعه «سبحان ربی العظیم» دیدکدن صکره «سمع الله لمن حمده» دیه رک باشکیزی قالدیروب آیاقلریکیزک آراسنی ینه اولمکی کبی دوت پارمق قدر آچارسکیز. اویله جه دوروب «ربناک الحمد» دیدکدن صکره «الله اکبر» دیه رک سجده یه قایانیرسکیز. سجده یه ایکن اوجکه دیزلریکیزی، صکره اللریکیزی، یره قورسکیز، صکره باشیکیزی اللریکیزک آراسنه قویوب برونکیزی ده یره دوقوندیررسکیز. دیرسکلریکیزی یانلریکیزدن آچوب اویاقلریکیزی قارنکیزدن اوزاچسه طوتارسکیز. قوللریکیزی ده یره یاشیدیرمازسکیز. آیاقلریکیزک هر ایکسینک یاخود هیچ اولمازسه برینک پارمقلرینک آلتینی یره یاشیدیررسکیز. آیاقلریکیزی یردن قالدیرمامغه دقت ایدرسکیز. سجده ده اوچ دفعه «سبحان ربی الاعلی» دیدکدن صکره «الله اکبر» دیه رک سجده دن. قالقارسکیز. بر دفعه «سبحان الله» دینه جک قدر اوطوردقن صکره «الله اکبر» دیه رک ینه طبقی ده مینکی کبی سجده ایدوب اوچ کره «سبحان ربی الاعلی» دیرسکیز. صکره «الله اکبر» دیه رک آباغه قالقار و اللریکیزی ده اولمکی کبر باغلارسکیز. یالکیز بسمله چکدکدن صکره فاتحه شریفینی اوقویوب «آمین» دیرسکیز. برده، سوره یا اوچ آیت یاخود اوزونجه بر آیت اوقویوب «الله اکبر» دیه رک ده مینکی کبی رکوعه واریرسکیز. اوچ کره «سبحان ربی العظیم» دیدکدن صکره «سمع الله لمن حمده» دیه رک دوغورلورسکیز. «ربناک الحمد» دیدکدن صکره «الله اکبر» دیه رک سجده ایدرسکیز. سجده ده ینه اوچ کره «سبحان ربی الاعلی» دیدکدن صکره «الله اکبر» دیه رک باشکیزی قالدیررسکیز. بر دفعه «سبحان الله» دینه جک قدر اوطوره رق ینه سجده ایدوب اوچ دفعه «سبحان ربی الاعلی» دیرسکیز. صکره «الله اکبر» دیه رک باشکیزی سجده دن قالدیروب صول آیاغکیزک صول یانینی یره دوشه یه رک اوستنه اوطورورسکیز. صاغ آیاغکیزی ده — پارمقلریکیزک آلتینی بر آز یره یاشیدیره رق — دیکوب: التیحات. ایله صلوات و برده دعا اوقودقن صکره صاغکیزه سلام ویررسکیز. یعنی: یوزیکیزی صاغ اوموزیکیزه دوغور و چویروب «السلام علیکم ورحمة الله» دیرسکیز. صکره ده ینه «السلام علیکم ورحمة الله» دیه رک صولکیزه سلام ویررسکیز. ایشته صباح نمازینک سنتی تک باشنه بویله قیلنیر! شیمدی کله لم فرضنه.

ایک اؤچکه صباح نمازینک فرضی قیلمغه ایچکز دن نیت ایدرسکز . دلیکزلده :  
 نیت ایتدم الله رضا سیمچون صباح نمازینک ایکی رکعت فرضی قیلمغه ، « الله اکبر »  
 دهرک طبق صباح نمازینک سنتی کبی ایکی رکعت قیلارسکز . ایشته صباح نمازی ده بالکز  
 باشنه بویله قیلنیر . اما جماعتله قیلاجقسه کز صباح نمازینک سنتنی بینه بالکز باشکزه  
 قیلارسکز . صرده فرضنه کنبجه : مؤذن اقامت ایدرکن « حی علی الصلاة » دینجه  
 سزده جماعتله برابر آياغه قالدارسکز ؛ صباح نمازینک فرضی امامه اویهرق قیلمغه ایچکز دن  
 نیت ایدرسکز . دلیکزلده : نیت ایتدم الله رضا سیمچون صباح نمازینک ایکی رکعت  
 فرضی حاضر اولان امامه اویوب قیلمغه « دهرک امامک تکبیر الماسنی بکارسکز . امام  
 « الله اکبر » دیر دیمز سزده همان الاربکزی قولایمکزه قدر قالدیروب « الله اکبر »  
 دهرک آل باغلارسکز . ساده « سبحانک » بی نهایتنه قدر اوقورسکز . آرتق باشقه برشی  
 اوقومده دن اویله دوررسکز . ساده امام فاتحه شریفه اوقویوبده « والاضالین » دیدیکی  
 وقت سزده یواشجه جق « آمین » دیرسکز . امام « الله اکبر » دهرک رکوعه وارنجه  
 سزده « الله اکبر » دیوب رکوعه واریر ، اوج دفعه « سبحان ربی العظیم » دیرسکز .  
 امام « سمع الله لمن حمده » دهرک رکوعدن باشنی قالدیرنجه سزاونک کبی دیمه یوب « ربناک  
 الحمد » دهرک باشیکزی قالدیرر ، امامی بکارسکز . باقک ای جماعت بوکا دقت ایدیک !  
 بالکز باشیکزه نماز قیلدیگکز وقت « سمع الله لمن حمده » دهرک رکوعدن قالفوبده ایاقده  
 دوررکن « ربناک الحمد » دیورسکز . جماعتله قیلدیگکزده رکوعدن باشیکزی قالدیررکن  
 « ربناک الحمد » دیورسکز . یعنی « ربناک الحمد » ی تک باشکزه اولدیگکزده آیاقده  
 دوررکن ؛ امامه اویدیگکزدهده باشیکزی قالدیررکن دیه جکسکز بونلری برندن آیرد  
 ایتمه لی .

شیمدی سوزیمزه کلهلم ! امام « الله اکبر » دهرک سجدهیه وارنجه سزده « الله اکبر »  
 دهرک سجدهیه واروب اوج کره « سبحان ربی الاعلی » دیرسکز . امام « الله اکبر »  
 دهرک باشنی قالدیرنجه سزده « الله اکبر » دهرک باشیکزی قالدیرر ، امامی بکارسکز .  
 امام سجدهیه کیدنجه سزده « الله اکبر » دهرک سجده ایدوبینه اوج کره « سبحان ربی الاعلی »  
 دیدکدنصکره امامله برابر آياغه ، ایکنجی رکعت قالدارسکز آرتق سزه ییچ برشی اوقوما یوب  
 ساده امام « والاضالین » دینجه یواشجه « آمین » دیرسکز . امام « الله اکبر » دهرک  
 رکوعه وارنجه سزده شیمدی آکلاندیغم کبی امامله برابر رکوعه واریر ، سجده لری



یاپارسکنز . صکره امام اوطورنجه ، سزده «الله اکبر» دهرک اوطورر «التحیات» ایله صلوات ودعا اوقویوب امامله برابر سلام ویررسکنز . ایشته صباح نمازی جماعتلده بویه قیلنیر . شیمدی صره اؤکله نمازینه کلدی . اؤکله نمازی اون رکعتدر . ابتدا درت رکعت سنت ، صکره درت رکعت فرض ، صکره ده ایکی رکعت صوکه سنت قیلنه جی ایشته اوقدر . شیمدی اؤکجه اؤکله نمازینک اول سنتی قیلمغه ایچکزدن نیت ایدرسکنز . دلیکزلده : نیت ایتدم الله رضاسی ایچون اؤکله نمازینک سنتی قیلمغه ، «الله اکبر» دهرک آل باغلاویوب «سبحانک» نی اوقورسکنز . صکره اعوذ ، بسمله چکوب فاتحه ایله بر سوره یا اوچ آیت یاخود اوزونجه بر آیت اوقورسکنز . صکره «الله اکبر» دهرک رکوعه واروب ایکی کره دخی سجده ایدرسکنز . صکره ینه آیغه ، ایکنجی رکعته قالقارسکنز . ساده بسمله چکوب فاتحه ایله بر سوره یا اوچ آیت یاخود اوزونجه بر آیت اوقورسکنز . صکره «الله اکبر» دهرک رکوعه واریر ، ایکی کره دخی سجده ایدرسکنز . صکره اوطوره زق ساده «التحیات» نی اوقویوب آیغه ، اوچنچی رکعته قالقارسکنز . ینه ساده بسمله چکوب فاتحه ایله بر سوره یا اوچ آیت یاخود اوزونجه بر آیت اوقودقدن صکره «الله اکبر» دهرک رکوعه واریرسکنز . صکره ده ایکی کره سجده ایدوب آیغه ، دردنجی رکعته قالقارسکنز . ینه ساده بسمله چکوب فاتحه ایله بر سوره یا اوچ آیت یاخود اوزونجه بر آیت اوقودقدنصکره رکوعه واریرسکنز . ایکی کره دخی سجده ایتدکدنصکره اوطوره رق التحیات ایله صلوات ودعا اوقویوب صکره ایکی طرفکزه سلام ویررسکنز . ایشته اؤکله نیک اول سنتی بویه قیلنیر . شیمدی کله لم فرضه !

ایلاک اؤکجه اؤکله نمازینک فرضی قیلمغه ایچکزدن نیت ایدرسکنز . دلیکزلده : نیت ایتدم الله رضاسی ایچون اؤکله نمازینک فرضی قیلمغه ، «الله اکبر» دهرک آل باغلارسکنز . اؤکجه «سبحانک» نی اوقویوب اعوذ ، بسمله چکرسکنز . فاتحه ایله بر سوره یا اوچ آیت یاخود اوزونجه بر آیت اوقودقدنصکره رکوعه واریر ، ایکی دفعه دخی سجده ایدرسکنز . صکره آیغه ، ایکنجی رکعته قالقارق ساده بسمله چکرسکنز . فاتحه ایله بر سوره یا اوچ آیت یاخود اوزونجه بر آیت اوقویوب رکوع ایدرسکنز . ایکی دفعه دخی سجده ایتدکدنصکره اوطوره زق ساده «التحیات» نی اوقویوب آیغه ، اوچنچی رکعته قالقارسکنز . ساده بسمله چکوب یالکز فاتحه اوقورسکنز . صکره ، سوره یا آیت اوقودقدن رکوعه واروب ایکی دفعه دخی سجده ایدرک آیغه ، دردنجی رکعته قالقارسکنز .

ینه فاتحه‌ی او قودقدنصکره رکوعه واروب ایکی دفعه دخی سجده ایدرک اوطورورسکیز.  
«التحیات» ایله صلوات و دعا او قودقدنصکره سلام ویررسکیز. ایشته اؤکله نمازینک  
فرضی تک باشینه بویله قیلنیر. شیمدی کله لم صوک سنته !.

اؤکله نك صوک سنتی قیلمغه ایچیکزدن نیت ایدرسکیز. دیلیکیزله ده : نیت ایتم.  
اؤکله نمازینک صوک سنتی قیلمغه، «الله اکبر» دهرک آل باغلادقدنصکره صباح نمازینک  
سنتی نصل قیلدیکیزسه طبق اونک کبی ایکی رکعت قیلارسکیز. ایشته اؤکله نمازی یالکیز  
باشینه بویله قیلنیر.

اما جماعتله قیلاجق اولور ایسه کز : اؤکله نمازینک اول سنتی ینه سز یالکیزباشیکزه  
قیلارسکیز. صکره فرضه صیره کلنجه ؛ مؤذن اقامت ایدرکن سزده قالقوب اؤکله  
نمازینک فرضی امامه اویره قیلمغه ایچیکزدن نیت ایدرسکیز. دیلیکیزله ده : نیت ایتم  
الله رضاسی ایچون اؤکله نمازینک فرضی امامه او یوب قیلمغه، دهرک امامی بکلرسکیز.  
امام «الله اکبر» دیر دیمز سزده هان یواشجه «الله اکبر» دهرک امامه او یوب آل  
باغلارسکیز. ساده «سبحانک» یی او قویوب نه بو رکعتده ، نه ده اوبر رکعتلرده آیاقده  
دوررکن باشقه هیچ برشی او قومازسکیز. ساده رکوعلرده اوچر کره «سبحان ربی العظیم»  
سجده لرده ده اوچر کره «سبحان ربی الاعلی» دیرسکیز. برده امامله برابر رکوعه ،  
سجده یه واریرکن ، و سجده دن قالقاو ایکن یواشجه «الله اکبر» دیرسکیز. رکوعدن  
دوغرولورکن ده «وبئالک الحمد» دیرسکیز. برنجی اوطوروشده ساده «التحیات» یی  
اوقورسکیز. ایکنجی اوطوروشده «التحیات» ایله صلوات و دعا او قویوب امامله برابر  
سلام ویررسکیز. ایشته جماعتله اؤکله نمازی بویله قیلنیر. اؤکله نك صوک سنتی ده سز  
کندی کندیکزه قیلارسکیز.

شیمدی آرتق صره ایکندی نمازینه کلدی .

ایکندی نمازی سکیز رکعتدر . دوت رکعتی سنت ، دوت رکعتی ده فرضدر . ایلك  
اؤکجه ایکندی نمازینک سنتی قیلمغه ایچیکزدن نیت ایدرسکیز. دیلیکیزله ده : نیت ایتم.  
الله رضاسیچون ایکندی نمازینک سنتی قیلمغه، «الله اکبر» دهرک نمازه طورورسکیز .  
سبحانک او قویوب اعوذ، بسمله چکدکن صکره فاتحه ایله بر سوره یا اوچ آیت یاخود  
اوزونجه بر آیت او قویهرق رکوعه واریر، ایکی کرده سجده ایدرسکیز. صکره آیانه،  
ایکنجی رکعتله قالفنجه ساده بسمله چکوب ینه فاتحه ایله بر سوره یا اوچ آیت یاخود

اوزونجه بر آیت اوقوبه رق رکوعه واریر ، ایکی کرده سجده ایدرک اوطور رسکز .  
التحیات ایله صلوات اوقودقدن صکره آیاهه اوچنچی رکعتیه قالدقارسکز . سبحانک  
اوقوبه رق اعوذ ، بسمله چکرسکز . فاتحه ایله بر سوره ، یا اوچ آیت یاخود اوزونجه  
بر آیت اوقوبوب رکوعه واریرسکز . ایکی کره سجده ایدوب آیاهه ، دردنجی رکعتیه  
قالدقارسکز . ساده بسمله چکدرک فاتحه ایله بر سوره یا اوچ آیت یاخود اوزونجه بر آیت  
اوقودقدن صکره رکوعه واریر ، و ایکی کرده سجده ایدرک اوطور رسکز . التحیات  
ایله صلوات ودعا اوقودقدن صکره سلام ویررسکز . ایشته ایکندینک سنتی ده بویله  
قیلنیر .

لکن دقت ایتملی ایکندینک سنتی ده درت رکعتدر اما ، اؤکله نك اول سنتیه بکزه مزه .  
هانی اؤکله نك اول سنتیه ایکنجی رکعتدن صکره اوطور دیگکزه ساده « التحیات »  
اوقومشدیکز . اما ایکندینک سنتیه ابلک اوطوروشده « التحیات » ایله برابر صلوات ده  
اوقوبه جقسکز . برده اؤکله نك اول سنتیه اوچنچی رکعتیه قالدقیگکز وقت ساده بسمله  
چکمشدیکز اما ایکندینک سنتیه اوچنچی رکعتیه قالدقیگکز ده هم « سبحانک » اوقوبه جقسکز  
همده اعوذ بسمله چکچکسکز . دقت ایدوب بونلری آیرد اتمه لی !

شیمدی صره ایکندی نمازینک فرضیه کلدی . ابتدا ایکندینک فرضی قیلغه  
ایچیکزدن نیت ایدرسکز . دیلکزلده : نیت ایتدم الله رضایچون ایکندی نمازینک  
فرضی قیلغه ، « الله اکبر » دیهرک نمازه دوررسکز . اؤکله نمازینک درت رکعت فرضی  
نصل قیلدیگکز ایسه ایکندینک فرضی ده اویله جه قیلارسکز . برندن هیچ فرقی یوقدره  
ایشته ایکندی نمازی یالکز باشینه بویله قیلنیر .

اما جماعتله قیلاجق اولورسه کز ایکندینک سنتی ینه یالکز باشیکزه قیلارسکز .  
مؤذن اقامت کتیردکده سزده آیاهه قالدقارسکز . ایکندینک فرضی امامه او یارق قیلغه  
ایچیکزدن نیت ایدرسکز . دیلکزلده : نیت ایتدم الله رضایچون ایکندی نمازینک  
فرضی امامه او یارق قیلغه دیوب امامی بکلرسکز . امام « الله اکبر » دیر دیمز سزده  
« الله اکبر » دیهرک امامه او یوب ال باغلارسکز . اؤکله نمازینک فرضی امامله نصل  
قیلدیگکز ایسه ایکندینک فرضی ده طبق اولنک کبی قیلارسکز . ایشته ایکندی نمازی ده  
جماعتله بویله قیلنیر . شیمدی کله لم آقشام نمازیه .

آقشام نمازی بش رکعتدر . اوچ رکعتی فرض ، ایکی رکعتی سنتدر . ابتدا فرض



قیلیر . اؤنجه سز آقشام نمازینک فرضی قیلمه ایچیکزدن نیت ایدرسکیز . دیلکیزله : نیت ایتدم الله رضا-یچون آقشام نمازینک فرضی قیلمه ، «الله اکبر» دهرک نمازه دوررسکیز سبحانک بی اوقویوب اعوذ ، بسمله چکدکن صکره فاتحه ایله بر سوره یا اوچ آیت یاخود اوزونجه بر آیت اوقویهرق رکوعه واررسکیز . صکره ده ایکی کره سجده ایدوب آیاه ، ایکنجی رکعتہ قالمارسکیز . ساده بسمله چکوب فاتحه ایله بر سوره یا اوچ آیت یاخود اوزونجه بر آیت اوقودقدن صکره رکوعه واررسکیز . ایکی کره سجده ایتدکن صکره اوطوروب ساده «التحیات» بی اوقورسکیز . صکره آیاه ، اوچنجی رکعتہ قالمارسکیز . ینه ساده بسمله چکوب یالکیز فاتحه بی اوقویهرق رکوعه واررسکیز . ایکی کره سجده ایدوب اوطوردقدنصکره «التحیات» ایله صلوات ودعا اوقویوب سلام ویررسکیز . ایشته آقشام نمازینک فرضی ده بویله قیلیر .

فرضدن صکره ده ایکی رکعت سنت قیلاجقسکیز . ایلاک اؤنجه سز : آقشام نمازینک سنتی قیلمه ایچیکزدن نیت ایدرسکیز . دیلکیزله : نیت ایتدم الله رضا-یچون آقشام نمازینک سنتی قیلمه ، «الله اکبر» دهرک نمازه دوررسکیز . صباح نمازینک سنتیله اؤکلنک صوک سنتی فصل قیلدیکیز ایسه طبقی اونک کبی ایکی رکعت قیلارسکیز . ایشته آقشام نمازی یالکیز باشینه بویله قیلیر .

اما جماعتله قیلاجق اولورسه کیز : ساده فرضی امامله قیلاجقسکیز . اقامت اولونورکن سزده آیاه قالمارق : آقشام نمازینک فرضی امامه اویهرق قیلمه ایچیکزدن نیت ایدرسکیز . دیلکیزله ده : نیت ایتدم الله رضا-یچون آقشام نمازینک فرضی امامه اویهرق قیلمه «دیوب امامی بکلرسکیز . امام «الله اکبر» دینجه ، سزده «الله اکبر» دهرک امامه اویوب آل باغلار ، ساده «سبحانک» بی اوقورسکیز . نه بو رکعتده نه ده اوتنکی رکعتلرده آیاقده ایکن باشقه هیچ بر شی اوقومازسکیز . ساده امام «والا الضالین» دینجه سزده یواشجه حق «آمین» دیرسکیز . رکوعلرده اوچر کره «سبحان ربی العظیم» سجده لرده اوچر کره «سبحان ربی الاعلی» دیرسکیز . برنجی اوطوروشده ساده «التحیات» اوقورسکیز . ایکنجی اوطوروشده «التحیات» ایله صلوات ودعا اوقویوب امامله برابرسلام ویررسکیز . آقشام نمازینک سنتی ده سز آرتق یالکیز باشیکزه قیلارسکیز . شیمدی کله لم یاتسو نمازینه !

یاتسو نمازی اون رکعتدر . دودی ایلاک سنت ، دودی فرض ، ایتدی سکیز . ایکی ده

صوك سنت . ابتدی اون . یاتسو نمازی قیلندقدن صكره اوچ ركعت ده وتر نمازی قيلمق واجبدر . بونكه یاتسو نمازی اون اوچ ركعت واریر .

ایلك اوكجه دوت ركعت سنت قیلنه جق بونك ایچون سز ابتدا یاتسو نمازینك اول سنتی قیلغه ایچیکزدن نیت ایدرسكیز . دیلیكزلده : نیت ایتدم الله رضاسیچون یاتسو نمازینك اول سنتی قیلغه ، «الله اكبر» دهرلك نمازه دوررسكیز . ایكندیك سنتی نصل قیلدیکز ایسه طبق اولنك کبی دوت ركعت قیلارسكیز . صكره صره فرضه کلیر .

ابتدا یاتسو نمازینك فرضی قیلغه ایچیکزدن نیت ایدرسكیز . دیلیكزلده : نیت ایتدم یاتسو نمازینك فرضی قیلغه ، «الله اكبر» دهرلك نمازه دوررسكیز . اوكله وایكندیك ضرلری نصل قیلدیکز سه طبق اولنر کبی دوت ركعت قیلارسكیز .

یاتسونك صوك سنتنه كلنجه : یاتسو نمازینك صوك سنتی قیلغه ایچیکزدن نیت ایدرسكیز . دیلیكزلده : نیت ایتدم الله رضاسیچون یاتسو نمازینك صوك سنتی قیلغه ، «الله اكبر» دهرلك نمازه دوررسكیز . صباح نمازیله اوكله و آقشام نمازینك صوك سنلری نصل قیلدیکز ایسه طبق اولنر کبی ایکی ركعت قیلارسكیز . وتر نمازی اوچ ركعتدر . ایلك اوكجه سز وتر نمازی قیلغه ایچیکزدن نیت ایدرسكیز . دیلیكزلده : نیت ایتدم وتر نمازی قیلغه ، «الله اكبر» دهرلك آل باغلاوب نمازه دوررسكیز . اوكجه «سبحانك» نی اوقویهرق اعود، بسمله چكرسكیز . صكره فاتحه ایله بر سوره یا اوچ آیت یاخود اوزونجه بر آیت اوقویهرق ركوعه واریرسكیز . ایکی دفعه ده سجده ایتدكدن صكره آیاهه، ایکنجی ركعت قالدوب ساده بسمله چكرسكیز . فاتحه ایله بر سوره یا اوچ آیت یاخود اوزونجه بر آیت اوقویهرق ركوعه واریرسكیز . صكره ایکی کره سجده ایدرك اوطوروب ساده «التحیات» نی اوقورسكیز . صكره آیاهه ، اوچنجی ركعت قالفنجه ساده بسمله چكرك فاتحه ایله بر سوره یا اوچ آیت یاخود اوزونجه بر آیت اوقویوب آلریكزی - نمازه دوررکن نصل قالدیرسه كز اویله جه - قالدیره رق «الله اكبر» دیرسكیز . صكره آلریكزی باغلاویهرق كویه كدزك اوسته قویوب شو دعای اوقورسكیز :

اللهم انانستعینك ونستغفرک ونستهدیک ونؤمن بك ونتوب اليك ونتوكل عليك ونثني عليك الخير كله نكفرك ولانكفرك ونخلع ونترك من يفجرك . اللهم اياك نعبد ولك نصلي ونسجد واليك نسعى ونخمد نرجو رحمتك ونخشى عذابك ان عذابك بالكفار ملحق .  
يوكا «قنوت دعایی» دیرلر .

بونی او قودقدن صکره «الله اکبر» دیه رک رکوعه واررسکیز ایکی کره دخی سجده ایتد کدنصکره اوطورهق «التحیات» ایله صلوات و دعا اوقویهق سلام ویررسکیز . بو «قنوت دعاسی» اوقومنی بحرمیه نلرده اوچ کره «اللهم اغفرلی» دیرلر ایشته وتر نمازی یالکیز باشینه بویله قیلنیر .

اگر یاتسو نمازینی جماعتله قیلاجق اولور ایسه کز یاتسونک اول سنتنی ینه سزکندی کندیکیزه قیلوب ساده درت رکعت فرضنی امامله برابر قیلارسکیزه . اقامت ایدیلیرکن آغاچه قالقوب یاتسونک فرضنی امامه او یارق قیلیمغه ایچکیزدن نیت ایدرسکیز . دیلکیزلده نیت ایتدم الله رضاسی ایچون یاتسونک فرضنی امامه او یارق قیلیمغه دیرسکیز . امام «الله اکبر» دینجه سزده «الله اکبر» دیه رک امامه او یارسکیز . اولکله وایکندی نمازینک فرضلیرنی امامه او یاردهق فصل قیلدیکیز ایسه طبقی اونک کی درت رکعت قیلارسکیز . یاتسونک صوکه سنتی ایله و تر نمازینی ده سز آرتق یالکیز باشیکیزه قیلارسکیز . اما رمضانده تراویح جماعتله قیلنهجق اولورسه او وقت و تر نمازی امامله ده برابر قیلنیر . یالکیز باشینه ده قیلنیر . اونی تراویح نمازی آکلادیر ایکن اوکره نیرسکیز . شیمدی آرتق صره جمعه نمازینه کدی .

ای آغالر! بیلمش اولیک که بزم اصلا اهمیت ویرمدیکمز شیلردن بری ده جمعه کونیدر . کیجه سی ده رحمت ، کوندوزی ده رحمت اولان مبارک جمعه نک قدرینی بیله میورز . امت محمده مخصوص اولان او مؤمنلر بایرامندن بز برشی جکله آکلایه میورز . ساده اولیه بوی کز دیروب آلائی کچیر میورز . اما جمعه حرمتنه بهریده جتلمر دونایر اطراف نورلره بویانیرمش ؛ حوریلر شلک ایدر ملکله رحمت یاغدی ررمش . بزم بونلرک برندن خبریمز یوق . وارمی تبلیک ، وارمی او یون اکلنجه ایشته او قدر .. بزم بیلیدیکمز ایتدیکمز هپ بوندن عبارت . بزم کیسنه جمعه نک فضیلتنی بیلک ، جمعه ایچون عادتاً بایرام ایتمک نه قدر اوزاق بیلده ایکی دفعه کلن بایرامله بیله او قدر اهمیت ویرمیهن آدم قالفه جق ده هفته دن هفته به کلن جمعه به می اهمیت ویره جک ؟ خواجه م شامسارم سنک عقلکله : هپسی بیتدی ده هر هفته بایرام ایتمک می قالدی ؟ دیسه بریسی .. اولیه یا کندی وارلغنی اونودان کیسه نک جتندن جمعه سندن خبری اولورمی ؟ اولیه سندن هیچ مبارک کونلرده حرمت اولورمی ؟ ایشته آغالر بو بزم حالمز یوقمی ؛ هانی شویله والله العظیم اوطور ویده آغلانه جق بر حالدیر .. دوشسونک بر کره ! بزم مسلمان اولام ، ایکی جهان سروری کی بر پیغمبرک



امتی بولونالم ده صکره بویله بو حاله کله لم بو قدر قیمت بیلمه منزلک ایدم لها ! یازیقار اولسون بزه . . انسان از یحقی انصاف ایدرده اطرافنه باقار . جمعه ایرتسی بازار کونلری خاورالک کلیسارک نصل دولوب دولوب بوشالیدیغی کوریرده برآز صیقایلر . بزمسلما نلنی کیمسه به ویرمه یز ، باشقه ملتلی هیچ بکنمه یز اما عجبای بزی کیملر بکنسین ؟ الله ایچون سویله یک . بکنیله جک بر یریمز قالمشیدر ؟ . . علم دیسه ک علم یوق ، صنعت دیسه ک صنعت یوق دوغرولق دیسه ک دوغرولق یوق . اخلاق یوق انصاف یوق . یوق اوغلی یوق . صکره ده بزه هر کسدن ایی ها ؟ ! . آلدانیورز آغالر آلدانیورز .

مؤمنز ، امت محمدنزه دیه صاقین کوکله نمیم . او جنتلرده دها شیمیدین سوزی کچوب یولی بکلنه ن مؤمنلر بویله بزم کی تابل قوقش مؤمنلر دکلدرد . او امت محمد دیه ملکلرک یره کوکله قویامدقلری جنت قوشلری اویله کوتنی اونوتمش دینی دیانتنی نعوذ بالله آیاقلر آلتینه آلمش آدی مسلمان کیمسه لر دکلدرد . برانسانک ساده آدی احمد محمد اولمقله ایش یتیمز . بر آدم ساده بن مسلمانم دیمکله ایش همان اللهک سکیلیسی اولیورمک لازمکلمز . هر وقت دیدیکم کی یورولمق ایستر یولنده بولتمق ایستر . بویله اولونجه ای اللهک قوی اکر مسلمانسه ک ، اکر کنیدیکی امت محمدن صابورسه ک کل سن ده مسلمانلره قاریش اونلره برابر اول ! اونلرک کیتدیکی یوله سن ده کیت ! دینله دیانتله سنک ده ایلیشکک اولسون . جمعه ایله جماعتله سنک ده علاقک بولونسون ! اویله جمعه کونی چنغیر ، چنغیر اذانلر او قونورکن ، اللهک امریله مسلمانلر جمعه نمازینه دعوت اولورکن سن باشکی آلوده بر طرفه صاوشما ! باقی باشقه ماتلر کندی کویلرند نه یاپیورلر نصل داورانیورلر بونی ده بر دوشونده انصافه کل !

آوروپا ، آمریکا بو قدر علمیه ، بو قدر صنعتیه قوتیه برابرینه دینی براقیور . بو قدر زدنکینلکی بو قدر اینجه لکیله برابرینه دیندن واز کچمیورده بهی مسلمان سکا نه اولیورک کیت کیده بویله دینک ایمانک ضعیفه یور ؟ . دنیانک هر طرفنده هر کس ایگری دوغرو دیمور ، کندی دیننه درت آل ایله صاریلیورده سن نیه بویله کیتدکجه ایشی کوشه تیورسک نه یه کیتدکجه جامعکدن جماعتکدن بویله وازا قلاشوب دوریورسک ؟ آوروپا آمریکا سویله دورسون مملکت مزده کی خرستیانلری کورمیزمیسک ؟ قومشولریزدن باشقه دین طاشیانلرک حالنه دقت ایتیمیزمیسک ؟ بر خرستیان کوینده یا محله سنده بر بازار کونی اولور ، صانکه قیامت قوباره دها بر کون اولندن حاضر لانیورلر . کوچوکی بیوکی هپ چیچک کی کینوب

قوشانیرلر . وقتی کلمجه کنجی اختیاری هپ کلیسایه قوشارلر کندی دینلرنجه دینلریرلر .  
اونلر بویله یاپیورلرده سن نیه کندی دینکه صاحب اولمورسک . نه ایچون اولیه  
نمازندن بوجاق بوجاق قاجیورسک ؟ نه وار ، نه اولدی . سکا بو دیندن نه ضرر  
کلدی . مسلمانلقدن نه قتالقی کوردک ؟ عجبا دوشونیورسک طاشینیورسکده دینک ایمانک  
فائدهسنی می آکلایه میورسک ؟ یوقسه اینجه آله یوب صیق دوقیورسکده جمعه نك جماعتک  
فائدهسنه عقل ایردیره میورسک ؟ خایر استغفرالله . نه دوشونوب طاشیندیغمز وار ،  
نه ایندیگمز . بزمکیسی اولیه کوری کورینه بر غفلتدن عبارت والسلام .

ایشته آغالر بر مملکت بویله لیکله باطار . بر ملت بویله لیکله بلاسنی بولور . چونکه  
انسان اوغلی باشی بوش اوله رق کندی هواسنه براقیلرسه اوکنده صوکنده مطلقا  
شیطان اونی آولار . مطلقا اونی آلاواب بر قتالغه کوتورر . کیم نه دیرسه دیسون بو  
بویله در . انسان نقدرا اولسه نفس صاحیدر ، ملک دکلدر . قورونمغه ، فوالقردن اسیرکه نمکه محتاجدر .  
ایشته بونک ایچون مسلمانلق دایما اوزریمزه تیتیرهور . دایما بزى ایملک جهتنه  
چکمکه چالیشیور . هیچ بزى کندی هوا مزه براقق ایسته میور . خلق یکریمی درت  
ساعتده بش کره جماعتله نمازه چاغریور . بو قدرله براقیوب هفتهده بر کرهده جمعه  
نمازینه دعوت ایدیور . همده بو دعوت او بر دعوتلره بکزه میور . چونکه بش وقت  
نماز فرضدر . جماعتله قیلنمسی ده سنت شریفدر . لیکن جمعه نمازنی مطلقا جماعتله برلکده  
قیلمق فرضدر . اولیه باشقه نمازلر کبی تک باشنه قیلنق جائز دکلدر . هم جمعه کونی فرض  
اولان ساده نماز قیلنق دکلدر . خطبه دیکلمکده فرضدر . بونک ایچون جمعه نمازی ده  
خطبه سی ده بایرام نمازلرندن ، بایرام خطبه لرندن دها اهمیتلیدر . زیرا بایرام نمازلری واجب ،  
خطبه لری سنتدر . البته فرض ؛ واجبیه سنتدن دعا قوتلیدر .

ایشته بونک بویله اولیشندن ده آکلاشیلرکه مسلمانلق خالق بر هفته دن فضیله  
نصیحتسنر قلماسنه راضی اولمور . دینک بر مسلمان هیچ اولمازسه هفتهده بر کره جامعه  
کیدوب قرآن کریم دویه جق ، خطبه دیکلیه جک . قولاغنه بر آز وعظون نصیحت کیره جک .  
دین قارده شلریله برلکده حقک دیوننه دوروب عبادت ایده جک . بر آزابچی آجیلاجق ،  
بر آزیوره کینک پاصی سیلینه جک . کچن جمعه دنبری ایشلدیکی کناهلر وارسه اونلره  
پشیمان اوله جق . اونلره اولیه صاپلانوب قالمیه جق . آکلایانه کوره بو نه نصیحتدر . هله  
او ساده بر محله یا بر کوی اهالی نك دکل ، جمعه قیلنمیان بتون جوار کویلدده کی خالقک

هفته ده بر کره بر آرایه طویلانمسنده کی حکمت نه بیوکدر . انسان جمعه دیوب  
کچورمه ملی . بویک دقت اولنه حق چوق اهمیت ویریه جگ بر شیدر . ایشته آغلر :  
مسلمانلق بویه جه آری سه چی ایتکسزین فقیرله زنکی یان یانه قویوب برصفده اولنره  
نماز قیلدیریور . هم بویه لکله دین قارده شلری آرسنده آشنالق پیدا اولوب یانایجیلغک  
قالقماسنه سبب اولویور . همداء مسلمانلرک بریریه قونوشوب کوردوشوب دنیا به آخرته  
یارار ایشلر طوته بیلملرینه میدان ویریور . جمعه نك جمعه اولیشنده دها بویه نیجه حکمتلر  
واردر . بوسیدن جمعه نمازی ایچون ویریلان امرلر پک صقیدر . حتی اوچ جمعه نمازی  
بربری آردنجه عذر سز اوله رق ترک ایدنلرک منافقلر دفترینه یازبلاغنی پیغمبر اقدنر  
بزه بیلدیرمشد . اوچ جفه ترک ایدنلرک حالی بویه اولورسه نعوذ بالله جمعه ایله هیچ  
باشی خوش اولیانلرک وای حائه . کیم بیلیر اویله لری هانکی دفترله یازیلیر . کیم بیایر  
اویلرک قبلری نصل قاراریر ، عاقبتلری نه قدر قنا اولور ؟

ایشته بونک ایچون بن سزه جمعه وقتی یاقلاشنجه هان ایشکزی براقک دیمک شویله  
دورسون ، جمعه به دها پنجشنبه دن حاضر لانیك دیه حکم . جمعه یی قارشیلانق ایچون پنجشنبه یی  
عرفه بیلیمک دیمک قاقشه جم . صاقین سز بونی بن دیورم صانایمک . خواجه کندیلکندن  
باشمه ایشلر چیقاربیور ظن ایلهمک ! سویایه بن دکم ، کتابلردر . بنکیسی آراده  
بر ترجمانلق . اونیده لایقوله یاپامیورم . او مبارک کتابلرک دیدکلر دن بیکده برینی سزه  
سویله میورم . بویه لحظه نك ایچنده نه سولمه بیلیر . بویه قاش ایله کوز آره سنده نه قدر  
بر شی آکلادیله بیایر . هر نه حال ایسه بز بوکون جمعه به نصل حاضر لانه جفز ، جمعه یی  
نصل قارشولایه جفز بونلری بر آز اوکره نلم .

شیمدی آغلر سز بنی دیکلر سه کز ، اگر بو مبارک کونک قدرینی بیلیمک ایسترسه کز  
دائما هفته نك کونلرینی حسابلارسکیز . جمعه یی شویله حاجی کوزلر کی کورلرسکیز .  
پنجشنبه کونی اولونجه چولوغکزه چوجفکزه تنیه ایدرسکیز . یارین جمعه در ها بیلیمش  
اولیک ، بوکون دن حاضر لانیك ، دیرسکیز . یکی واسکی خالکزه کوره بیقانه حق نه یکز  
وارسه پنجشنبه دن بیقرار یاخود بیقانتیرسکیز . جمعه کونی نمازیکزه نیازیکزه راحت راحت  
وقت بوله بیلیمک ایچون اولک آله جفنی ویریه جکنی پنجشنبه دن بیتروب بایرامه حاضر لانیر  
کی جمعه به حاضر لانیرسکیز . کیسی فضله .. بیه نه کوره جمعه بایرامدر ، مؤمنلر بایرامدر .  
بونک ایچون انسان پنجشنبه کونلری ایشی کوچنی وقتبیله بیتیر ملی . ایکندی نمازینی



قیلدقدنصکره کوزله توبه استغفارایدوب تسبیح چکملی، دعا یتلی. قرآن کریم اوقویوب یوره کنی نورلاندیرملی. کچمشلرینک روحنی ستاد یتلی. اولاده عیاله قارشیده نکسملک ایتمه ملی. الله نه ویردیه اونلره کوزل کوزل یدروب ایچروب کندیلرینی سویندیرمه چالیشالی. یتیملری یوقسوللری ده اونوتمالی. آلدن کلدیکی قدر اونلرده یاردیم یتلی. هیچ اولمازسه طاتی سوزله اولسون اوزوالیلرک کوکلرینی آلمالی وخاطر دن چیقارماملی که جمعه کونی، جمعه کیجه سی یاییلان خیرک وحسناتک ثوابی ایکیشر قاندر. بیاغی زمانلر کبی دکلدر. بر انسان مالنی، محصولی ایجه کاری ایله صائمق ایچون یر آزار، وقت کوزه تیرده آخرت ذخیره سی ایچون هیچ کار ضرر دوشونمزی؟

باقیک پیغمبر افندیمز خبر ویریور، جمعه حرمتنه هر خیرک ثوابی ایکی قات اولدیغنی امتنه بیلدیریور. آرتق آغالر نه دورییورسکیز، دهانه ایستیورسکیز؟ بیاغی زمانلرده بر خیردن ارن ثواب آلاجهسه کنز جمعه حرمتنه یکریمی قات ثواب آلاجهسکیز. آکلایانه کوره بونه کاردردر آکلایانه کورهده بونه بیوک ضرردر. آمان بو فرصتلری قاجیرمایک بویله بر نعمتک قدرینی بیلمه منلک ایله ییک. صاقین یا کلویده بکافارشنی: تحف سوبلیورسک خواجه! جمعه دن بول نه وار؟ وزیر وزیر بری کلیر بری کیدر، دیمه ییک زیرا اوکمزده کی جمعه یه چیقاجغنه کیسه نلک آئنده سندی یوقدر. جمعه لک بولغنی هپ عمری اولانلره کوره در. عمر دیدیکده کیزلی قپاقلی برشیدر. دهه دوغروسنی بر صولوقدن عبارتدر. چونکه کچن زمانک کچدی کتیدی، بر دهه کری دونمز. کله جک زمانده شهه لی، نصیبک وارمی یوقی بیلنه منز. دیمک سنک عمرک آلمقده اولدیغک صولوقدن عبارت. اوله ایسه اصل معرفت بو فرصتک قدرینی بیلوب اوقیصه جق عمری، اوقیصه جق زمانی خیره صرف ایتمکدر. بونک ایچون آغالر کلیک سز بنم دیدکاریمه ایجه دقت ایدیک سزه نه دییورسه م اوننی یاغنه چالیشیک. جمعه نی بایرام بیلدیک، کیجه سنی ده غفلته کچیرمه ییک. یانسو ایله صباح نمازینی جامعده قیلماغه صاواشیک. جامعده کیده مزسه کنز هیچ اولمازسه چولوغکنزه چوجغکنزه امام اولوب اوده جماعتله قیلدیک. قرآن کریم اوقویوب ختم سوریک، پیغمبر افندیمز صلوات شریفه کتیریک.

جمعه کونی اولنجدهده بویله مبارک کونه بر دهه ایریشدیککنزدنطولانی سونیک، اللهه شکر ایدیک. یواش یواش، نمازه حاضر لانمغه، جمعه ایچون سوسلنمکه باشلا ییک! صقالکیزی

بییغکنزی سنت شریفه اویدوریک . اَلِیکَنزک آیاغکنزک طرناقلرینی کسیک . اوسطره  
طوتونیک ، مسواک قوللانیك کوزلجه ییقانوب غسل ایدیک !

جمعه ایچون ییقانمق بزجه مستحبدر اما پیغمبر افندیملرک ویردیکی امرلرک ، تظہلرک  
صقیلمغه باقوبده واجبدر دینلر بیلہ اولمشدر . بونک ایچون سز اَلِیکَنزدن کلدیکی قدر  
جمعه ایچون ییقانمق ترک ایتمکه باقیک . حالیکزه کوره ائوابکَنزک ایسنی کیک . کوزل کوزل  
قوقولر سورونیک . ایرکنجه جامعہ کیدیک . کیدک اما «الله» حضورینه کیدرکی کیدیک .  
اویله صالطا کزی عبا کزی اوموزیکزه آلاق ، چپوغکنزی چکوب دومانی صاوورارق  
دکل . انسان بردفعه عقلینی باشنه آلسه ، زریه کیتدیکی برکره دوشونه چک اولسه بویله  
یاپاماز . جامعشریفه کیدرکن اویله صاللاپاطی کیده مز : هان سیغاره سنی آتوب آغزینی  
چالقار ، حَقک حضورینه واره جفی دوشونه رک کندیسینی بر آز چکر چوریر .

ایشته بونک ایچون آغار سزده جامعہ کیدرکن آغزیکزه اویله فناشیلری صیقیشدیرمایک .  
آغزیکز مسک کبی قوقسون . دوداقلرکیز دعا ایله ، توبه استغفار ایله ، صلات وسلامله  
مشغول اولسون . یوزیکزی بیت الله اولان جامعشریفه دوندیردیککنز کبی کولککنزی ده  
جناب مولایه دوندیریک . حَقک اولولغنه قارشى اویله کوچولهرک دوشونه رک جامعہ واریک .  
ایاق قابلیکیزی جامعک دیشاریسندہ قویه جق بریر بولورسه کز نه اعلا .. یوق اکر  
یانکزه آلاجسه کز کوزلجه سیلکوب تمیزله یوب اویله آلیک . ایچری کیرنجده جماعتی  
چکنمه دن نماز قیلان بر کیمسه نیک اؤکندن کچمه دن ایلروکی صفلردن بوش اولان بر  
یرده دوروب الله رضاسیچون ایکی رکعت نماز قیلیمک . قرآن کریم اوقونیورسه کوزلجه  
اوطوروب دیکله ییک . الله کلامنه حرمت ایدوب باشقه بر شی ایله مشغول اولمایک . حتی  
او صروده کندی کندیکزه قرآن کریم بیلہ اوقوماییمک . نه تسبیح چکیک ، نه صلات  
سلام کتیریک . ساده الله کلامنه قولاق وریک . اکر جامعشریفده قرآن کریم اوقه نمیورسه  
یوزیکزی قبلہ دن چوریمه یوب دعا ایله ، تسبیح ایله ، صلات وسلام ایله مشغول اولیمک .  
جمعه اذانی اوقونمغه باشلانجه هر شیئی براقوب اذانی دیکله ییک . اذان اوقونورکن نصل  
دیکله نوب نه دینه چکنی سزه وقیلہ سویلشدم . اذان ییتدکدنصکره یالکَنز باشکزه درت  
رکعت جمعه نیک اول سنتی قیلیمک . نمازده دورورکن جمعه نمازینک اول سنتی قیلیمغه  
ایچکَنزدن نیت ایدرسکَنز . دیلیکَنزله ده : نیت ایتدم الله رضاسیچون جمعه نمازینک اول  
سنتی قیلیمغه ، دهرک اؤکله نمازینک اول سنتی کبی درت رکعت قیلارسکَنز .

خطیب منبره حیقوب خطبه او قورکن سزده کوزلجه دیکله یوب هیچ لقردی فلان ایتمز سکنز . لقردی ایتمک شویله دورسون او صروده قرآن کریم بیله او قویا ماز سکنز ، برکیمسه یه صوص بیله دیه من سکنز . ساده اشارتله صوصدیره بیلی سکنز . یوقسه آغز یکنری آجوب بر شی<sup>۱</sup> دیرسه کز جمه نك فضیلتی قالماز . بونک ایچون دیامکزی دامامکزه یاشد یروب جان قولاغیله خطبه نی دیکلر سکنز .

اقامت اولنورکن آیاغه قالقوب جمه نمازینک فرضی امامه او یارق قیلیمغه ایچکزدن نیت ایدر سکنز . دیکلکزه ده : نیت ایتم الله رضا سیچون جمه نك فرضی امامه او یارق قیلیمغه ، دیر سکنز . امام تکبیر آلتجه سزده « الله اکبر » دیوب امامه او یار ، -اده سبجانک یی او قورسکنز . صباح نمازینک فرضی امامله نصل قیلارسه کز طبق اونک کی ایکی رکعت قیلار سکنز .

فرضد نصکره یالکیز باشیکزه دوت رکعت صوگ سنت قیلاجقسکنز . بونک ایچون ایلمک اؤکجه جمه نمازینک صوگ سنتنی قیلیمغه ایچکزدن نیت ایدر سکنز . دیکلکزه ده : نیت ایتم الله رضا سیچون جمه نمازینک صوگ سنتنی قیلیمغه دیهرک اؤکله نمازینک اول سنتی کی دوت رکعت قیلار سکنز . صکرده اؤ صکره کی اؤکله نمازی نیتیه یالکیز باشیکزه دوت رکعت قیلاجقسکنز .

یونک ایچون : نیت ایتم اوزریمه بورج اولوب هنوز قیلامدیغم اؤ صکره کی اؤکله نمازینی قیلیمغه « دیهرک جمه نك صوگ سنتنی نصل قیلدیکنر ایسه طبق اونک کی دوت رکعت قیلار سکنز . صکرده ایکی رکعت وقت سنتی قیلاجقسکنز . بونک ایچون : نیت ایتم الله رضا سیچون وقت سنتنی قیلیمغه « دیهرک اؤکله نمازینک صوگ سنتی کی ایکی رکعت قیلار سکنز .

شیمدی آغلر شونی ده بیلیمش اولیک که : قادینلره یولجیلره خسته لره ، اعما کوتورملره کوله لره جمه نمازینی قیلیمق فرض دکلدر . شدتلی قار ، یاغمور اولورسه یا خود جامعه کیتمهک باشقه بر عذر بولنورسه جمه نمازی فرض دکلدر . قادینلردن ماعدا جمه نمازی قیلیمق کندیسنه فرض اولمان کیمسه لر جمه نمازی قیلیمق آراتق آریجه اؤکله نمازینی قیلملری لازم دکلدر . بلکه اولنر ایچون جمه یی قیلیمق افضلدر . اما قادینلر ایچون جمه یی قیلیماق افضلدر . لکن جامعه کیدوبده جمه یی قیلیمق بیهرلرینک بورجی اؤده نمش اولور . آریجه اؤکله نمازینی قیلیمق لازم دکلدر . شیمدی کله تراویح نمازینه .



# اوروج

ای جماعت ! بیلمش اولک که بو دنیاده هیچ بر شی کلیشی کوزل اولماش و بوشی بوشنه یارادلامشدر . هر شیئک مطابق حکمتی کندینه کوره بر خدمتی واردر . طاشی طوبراغی بیله بوش یر یار اتمان «الله» هیچ شبهه یوق که انسانلری ده عبث یر یار اتمامشدر . البته بزه عقل فکر و یر یاشنک ده بر حکمتی واردر . ساده بوی کوستروب قارن دویورمق ایچون دنیایه کلش اولسیدک ، هیچ بز بویله بیلیر آکلار دوشونور ، سه زه بر حالده یار ایلیر میدق ؟ مطلقا بونک بر سببی اولاجق ، مطلقا عقلک بر وظیفه سی بولنه جقدر .

بللی بر شی که عقلک وظیفه سی انسانلرک قارنی دویورمق دکلدر . زیرا انسانلرک طونوب آلمق ایچون آللری ؛ ایصروب ییمک ایچون آغزلری واردر . عقل اولماسه ده اونلر قارنلری دویورایلرلر . اوزون سوزه نه حاجت . بشقه جان طاشیدانلر ایشته کوز اوکنده ! . اونلرک عقلاری یوقده آچی قالورلر ؟

بونک ایچون شونی ده بیلمش اولک که ای مسلمانلر : عقلک اصل وظیفه سی انسانلرک . اللهی بیلیر مکدر . انسان نصل کوزیله اطرافنی کورور ، قولاغیله سس صدا ایشیدیر ؟ دیلیله دماغیله طات دویار سه عقلیله ده اللهی بیله بیلیر . بیلمه مک اولماز مکر که کندینی دوشوندرمیه . .

کوزینی یومان نصل اطرافنی کورمه مزسه ؛ قولاقلرینی طیقایان نصل اطرافنده اولان سسلری دویامزسه ؛ کندینی دوشوندرمیه نده اللهی بیله مز . بر انسان ، بنی بوزوق اولورده دوشونه مزسه اوزواللی به برشی دینه مز . چونکه معذوردر ، لیکن اصل قباحتک بیوکی هر شیئی بیلیوده اللهی بیلمیانلر ده در . انسان کوکلری اولچسون ییچونده اللهی بیلمه سین . بر آدم تشریح ماصه سنک ، باشنه کچسینده اللهی طانیما سین . بو اولماز مکر که دوشونمک ایسته میه .

ایشته بو دوشونمک یوقی ؛ عایم الله عبادتلرک اک بیوکی بودر . بو یولده بر ساعت دوشونمک ؛ کور کورینه بیک ییاللق عبادت ایتمکدن خیر لیدر . زیرا دوشونن انصاف

ایدر ، انصاف ایدن الهنی بیلیر . الهنی بیلن ده البته دنیانک اُک ائی آدمیری صرہ سینه  
چکر . چونکه هر فئالق الهنی بیلیمه مکدن ایلری کلیر . مولاسنی بیلیمه یندن قورقولور .  
اویله سندن هر شی اومولور . .

شیمدی بو بویله ایکن نیجه کیمسه لر واردرکه هم الهنی بیلیرلر ، همده هر درلو  
فئالقدن کری قالمازلر . ایشته بویله اولانلر هپ جناب حق اونودانلردر . انسان ها  
اونوتمنس ، ها بیلیمه مش ، بونک ایکیسی بر کبی بر شی در . مولاسنی بیلیمه ین نه یاپارسه  
اونودانده اونی یاپار . ساده بیلیمک ، ساده ایمان ایتمک یاره ایتمز . معرفت اوبیلکی یی ، اوایمانی  
دائما محافظه ایتملی . بوده قورو لافله اولماز . اللهک دیدیکنی یاقق ، پیغمبرک کوستردیکی بولی  
طوتمقله اولور . جناب حقک هر یاراندینه ده بر حکمت اولدینی کبی هر امر ایتمدیکنده ده  
بر حکمت واردر . انسان دوشونه جک اولسه بونی آکلامقه . کوچک چکمز . هر  
دردک نصل بر درمانی وارسه هر فئالنه قارش قالقان اولاجقده بر عبادت واردر .  
انسانه مولاسنی اونوتدیرمه جق اولان عبادت لکده اُک برنجیمی تمازدر . نماز قیلیمق دنیا  
غافلنه سنی بر طرفه آتارق کلوب « الله » دیواننه دورمق دیکدر . نماز انسانی دوشوندیروب  
کندینه کتیرر . نماز انسانی حقک حضورینه صوقار . دها دوعروسی هر وقت اللهک  
حضورنده بولوندیفنی انسانه بیلدیرر . دائما نماز قیلان ، بویله جه مولاسنی هیچ اوتومايان  
الته الهندن قورقار ؛ فئالق یانماز ، تنبک ایتمز ، زیانکارلقده بولماز .

ایشته نمازک بوقدر فائده سی بولندیغیچون دینمزه بش وقتدن بشقه رمضانده ده بیوک بر نماز  
امر ایدیور . اونیده یرینه کتیرمک بزم بویتمک بورجیدر . بیایورم بردن بره خاطر یکزه  
تراویخ نمازی کله جک : لکن بن اونی دیمک ایسته میورم . بنم دیدیکم بشقه درلو بر  
نمازدرکه امساک وقتدن باشلار ، آقشام نمازینه قدر سوردر بزبوکا تورجکه « اوروج »  
دیرز .

سوزم سزه تحف کله سین . اوروجده عادتاً بیوک بر نمازدر . نماز قیلان کیمسه نصل  
ألینی اُتمکینی دنیان چکوب حقک دیواننه واریرسه ، اوروجلی اولان کیمسه ده نمازده  
ایمش کبی نه ییر ، نه ایچر ، نه ده نفسنه اوپار . ایشته کوجنه باقسه بیله دائما کولکی  
اللهیله مشغول اولور .

ایشک ذوقه وارمیانلر ؛ اوروجی ساده آج آچنه کز مکدن عبارت ظن ایدرلر . حالوکه  
اوروج انسانک باشنی کولکره ایردیرر . اوروج انسانی عادتاً ملکدره بکزه دیر . اوروج

انسانی مولا سیله برلکده بولوندر. آرتق دنیا ده بوندن دها بیوک عبادتمی اولور؟ دنیا ده دها بیوک کوکل صفاسیمی بولور؟

بو عبادتک موسمی اولان او مبارک رمضان؛ افطارلریله، تراویخلریله، سحورلریله، تقدیر خوشدر. کیجه سنده ده کوندوزنده ده تقدیر بشقه بر حال واردر هله اواکنندیدن صکره کی نشئه، او اوروج سز خوشلنی هیچ دویولور شی میدر؟ ساده کویده قصبه ده دکل، طاعده بایرده دخی رمضانک کندینه مخصوص بر ذوقی واردرکه اونی بیلهن بیلیر.

ایشته ای مسلمانلر سزده اوروجی بویله بیلک! سزده ایشک ذوقنه بویله واریک! او مبارک رمضانی بوش بوشنه کچرمه ییک! آخرته چالشمق، دینجه اولان نقصانلری تاملامق ایچون رمضانن انی فرصتمی اولور: رمضانلر: بونلمش روحلری نشئه لندیرمک غفلتله قارارمش کوکلرک پاصنی سیلمک ایچون رمضان اولمشدر. نمازلر اوروجلر، وعظا لر حافظلر، تسبیحلر تمجیدلر تراویخلر، هپ بونلر انسانی آیاتمق، انسانک اللهه قارشى قایانمش اولان کوکلنی آحق ایچوندر.

انسان بو آیدده آیلمازسه نه وقت آیلیر، انسانک کوکلنی کوزی بو آیدده آچیلمازسه نه وقت آچیلیر؟ کله جک رمضانیه می، یوقسه بر آز دها یاشی باشی آلدقدن صکره یه می؟ حالبوکه ای اللهک قوللری! یارینه چیه جغمزه آلمزده سندن یوق ایکن کله جک کیده جک رمضانلره کووه ن اولورمی؟ هیچ دوشونمورمیسکیزکه: اولوم یاشه باشه باقماز. اجل کلنجه اختیاری کنجی ایرد ایتمز. انسان؟ دها دور باقالم اولیله شیلر بکانه قدر اوراق» دیرکن هیچ اومدیفی بر صرده اولوم آدامک یاقاسنه بیتویور. او وقت انسانک آیاقلری صویه ایرد اما ایش ایشدن کچر. اوزمان دوکونمک، پشیمان اولمق فائده ویرمز.

ایسیمی انسان شمیدن عقلنی باشنه آلمی! بو دنیا یه نه ایچون کلدیکنی بیلوبده اوکا کوره دورانمالی و ایجه بیلملی که: بو فرصت هر وقت آله کچمز؛ عبا وقتی عبا آلان، یبا وقتی یبا آلان ده هیچ بر زمان آلدانماز..



# اوروجك حكيملىكجه فائدهلىرى

آغاز ! بزم دىنمىزك ھەر امرىدە درىن درىن حكىمتلەر، بىزلىرىچون بىۈك بىۈك فائىدەلەر مۇراددۇر . بونىلارنىڭ ھېسنى بىردىن آكلايە بىلىمىك غەللىك خىراجى دىكلەر . علم ، فن اىلرئىلە دىكجە دىنمىزك دە بىۈكلىكى دىھا زىيادە مىدانە چىقمىقىدەدۇر . بىن سىزە بۈكۈن اوروجك اىيالىكمىزە صاغلغىمىزە اولان فائىدەلەرنىدىن بىر قاچىنى سىۈيلەپ جىگىم . ھەنە سىز بىر دىكلەيك دە دىنمىزك نە بىۈك بىر دىن اولدىغىنى بىر دىھا آكلايك ، و بۈيلە بىر دىنىدە بولمىدىغىمىزىچون اللھە بىيىك شۇكر ايدىك !

اى مىسلمانلار ! ھەر شىدىن اول شىۋىنى بىلىمىك كە اوروج ، خىرىستىيانلارنىڭ پىرھىزى كىچى انسانىك غىداسىنى كىسەرك وجودە اذىت وىرىمىك دىكلەر ، مىسلمانلارنىڭ دە اۋىلە كىشىلىك . قرە باشلىق كىچى شىلەر يوقدۇر . عبادىت ايدە بىلىمىك اىچون اىلىك اۈكجە وجود صاغلغىمىزى قورومۇق بزم بىۈنمىزك بۈرجىدۇر . ايشىتە اوروج دە وجودىمىزك صاغلغىنى قورويان بىر عبادىدۇر . بونىك اىچون پىغىمبىر افندىمىز خىزىرتلىرى : اوروج طۈتك ، صاغلۇق بۈلىك ! ، بىۈرۈمىشلەردۇر . شىمىدى سىز ؛ عىجبا اچىلقلە صاغلۇق نىصل بولنۇر دىرسىكىز . باقىيىك بونىك نىصل اولدىغىنى آكلا تەبىئىي :

بىلىمىش اولىك كە آغاز ؛ يىدىكىمىز شىلەك بۈسەنىنى تىمامىلە چىقارمۇق بزم اىچون مىمكىن دىكلەر . اىستىرايىتىمىز او بۈسەلەر مىعدەمىزە ، باغىر صاقلارنىمىزە كىدىيۈر . ھې زىھىر اولوب قانمىزە قارىشىۈر ، بو يۈزدىن وجودىمىزە كىت كىدە يىپىرانوب خىراب اوليۈر . عىجبا او بۈسەلەر نەدىن چىقمىيور ؟ دىنە جىك . . مىعدەلرىمىزى باغىر صاقلارنىمىزى بۈش بىراقوب دىكلەندىردىكىمىز يۈك كە چىقمايلىسەن . . دىھا صىباحلىن يىدىكىمىز ھىضم اولمادىن ، ھايىدى اۈكلە يىمكى ، آرقەسىدىن ھايىدى آقشام يىمكى . ھايىدى شو ھايىدى بو ! . بۈكا دەمىردىن مىعدە ، طۈنچىدىن باغىر صاق اولسە يىنە دايانماز :

يىچاق بىلە دەمىر اىكەن ؛ آرە صىرە تىمىزانوب بىلە نىمىزە كىرمى ؛ ائىمىز قولنىمىز يۈرۈلنىجە مۇروروب دىكلەنمىدىن چاللىشە بىلىرمى ؛ اۈيقۇواۋىۈبەرق قاقامىزى ، سىكىرلىمىزى دىكلەندىرمەدىن

ایش کوچ کوره بیلیر می یز؟ حتی بویله کیجه لری دیکه ندیکمزله قالمیور زده هفته ده برکون تعطیل یاییور ز . ایشلریمیزی پابدوس ایدوب بول بول کندیمیزی دیکه ندبریور ز ایشه طبق بونک کبی معده ده ، باغرساقلر ده دیکه مکمه محتاجدر . بر آز پابدوس ایدوب یورغونلق آلمغه اونلرک حق لری واردر .

پک اعلا کوریور ز که ساده طیقنمقله ، ساده قارن طولدیر مقله ایش بتمیور . او قدر چوق یدیکمز حالده ینه بونجه صیدقامز وار . معده بوزوقلمی ، عمل ، پکک ، صانجی ، آغری هان هر کسده وار کبی بر شی . بو نهدن ؟ نهدن اولاجق . هپ دیدیکم پوصله زهر اولوب قانه قاریشیورده اوندن !

ایشته ای مسلمانلر ! بیلمش اولیک که مبارک رمضانک مبارک اوروجی هپ بو فوالق لرک ، بو خسته لملرک اوکنی آلاچق برنجی شقادر . رمضان شریفده اوروج طوته طوته کوندوز لری معدلریمیزی . باغرساقلریمیزی بوش براقدیغمز دن هضم آلتلری راحت ایدوب دیکه نیر . قائمزده کوزله تمیزله نیر . بر اوروج طوتمق یوزندن انسان بر ییغین اذیتلی شیلردن قور تولور . آرتق اویله قان آلدیرمه لرله ، مهمل ایچمه لرله ، یاقی آچه لرله آیلرجه علاج یو طمالرله لزوم قالمازه انسانک قانی کندی کندینه تمیزله نوب هضم یولنه کیرر . اصل ایش بونده در . بر کره هضم یولنه کیروب قان کوزله تمیزلندی می آرتق اویقو راحتلا شیر ، وجود خفیفله شیر . حتی انسانک خیرچینلانی کچوب خوی بیله کوزده لله شیر . بو بر آیلق اوروجک فائده سی کله جک رمضان قدر کیدر . بویله جه قاتی تمیزلیوب وجودنی دنجلشدیردن بر مسلمان ده عمری اولدجه صاپ صاغلام کزوب آغری صیزی کورمز . لیکن بو فائده لری کوره بیلیمک ایچون انسان بر قاچ شیئه پک اهمیت ویرملیدر .

بونلرک برنجیسی وجودی ضعیفلا تمامق ، ایکنجیسی ده معدنی ، باغرساقلری یورما مقدر یعنی رمضان ده بیه جکمز شیلر هم انسان بیله ییجی غزالر اولمالی : همده معدنی ، باغرساقلری یوران وفضله پوصه براقدرق چوق زهر دوکن شیلردن اولمالی ! . یوقسه چوغمزک یاپدیغی کبی پاصدیرمه لرله ، صوجوقلرله ، آغیر آغیر حامور ایشلریله طیقا باصا معدله ریمیزی طولدیررسق فائده یرینه ضرر کورور ز . هله سحورلرله قدر لقالقه وقت کچیروب اویقوسز قالمق ، دنیا قدر توتون ایچوب کندینی زهرله مک ، صکرده ده آقشاملرله قدر فایانوب یاتاق وجودی بسبتون خراب ایدر . رمضان کونلرنده کی او تیتیزلکلر ، او خیرچینلقلر هپ کندی یولسزلقلریمزدن اولما خسته لق علامت لیدر .

یوقسه افطارده ، سحورده وجود غداسنی کوزلجه آلیرسه اون اوچ ، اون درت ساعت معدده بوش قالمقله انسانه اصلا بر ضرر کلز . ضرر شویله طورسون بونک حسابسز فائدهسی واردر . بو بویله ایکن بعض کیمسه لک اوروجه دایانه م دیعیی دوغرو دکلدر . بر قورونتودن عبارتدر . انسانک کندینه حکمی کچمه مکدن ایلری کله بر یوره کسرلکدر .

نه دیمک بر انسان سنه نک بر آینده اؤکله یمکلرینک وقتی سکز طقوز ساعت اوکجه یه آلیرسه ، ایکی یمکنتک آراسنی بر آز اوزادیوررسه قیامتی قوپار؟ بونجه مسلمانلر بویله یاپیورلر . کوزل کوزل اوروج طوتیورلرده هسلاکی اولیورلر . پک اعلا هم چالیشیورلر ، هم اوروج طوتیورلر . صکرده وجودلری اوروج طوتیمانلردن بیک قات دها صاعلام اولیور . انسان بر آز تحمللی اولمالی . کندینه آزیحق حکمی کچمه لی . ایشته صبر ایده جکم ، اللهک امرین یرینه کتیره جکم دیه عنساد ایدوب نفسی ایاغنک آلتنه آلیورملی ! .

امادیه جکسکزکه : آخلق نه ایسه نه اما شو چیغاره اولماسه .. اولمایورسین ایکی کوزم .. سن او زهری ، او زیفیری ایچ دیه زور ایدن یوقیا ؟ ، بویله ضررینی کوردیکک شیئه دوشکونلک نه دن ؟ یکیت اول ، عنادایت اونیده ایچمه جکم دییوب ایچمه ییور والسلام . ایشته رمضان تام زمانیدر ، کوزل بر فرصتدر . براق بر دها آغزیکه آما . او بلادنده قورتول . . الحاصل آخلق ، تیریاکیلک اوروجه اصلا عذر اولماز . بونلر هپ بی نماز عذریدر .

اصل عذر خسته لق ، یوجلیق ، سفر برلک کبی شیلدر . دینز خسته ویولجی اولانلری قادینلرک بعض زمانلرینی ، وطن ایچون ملت ایچون دشمنلرله چاریدشان عسکرلری معذور طوتیور . اونلر اوروجلرینی صکره قضا ایدوب هم توانی آلیرلر ، همد و وجودلرینی دیکلندیروب قانلرینی تمیزلکه باقارلر .

وجودی بسله مک ، معدده یی باغص صاقلری یورماق ایچون افطارده سحورده نه یمه لی بر آزده اونی سویله یم .

آغالر بزم معدده من اللهک حکمتی طبق یاییق کیدر . ایچنده کی یمکلری چالقایوب لزومیلرینی آیرمق ایچون اکنه بویسه قیملدانیر طورر . شاید چوق ینیرده ، معدده آغزینه قدر طولوم کبی شیشرسه چالیشاما . کربلیر قالیر . ایشته بونک ایچون دینز ، معدده لریمزی



بويله طبقه باصه طولديرمه مزی خوش کورميور . جناب حق قرآن کريمنده : ييکيز ، ايچيکيز ! لکن اسراف ايتيکيز ! » بيورييور . معدني بويله بوقدر طولديرمق هم يميک اسرافدر ، هم وجود صاعلغني اسرافدر . پيغمبر افنديزده : ييکدن دها اشتها کر وارکن چکيلکيز ! « ديه امر ايتشدور . بوامرلر هيچ بوشنه دکدر . بونلرک هر برينک نيجه نيجه حکمتلری واردور . بويله ايکن بز نه اللهک امري ني طوتيورز . نهده پيغمبرک سنتنه رعایت ايدييورز . بونک ايچونده هپ جزامزي چکپورز . دائما خسته اقله ، صيسقه اقله حشر و نشر اولويورز .

بزجه دوييق ديمک ، معدمزيک داوول کي شيشمه سي ديمکدر . حالبوکه شريعتجهده هکيملکجهته دوييق نرومي قدر غذا آلمق ديمکدر . بونک ايچون انسانک غداسي نه آز اولمالی ، نهده چوق اولماليدور . بويک دقت ايديله چک بر شيدر ايتيديکي قدر قوتلی اولسون ، غذا لر مزيک طاريتسي ده پک آز اولمالی ، معدم لري مزيک اويروب چوپره بيله چکي بر مقدارده بولماليدور . بونک ايچون بر آز قوتلی غذا یرسهک ، بر آزده قوتلير يملکر بيه رک معدمه مزيه کيرن يک مقداريني مناسب بر درجه يه کتيرملي يز .

هر زمان رعایت ايديلسی لازم کان بو شرطلره کچن هفته سويلديکم کي بزم ايچون بيوک بر شفا اولان رمضانده دها زياده رعایت ايتملي يز . تاکه صاغاغمزي قورويا بيله لم . اوروجدن فائده بولالم ، هکيملره محتاج اولمايه لم .

شيمدي دیکه يک ! افطارده . سحورده نه نريملی ؟ بونلری سويلمه نك صيراسی کلدی .

بزده افطارده رچل ، پاصديرمه ، زيتون ، پينيرکي شيلر يک عادتدور ، لکن بونلرک هضمی کوچدر . ساعتلرجه بوش طوران معديه همان بونلری طولديرمق ضرردور . اک اييسي بر زيتون و يا خرما دانسيله و يا بر يودرم صوايله اوروجی بوزملي ، اوندن صوکر بر آز چوربا ويا ات صويي ايچملي ! لکن نه چوربانک ، نهده ات صوينک اوقدر غذا قوتی اولمايدغدن بونلرله معدني دولديرمالي ! چوربادن ويا ات صويندن آلی ، آلتش درهم يعني نهايت سکيز ، اون قاشيق قدر ايچيليرسه هم اشتها يي آچار ، همده بوش معديه اوکجه خفيف شيلر کيرمش اولور . اوندن صکره يورطه ، سبزه ، حاصلی الله نه ويرديسه يملی . رچلی ، پينیری فلا ني ده بونلرک آراسنده ، دها اييسي يملک اک صوکنده يملی ، اللهه شکر ايدرک قاقمالي . ديدیکه زکي يايمايوده اولوارته آيشديرانلرک

کیجہ لری معدہ لرنده ، باغیر صاقلرنده شیشکیندکدن ، صیقیتیدن ، حرارتدن شکایت ایتدک لری هیمز بیلیرز .

سحوردهده یه ینله جک یمکله هضمی قولای ، قوتی چوق شیلر اولمالی . قولای هضم اولونورسه چابوق آجیقیلیر . دیمه یکنر ؟ آجیق مق معدنک بوشالمسی دیمک دکلددر . بونی ایجه بیلمه یسکیز . هله بویله یاز کونلرنده ، هضمی کوچ یمکله یه ییلیرسه انسانه حرارت باصار ، چوق صیقیتی ویرر . اونک ایچون سحورده انا اول برأت صونی ویاچوزبا ایچملی ؛ اوندن صوکر انا ، یورطه ، سبز ، سوتلاج محلی ، یوغورت کبی شیلردن یملی ! سبز بر آزده رمضان اویقوسندن بحث ایدیم : وقت وزمانیله اویونان اویقونک انسانه فاندہ سی پک چوقدر . کوندوز اویقوسی کیجه اویقوسنک کولککسی بیله اولاماز . تراویچدن صوکر یا تالمی ، امسا کدن بر ساعت اول قاتقہرق کوزلجه آبدست آلمالی ، اویقو سر سملکنی کیدر ملی ، اوندن صوکره سحور یمکنی یملی . سحوردن صوکراده صباح نمازی قیلوب کیجه دن نقصان قالان اویقونی تاماملاق ایچون تکرار یا تالمی .

یتاقدن فیزالایوب سحور یمک ، یر ، یزده هان اویقوبه یا تمق ضرردر ، یمک دن اولده یمکدن صوکراده بر مدت اویاییق بولونمق لازمدر . قیصه کیجه لرده آذرباویقودن صکره اویانمایه آلیشیق اولمایانلرده وجود لری نیک سلامتی ایچون نه یا بوب یا بوب عادتلرینی بوزمالی ، کیجه اویقوسنک بر قسمنه اولسون قیاملیدر لر .

چونکک اویقوده بر غدار . اونی ده اسراف ایتک کماهدر . ایشته آغالر ! سویلک بندن ، طومسی سزدن ! . هان جناب حق جمله مزی نصیحت طوتان قوللارندن ایله ! شیمدی کله اوروجه .

اوروج ندر ، فصل اولور ، نه کبی شیلرله بوزولور . سره بونلری بر آز سویلیهیم . رمضان شریفده اوروج طومتق بزه فضر . بیونمک بیوک برور جیدر . بونک ایچون رمضانده بر عذری اولمایانلریز مطاقا اوروج طوته جقدر . یعنی یتله نوب طاک یری آغارمغه باشلادیغی زماندن تا کونش باطنجه یه قدر هیچ برشی یمه جک ، ایچیمه جک ، نفسنده اصلا اویمه جقدر .

چو جقلرایچون اوروج فرض دکلددر . لکن اونلری ده یواش یواش اوروجه هوسلندیروب آلیشدیر مق لازمدر . خسته اولانلر یا خود سفرده بولانلره اذن واردر . اونلرایسترلر سه اوروج لرینی طوتار لر . ایسترلر سه ای اولدقدن صکره یا سفردن دوندکدن صکره قضا

ایدرلر. یعنی کوننه کون طوتارلر. لحوسه لر، آی باشنده معذور اولان قادینلر ایسته سه لرده اوروج طوتامازلر. او حاللری کچد کدنصکره اوروجلرینی طوتارلر. اُمزیکلی قادینلر ضعیف اولوبده اوروج طوتارلر سه بستیون وجوددن دوشمک یا خود سود آزالوب چوجفه ضرر کلک قورقوسی اولورسه اونلرده اوروجلرینی صکره طوتارلر.

ای جماعت! باقیلک ده مین سزه اوروجی تعریف ایدرکن سوزک ایچنه نئی قاریشدرم شدم. یوکا ایجه دقت ایدک. چونکه نیتسز اوروج اولماز. انسان آغزیه سویله مهسه بیله مطلقا ایچندن اوروجه نیت ایتمی لازمدر. بونیتک ده بروقتی واردر. او وقتدنصکره نیت ایدیه جک اولسه اولماز. بونک ایچون ایلک اوجکه نسل اولور، نه وقت اولور بونلری آکلایلم. کوندوزین تاقوشلق وقتنه قدر اوروجه نیت ایدیه بیلیر. لیکن قوشلق وقتدنصکره اوروجه ایدلسه اوروج طوتلمش اولماز. نیتک زمانی نهایت قوشلق وقتنه قدردر. بونک ایچون الکاییسی اوروجه کیج دن نیت ایتمکدر. حتی انسان آقشاملاین افطار ایتد کدنصکره ایرتسی کونک اوروجه نیت ایتسه ده اولور. آقشامدن یارینکی اوروجه نیت ایتدم دیه امساک وقتنه قدر آغزینه برشی قویماق لازم دکلدر. آقشامدن نیت ایدر، تامساک وقتنه قدر ایستدیکی کبی بر، ایچر، هیچ نیتی بوزولماز. بویتمدی. شیمدی کله لم نیتی دیل ایله سویلبوب سویلمه مک.

نیت اصل انسانک قلبنده اولدیغچون برکیمسه دیلمه هیچ سویلمه ده ساده ایچندن اوروجه نیت ایتسه کافیدر. لیکن قلبیه نیت ایتدیکی کبی دیلمه ده سویلمه سی سنت شریفدر. بونک ایچون سزده اوروجه هم ایچکزدن نیت ایدیک. همد دیلمک زله: نیت ایتدم رمضان شریفک یارینکی اورجنه «دییک. بویه یاپارسه کز سنت شریفی ترک ایتمه مش اولورسکزر. شیمدی برآزده اوروجی بوزمیان شیلری سویلمه لم:

برانسان اورجلی اولدیغنی اونوتسه ده آزچوق برشی ییمه ایچسه اوروجی بوزولماز. حتی اوروجنی اونوته رق نفسه ده اویسه ده کندیجی جنب ایدیورسه ینه او آدامک اوروجی اوروجدر. لیکن بودیدک لرم دن برینی یاپار ایدرکن اوروجلی اولدیغنی خاطر لایجه هان براقیوبده ینه بیر ایچر کیفه باقارسه او ساعت اوروجی بوزولور کیدر.

جنب اولان کیمسه اوروجه نیتلنسه ده امساک وقتدن اول ییقانامسه، اویله جنب اوله رق صباحلاسه بو یوزدن اوروج بوزولمش اولماز. اوروجلی اوروجلی کوزلجه غسل آبدستی آلیر. آغزینی بروقتی ده خفیفجه ییقار. ساده ککیزینه بوغازینه صو قاچیرمامنه دقت ایدر. بوقسه اویله هر طرفی یقایوبده، اوروجه ضرری واردر دیه آغزی برونی



بیقامنی افطار دنصکره یه براتقی اولماز . ذاتاً بر انسان اوروجلی اولماسه بیله غسلی ایدرکن تا ککیزینه قدر صو ویرمک ، غرغره ایدوب بوغازینک ایجنی ایصلاقمق لازم دکدر . ساده برونده کی یوشاق یرک ایجنی بیقامق ، ساده آغزک ایجنی چالقاقمق کافیدر . اوروجلی اولان کیمسه اویقوده ایکن جنب اولیویرسه ینه اوروج اوروجندر . بویله جه جنب اولقله اوروج بوزولماز .

برکیمسه اوروجلی ایکن صویه دالسه ده قولاغنه صو قاقسه یاخود دیشینه قویدینی ویا آغزینی چالقالدینی علاجک طادی بوغازینه کینسه ینه اوکیمسه نک اوروجی بوزولماز . برکیمسه هیچ برعذری یوق ایکن آغزینه برشی آلوب طاتسه ده یوطماسه اوروج بوزولماز ، لکن بویله یایمق مکروه در . شاید بر عذر وارسه اووقت مکروه دکدر . اوروجلی اولان کیمسه نک بوغازینه توز ، سینک دومان قاقسه ینه اوروج جه ضرر ویرمز . حتی سیغاره دومان ، هوایه قاریشمش اولان شکر توزی آدامک بوغازینه قاجیویرسه ضرری یوقدر . لکن برکیمسه کندی ایستکیله بر شینک توزینی یا دوماننی مخصوص ایجنه چکرسه اووقت اوروج بوزولور .

برآدم دیشلری آره سنده قالان نخود دانه سندن اوافق برشینی یوقسه اوروجی بوزولماز . برکیمسه نک معدده سی بولانوب آز ویا چوق قوصه ینه اوروجی بوزولماز . اما بو کندیلکندن اولیوبده مخصوص کندی آغز طولوسی قوصدیرسه اووقت اوروجی بوزولور . لکن بواسفراغ او قدر چوق اولماسه اوروجی بوزماز .

اوروجلی اولان کیمسه چیچک ، یا بشته کوزل قوقولو برشی قوقلاسه ، یاخود سورمه چکسه ، قان آلدیرسه ، بیق یاغی سورسه اوروجی بوزولماز . برآدم اوروجی بوزمغه نیت ایته ده اوروج بوزاجق برشی یایمسه ! ساده اویله نیت ایله اوروج بوزولماز . ایشته بورایه قدر اوروجی بوزمیه جق شیلری آکلادق شمیدیده اوروجی بوزوبده ساده کونه کون طوتمق لازم کلن مسئله لری آکلایم :

برکیمسه چیک پرنج ویا ساده اون ییسه یاخود ساده یوغولمش خیر ییسه اوروجی بوزولور . وکونه کون طوتمق لازم کلیر : اما یدیکی اون نه اونی اولورسه اولسونده ساده اولیوبده یاغ ویاخود بال ویا پکمز و شکر کی شیلر ایله قاریشبیق اولور ایسه ایش باشقه لاشیر . اووقت یالکیز کونه کون دکل برده کفارت لازم کلیر . کفارتک نه اولدینی صره سی کلنجه ان شاء الله اوزون اوزادی یه آکلایم .

بر آدم بر کرده بر چوق طوز یسه اوروجی بوزولور . و کونه کون لازم کلیر .  
لکن اگر طوزی بر کرده دکلده بر قاج کرده یسه یعنی بر آزیسه ، صوکره بر آز  
دها یسه ، بویه بویه بر چوق طوز یسه جک اولسه او وقت آلتش بر کون اوروج  
طومتق لازم کلیر .

بر کیمسه ینمه سی عادت اولیان کراز و یازیتون چکرده کی یسه اوروجی بوزولور ،  
و کونه کون لازم کلیر . اگر ینمه سی عادت اولان قایبی و شفقالی چکرده کنی علاج  
ایچون یاخود باشقه برشی ایچون یسه او وقت آلتش بر کون لازم کلیر .

بر کیمسه صوصام دانه سی یاخود باشقه ینمه جک شیلردن او قدر جق بر شیئی آغز ینه  
آلوب یسه و یا بر آز طوز یسه ، یا آدم چکشیدیردکن صوکره یا حجامت اولدقن صوکره  
یاخود بیقلرینه یاغ سوردکن صوکره اوروجم بوزولدی . ظنیه یسه ایچسه هم قضا هم  
کفارت لازم کلیر .

بورایه قدر کفارتک نلردن ایلری کلدیکنی او کوندک شمدی ده کفارتک فاصل  
اولاجغنی او کره نلم :

کندیسه کفارت لازم کان کیمسه اگر وقت حالی یرنده ایسه و ممکن ایسه کفارت  
نیت ایله بر کوله آزاد ایدجکدر . اگر کوچی یتزسه یاخود شمدی زمانزده اولدینی  
کبی کوله بولونمازسه ایکی آی بربری آردی صره آراسنی کسمیه رک رمضان و اوروج  
طومتقی حرام اولان کونلره قاریشدیرمایارق اوروج طوتاجقدر . اوروج طومتقی  
حرام اولان کونلر رمضان بایرامنک برنجی کونیه قربان بایرامنک دوت کونیدر . او  
کونلرده اوروج طومتق اصلا جائز دکدر .

حق او کیمسه عذر سنز و یاخود سفرو خسته لق کبی اوروج یمکی مباح قیلان بر عذرله  
کفارت اوروجی طوتدینی کونلردن یرنده اوروجی بوزولو ویرسه کفارت اوروجنه  
یکیدن باشلامشی لازم کلیر .

قادیسنلرک عادت کونلرنده اوروج طوتمالری ممکن اولمیدغندن او کونلری بیتنجه  
کفارت اوروجنه یکی باشدن باشلامالری لازم اولمایوب اولجه باشلادقلرینی تماملارلر .  
اما کفارت اوروجنی طونارکن دنیا به چو جق کتیره قادیسنلر کفارت اوروجنه یکیدن باشلارلر .  
خسته لقی و یا یاشلی اولوب ایکی آی آردی صره اوروج طوتامایانلر آلتش فقیری  
طوبورلرلر .

بویله آلتش فقیری طویورمه لرده هر برینه آری آری بشیوز یکریمی درهم بغدادی  
ویا خود بیک قرق درهم آریه یا خود بونلرک دگری اولان پاردی ویرمه لرینه اولور .  
آقشاملی صباحلی طویورمه میوبده بونک برینه یوز یکریمی فقیری بردن طویورمه لر  
اولماز ، کفارت یاریم اولور . آلتش فقیری طویورمق لازمدر .

صباحلری آلتش فقیری طویوروب آقشاملری بدلی ویرمک ویا خود آقشاملری  
طویوروب صباحلری بدلی ویرمک شرطیلده کفارت اوله بیلیر .  
برفقیر آلتش کون صباح و اقشام ویا خود یوز یکریمی صباح ویا یوز یکریمی آقشام  
طویورولسه کفارت تمام اولور .

فقیرلره آلتش کونلک صباح آقشام یک ویرمیوبده قیمتی ویرمک دخی جائزدر .  
برفقیره ایکی آیده هر کون بی یوز یکریمی درهم بغدادی یا خود بیک قرق درهم آریه  
ویرسه ویا خود بونلرک دگری اولان پازه ویرلسه جائزدر . لیکن بودیدیکم قدر آریه وی  
بغدادی یا خودده پاره برفقیره برکونده آلتش دفعه ویرلسه یالکیز برکونلک برینه کچر .  
اوکوندن ماعداسی چون آریجه ویرمک لازم کلیر .



# تراویح نمازی

ای آغاز! سزه بر آزده تراویح نمازندن بحث ایتک ایسترم . زیرا تراویح نمازی نهدر ، فصل اولور نه وقت قیلینیر ، بونلری لایقيله بيلمکده بزم اوزریمزه الزمدر . نهدن دیرسه کز اركك اولسون قادين اولسون هر مسلمان ایچون رمضان کیجه نرنده یاتسون نمازینک صوڪ سنتمدن صکره یکریمی رکعت تراویح نمازی قیلماق سنت شریفدر . تراویح نمازینی قیلماق طبق اوکله نمازینک سنتملرینی قیلماق کیدر . بونک ایچون انسان آئندن کلدیکی قدر بومبارک نمازی بر اقامغه غیرت ایتلی یوایله ارکانيله قیلماغه دقت ایلیدر .

آغاز! تراویح نمازی تک باشینهده قیلینیر ، جماعتلهده قیلینیر . شیمدی فرض ایدم که تراویح نمازینی یالکیز باشیکیزه قیلاجقسکیز!.. هر وقت تک باشیکیزه قیلدیغکیز کی یاتسونک اول. سنتيله فرضی و صوڪ سنتمی قیلقدن صکره - وتر نمازینی قیلماق دن اول - یکریمی رکعت تراویح نمازی قیلارسکیز . بویکریمی رکعتی قیلارکن ایسترسه کز ایکی رکعتده بر سلام ویررسکیز ایسترسه کز دوت رکعتده بر سلام ویررسکیز . لیکن اکی ایسی هر ایکی رکعتده بر سلام ویرر مکرده . تراویح نمازینه دورا جغسکیز وقت: تراویح قیلماغه ایچکیز دن نیت ایدرسکیز . دیلیکیز لهده: نیت ایتدم الله رضا - ایچون تراویح نمازی قیلماغه ، الله اکبر دیه رک نمازه دوررسکیز . اگر ایکی رکعتده بر سلام ویره جکسه کز ، صباح نمازینک سنتمی فصل قیلارسه کز طبق اونک کی ایکی رکعت قیلوب سلام ویررسکیز . صوکره اویله جه ایکی رکعت ده قیلوب ویررسکیز اویله اویله یکریمی رکعتی تماملارسکیز . اگر دوت رکعتده بر سلام ویرر مک ایسترسه کز ایکنندینک سنتمی فصل قیلارسه کز طبق اونک کی دوت رکعت قیلوب سلام ویررسکیز . صکرهده اویله جه دوت رکعت ده قیلارسکیز . اویله اویله ، یکریمی رکعتی تماملارسکیز . تراویح نمازی بیتجه او وقت وتر نمازی قیلارسکیز . ایشته تراویح نمازی یالکیز باشینه بویله قیلینیر . اما جماعتله قیلماغه کلنجه یاتسونک فرضی جماعتله قیلوب صوڪ سنتمی ده تک باشیکیزه قیلقدن صکره تراویحه قالقد قده سز : تراویح نمازینی امامه اویارق قیلماغه ایچکیز دن

نیت ایدرسکیز. دیلیکیزله ده: نیت ایتدم الله رضا سیچون تراویح نمازنی امامه او یارق قیللمنه» دیوب امامی بکلر سکیز. امام «الله اکبر» دینجه سز. امامه او یارسکیز. امام ایکی رکعتده برسلام ویرسه صباح نمازینت فرضی جماعتله فصل قیلارسه کز طبق اونک کبی ایکی رکعت قیلارسکیز. امام ایکی رکعتده سلام و برمیوبده اوچنجی رکعتله قالفارسه ؛ سزده «الله اکبر» دهرک آیاغه قالفوب ساده «سبحانک» نی او قورسکیز. ایلاک ایکی رکعتی امامله فصل قیلدیکیزسه صوکره کی ایکی رکعتی ده اولیه جه قیلارسکیز. بویله بویله یکریمی رکعت تامالانیر. صکره وتر نمازنی ده امامله برابر قیلارسکیز. اما وتر نمازنی امامه او یما یوبده یالکیز باشکیزه قیلمق ایسترسه کز اوده اولور. لیکن البت امامله برابر قیلمق دها ثوابدر.

شیمدی وتر نمازی امامله فصل قیلنه جق بونی ده بر آکلایلم. تراویحدن صکره جماعتله وتر نمازی قیلمغه قالفقدده سز: وتر نمازنی امامه او یارق قیللمغه ایچکیزدن نیت ایدرسکیز. دیلیکیزله ده: نیت ایتدم الله رضا سیچون اوچ رکعت وتر نمازنی امامه او یارق قیللمغه. دیرسکیز. امام «الله اکبر» دینجه سزده «الله اکبر» دهرک امامه او یوب ساده «سبحانک» نی او قورسکیز. نه بو رکعتده، نه ده صکره کی رکعتلرده آیاقده دوررکن هیچ برشی او قومازسکیز. ساده امام «ولا الضالین» دیدکجه یاواشجه جق «آمین» دیرسکیز. ایکنجی رکعتدن صکره او طور دیفکیزده ساده «الذیات» نی او قورسکیز. اوچنجی رکعتله قالفقدده امام فاتحه ایله سوره، یا آیت او قودقدن صکره ائرنی قولاققرینه قدر قالدیره رق «الله اکبر» دیوب ینه باغلار و کیزلیجه قنوت دعاسنی او قور. سزده اولیه یا یوب او دعایی او قورسکیز. اکر سز: اللهم اناسمعتینک «دیه باشلایان بو قنوت دعاسنی او قومنی بحجده مزسه کز؛ اوچ کره: اللهم اغفرلی «دیوب امامله برابر رکوعه واریرسکیز ایکی کره سجده ایتدکدن صکره او طورده رق «الذیات» ایله صلوات و دعا او قور، امامله برابر سلام ویررسکیز. ایشته وتر نمازی ده جماعتله بویله قیلینیر! شیمدی کله لم فطریه.

ای آغالر! بیلمش اولک که: قادین اولسون ازلک اولسون، بیوک اولسون، کچوک اولسون هر زنکین ایچون رمضان بایرامنده «فطره» دنیلان صدقینی چیقاروب فقرايه ویرمک واجبدور. شیمدی ایلاک اوجکه؛ زنکین دیه کیملره دینیر بونی بر بر آکلایلم! هر کیملک که بورجندن، کچینه جکیندن فضله سکلکی سکسز یکریمی مثقال آلتون، یا خود ایکی یوز درهم کوشی اولورسه او کیسه شرعاً زنکین صایلیر. اما بر کیسه نیک یوقدر آلتونی، کوشی اولماسده تجارت ایچون سرمایه ایدندیک مالی یکریمی مثقال سکلکی

آلتون یاخود ایکیمیز درهم سکیلی کموش قیمتمنده بولونسه او کیمسه ده زنکین صایایلر.  
برکیمسه نك آلتونی کموشی اولمسه ، اویله دیدیکم کبی سرمایه سی ده بولونمسه ؛ لیکن اوتوز  
طقوزدن فضله قیونی یاخود یکریمی طقوزدن فضله صیغیری اولسه یاخود درتدن فضله  
دومسی بولونسه او کیمسه ده زنکین صایایلر . ایشته بوصایدیغیم کیمسه لرك كرك کندیلری ،  
كرك زنکین اولمیان حرملریله چوجققلری ایچون رمضان بایراملرنده فطره ویرمسی  
واجبدر . شیمدی ده : فقرايه ویريله جك اولان فطره نه کبی شیدر ، نه قدر ویريله جکدر ؟  
بونی آکلایلم .

فطره دیدیکمز اویله آت دره دکل ، اولوب اولاجنی بشیوز یکریمی درهم آغزلغنده  
بغداي یاخود بیک قرق درهم آغزلغنده آرپه یا قوری اوزوم ، یا خورمادر . بغدای یرینه  
بغداي اونی ده ویراسه اولور . شونیده بیلمش اولک که فطره ویره جك کیمسه مخیردر .  
دیلسه فطره سنی آکلادیغیم حساب اوزره بغدایدن ، آرپه دن ، قوری اوزومدن ،  
خورمادن ویریر . دیلسه بونلردن برینك دکری قاج غروش ایدرسه حساب ایدوب  
او یاردینی ویریر . قیطلق اولمیان سنه لرده فطره یی پاره اوله رق ویرمک دها ثوابدر .

شیمدی رجا ایدرم آغالر ! بورجندن ، کچنه جکندن ماعدا بودیدیکم قدر مالی اولان  
برکیمسه ؛ سنه ده برکره قالقوبده فقرايه بشیوز یکریمی درهم بغدای ویرمش اولسه  
چوقیدر ؟ برآدمک وقتی حالی وار ایکن شو واجبی یرینه کتیرمه مک ، یوقسوللر ایچون  
بایرامده بوقدرجق بر اییلکی اسییرکه مک لایتمیدر ؟ انسان انصاف ایدوب بر کره  
دوشونملی ده ؛ اویله سنه ده بر «فطره» یی چوق کوره جك قدر حسیسلک ایتمه ملی ! صکره  
بو حال اللهک کوجنه کیدرده آدمک باشنه اویله بردرد ویررکه ؛ نعوذ بالله درماننی بولاجغم  
دیه انسان بر فطره دکل بیک فطره قدر پاره صرف ایدرده ینه قورتولاماز .

بونک ایچون ای زنکینلر ، ای حالی وقتی یرنده اولان کیمسه لر ! اللهک ویردیکی نعمتلره  
شکر ایدوب جیمربیلکی براقک ! فطره لر بکیزی وقیله ووروب فقرانی سهویندیریک که  
او زواللرده آز چوق کوکل خوشلقیله بایرامچققلرینی یامش اولسونلر . .

شیمدی کله لم بایرام نمازینه ! رمضان و قربان بایراملرنده ایکیشر رکعت بایرام نمازی  
قیلمق واجبدر . جمعه نمازی کیماره فرض ایسه بایرام نمازلی ده او کیمسه لره واجبدر .  
بایرام نمازلی تک باشینه قیلماز ، جماعته قیلماز . هانکی بایرام اولورسه اولسون نمازه  
قالقدقه : بایرام نمازینی امامه او یارق قیلغه ایچکزدن نیت ایدرسکزدن دیککزلده ده :



نیت ایتدم الله رضا سیچون ایکی رکعت بایرام نمازینی امامه او یارق قیلیمغه ، دیرسکیز .  
 امام « الله اکبر » دیر دیمز ؛ سزده « الله اکبر » دهرک امامه اویوب آلریکیزی باغلار ،  
 ساده « سبحانک » یی اوقورسکیز . صکره امام تکرار « الله اکبر » دینجه سزده آلریکیزی  
 قولاقلیرکیزده قدر قالدیروب « الله اکبر » دیرسکیز . لیکن بو سفر آلریکیزی باغلایوب  
 ایکی یانکیزه براقیرسکیز . صکره امام ینه « الله اکبر » دینجه ، سزده آلریکیزی قالدیروب  
 « الله اکبر » دهرک ینه ایکی یانکیزه براقیرسکیز . امام بر دفعه دها « الله اکبر » دیدیکنده  
 سزده ینه آلریکیزی قالدیروب « الله اکبر » دیرسکیز . آرتق بوسفر آلریکیزی باغلایوب  
 کوبه کزک آلتینه قورسکیز . امام اوقور ، سز هیچ بر شی اوقومازسکیز . یالکیز  
 « ولا الضالین » دینجه سز یاواشجه حق « آمین » دیرسکیز . صکره امامله برابر رکوع وسجده  
 ایدرک آیاغه ، ایکنجی رکعت قالدیغیکیزده امام اوقور ؛ سز ینه بر شی اوقومازسکیز .  
 امام « الله اکبر » دینجه سزده آلریکیزی قالدیروب « الله اکبر » دهرک ایکی یانکیزه  
 براقیرسکیز بوندن صکره آرتق هیچ آل باغلامق یوقدر . امام بر دها « الله اکبر » دینجه  
 سزده آلریکیزی قالدیروب « الله اکبر » دهرک ینه ایکی آلریکیزی یانکیزه براقیرسکیز .  
 امام تکرار « الله اکبر » دیدیکنده ، سز ینه اویله جه « الله اکبر » دهرک ینه آلریکیزی  
 براقیرسکیز . صکره امام « الله اکبر » دیوب رکوعه وارنجه ، سزده امامله برابر رکوعه  
 واررسکیز . ایکی کردهخی سجده ایتدکن صکره اوطوردرق « التحيات » ایله صلوات  
 ودعا اوقویوب امام ایله برابر سلام ویررسکیز . ایشته بایرام نمازیده بویله قیلنیر . بایرام  
 نمازلرندن صکره خطبه اوقونسی سنت شریفدر . بونک ایچون نمازی قیلار قیلماز اویله هان  
 صاوشوب کیتمه ملی ، اوطوروب کوزلجه خطبه نی دیکله ملیدر .

ییلمش اولیک که اسلامک شرطلرند ، دیمزک دیره کلرندن بری ده ذکاتدر . دلیلودن ،  
 چوققلردن ماعدا قادین ، اُرکک هر زنکیمن دسلمانک زکات ویرمسی فوضدر . بونک  
 بویله اولدیغنه ایثامیان نعوذ بالله کافردر . زکات اوزرینه فرض اولوبده ویرمیه نلر ایچون  
 هم دنیاده هم آخرتده درلو بلالر حاضردر . بونک ایچون وقتی حالی یرنده اولانلر هان  
 بیوقلرینک بورجنی اوده ملیدرلر .

شیمدی ایلک اوجکه هانکی مالدن زکات ویرایر ، زکات ویرمک ایچون بر آدامک

نه قدر مالی اولمق لازمدر ، بونلری اؤکرنه لم .

بر آدامک اینجوسی المامی ، زمردی یاقوتی یا بونلره بکزر جواهری اولسه یاخود

أوی باری ، خانی حامی دکانی دستکاهی ویا او دوشه مہسی او اشیای بولونسه بونلر ایچون او آدمه زکات ویرمک لازم دکلدر .

اما او آدم اکر بو صایدیغ شیلرک آلوب صاتیجی ایسه اووقت اوملارک اوملکلرک قیمتی حساب ایدرک زکات ویرمسی فرضدر .

بر آدمک بورچندن ، کچنه جکندن فضله ایستر تجارت ایچون اولسون ایستر اولماسون صاحب اولدیغی آلتوندن ، کوشدن و قیون ، کچی ، صیغیر ماندا ، دوه کبی حیوانلردن و هر هانکی چشید اولورسه اولسون آلوب صاندیغی ماللردن هر سنه زکات ویرمسی فرضدر .

۴ زکات ویرمک ایچون بر کیمسهده بو ماللردن نه قدر اولمیدر و بو ماللرک آزیسهده چوغنهده زکات لازمیدر دکلی در بونیده بر آکلایلم :

بیلمش اولمک که ای جماعت ! بو صایدیغ ماللرک زکات ایچون حسابی هپ بر دکلدر . هپسنک کی باشقه باشقهدر . بن سزه بونلری برر برر سویلهیم . سزده کوزله دقت ایدک . اکر سزده اولان آلتون سکه سزیغی کولچه حالده اولهوق یکر می مثقال یاخود سکهلی اولهوق اون اوچ بچق عثمانلی آلتونی ایلہ برده آلتون چاریکی قدر یا دهها زیاده ایسه هر سنه او پاره نك قرقده برینی چیسقاروب زکات دیه ویرمکیز فرضدر . شاید بو دیدیکدن آز اولورسه زکات ویرمک لازم دکلدر .

اگر آلتونکیز اولماسده اکیوز درهم کوشکیز اولسه یاخود یکر می آلتی بچق مجیدیه کز یا دهها زیاده پاره کز بولنسه بونک ایچون سزه زکات ویرمک فرضدر . اما بوندن آز ایچون زکات ویرمک فرض دکلدر . اکر بو دیدیکم قدر سکهلی ، سکه سز آلتونکیز یا کوشکیز اولماسده اونلرک طوتاری قدر قائمه پانققوط ، باقر پاره کبی کچر آچه کز بولنسه اونلرکده زکاتی ویرمک فرضدر .

آلوب صاندیغکیز مالله کلنجه اونلرکده قیمتی ده مین دیدیکم کبی یکر می آلتی بچق مجیدیه ویا دهها زیاده اولورسه او ماللرکده قرقده برینی ویرمک فرضدر . لیکن آغالر ! دقت ایدیک اکر اُلکیزده بودیدیکم قدر آلتون کوش یاخود مال اولماسده بر آزا آلتون ، بر آزا کوش ، بر آزده تجارت مالی بولنسه وبونلردن هپسنک بهاسی دیدیکم کبی یکر می آلتی بچق مجیدیه یاخود دهها زیاده طوتار اولسه اونلرکده قرقده برینی ویرمک فرضدر . حیوانلرک زکاتنه کچمه دن اول شونیده سویلهیم که اوی اولمایان بر کیمسه نك او آلمق

ایچون آئنده زکات لازم کله جک قدر یا دها زیاده پاردسی اولسه ده او پاردنک اوزرندن  
أو آلمانن بر سنه کچسه یعنی او پاره اوله جه بر سنه قالسه او کیسه ایچون او پاردن  
زکات ویرمک لازمدر .

برده آتون یا کوش ؛ باقر و یا بشقه بر معنایله آریدیلوب قاریشدریله جق اولسه  
اگر آتونی دها چوق بولورسه آتون حکمندهدر . کوشی دها چوق بولورسه کوش  
حکمندهدر .

اگر بو قاریشان معدن آتونه ، یا کوشله بر ایسه یعنی یاری یاری به ایسه آتونه  
قاریشان آتون حکمندهدر . کوشله قاریشان کوش حکمندهدر .

قاریشدریلان معدن آتون ویا کوشدن چوق اولورسه باقارز ، اگر او شی تجارت  
مالی ایسه قیمتته کوره زکات ویرمک لازمکلیر . یوق اگر تجارت مالی دکلده قولانمق  
ایچون آئده طوتولیورسه زکات لازم اولماز . سائر باقر ، یا معدن قابلر کییدر .

اگر ساده آتونه کوش بر برینه قاریشدریلوب آریدیلجک اولسه ینه بویهدر .  
یعنی آتونی چوق ایسه هپسی آتون صایلیر . کوش چوق ایسه هپسی کوش صایلیر .  
اگر بو بر برینه قاریشدریلان آتونه کوش بر ایسه یعنی یاری یاری به ایسه هپسی  
آتون حکمندهدر .

شیمدی کله حیوانلرک زکاتنه . هانکی حیواندن زکات ویریلیر ، وزکات ویرمک  
ایچون بر آدک نه قدر حیوانی اولمق لازمدر ، ایلک اوکجه بونی اوکوره نه لم .

بیلیمش اولیک آغالر ؛ سنه نیک چوق زمانده کندی باشنه اوتلاغه ، قیرمه ، چاپیره  
صالوریمش اولان قیون ، کچی ، صیغیر ، ماندا ، دوه کی حیوانلره زکات لازمکلیر .  
یوقسه سنه نیک چوغنده صاحبلی طرفدن بسله نیلن طامیزلق حیوانلر ایچون زکات یوقدر .  
اگر بو حیوانلر طامیزلق اولیوبده تجارت مالی اولورسه اووقت زکات ویرمک  
لازمدر .

نه قدر حیوان ایچون زکات لازم اوله جغه کله جه آتون و کوشده اولدیغی کی  
بو حیوانلرک ده زکات ایچون حسابی نصابی بردکلدر . هپسملکی باشقه یاشقهدر . بونلری ده  
سزه بر بر سوویهیم :

اگر سزده اولان قیون وکچی قرق دانه ویا دها زیاده ایسه زکات لازمدر . قرقدن  
آز ایسه لازم دکلدر .



اگر صغیر یکنز ، مانده کز اوتوز دانه ویا دها زیاده ایسه زکات لازمدر . اوتوزدن .  
آزایسه لازم دکلدر .

اگر دوه کز بش دانه ویا دها زیاده ایسه زکات لازمدر . بشدن آز ایسه لازم  
دکلدر .

بوحیوانلردن زکات نه قدر ویریه جگمه کلنجه ، آلتونده کوشده و تجارت منلرند .  
زکات قرقده بردر . بونی سویلشدم . لیکن حیوانلرک زکاتنده فرق واردر . بونک .  
ایچون ایجه دقت ایدیک .

اگر قیونکنز وچیکیز قرق دانه دن یوز یکر می دانهیه قدر ایسه بردانه قیون یا کچی  
ویره جکسکنز .

شاید یوز یکر می بر دانه دن ایکیوز دانهیه قدر ایسه ایکی دانه قیون ویا کچی  
ویره جکسکنز .

اگر ایکیوز بردانه دن اوچیوز طقسان طقوز دانهیه قدر ایسه اوچ دانه قیون ویا  
کچی ویره جکسکنز .

اگر درتیوز دانه ایسه درت قیون ویا کچی ویره جکسکنز . بوندن دها زیاده ایسه  
هر ادرز قیون یا کچی ده برقیون ویا کچی ویره جکسکنز .

زکات ایچون قیون ایله کچینک بر فرق یوقدر . قیون رینه کچی ، کچی رینه قیون .  
ویره بیلیرسکنز . کاله لم صغیر ایله مانده نک زکاتنه . .

صغیر یکنز اوتوزدن آزایسه زکات لازمکلمدیکنی سویلشدم . شیمدی ده اوتوزدن فضاه  
اولورسه نه قدر زکات ویریه جککنی سویلیهیم .

اگر صغیر یکنز اوتوزدن اوتوز طقوزده قدر ایسه ایکی سنهک بر بوزاغی زکات  
ویررسکنز . اگر قرق دانه ایسه اوچ سنهک بر بوزاغی ویررسکنز . قرق ایله آلتش  
آرسنده نه قدر صغیر یکنز اولورسه اولسون اونلرک زکاتی یوقدر .

صغیر اگر آلتش دانه اولورسه اووقت ایکی دانه ایکی سنهک بوزاغی ویررسکنز .  
یتش دانه اولورسه بری ایکی سنهک بری اوچ سنهک ایکی بوزاغی ویررسکنز .

بوندن صکره هراون دانه زیاده لشدکجه بوحساب اوزرینه زکات ویررسکنز . یعنی  
هر اوتوز دانه ده ایکی باشنه کیرمش بر بوزاغی ، هر قرق دانه ده اوچ باشنه کیرمش بر بوزاغی  
ویررسکنز .

زکات ديه ویره جککنز بوزاغیلرک دیشی ویاخود ارکک اولسندمه برضرر یوقدر .  
هانکیسنی ایسترسه کز ویره بیلیرسکیز . ماندانک ده زکاتی طبق صیغیر کیدر . هیچ بر  
فرق یوقدر . شیمدی کله دوه نك زکاته . .

دوه کز بش دانه دن آز اولورسه زکات لازم کلدیکنی سولشدم . شیمدیده بش  
دانه یادها فضله اولورسه نه قدر زکات ویريله جکنی سولهیم .

اگر دوه کز بش دانه دن طقوز دانه قدر ایسه بر قیون ویررسکیز . اون دوه دن  
اون درت دوه قدر ایکی قیون ، اون بش دوه دن اون طقوز دوه قدر اوچ قیون  
یکرمی دوه دن یکرمی درت دوه قدر درت قیون زکات ویررسکیز .

یکرمی بش دوه ده ایکی یاشنه کیرمش بردیشی دوه ویررسکیز . اوتوز آتی دوه ده  
اوچ یاشنه کیرمش بردیشی دوه ویررسکیز .

قرق آتی دوه درت یاشنه کیرمش بردیشی دوه ویررسکیز . آلتش بر دوه ده بش  
یاشنه کیرمش بردیشی دوه ویررسکیز .

یتش آتی دوه ده اوچ یاشنه کیرمش ایکی دیشی دوه ویررسکیز . طقسان بر دوه ده  
درت یاشنه کیرمش ایکی دیشی دوه ویررسکیز .

یوزیکرمی دوه دن یوز قرق درت دوه قدر یوز یکرمی دوه ایچون لازم کلن درت  
یاشسندمه ایکی دیشی دوه ایله یوزیکرمینک فضله سی اولان هر بش دوه ایچون ده بر قیون  
لازم کلیر .

دها فضله سنک حسانی ده بویه آچیق آچیق سوله سهم اوزون کیده جک . قیمه جق  
سوله سهم بلمکه یا کلش آ کلایان بولنور . بونک ایمنی - الله آرندیر سین - شاید دوه کز  
یوز قرق بش دانه یادها زیاده ایسه برخواجه اقدی به صوروب حسانی اوکره نیرسکیز .  
زکات ديه ویریلان دوه لرک هپ دیشی اولسنی سولشدم . چونک دوه لرک زکاتی  
دوه ویرمک ایسترسه کز آتجق دیشی دوه ویره بیلیرسکیز . دیشی دوه یرینه ارکک دوه ده  
ویريله بیلیر . لیکن اوارکک دوه دیشی دوه قیمتده اولمیدر .

زکات اوله رق دیشی دوه ویرمه سه کز ده قیمتی ویرسه کز اوده جائز اولور . زکات  
اوله رق قیون ویرمک لازم کلدیکندمه قیون ویرمه سه کز ده قیونک قیمتی قاچ غروش طوتارسه  
اونی ویرسه کز ینه جائز در . خاطره مده ایگن شونی ده سوله سهم که مرکبک ، قاطرک زکاتی  
یوقدر . شیمدی ده زکاتک کیملره ویریلوب ویريله جکندن بحث ایددم .

برکیمسه زکاتی محتاج اولان آناسنه باباسنه ، بیوک آنالرینه بیوک بابالرینه ویره من .  
محتاج اولان چوجقلرینه ، طورونلرینه ده ویره من .

برقادی اركككنه ، براركك قادینه ده زكات ویره من . لکن برکیمسه محتاج اولان  
قیز قارده شنه ، ارکك قارده شنه ، عمجه شنه ، دانی شنه ، حاله شنه ، تیزه شنه و سائر اقباسنه  
زكات ویرمسی جائزدر . بویله اقباسندن محتاج وار ایکن بشقه شنه زكات ویرمه مسی دها  
مناسبدر . حتی بویله اقباسندن محتاج کیمسه اولماسه ده قومشولردن محتاجلری وارایکن  
بشقه لرینه ده زكات ویرمه ماید . هله بشقه ملکیت اهالیسه کوندریله ماید . لکن محتاج  
اقباسی بشقه ملکیتده ایسه زکاتی اورایه کوندرمك دها مناسبدر .

برکیمسه کندی کوله شنه ، جاریه شنه دخی زکاتی ویره من . مسلمان اولیان  
کیمسه لرده زكات ویرلز .

زكات ویره جلك قدر مالی ، پاره سی اولانلرده زكات ویرلز . حتی بویله لرینك  
چوجقلرینه ، کوله و جاریه لرینه دخی زكات ویرمك جائز دکلد .

برکیمسه نك کندی ملکیتده پاره سی ، مالی اولسه ده نسله غربت ایلمده فقیر و محتاج  
دوشه اویله شنه زكات ویرمك جائزدر .

سوزی کیمزدن اول شونی ده سویله یم که : ای جماعت ! زکاتکیزی ویردن ،  
یاخود آل بواره یی فقرایه ویردی برینه تسلیم ایدرکن ، یاخود زکاتی مالکیزدن آیدرکن  
مطلقا زکات نیت ایتمه کز فرضدر . لکن فقرایه اواره نك زكات اولدیغنی بیلدیرمه کزده  
اولور . اما بیلدیریلسه دها ای اولور .

شیمدی کله م جنازه نمازینه . .

جنازه نمازی فرض کمايهدر . یعنی جنازه نمازی بر ، ویا برقاچ کیمسه قیلارسه ،  
جنازه نمازنده بولمیانلر کده بوینندن بویج قالقار . اما جنازه نك نمازی قیلمازسه اوراده  
بولونان مسلمانلرک هپسی کناهه کیرمش اولور . شیمدی جنازه نمازی نصل قیلنه جق  
بونی براوکره نم .

جنازه نك اوکندده امام ؛ امامك آرقه سنمده ده جماعت قبله یه فارشی طوردر . جنازه  
نمازی قیلنه جنی وقت ارکك یا قادین جنازه سیمیدر ، یوقسه ارکك چوجق یاخود قیز  
چوجق جنازه سیمیدر . ایلك اوکجه بونی آکلایه رق او جنازه نك نمازی قیلمه ایچکیزدن  
نیت ایدرسکیز .

ارکك جنازه سی ایسه نیت ایتمه الله ایچون نمازه ، شواآجلك ایچون دعا یه ، اویده



حاضر اولان امامه ، دیرسکیز . قادین جنازه سی ایسه نیت ایتدم الله ایچون نمازه ، شو خاتونچق ایچون دعايه ، اويدم حاضر اولان امامه دیرسکیز . اکر ارکک چوجق جنازه سی ایسه : نیت ایتدم الله ایچون نمازه ، شو اوغاجقز ایچون دعايه ، اويدم حاضر اولان امامه ، دیرسکیز . اکر قیز چوجق جنازه سی ایسه : نیت ایتدم الله ایچون نمازه ، شو قیزجقز ایچون دعايه ، اويدم حاضر اولان امامه « دیرسکیز . اکر برتلاشه کلوبده بونلردن هانکیسنک جنازه سی اولدیغنی آکلایه منسه کز : نیت ایتدم الله ایچون نمازه ، امام کیمک اوزرینه نماز قیلارسه اوکا دعايه ، اويدم حاضر اولان امامه ، دیرسکیز .

امام « الله اکبر » دینجه سزده باشقه نمازلرده یاپدیغکیز کبی « الله اکبر » دهرک امامه اویوب آل باغلار سسکیز و : سبحانک اللهم وبحمدک وتبارک اسمک وتعالی جدک وجل ثناؤک ولا اله غیرک » دیرسکیز . امام تکرار « الله اکبر » دینجه سزده هیچ اللریکیزی قالدیرمه دک « الله اکبر » دیوب نمازلرده « النبیات » دنصکره اوقودیغکیز صلوات شریفه نی اوقورسکیز امام برکره ده « الله اکبر » دینجه سزده اللریکیزی قالدیرمه رق « الله اکبر » دیوب جنازه دعاسنی اوقودقدنصکره امامله برابر سلام ویررسکیز .

اکر جنازه دعاسنی اوقومنی بحره منسه کز قنوت دعاسنی یعنی صلوات وترده اوقودیغکیز یاخود : اللهم اغفر لنا ولوالدینا وللمؤمنین والمؤمنات » دیوب امامله برابر سلام ویررسکیزه شاید بو دعانی ده بحره منسه کز هیچ بر شی اوقوماسه کز ینه نمازیکیز نمازدر

## حج

قادين اولسون ارکک اولسون کوچی یتهن کیمسه ایچون عمر نده بر کره حج ایتمک فرضدر .  
 آغالر حج نصل اولور ، بوفرض نصل یرینه کتیر یایر بر آز بونی ده آکلایه لم . مکیه  
 وارمازدن اول حج یوللرنده احرامه کیریه جک یرلر واردر . حجه کیدن کیمسه لر او  
 احرام یرلرینه وارد قلمرنده ساده بر پشته له بورونوب صرتلرینه برده او موز حولیسی  
 آلیرلر . ایکی رکعت نماز قیلارق الله رضاسیچون حج ایتمک نیت ایلد کدن صکره یوکسک  
 سسله لیک دعاسنی او قورلر . حاجیلر ایشته بویله جه صویونوب احرامه کیرد کدن صکره قربان  
 یایر امنک عرفه کوننده عرفاتده « وقفه » یرینه کیدرک « جبل رحمت » دنیلان تپه یه  
 قارشى طور وب تکبیر آلیرلر ، لیک چاغیرلر . یاما یاقیلا دعالر ایدرلر . او وقت انسانک  
 توکلری اور بریر ، کوز یاشلری بوشانیر . انسانه بشقه بر حال کئیر . انسان نه اولدیغی  
 بیلمز . اوراده دویولان لذت باشقه یرده دویولماز . او احرام حامله اوراده طوروش  
 انسانى باشقه لاشدیرر . انسان بر درلو گئیندی طوتاهاز آغالر . جوشد حجه چوشار .  
 او اویله بر حالدرکه دیل ایله تعریف اولونماز . صکره قربانلر کسایوب مکیه دونولور .  
 کعبه طواف ایدیلیر . ایشته حج بویله اولور . مکهدن دونشده مدینه یه اوغرا نیله رق  
 اوراده ده پیغمبر افندیغی زیارت اولونور . اویله مبارک یرلر هیچ دویولماز . انسان  
 ملدکته دونر اما عقل فیکری هپ اورالده قالیر . حاجیلر اولونجه یه قدر مکه ، مدینه  
 لافی ایدرلر . بوندن بیوک لذت آلیرلر . اورالرک سسوزی کچدکجه کوزلری یاشاریر ،  
 برونلرینک دیره کی صیزلار . آللرندن کلمه تکرار تکرار حجه کیمکه جان آتارلر . بورالرده  
 اولوب قالانلر ایره نیرلر . بونلر یایما جق دکلدر ، هب یوره کدن کئیر . حج پک بیوک برشیدر .  
 حجده دهانجه لذتلر ، نه بیوک حکمتلر واردر . هر سنه دنیانک درت گوشه سندن قوشوب  
 کلان یوز بییکلرجه مسلمان باشی آجیق ، یالین آیاق هپ اوروايه طویلانییر . زنکین زوکورت  
 اوراده هپ بر اولور . نصل اولماسین که هپسی بر دین قارده شی . هپسنک هپی بر ، پیغمبری  
 بر ، خلیفه سی بر . . هیچ آراده آیر بلاق غیر بلاق یوق . هپسی جان جکر . هپ آلر کوکلره  
 آچلمش . هپسی ده الله دیور ، لیک چاغیریور . هپسی ده بربری ایچون سلامت ایستیور  
 بو آز شی دکلدر . بو کوریه جک دوشونیه جک برشیدر .

# قربان کسمک

ای جماعت ! پوکون سزه بر آزده قربانندن بحث ایدیم . قربان کسمک نهدر ، اصل اولور ؛ کیملر قربان کسر ، هانکی حیوانلر قربان اولایلیر ؟ آزیحق ده بونلری آکلانیم .

شیمدی آغالر هرشیدن اول شونی خاطر دن چیقارمايک که : قربان اولسون زکات اولسون دهاباشقه عبادتلر اولسون جناب الله بونلرک هیچ برینه حاشا محتاج دکلدرد . اصل محتاج اولان بز . یا ییلاق عبادتلرک ، ایدیلرک خیرلرک هپ فائده سی بزه دره . بر کیمسه یوز بیکلرجه قربان کسمه یا خود بیونسه بورج ایکن هیچ بر قربان کسمه سه بونک کاری ضرری ینه کندینه در . بو یوزدن حاشا جناب حق هیچ بر کار ضرر اولق احتمالی یوقدر . کیمک مالی کیمه قربان ایتدیکمزی آزیحق دوشونونه چک اولسه ق بونک بویه اولدینگی آکلایو بریز . ساده نه وارکه : الله بش پارمنی بر یار اتمامشدر . هر کسمک حالی وقتی بر برینه اویماز . کیمی فقیردر کیمی زنیکن کیمی عاجزدر کیمی یتیم . خاتک ایچنده یاری اچ یاری طوق کزدنلر ، سنده بردفیه بیله آت یوزی کورویه نلر جوقدر . قربان یا برامی دیدیکک اللهم برضیفقیدر . وقتی حالی یرنده اولان کیمسلر قربان کسرلر ، هم کندیلری بول بولاماج یرلر ، هم آشلرینه دوستلرینه هدییه ایدرلر . همده فقیرلر یوقسوللر ده اغتوب اکرام ایلرلر . سنده بر پارچه آتک نه اهمیت ایلوردیه نلر هپ حال دن بیلمیه نلر در . او قدر جق بر آتک اهمیت وارمیدر بوقیدر بر کره قربان یا برامی دوت کوزله بکلرین محتاجلر صورمالیدر . شاید بوقدر بر یاردیمی آزیسایانلر وارسه همت ایتسینلر ده فقرايه دائما آت لوقه سی یدیرمه چالیشسینلر . شیمدیلک بو بحث بو قدر جقله قالسین ، بز کله لم کیملرک قربان کسه چکنه !

آغالر ! قادین اولسون آرکک اولسون ، بیوک اولسون کچوک اولسون هر زنیکن کیمسه ایچون قربان یا برامنده قربان کسمک واجبدر . کیملر زنیکن دینه جی کچن یا برام فطره نی آکلانیرکن سويلشدم . شیمدی بر دها تکرار ایدیم ، بلکه ایچیکزده او وقت



بولمیانكز واردر. هر كيمك كه بورجندن كچنه جكندن فضله سكهلى سكهسز يكرمى مثقال آلتونى يا خود ايكينوز درهم كموشى اولورسه يا خود بونلرك طوتارى قدر كچر آچقهسى بولورسه او كيمسه شرعاً زنكین صایلیر . بر كيمسه نك بویله بو قدر آلتونى كموشى اولماسده تجارت ایچون سرمایه ایدیندیكى مالی يكرمى مثقال سكهلى آلتون يا خود ايكينوز درهم سكهلى كموش قيمتمده بولورسه او كيمسه ده زنكین صایلیر . بر كيمسه نك آلتونى كموشى اولماسه ، اویله دیدیکم كچي سرمایه سی ده بولماسه لکن اوتوز طقوزدن فضله قویونی يا خود يكرمى طقوزدن فضله صغیری اولسه ، يا خود درتدن فضله دودسی بولورسه او كيمسه ده زنكین صایلیر . ایشته كندنلریه قربان كسمك واجب اولان كيمسه لر بولردر . لکن بولردن بری یوله ، سفرده بولورسه يا خود مسافر اوله رق قوندینی رده اون بش كوندن آز اوطوره حق اولسه او كيمسه یه قربان كسمك واجب دكلدر . اما یولچیاق دیدیکم ؛ آدامك كویندن قصبه سندن يا خود يرلشوب قالدینی طاغندن بایرندن هر نه ایسه اك آشاعی اوچ كونك اوزاق اولان بریر ایچوندیر . یوقسه اویله یقین جه حق یرلر اولان یولچیاق یوزندن قربان كسمه مك اولماز . شیمدی كه لم هانكی حیوانلرك قربان ایدیه جكنه !

قربان ؛ قویوندن كچیدن ، دوددن صغیردن اولور . باشقه حیوانلردن قربان اولماز . بودیدیکم حیوانلرك ارككندن ده دیشیسندن ده قربان اولورسه ده دودنك صغیرك دیشیسی . قویونك كچيك ارككنی قربان ایتك نهها مقبولدر . قربان ایدجكز دیه بو حیوانلرك ده یاورولرینی كسمك اولماز . اك آشاعی دودنك بش سنه لکی ، صغیرك ایکی سنه لکی ، قویونك كچينك ده بر سنه لکی قربان اولور . بوندن كچوكنی قربان ایتك جائز اولماز . ساده آتی آیلق اولوبده بر سنه لكدن فرقی اولیان كوسترشی بر قویونی یا بر كچینی قربان ایتك جائزدر .

یدی كشینك اورتاقلاشه اوله رق بردوینی یا بر صغیری قربان ایتمی جائزدر . لکن بر قویونی یا بر كچینی آنجق بر كشی قربان ایدبیلیر . بر قوچ يا خود بر تكه ده نه قدر بیوك نه قدر كوسترشی اولسه ینه آنجق بر كشی ایچون قربان اولابیلیر . دیشلری دو كولمش قویروغتك یاریسندن فضله سی كسیامش اولان حیوان ده قربان اولماز . بر كوزی يا خود ایکی كوزی كور اولان و یورویمیه جك درجه ده طوپال یا خسته يا خود ضعیف بولان حیوانلردن ده قربان اولماز . بر انسان چوق حرمت ایتدیكى كیمسه یه بر حیوان هدیه

ایده جك اولسه زوده بر سقطنی ، زوده بر سقساقی وارسه اونیمی آزار بولور؛ یوقسه زوده بر آتلی جانلی کوسترشی اولاننی می سه چه ر آیرر؛ الله مقبوله کسین دیه اُکاعلاسنی هدیه ایتمک ایستر . ایسته بونک ایچون الله اوغرینه قربان ایدیله جك حیوان ده اُلدن کلدیکی قدر سه چه اولمالی . اویله جان چکیشنه حیوانی قربان ایده جك قدر نکسلک ایتمه ملی . شیمدی ده قربانک نه وقت کسمله جکینی اُکره نلم !

قربان؛ بایرام نمازی قاینان یرلرده بایرام نمازندن صکره کسایلر . بایرام نمازی قیلنمیان یرلرده صبحاه قارشى شفق سوکدنصکره کسيلمکه باشلانیر . بایرامک برنجی کونی کسمه مینلر ایکنجی یاخود اوچنجی کونی اقشامنه قدرده کسمه بیایلر . آرتق اوندن صکره قربان کسیلدز . کیجه وقتنده یعنی بایرامک ایکنجی و اوچنجی کیجه لرنده قربان کسمک مکروه دیر . قربانی کسمکه کوتوررکن خوش طومالی ، اویله ایتهرک قاقارق کوتورمه ملی . تکبیر آلاق بسمله چکهرک بیوک کسکین ییچاقله کسمه ملی . اُلدن کلدیکی قدر حیوانه فضله زحمت چکدیرمه مکه غیرت ایتلی .

قربان ائینه کاتجه بونک هپسنى فقرایه داغتمق یاخود هپسنى چوماسکه دولدورمق جائدر . لکن اصل اُک ثوابلیسی قربان ائینی اوچه بولوب بربولوکنی فقرایه ا کرام ایتلی . بربولوکنی اشه دوسته هدیه ایتلی . کری قالاننی ده کندی چولوغنه چوجوغنه براقالیدر . قربانک پوستینی ایسترسه کز محتاج اولانلره ویررسکز . ایسترسه کز اوده اَلقویارسکز . لکن صاتمق یاخود قربانی کسه ن آدامه کسمه کیراسی اوله رق ویرمک جائز دکلدر .

شیمدی ای زنگینلر ، ای قربان کسمک کندیسینه واجب اولان کیمسه لر ! صاقین بوییللرده قربان بهالیدر . دوغروسى او قدر پاره ویروبده قربان کسمه م» دیه جیمیریلک ایتمه یك ! الله اوغرینه اویله اوچ بش لیرایی چوق کورعه یك و بيلمش اولک که پیغمبر افندیمز : حالى وقتى اولوبده قربان کسمه ین کیمسه صاقین بزم نماز قیلدبغمز یه افلاشما سین ، دیه بیورمشلردر . آکلایانه کوره بونه آغیر بر سوزدر ، نه آجی بر آزاردر . باشند آرته قالاجق اولان بر قاج لیرایی قیاموبده پیغمبرندن بویله آجی لاف ایشتمکه راضی اولان کیمسه عجبانه یوزله آخرتده شفاعت اومار ؟ عجبانه صورتله بن او پیغمبرک امتییم دیه کزر دورور؟ رتق بن باشقه برشی دیمه یه جکم ، بسوز اوزرینه فضله لاقیردی ایتمه یه جکم . چونکه پیغمبر افندیمز ؛ پاره سنی دینندن چوق سه ودره دنیا نك اُک آغیرلافنى سويلشلردر . هان جناب مولا جمله مزى حق یولنده مالنی جانی اُسیر که مه ین قوللرندن ایلله .

## پيغمبر افنديمزه محبت

آغالر سزه بر آزده پيغمبر افنديمزه حائندن شانندن بحث ايدهيم ، كنديسنك نه قبلده نه طبيعته اولديغني آكلاتيم كه سزده امتي اولديغكيز ايكي جهان سروريني دها ايني بيله سكيز . كنديسنه دها زياده محبت ايده سكيز . زيرا مؤمنك ايماني پيغمبرينه محبت ايتمكله تمام اولور . نعوذ بالله پيغمبريني سهويهن كيمسه نك ايماني ايمان دكلدره . بونك ايجون دايما انسان پيغمبر افنديمزه محبتني آرتديرمغه باقاليدير . صاقين : بر آدم كورمديكي كيمسيه محبت نصل ايده بيلير ؟ ديه خاطر يكمزه بر شي كله سين . چونكه محبت سساده كورمكله اولماز ، دويمقلده اولور . انسان برينك مدحنى شناسني ايشيده ايشيده هيچ كورمكسزين او كيمسيه قولاقدن عاشق اولديغي چوقدر . ايشته بونك كبي پيغمبر افنديمزه ده مياونلرجه عاشقى واردور . آرادن بو قدر سنه لر كچمش ، نه يوزيني كورمش نه برشي ، اويله ايكن : آه يارسول الله ! » ديدكجه يوره كي شويله مرمره چيراسي كبي يانانلرك حدى حساني يوقدر . ليكن بونلر هپ پيغمبر افنديمزه بيوكلكيني بيلنلر ، هپ اونك نصل سه وكيلى بر پيغمبر اولديغني آكلاتيوب ديكه يوب كوكل ويره فلدر . بونك ايجون بنده آليند كلدكي قدر سزه پيغمبر افنديمزي بيلديرمك ايسقيورم . اوكا قارشى محبتكيزى آرتيرمق آرزو ايدييورم . آرتق سوز بندن ، تأثير اللهدن ..

شيمدى آغالر ! سز پيغمبر افنديمزي آكديغكيز وقت عجباً نصل دوشونورسكيز ، كوزيكيزك اوكنه نه قيامته نه قبلده بر ذات كتيررسكيز ؟ بن اويله آكلاتيورم كه چوق كيمسه لر پيغمبر افنديمزي آق صقالى كوبكمنده بر بيرفاني صانييورلر . اوليالق طاسلايان بعضي كيمسه لره باقيورلرده عقللرنجه پيغمبر افنديمزي ده اونلر كي اويله كوزلريني آچاز ، دنيايه باقاز ، اصلا يوزى كولمهز ؛ دارغين خيرچين بر ذات ظن ايدييورلر . صاقين آغالر سز بويله بيلمهيك ، بويله ظن ايمهيك !.. بردفعه پيغمبر افنديمزه اويله او قدر اختيار دكلدى . بونيدان كوچهرك مولا سنه قاووشديغي وقت آلتش اوچ ياشنده اولوب مبارك صاحلري هنوز اغارمغه باشلامشدى . صقاللرده آنجه يكرمى دانه قدر بياض واردى .



ایشته پرفانیلك شویله دورسون پیغمبر افندیمز ضعیف، حالسز چه لیمسز بیله دکلدی. کوچی قوتی یرنده تام بر اركك اولوب کورمه سی ایستمه سی، هله جسارتی هر کسدن زیاده ایدی. ده که بابا یکیتک قیشامیه جنی ایشلری کندی بیوننه آلیر و پك اعلا اوسته سندن کلیردی. صکره پیغمبر افندیمز حاشا اویله ایچنی تمیزله مکدن طیشنی تمیزله مک وقت بولامیان ایره نلر طاقتندن ده دکلدی. کندینی غایت تمیز طوتار، هر شیننده تمیزلکه صوگ درجه لرده رعایت ایدردی. بعضی کیمسه لر بز الله آدمی ز» دهرک صقال بیق بر برینه قاریشیق اولدینی حالد کز لر، بونی ده بر معرفت ظن ایدر لر. حالبوکه پیغمبر افندیمز اصلا اویله پریشان کز مز لر دی. اوست دوداقلرینک قیرمیزیسی کورینه جک قدر یققلرینی کوزلجه قیصه کسوب صاچارینی ده بعضاً طراش ایدر لر، بعضاده قولاقلرینک یموشاغنی کچه جک قدر اوزاتیر لر ایدی. لکن صقاللرینی بر طوتامدن زیاده اوزاتماز لر دی. ساده بیاغی زمانلرده دکل محاربه یه کیتدکلری زمانده بیله ابریق، طراق، مقاص، مسواک کی تمیزلکه عائد شیلری یانلرندن آیرماز لر دی. صاچلرینی صقاللرینی دایما تر تمیز طوتار لر، آینه یه باقوب طازانیر لر، کوزل کوزل قوقولر سورونور لر دی. هیچ بر قوقوسورونمه لر بیله مبارک تیلریده، ترلریده مسک کی قوقاردی. اویله ایکن ینه دنیاده اُک چوق سهودکلری شیلرک بریده کوزل قوقو ایدی. انسان بونلری دوشونملی ده مسلمانلک تمیزلکه نه کوزله باقدیغنی آ کلاملی. هر نه حال ایسه بز بختی داغیمایوب سوزیمه دوام ایدم.

آغالر! پیغمبر افندیمز دنیاده هر جهنندن اشی بولماز بر انسان کوزلی ایدی. جناب حق اونی اؤکشمده اویله یراتمشدی. بوی، بوس، اندام هپ یرنده. هیچ بر قصوری هیچ بر قصصانی یوقدی. وجودی پورصوق اولمایوب صیق اتلی و ایری کیکلی ایدی. ایپک کی یموشاق بر دریسی و اوزونجه، بللور کی بیاض بر بیونی واردی. مبارک آللری ده غایتله کوزلدی. قوللری ایری، پارقملری اوزون و اُتلیجه ایدی. قارنی کوکسیله برابر دوز ایدی. یعنی نه کوکسی چیققی، نه ده قارنی شیشکین ایدی. آياقلرینک آلتی ده چوقور ایدی. یعنی طبانلری دوم دوز دکلدی. هلال قاشلی، بیوکجه باشلی، چکمه برونلی ایدی. شیشمان یوزلو یومرو یناقلی اولمایوب مبارک چهره سی نه اویله پك اوزون، نه ده اویله پك یورلاق ایدی. اوزون کیرپکلی قره کوزلی اولوب کوزلرینک آقنده ده خفیف طاتلی بر قمرز یلق واردی. پیغمبر افندیمزک رنکی پنبه بیاض اولوب پك کوزل

ويك سويلي اولان يوزندن نورلر آقاردى. مبارك ديشلرى ده لقردى ايدركن كولومسه ركن شويله الماس كې پارلاردى .

بو ير «الله» ويركيسيدركه وجودى نه قدر كوزلسه اخلاقي ده اودرجه ندرده كوزلدى. كولر يوزلى ، طاتلى سوزلى اولوب آغزندن فنا لاف چيقماز كيمسه نك كولكنى قيرماز ؛ اصلا خير چينلق ايتزدى . خدمتكارلرى ده يك خوش طوتاردى . اصلا كبر ايتز ، قوروم ساتمازدى . لىكن دائما وقارىنى محافظه ايدردى . پيغمبر افنديمىزى بردنبره كورده كيمسه نك ايجينه بر قوروقو دوشردى . لىكن كوروشوب قونوشونجه ده كنديسنه كولكل ويره مك قابل دكلدى .

ايشنه آغالر! پيغمبر افنديمىزك حالى ، شانى ، اخلاقي ، طبيعتى بويلايدى . يادوشونجه سى نايدي ، نصلى ؛ دائما نه ياپار ، نه ايدر عمرىنى نه ايله كچيردى ، بونى مراق ايتزميسكنز! صره سى كلشكن بونى ده بر آز آكلايلم !

پيغمبر افنديمىزك دردى كونى انسانلرى جهانلدىن قورتاروب دنيا ده ده آخرت ده ده سلامتە چيقارمقدن عبارتدى . بونك ايچون كيجه يى كوندوزه قانارق چاليشير ، چابالاردى . بو اوغورده وارنى يوغىنى صرف ايدوب نه زحمتلر چكر ، نه صيقتيلره قاتلانيردى . هيچ كندى راحتى ، حضورىنى دوشونمز ، اصلا كندى فائده سنى خاطرە كتىرمزدى . دىنى دنيان آيرماز . آخرت ايچون دنيانى بر طرفه آتمازدى . اهنك ايشىنى كوجىنى بر اقوبده عباسنى باشنه چكرك اوليله مغاره لره قىتمازدى . ظالملىك وجودىنى قالدوروب مظلوملره كوز آچديرمق ايچون زره كير قلنچ قوشانير ، هفته لرجه حيوان صرتمدن ده ايندىكى اولوردى . پيغمبر افنديمىز بويلاجه بيك درلو محنته مشقته قاتلانهرق اللهك امرىنى يرينه كتىردى . مسلمانلغى بابوب انسانلرى سلامتە چيقاردى . لىكن بيلمىش اوليك كه بو اوليله قولايقله بر قاچ كون ايچىنده اولوب يتيورمدى . تام يكرمى اوچ سنه سوردى . ديله قولاي اما بونك آجى طاتلى بيك درلو محنتى واردر . پيغمبر افنديمىزك بو يكرمى اوچ سنه يى فصل كچوروب نه لره قاتلانديغى بيلمه ين كيمسه پيغمبرىنك قدرىنى لايقله بيله من . بن او يكرمى اوچ سنه ده اولانى يتنه بويلا بر او طوروشده سزه سويله يم . ساده شونى ديرم كه طاشه تحتيه حاشا «الله» ديه طاهاجق قدر جاهل بر خلق ايله يكرمى اوچ سنه اوغراشمق قولاي شى دكلدر . اولادىنى دىرى دىرى طور اغه كومه جك قدر طاش يوره كلى بر خلقى يوله كتىرمكدن ده ا دنيا ده كوچ بر شى يوقدو . انسان انصاف

ایدوب دنیانک او صهرلرده کی حالی دوشونمهل ! او زمانلر اولیه زمانلردی که عالمک ترسی دوشمش ، هرکس چقماز بر یول طوندیرمشدی . یابدیغنی بیلن ، ایشک صوکنی دوشونن یوق کبی بر شیدی . ایشته پیغمبر افندیز دنیانک بویه پریشان و عجایب بر زمانده عالمه رحمت اوله رق کلدی ، انسانلرک امدادینه یتشدی . اللهک امریه او فنالقلرک اوکنی آلدی . هرکس مولاسنی طانییدی . فنالقلر قالدی . چووجه جغزلر قورتلدی . اولادلری ایچون دایما حلجان چکن نالرکده یوزی کولدی . مسلمانلق یوزندن عقلینی باشنه آلوده انی پی کوتوی سه چکه باشلایانلر وقیله سوکا بوکا طابدقلرینه اوتاندیلر . او دیری دیری آلریله کومدکلری زواللی یاورو جقلر ایچون یانوب طوتشدیلر . هله اونلری کز دیرمه کتوره جکمز دییه آلداتهرق کوممه کتورورکن یانلری صره او یاورو جقلرک تین تین پورویشلرینی خاطر لایقه چیلدیره جق کبی اولیورلردی . اوزمانکی عقلرینه شاشوب شاشوب قالیوردی . ایشته اغار ! پیغمبر افندیز بر وقتلر بو قدر جاهل ، بو قدر طاش یوره کلی اولان بر خلقی بویه کتیردی . بویه لکله ساده عربستانک دکل بتون جهانک سلامتنه سبب اولدی . پیغمبر فندیز نایک اوچوز شوقدر سنه اول حقه دایانه رق بر یوزینه صحیح جی عدالتک صحیح جی حریتک تمللرینی آندیی وقت شیمدیکی آوروپانک اسامیسی بیه اوقونمازدی . بونک ایچون پیغمبر افندیزک انسانلر اوزرنده کی حقی پک بیواتدر ، و اونک بودنیایه ایتدیکی اییلکی باشقه کیمسه جکلر ایتمه مشدر . ایشته اوزون سوزک قیصه سی بوندن عبارتدر .

ای آغار ! من سزه انی بر شیلر دیمک ایستدم اما دیه مدم . ایکی جهان سرورینک شاننه لایق سوزلری حقیه سوبیه مدم . سز سز اولسیزده او بنم اکیسک کدیک سوزلرله قالمایک ! کوزل کوزل صلات وسلام کتیره رک دایما پیغمبر افندیزی دوشونک دایما اونک او کوزل سوزلرینی خاطر یکمز . طونک؟ دایما اونک اومبارک جمالنی کوزیکیزک اؤکنده بولوندرک ! بویه یاپارسه کز کیت کیده کندیسنه محبتکیز آرتار ، کوندن کونه خلوصکیز پاک اولور . سوزیکیز محبتکیزده ده کیشیر . اخلاقکیز طبیعتکیز کیتدیکه اییله شیر . هپ اییلکلر ، انی شیلر دوشونورکیز . هپ ایچیکزده بر سوبیج بر فرخلق دیوارکیز . عمریکیزی اولیه بر لذت ، بر نشئه ایچنده کچیررسکیز که انسان بو دنیان کچر کیدرده یته روحندن او نشئه کیتمز . هله بو کوزلر یومولنجه اصل پیغمبر افندیزک انصافتلری او وقت باشلار . اصل او محبتک فائده سی اولیه نازک بر زمانده کورولور .. همان دم جمه بی پیغمبر افندیزک محبته التفاتنه نائل اولان قوللرندن اییله آمین . وصل وسلم وبارک علیه



# مولد قنډیلی

ای آغالر بیلیمش اولیک که ربیع الاول آینک اون ایکنجی کیجه سی مولد قنډیلدر !  
یعنی پیغمبر اقدیمز بیک اوچیز طقسان سنه اول ربیع الاول آینک اون ایکنجی کیجه سنده  
صباحه قارشى دنیایه ککشدرد. بونک ایچون بتون مسلمانلر بویکجه یه چوق حرمت رعایت  
ایدرلر . بو کیجه بی اصلا اونو نمازلر . بر چوقلری : مولد قنډیلنی قارشیلایه جغز دیه بر  
قاج کون اولدن اوروجه باشلارلر . فضله فضله عبادتارده بولورلر .

بویله کیجه لر ایچون ده هر يك حاله کوره جورده ککر ، سمیدلر ، قرايه لر یاییلیر ؛  
شکرلر طاتیلر حاضرلانیر . آز چوق هر کسک کوکلی خوش ایدمک ایسته نیر . آقشام  
اولنجه مناره لرده قنډیللر یانار ، هر کس جامعلره دولار . کورول کورول جماعتله نمازلر  
قیلیر ؛ مولدلر اوقونور ، پیغمبر اقدیمزک دنیایه ککشی آکیلیر ، دعالر ایدیلیر . هر کس  
بر بریله بایراملاشیر کبی قنډیلله شیر ، کچوکلر بوکلرک آلارنی اؤپر ، بیوکلر کچوکلره دعالر  
ایدر .

ایسته بزم مولد قنډیلی دیدیکمز بودرد. پک کوزل بر مسلمان عادتیدر . بو کبی شیلر  
خور باقمه ککر . بویله شیلر چوق لازمدر ، بولرسمز اولاماز. بر قنډیل کیجه سنک یری  
بشقه هیچ بر شی طوتاماز . قنډیل کیجه سی دییوب کچویرمه ملی . اونک مسلمانلغه نه  
قدر فائده سی بولندیغنی بر کره دوشوملی ! .

هر قنډیل کیجه سی ، هر کویده بر ککشی توبه کار اولسه سادده بو یتشیر . حالبوکه بو  
قدرله قالیورمی یا.. نیجه کیمسه لر بویوزدن جامعه ، جماعته ایصینیور. بویله بویله مسلمانلغه  
باغلانوب قالیور. چوققلر بیله بویوزدن جامعلره آلیشیور. نیجه آزالری آچیق کیمسه لر  
قنډیللشمه یوزندن بر بریله کوروشوب باریشیور . یا او صکره بر چوق کیمسه لرک اولرده  
جامعلرده مولد اوقونملری نه خوشدر . او بر بری دعوتلر ، او بر آرایه طوپلانشلر ؛  
او مولد اوقویشلر ، او جان ویورکدن دیکله یشلر . او کوزل قوقولی شیلر یاققلر ، او  
کل صولری سریمکلر ؛ او شکر شربت اکرام ایتمکلر .. صکره نه قدر انیا اولیا وارسه

نه قدر كلش كچمش دين قارده شي وارسه هېسنى آكقي ، اونلرك روحلرينه هديه لر  
كوندرمك ، دهها هانكي بريني صاييم ؟ بونلر نه قدر كوزل نه قدر فائده لي شيلردر :  
بونلرك هيچ بري بوشنه دكلدر ، هر رينك بر سبي حكمتي واردر .

بونك ايجون بويله شيلره حرمت رعايت ايمه لي . اهميت ويرملي . اويله : بن كبارلاشدم  
ياخود او قودم يازدم ، قوجه مان آدام اولدم » ديه مولدلري ، قنديل كيجه لريني بكنمه مزلك  
ايمه ملي ! . انسان هيچ اولمزسه آزيحق انصاف ايدوب بشقه دينده اولانلره بر باقالي !  
اونلرك دينلرينه فصل درت آل ايله صارلدقلريني كورملي ده عبرت آلمالي ! حضرت عيسانك  
دوغديني كيجه ايجون خريستيانلر نه لر ياپيورلر ، نه حاضرقلرده بولنيورلر بوني بر كوز  
ؤكنه كتيرملي !

بزده نيجه كيمسه لر واردركه حاضرلق شويله دورسون قنديللر كليز كچرده خبري بيله  
اولماز . بز مسلمانز ديه كيمسه لري بكنميورز اما باشقه دين طاشيانلرك اختيارلري ده  
كنجلري ده بزدن چوق دينلرينه صاريلمورلر ، صاحب اوليورلر .

ايشته اي كنجلر اي اختيارلر ؟ بونك بويله اولديغني ايجه بيليك ده اوكا كوره داورانك !  
مزدده مسلمانلر كيزه درت آل ايله صاريلك ! جامع كيزه ، جماعت كيزه خورباقليك . عادتلي كيزي  
مولدلر بكنزي يابانه آتمايك ! بومبارك كيجه يي بوشنه كچرمه يك . حال كيزه كوره چولو غكيزي  
چو جو غكيزي سوينديرمه نك بر چاره سنه باقك ! اوشنمه يك جامعه كيدك عبادت ايدك .  
مسلمانلر بكنزي يرينه كتيريك ! اشيكزله دوست كيزله قنديللر شك . دارغينلرله باريشك ،  
مولدلرده طوپلاشك ، خيره حسنا ده بولونك ، هيچ خاطر دن ده چيقارميك كه : بو كيجه  
يغمبر افنديمك دنيايه كلديكي كيجه در . اويله غفلته كچيرياه جك كيجه لر دن دكلدر !

# معراج قندیلی

ای آغالر ! بیلیرسکیزکه بو رجب شریف آینک یکریمی یدنجی کیجه سی معراج قندیلیدر . بزجه پک مبارک بر کیجه در . پیغمبر افندیمنز بیک اوچیوز اوتوز آلتی ستمه اول بو آیک او کیجه سنده اللهک امریله مکّه مکرمه دن بر آنده قدس شریفه واروب معراج حقیقه مشدر ، کوکلی کزمش ، عرشی کرسی سی سیرایتش ، مولا سنده قاوشمشدر . هیچ بر پیغمبره نصیب ومیسر اولیان بر دولت او کیجه پیغمبر افندیمنزک باشنه قونمشدر . بونک ایچون بتون مسلمانلر او کیجه چوق حرمت ایدرلر . حتی بعضیلری برقاچ کون اولدن اوروجه باشلایوب فضله فضله عبادتله او مبارک کیجه نی قارشیلارلر .

او بر قندیل کیجه لری کبی بو کیجه ایچون ده هر یزک حاله کوره چوره ککر یاییلر . برطاقم طاتیلر حاضر لانیلر . بونلره چولوق چوجوق سونیدریلیر ، فقیرلرک کیمسه سز لرک کوکلی خوش ایدیایلر . هله آقشام اولونجه منارلرده قندیللر یانار . خلق جامعلره دولار . نمازلر قیانیلر ، مولدلر معراجیه لر اوقونور . دعالر ایدیایلر . هرکس بر بویه قندیلله شیر ، بر برینه مبارکیه کیدر . ائمنز کدرسنز اوله رق ده ا بویه بر چوق کیجه لره ایریشلمه سی ایچون بیوکلر کوچوکلره دعالر ایدر . بو قندیللشمه برقاچ کونلر سوردر . صکره اولرده جامعلرده تکرار تکرار معراجیه لر اوقونور . بویه لکه او مبارک کیجه نک بیوکلرک دهنلرده بر طوتار ، پیغمبر افندیمنزده هرکسک محبتی آرتار .

بونک ایچون قندیل کیجه لرینه چوق اهمیت ویرملی ، دائما بویه مبارک کونلری کیجه لری حساب ایدوب هیچ اونوتماغلی . انسانک ایکی آلی قانده اولسه ینه نه یاپوب یاپوب کندینی بر آزچکمه لی چویرمه لی ، اورته لغنی دهرله یوب طویلایوب اوستنی باشنی تمیزله ملی . هیچ اولمازسه بو آقشام قندیل آقشامیدر دیه ایکندی وقتی جامعه کیدوب جماعته نماز قیلاملی . بر آز قرآن کریم اوقویوب یاخود دیکله یوب ایچینی نورلاندیرمالی . کچملری ده خاطرلایوب اونلرکده روحنی شاد ایتلی . آه اویله مبارک آقشاملرده چوجوقلرک آللرینه مصحف شریفی آلوب بلبل کبی اوقومهلری ، صکره او اوقودقلرینک ثوابی کچمشلرک



روخنه یوللاملری نه قدر خوشدر ؟ لیکن یازیق که بو کوزده لم عادتلم کوندن کونه ترك اولنیور . بویله مبارک کیجه لره حرمت کیتدکجه آزالیور .

آغالر بیلیمش اولک که بو دوشونوله جک ، تلاشه دوشونوله جک بر شیر . نه دن دیرسه کز بوکون قندیلی اوتوتان یارینده بایرامنی اونوتور . بویله بویله دیرکن آدامک ائنده نه رمضان قالیر ، نه ده دین ایمان .

سزه صورارم : بر آغاجک آغاجلی نه ایله در ؟ دالیه بوداغیه ، فیلیزیه یاپراغیه دکلیدر ؟ بونلرسز آغاج اولورمی ، اولسه ده بر فائده ویرمی ؟ البته ویرمی . شیمدی بری قالقسه ده : آدام بونلرده نه اولاجق دیه بر آغاجک یاپراقلینی یولسه ، بر طرفندن ده یکیدن سوردن فایزلی قویاروب آتسه . صکره برکونده : آدام بونلرده نه اولاجق دیه بر آغاجک بوداقسلینی قیرسه . برکونده : نه اولاجق دیه بتون دالیری کسه . آرتق او آغاجک آغاجلی قالیری ؟

ایشته مسلمانلرده طبق بونک کبیدر . بوکون : آدام قندیل کیجه سی نه اولاجق ، یارین : قربان نه اولاجق ، او برکون رمضان نه اولاجق دیرکن انسانک ائنده آووچنده نعوذ بالله مسلمانلقدن هیچ بر اثر قالماز .

ایشته آغالر بونی ایجه بیلیکده فرضلردن واجبلردن تابویله کوزل مسلمان عادتلرینه وارنجیه قدر نه من وارسه بونلره صیم صیق صاریلک . بونلردن برینک بیله ترك اولمسنه راضی اولمایک . چولغکیزی چوجغکیزی بونلره هپ آیشدیریک . اونلرک کوزلرینه بویله کوزل شیرک بیوکلکنی کوستریک . سزدن نصل کوردرسه اونلرده اویله کیدرله . سز آلدیرمازسه کز اونلرده ، اونلرک اولادلری ده آلدیرمازلر . صکره وبالی هپ سزک بیونکزه اولور . بونک ایچون ایشته بر دها تکرار اییدیورم . امان الله عشقنه اولسون مسلمانلرکیزی بیلیک . بیلیککیزی ده اولادلرکیزه بیلیرمکه چالیشک مسلمانانی دایما اونلره سودیرمەنک چاره سە باقیک . بویله یاپارسه کز سلامتی بولورز .

# ایچکی بلاسی

ای آغالر؟ بيلمش اوليك كه بزی قاصوب قاوورده رق بو . حاله قويان دردلك اُك  
 بيوكلرندن بریده ایچکی بلاسیدر. بز محاربه لردن، صالحین خسته لقلردن چوق ضرورلر کوردك؟  
 بو یوزدن نیجه زیانلر چكدك . لکین ایچکیدن کوردیکمز ضرری هیچ بر شیدن  
 کورمه مشزدر . سرخوشلنی یوزندن ایتدیکمز زبانی هیچ بر شیدن ایتمه مشزدر . نه دن  
 دیرسه کنز : محاربه دینلن شی فورطنه در ، یاقار ییقار ؟ نه قدر چوق سورسه ینه کلیر  
 چکر . صالحین خسته لق دیدیکک بر سیل کیدر، اُکینه کلینی قاپار قیرار؟ نه قدر زورلو  
 اولسه ینه دفع اولور کیدر . لکین ایچکی بویله می یا ؟ او بر دفعه مسلط اولدیمی آرتق بر  
 دها آمان آراق ویرمز. انسانی مالندن جانندن عیالندن؟ حتی نعموزبالله دینندن ایمانندن  
 ایدر . آدامک باشینه درلو بلالر آچار ، اولدق فلاکتلر کتیرر . بونک ایچون هیچ بر  
 فالق ایچکی ایله یاریشه چیقاماز . اونک انسانلره یایدیغی هیچ برشی جکلر یاپاماز : سر  
 صاقین بیه سوزلریمی ویرده سی یه دیکله مک سرخوشلقدن نه چیقار دیه اهمیت ویرمه منلاک  
 ایتمه یك ! علم الله ایچکی بتون فناقلرک آناسیدر. هر کوتولک اونک باشی آلتندن چیقار.  
 هر فلاکت اونک یوزندن کلیر . خسته خانه لره حبس خانه لره حتی تیمارخانه لره کیدرک بر از  
 صوروب صوروشدیرسه کنز ؛ خواجه نک دیدیکی دوغر و ایمش دیرسکنز ، او سعات  
 بکا حق ویررسکنز. زیرا اورالری دوا دورانلرک چوغی سرخوشلرله سرخوشلرک اولادلریدر.  
 بو سوزیمی بردنبره آ کلایانلر اولور ، سرخوش اولادلرینک خسته خانه لره حبس خانه لره  
 کیرمه سنه عقل ایردیرمه نلر بولونور . لکین بيلمزلرکه سرخوشلرک اولادلری آغلرینه  
 بر داملا راقی قومامش بيله اولسه لر ؛ او زوالدیلر ینه ایچمه دن سرخوشدرلر . یعنی  
 بابالرینک سیئه لرینی چکرلر. زیرا کندینی ایچکی ایله چوروتمش اولان بر آدامدن کله جک  
 اولادکده مطلقا یا عقلنده فیکرنده برزوری اولاجق ، یا خود باشقه اعضاسنده بر قصوری  
 بولونه جقدر .

او هیچ صوچلری قباحتلری اولمایان زواللی یا وروجقلرک کیمی دها کوچک ایکن

نمود بالله حواله، صرعه، صراجہ کی درلوخستہ لقلره طوتولورلر. کیمی ده اوچامورلورنده کی ایچکی زهرینک بلاسنی بیودکلرنده چکلرلر. بونلرک بعضیسنده بر خسنهلق کوره مزسکز. باباسنک سرخوشنی بوکا بر ضرر ویرمهش دیرسکز. لکن او آدامک کیدیشنه بر آز دقت ایتسه کز کوررسکزکه: ایی آدام، خوش آدام لکن سرتمی سرت، سینیرلی می، سینیرلی. اولیه جق بر شیدن قیزار، اوفاجق بر سوزدن پارلار. صاغنی صولنی گوزہ تمز آغزینہ کلہنی سویلہر، عقلینہ کلہنی یاپار نہ لاف آکلار، نہ نصیحت طوتار. نہایت بو آتاقلق یوزندن کونک برنده باشی بر بلایہ اوغرار-الله ویرمه-ین- صولونگی حبسه خانہ ده آلیر.

ایشته بونک ایچون آغالر سزه نصیحتم اولسون که: اولومدن اژدره اذن قورقماک؛ سرخوشاقدن قورقماک! کندیکنزه آجمازسه کز باری کلوب کلہجک اولادلریکنزه آجماک او زواللی یاوروجقلره اولیه گوتو خسته ققلری میراث براقماک! یارم-ساعتک کیف ایچون او بیچاره چوجقه جغزلرکده باشی آتسه یاقماک! بویله یاپارسه کز، بو دیدکلریمی طوتارسه کز هم وقتندن اول چوکوب قدیدیکنز چیمماز. همده چوجقلریکنز اولیه جیلز چہلیسنر قلوب خسته ققلی اولماز.

شیمدی آغالر، باقیمک بزم دینز تا بیک اوچوز بوقدر سنه اول بواچکی دردینه درمان اولمش، انسانلری بو بلادن قورومشدر. «مسلماناقدہ ایچکینک داملاسی بیله حرامدر. سرخوشلغه مسلمانلق قدر هجوم ایدن بر شی یوقدر. باشقه ملتر ایچکینک بوقدر فنا برشی اولدیغنی دها یکی یکی آکلامغه باشلادیلر. شیمدی اونلرده بوبلادن قورقلغه باقیورلر، ایچکینک وجودینی مملکتلرندن قالدیرمغه چالیشیورلر. بوايشده آمریکا واسوچ دولترلی پک ایلری کیتمکده درلر. هله آمریکا دولتی ایچکی یی اوقدر یساق ایدیور، ایشی اوقدر صیقی طوتیورکه هانی انسانک قولاقلرینه اینانمیه جنی کلیور. لکن لامی جیمی یوق؛ بوکونکی کونده آمریکاده ایچکی ایچمک کیمسه نک حدی دکلدر. زیراً آمریکا لیلر باقدیلرکه هر خسته لنگ، هر فالنگ باشی سرخوشاقدنر. هر بلا بوندن ایلری کلیور. سرخوشلق یوزندن سفیل دوشونلرک، قانی قاتل اولانلرک بیکی برپارہیه. ایچکی یوزندن بیک درلو خسته لغه طوتولانلرک حدی حسابی یوق. بویله اولونجه: انسانلری کندی هوالرینه برامتی روا دکلدر» دیدیلر، طوتدیلر ایچکی یی بوسبتون یساق ایدیور دیلر.

آمریکا کی بردولت؛ مسلمانانک آجدینی بریولی طوتوب سرخوشانی صیقی صیقی به



يساق ايدركن . بز ايچكى يىستون اورته لغه يايوردق . كيتدكجه چوققلره قادينلر بيله  
ايچكى به آليشوردى . نه ايسه حمد اولسون حكومت ايچكى يى يساق ايدوب سرخوشلنى  
اورته دن قالديردى . ميخانه لر قاپاندى . سوز ديكه ميهن نيجه سرخوشلر محكمه قراريه  
داياقلر ييدى . جزالر كوردى . حكومت وظيفه سنى ياپدى . بويوزدن بيونىك بورجنى  
أوده دى . آرتق ايش كيزلیدن كيزلى به سرخوشلق ابدنلره قالدى . شيمدى اونلرده  
انصاف ايتسينلر ؛ براز عقللريني باشارينه آلوب جانلرينك قيمتنى بيلسينلر . اولادلرينك ،  
عياللرينك سلامتنى دوشونوب سرخوشلقدن واز كچسينلر وييلمش اولسونلر كه ايچكى ؛  
دمير كى بر وجودى پاچاورايه چورر . آرسلان كى بر آدم سرخوشلغه باشلا نيجه ايلك  
اوكله لرى تىبل ، اويوشوق ، اويوتى ، سيكىرلى اولور . صكره صكره صارساق اولور ،  
صيسقا اولور ، ضيق نفس اولور . قولبى قنادىنى قيملدا نه من برحاله كلير . هله پك بكرى  
اولان سرخوشلرك عاقبتى چوق قنا اولور . سيكىرلرينك بوزوقلنى آرتدقجه آرتار . كيت  
كیده او هام كيتروب عادتا دلى كى اولورلر . كولكلرلندن قورقارلر . اوليه جق شیدن  
اوركرلر . سبسمز يره دنيايى كنديلرينه زندان ايدوب بيك درلو عذابلر چكرلر . اينه  
اينك ، عقابى اوينامق اويله لرى ايچون هر دقيقه حاضردر .

ايچكى يوزندن ييقيلان اولرك ، سونن اوجاقلرك حدى حسابى يوقدر . بويويه ايكن ،  
يونك بيكلرجه اورنه كى هر كون هر يره كورولوب طوروركن حالا او مصيبتى ايچمك ،  
حالا كندىنى بو بلادن قورتارماق رواميدر ؟

رواميدر كه ايچكىنك اڭ بيوك دشمنى اولان آخر زمان پيغمبرينك امتى بوييه سرخوش  
اولسون ؟ رواميدر كه : ايچكى ايچن كي مسه نك يوره كنده ايمان نورى قالماز « ديهن ايكي  
جهان سرورينك امتى ايچنده بوييه بكريلك ايدنلر بولونسون ؛ بويوزدن درلو پريشانقلر  
كورولسون ؟

بو حاللرك هيچ برى بوامته ياقيشماز اما نيلرسك كه ايجه دوشونوب بر از انصاف  
ايدن يوق . هان ربه جله مزى عقلينى باشنه آلمش انصافلى قوللرندن ايله .

## قمار بلاسی

آغالر ! بزی برباد و پریشان ایدن دردلدن بری ده قمار بلاسیدر . عشرت فصل  
اوجاقلر سوندیرسه ، نصل آدمک عقلینی باشندن آلوب ایشینی ترسینه دوندیرسه  
قمارده اویله در . اوده برنوع سرخوشلقدرد . الله ائمه سین برکیمسه بردفعه قماره داداندیمی  
آرتق کچمش اوله ، اوندن خیر کلز . اویله سینک کوزینه هیچ برشی جکلر کورونمز .  
آرتق نه ایش نه کوچ ، نه اولاد نه عیال . ساده وارسه اویون ، یاقسه اویون . . اما بریده  
چولوق چوجق آج قالاچقمش ، قمار یوزندن باشنه درلو بلالر کله جکمش . او هیچ  
اورالری دوشونه مز . اصلا کندینه حکمی کچه مز . عادتا دلی کبی برشی اولور . چونکه  
قمار قدر آدامک بئنی یوران ، قمار قدر انسانک سینیرینی بوزان برشی یوقدر . اونه  
یورغونلقدرد ، او نه خیر پالانقدرد ؟ باقارسک برقازانیر ، بش یوچولور . آمان شو آجیلری  
چیقاریم دیه چیرینر دورر . وارینی یوغنی اورته یویار . آه بر قازانسیم ، آه شو  
غیب ایتدکیریمی برکری آلا بیاسیم ، دیه ساعتیجه قیورانیر یاتار . کلدی ایدی ،  
کله جکدی دیرکن ینه یو طولور . ینه اوینار ، ینه یو طولور . نهایت ائنده آووجنده بر  
شی قالمایچه طوتار اوندن بوندن اودونج آلیر ینه اوینار . اویون اوستمه اویوندن ، زیان  
اوسته زیاندن بونالوب قالان بوزواللی آرتق یایدیغنی بیلمز ، سوبلدیکی قولانغی ایشتمز  
برحاله کلیر . قناسی قازان کبی اولور . کوزلری قان چناغنه دونه . صورتی موس مور  
کسیلیر . اویله کئندندن کچر ، اویله سرخوش دوشرکه دنیایی کتیروب باشنده باطلاتسلر  
هیچ اورالرده اولماز . اوساده یو طمع ، ساده یکمک ایستر ها اولدی ها اوله جق ،  
ایشته اصل شیمدی طاناقازینی قوپاراجق دیرکن ینه یکیلیر ، ینه یو طولور . آرتق بتون  
امیدلری کسیانجه نعوذبالله طالعه سوکوب صایغه باشلار . اوکا بوکا چاتمق ایچون بهانه  
آراشدیرر . شویله دوقونسه لر آغایه جق کبی اولور . ایشته او زمان غوغانک قیامتک  
صونطورلیسی همان حاضر در ، بر اشارته باقار . زیرا قمارل دوشمش ، سینیرلر بوشامش  
اولدیغندن کیمسه سوز قالدیراماز . کیمسه کیمسه نك خاطرنی صایاماز . اوصرمده بر تک

لاقردى قياتلرك صوكنى قوپار يويرر. سوكشمك صايشقمى، آتشمق دو كوشمك آرتق  
هېسى خريطه ده يازار. بونلر كهيچ بىر اولماسه بيله بربرينه قىزوب غرض باغلامق، بربرينه  
دش بيله يوب دشمن كسلكم مطلقا اولاجقدر. ايسته بيله جه قار يوزندن نيجه عزيز  
احبابلر كوله اوينايه باشلادقلى او يوندن سوكوشه رك دو كوشه رك، هېچ اولمازسه بربرينه  
خوشوندى قويارق قالقارلر. لكن بو بوقدر جقله قالماز. چونكه بردفعه آرهيه صوغوقلق  
كىردى، بردفعه بيك درلو بلانك تخمى آتلىش اولدى شيطان اونك پشنى براقاز. كيت  
كیده او تخملرى اويله فيلزلنديرر، ايشى اويله علونديرر كه صوكشده نه جور جونلر  
چيقار، نه فخرطه لر قوپار، نيجه ياراشيقسز حاللر ظهور ايدر.

ايسته آغار بيلمىش اوليك كه انسانلرى بربرينه دوشورمك ايجون شيطانك قوللاندينى  
زهرلر ك برنجيسى عشرت، ايكنجيسى ده قماردر. هله بو ايكي زهر بر آرهيه كله جك  
اولورسه، يعنى سرخوشلر قار اويناغمه قالقارلر سه ياخود قار اوستنه عشرته باشلانيرسه  
ارتق سير آياه سن كومبورتىنى. كيمى باقارسك نعوذ بالله دينه ايمانه سوكهر. هم ديندن  
هم نكاحليسندن اولور. كيمى باقارسك حفظ الله برينك جانسه قصد ايدر، قانلى قاتل  
اولور. باشنه اولدق ايشلر كلير. كيمى ده وارنى يوغنى بويولده تلف ايدر. سرمايه سنى  
كدى يه يوكلوتوب دلى ديوانه اولور كيدر. بونلر بومعرفتلىر ياپوب شيطانك مستخره سى  
اولور كن قهردن نيجه آنالرك يوره كنه اينر. عارندن نيجه بابالريلره كچر. نيجه ياورو جقلرك  
بيونى بوكولور. نيجه قاديخچلر لك اوى بارق ييقيلىر. آرتق فلاكتىمى ديرسك، رزالتمى  
ديرسك بيكي برپاره يه. بوپريشانقلر ايجريسندنه آدامك نه دنيامى دنيا اولور، نه ده  
آخرتى آخرت.

ايسته بونك ايجون نرم دينز عشرتى، اويونى ياساق ايدييور. بويله بلالردن، بويله  
يوز قاراقلردن انسانلرى صاقلايوب اسير كهك ايتيور. شونندن ده آكلاملى كه مسلمانلق  
بزلرى دائما ابي ايدجك، دائما ايتلك طرفه چكه جك بر نعمتدر. اويله بوش بوشنه  
آدامك باشنه بر يوك دكلدر. مسلمانلق انسانلرك عشرته قمارله ايكي پاردهلق اولملىر  
راضى اولميور. مسلمانلق انسانلرك اويله عقللرىنى غيب ايدوب عالمه اكلانجه اولملىر  
اولميور. اويونى عشرتى حرام ايدييور. سرخوشاغه قاربازلغه آغير آغير جزال ويرييور.  
قانى ايدييور؟! چوق اعلا ايدييور، پك اعلا ايايور. لكن عقل باشده اولملى ده  
بونك بويله اولديغنى بيلملى. يوقسه عقل فېكر يرنده اولدقدنصكره ايني كوتوبى



سه چه بيلمك بر از كوچجه در. ايشته بز شيمدى بويه يز. فصلسه بر كره كنديمزي غفلته قابدير مشز. خيري شري پك كوره مز اولمشز. كارك ضررك هسانكي طرفده اولديغني بر درلو كسديره ميورز. دها دوعروسي دوشونمك ده ايسته ميورز. اويله باطاسي به بر كيديشدر كيديور. هان الله انجلمزي خير ايتسين.

آغالر تمام ايشته «امين» ديمه نك ميانه سي كلدي. شيمدى بز بوقدر سوز اوزرينه بر «امين» دير چكرز. صانكه بوقدر جقله هرشي اولور بتر. صانكه ساده بر «امين» ديمكه بيونمك بتون بورجي اوده نير كيدر. حالبوكه هر وقت سويلرم: قورو لافله بورج اوده نمز. بال بال ديمكه آغز طاتايلا نمز. چالشمق چابالامق ايستر، يورلق يولنده بولمق ايجاب ايدر. مادامكه سز نم شو دعا مه امين دييورسكز. مادامكه سز قاردن عشرتدن خوشلانميورسكز. اويله ايسه يالكنز كنديكنزي قورومقله قالميك! باشقه لرني ده دوشونك. آليكنز دن كلديكي قدر باشقه لرني ده اوبالاردن قورتارمغه غيرت ايديك! دين قارده شلبي ديديكك ساده فقيرلره يارديم اتمكدن عبارت دكلدر. قارده شلكك وظيفه سي چوقدر. فقيرني كوررسك پاره ايله بول ايله يارديم ايدرسك. بر جاهللك ايده تي كوررسك اوننده نصيحتله يوله كتيرمكه همت آيلرسك. بر غمليسي كدرليسي كوررسك، اونكده غمه كدرينه اورتاق اولورسك. اصل دين قارده شلبي بويه اولور. يوقسه اويله اوزاقدن اوزاغه يابانجي دورومقدن نه چيقسار؟ اويله بر طاقلوك كنديلرني كوز كوره پريشان ايتلرينه قاردهش يوره كي نصل قائل اولور؟ يازيق دكلي جاهلاره؟ سرخوش اولورلر، قسار اويينا يورلر ديه بر اقمشسكز اونلري كندى هوالرينه .. اونلر اويله نه يادقلىرني بيلمزلر، سز اويله چكيليرسكز بر طرفه هيچ آلاير مازسكز، صكره ده بر بلا كلنجه: ياربي بزم صوحمز نه ايدى؟ دير دوررسكز!

خواجهم تحف سويليورسك. صانكه بتون كويك صابيقلىرني يوله كتيرمك بزم آلميزده ايش كبي لاف ايديورسك؟ ديكلمى اونلر بزي هيچ؟!.

سز سويله مه نك يولني يورداني بيليرسه كنز پك اعلا ديكلرلر. آغالر بيلمش اوليك كه انسان اوغلي قولاغندن اولانير. سوز ديديكك بر بو بودر، قارشیده كينك حائه كوره سويله نيرسه تأثير ايتك شوبله دورسون آدامك ايليكنه بيله ايشلر. ساده شوني اونوتمايلى كه: سوز واردر آدمي زورله دلى ايدر. جن آتته بنديرر. سوز واردر آدمي قوزو كبي بوموشاير يوله كتيرر. سوزدن سوزه فرق اولديغني كبي سويلمكدن سويلمكه ده فرق واردر.

طوتارسك برینه طاتلیقله : هایدی قالدی بکا بر صو ویر « دیرسك . اوده او ساعت  
پکی سلطامن دیر، کوزل کوزل قالدقار سکا بر صو ویرر. اکر او آدامه بییق بر صورتله  
سرت سرت : هایدی قالدی بکا بر صو ویر » ، دیه جك اولسهك : باباكك كوله سی یوق  
یا ، قالدده كندك ایچ « دیر . بلکه دها فنا شیرلر سویلر . طاتلی دیل ییلائی یوواسندن  
چیقاریر دیدکاری بوش دکلدر .

بونك ایچون سزده نصیحتی یولیه ویریک ! ای بابایم دیرکن اونلری بسبتون  
چیلدیرتمایک ؟ یا کلسقله اسمایده اوزریکزه صیچراتمایک ! دوغریسی بو پك نازك وپك  
کوچ بر شیدر. لیکن او قدرده ثوابلی بر ایشدر. هانی انسان؛ بر کیمسه یوله کتیرسه  
بتون انسانلری هدایته ایریشدیرمش قدر ثوات آلیر. بونك ایچون آغلر ! بویه شیرلی  
عادتا کندیکزه ایش ایدینك ! اوچیکز بشیکز بر آره یه کلوب : یا هو فلانك اوغلی  
فلانجه شویه یاییور، بویه ایدیور. کلیك بونی کندی هوا-نه براقایلم « دیك . برکون  
او جاهللك ایدنی عقلی باشنده ایکن برکناره چکوب : اوغلم اولادم ! « دیهرك طاتلیقله  
نصیحت ایتمهک باشلايك : طوتمش اولدینی یولك فناغنی بر بر آ کلاتوب ایشك عاقبتی  
کوزینك اؤکنه کتیریک ! اونی بر سوزله آجیدیرسه کز بر سوزله ده اوقشایک . بویه لکله  
اونورینه دوقونوب قفاسنی قیزدیرمادن او آدامی اوتاندیریک ، یابدقیرینه پشیمان ایتدیریک .  
اولورکه پك بردفمه ده سوزیکزی تماماً تأثیر ایتدیرمیسکز. لیکن ینه آرزوق کوکلی  
یوموشار . هیچ اولمازسه بر آزیوره کنه یرایدیر. باشقه دفعه ینه نصیحت ویررسکز یاخود  
برباشقیریه سویله تیرسکز. بویه بویه دیرکن اللهك اذنیله کویکزده فناقلر ازمغه باشلار.  
لیکن دقت ایدیک که بر طرفدن صاپیقلر یوله کلسین ، بر طرفندن ده یکی یتیشه نلر  
آزماسین. بوده پك دوشونوله جك بر شیدر. مثلاً باقدیکز که اوصلو بردیقانلی باشلادی  
بر از او یغونسز کیمسه لرله دوشوب قالمغه . . بونی بویه کورونجه صاقین : نه مه لازم  
دیوب کچمه یك . یازیقدر . کناهدردوشونك . کندی اولادیکزی بر کره اونك یرینه  
قویك ! او دلقانلینك اویله اویونه عشرته آلیشوب کیمه-نه اصلا قائل اولمایک !  
هان نه یاپوب یاپوب اونی اونلردن اوزاق ایتمهك بر چاره-نه باقیك ! دها ایش آزمدان  
او چوجقجغزی قورتارمغه غیرت ایدیک ! فناغك اؤکی بویه بویه آلینیر. یوقسه انسان  
ایشك اویله درت اوجنی براقجق اولورسه صوکنده بویه باشیمزه بیك درلو بلالر کلیر.  
کیت کیده دهاده بترک بتری اولورز بونی ده بیلمش اولالم ! .

## بولاشیق خسته لقلر

اغالر! سزه بر اзде خسته لغك بولاشیغی اولورمی اولمازی؟ بوگون سزه بر از بونی سولمك ایسترم. چوق کیمسه لرواردرکه برندن برینه خسته لغك بولاشوب کچمسه بردورلو ایناناماز. اجله کوک نیر، مولاسنه صغینیر، حکیملره دشمن کیلیلیر. کیم نه سویلر سه سویلسین اوینه بیلدیکندن دونمز. ایشته بن بویله لرینه قارشى دییورمکه؟ خسته لغك بولاشیق اولانی ده واردر، بولاشیق اولیانی ده واردر. اللهك حکمتی بعض خسته لقلر باشقه سنه کچر بولاشیر. بعضیسی ده کیمسه یه کچمز، کیمسه یه بولاشمز. طبقی بییه ر کبی. . . بییه رك اغز یاقانی ده واردر، یاقمبانی ده واردر. باقارسکیز ایکی بییه ر. ایکیسنك ده رنمکی بر، بیجیمی بر. لیکن برنی ایصیر رسکیز اغز بکیز یانار! کوزو کزدن آتش چیقار. اوتنه کفی ایصیر رسکیز، نه اغز بکیز یانار، نه بر شی. اوده بییه ر، اوده بییه ر اما ایکیسنك ده جبابیتی باشقه.

خسته لقلده بویله در هپسنگ جبابیتی بر دکلدو. کیمی خسته لقی بولاشیر، کیمی خسته لقی بولاشمز. نه دیه جکسك؟ «الله» بویله ایته مش بویله یارتمش. بونده اینانیامیه جق نه وار؟ خسته لغی ویرن ده «الله» بشقه سنه کچیرن ده «الله» هپسی اونك قدرتيله اولیور. بر مسلمان بویله دیسه، بویله اعتقاد ایته نه چیقار، دینه نه ضرر کلیر؟ خسته لقی حاشا: اللهك قدرتيله کچمیورده کندی کندینه کچیور «دیمیوریا»؟

— خواجهم فصل دیمیورلر؟ میقروب می ندر نه قاره قاطردر. ایشته خسته لغی هپ اوایپیور دیمیورلریا. . .

— یوق رجا ایدرم اویله دکل؟ میقروب خسته لقی قوردیدر. خسته لغك بولاشمسه ایشته او قورتلر سبب اولیور» دیمیورلر. سز صاقین بوسوزدن قیزمایک. میقروب لاقندن خویلا نمایک. میقروب دیدکلری غایت کچوک بر قورتدر. سزک بزم کبی بر مخلوق قدر. اونی ده یارادان اللهدر. ساده او قورت او قدر کوچکدرکه کوزله قابل دکل کورنمز. میقروب کوزله کورنمز دیه همان انکارمی ایتملی؟ جناب حق فصل که آت، دوه، داوار، فیل، بیلان ارسلان قیلان کبی قوجه قوجه حیوانلر یار اتمشسه؟ کوزله کورلمیه جک قدر کچوک حیوانلر ده یار اتمشدر.



نہوار؟ نہیہ شہہ ایدوب بر درلو اینانہ میورسکنز؟ «الله» تعالیٰ حضرتلری قارینجہ دن پیرہدن یوز بیک کرہ دہا کوچک بر حیوان یاراتامازی؟ اللہ قارشی کوچلکمی وار؟ ایشته او کوچوچک حیوانلرک آدینہ حکیملر «مقروب» دیمشلر. نہ دیرلرسہ دیسونلر. شوواریا؟. بزاوکا باقالم! هرکسک سزہ یالان سویلک نہ بیونک بورجی؟. کوریبورلر، بیلورلر، سویلیورلر. سادہ حکیملر دکل هرکسده کوریبور، بنده کوزملہ کوردم. سزده مراق ایدرسہ کز سزده کوررسکنز! اوزاغی یقین کوسترنہ نصل دورینلر وارسہ کوچکی دہ بیوک کوسترہ جک آیینلر، آلتلر واردر. برخستہ نک قانندن، یابر بولاشیغندن طویلی ایکنہ باشی قدر آلتوب برجام پارچہ سنہ بولاشدیر یلہرق او آلتک آلتہ برقونیلاجق اولسہ اووقت کوزلہ کوردمدیکنز بو حیوانلری قوجہ مان بر پیرہ قدر کوررسکنز. مقروبلری انکار ایتک کیدوب کوزیکنلہ کورمدیکنلر بر ملکیتی انکار ایتک بکنر. دیلم کہ سز بروسی کیدوب کورمدیکنر. پک اعلا شیمدی: بن کوردمدم دیہ دنیادہ بروسی یوقیدر «دیہ جکسکنز؟ البتہ کیدوب کوردملرہ اینانہ جقسکنز! ایشته بونک کبی کوزیکنلہ کورمدیکنلر حالہ کوردمش کبی مقروبدہ اینانہ جقسکنز..

اوزاغہ کیتمکہ نہ حاجت.. سزہ دہا قولانی سویلہیم. بر آیینہ پارچہ سنک اوزرینہ بر داملا سیرکہ داملا دوب آیدینلقده دقتلہ باقک، نلر کوررسکنز. بر چوق کچوچک حیوانلر. هپسی دہ او بر داملہ سیرکہ ایچریسنده، صانکہ قوجہ بر حوضده یادکزده لر ایش کبی یوزر، دورلر. هپسنک دہ کندیئہ کورہ بوی وار، بوسی وار، بیجیمی وار آندامی وار. ایشته بونلر مقروبک بر اورنکیدر. لیکن مقروبلر اوسیرکہ قوردندن بیکلر جہ دفعہ دہا کوچکدر. اللہک حکمتی قدرتی دوشونک دہ شاشوب شاشوب قالیک! یا! الله ایسترسہ ایشته بویلہ پیرہنک پیرہ سمن بیک کرہ دہا کوچک درلو درلو حیوانلر خلق ایدوب اونلری دہ ترتیبہ، نظامہ قویار. مقروب دیوپ کچیورمہیک! اونلر دہ حاللرینہ کورہ یولر ایچلر، قوتلرلر کزدر، دوغورورلر چوغالیرلر. بونلرک ایچنده بزہ مسلط اولانی دہ واردر، بر برینہ مسلط اولانی دہ واردر. کیمی ایشمزہ یارار؛ قان اولور؛ قوت اولور. ضررلی مقروبلرہ قارشی دور؛ صیغیر جق قوشنک چکرکینی غیرمہسی کبی اودہ خستہلق قوردینی قیرار کچیر. لیکن کیمی دہ نعوذبالله جکرلرمنی کیرر؛ قانمزی ایلکمزی قوروتور. اُک صکرہ دہ طوراغہ کیرمہ مزہ سبب اولور.

توکل نه در

## توکلدن اوجکه نه یایق کر کدر

ای آغالر نه یلان سویلهلم که توکل ، قناعت ، صبر دینلن شیلری بز دوغرو دوروز بیه میورز . بونلرک یولینی یوردانی لایقیه آکلایه میورز . اویله کلیشی کوزل بر یول طوتدیروب کیدیورز . صکرده باشمز دردن قورتلور . عمریمز محنتله مشقته کچوب دنیاخر آخرتمز خراب اولور . بونی کوردن دشمنلرده : هاه ایشته باقیک ؛ مسلمانلرک طوتدقلری دین آدمی بویه یاپار ، بو حاله کتیرر ! « دیه دینمه لکه سورمک ایستیورلر . بویه لکه خلقی مسلمانلقدن صغومغه چالیشورلر .

دشمنک دشمنه مولد او قومیه جنی بللی بر شیدر . لکن بو سوزلری سویلتمک بز سبب اولدیغمز ایچون بونک یاری کناهی ده بزم بیونمز در . زیر بز دینمک دیمدیکنی دیورز ، یادیرمدیغنی یاپورز . بویه لکه ناحق یر مسلمانله سوز کتیریورز . نه دن دیر سه کز بزایشی باشلانغجندن اکیسک طوتیورز . قابالهن ، بورومه دن اوله رق بیلدی کمز قناعت ، توکل ، صبر دینلن اوچ شیک بر آرقداشی ده واردر که « سعی » در . ایشمه یک کلدیکی ایچون اونی هیچ آغزیمزه آلمایورز . ساده دیلمزه بو اوچ شیئی دولایوب اوراده بوراده سویله نه رک کزیورز . ساده بونلرک لقر دیسیله آونوب نیجه فرصتلر غیب ایدیورز . حالوکه : سعی ، توکل ، قناعت ، صبر ، بونلر مسلمانلقدن درت قارده شد ؛ هیچ بر برندن آیرمازلر . هپسنگ ده بر یولی ارکانی ، هپسنگ ده بر وقت وزمانی واردر . اونلری بر برندن آیرمه ، اونلری بر برینه قویشدیرمه هیچ کلز .

الله کتابنده ، پیغمبر کلاننده بونلر هپ سویانمش ، بونلرک قیمتی هپ عالمه اعلان ایدلش . لکن قولالقدن پاموق وار . قفالر سوز کیرمیور . یورده کاره نصیحت تأثیر آیه میور . بو بویه اولدجقه نه مسلمانلقدن بر فائده کوریلور . نه ده آدامک باشی درد . وبلادن قورتولور . بونک چاره سی عقلمزی باشمهزه آلوب اوزریمزدن مسکینلیکی آتمق .

حق سوزه قولاق ووروب دوغرو يوله كيتمك ، سلامتی بولمقدار . بشقه هيچ چاره سی  
يوقدر .

بيليورم ذهنلرده بر ايل مك قالدی . هيچ شمه يوق که بر چوقلری : سعی دیديك  
نهدر . نه جدر ، نه يك نه سیدر ؟ » ديه صوره جقدر . مراق اتمه يك بن سزه ساده  
« سعی ، ی دکل اوسرك بيليورم ایدیورم صانديغكز توکلی ده صبری ده ، قناعتی ده  
سویله جكم . اللهك عمايتيله هپنی برر برر آكلاته جغم . هله سز براز صبرلی اوليك ..  
شیمدی هر شیدن اول شونلرك بر صره سنی سویله هیم که یا کمايه سگز . برنجی یی یا مادن  
ایکنجی به حکمیه سگز . ایکنجی یی یا مادن اوچنجی به دردنجی به آتلیه سگز . بونلرك  
صره سنی بيلمك سرك ایچون پك لازملی بر شیدر .

ای آغالر بيلمش اوليك که بودرت شیدك برنجی سی « سعی » در . ایلک اؤجه بوکلیر .. ایکنجی سی  
توکلدر ، اوچنجی سی قناعت ، دردنجی سی ده صبر ... شیمدی کل کله لم بونلرك برنجی سینه :  
سعی ديمك : اوزنه بزنه چالیشوب چابالایوب یوليله ایزيله بر شیئه اُمك ویرمك  
دیمکدر . ایشته اصل مسلمانلر دنیالری ایچون ده آخرتلری ایچون ده ایلک اولای بویه  
یا باجقلردر . توکلدن اول قناعتدن ، صبردن اول مطلقا اوزنه بزنه چالیشوب چابالایه جقلر  
پاچه لری صیوابوب یولیه ایزيله اُمك ویره جکلر . بویه لکله هم دنیانی ، هم آخرتی  
قازانه جقلردر .

سوزلریمه ایجه دقت ایدیورم سگز آغالر ؟ باقیك اوزنه بزنه چالیشمق دیيورم ،  
یوليله ایزيله اُمك ویرمك دیيورم ، بونلری هپ حسابله سویلیورم . کلیشی کوزل سویلیيورم  
زیرا چالیشمقندن چالیشمغه اُمك ویرمکدن اُمك ویرمکه فرق واردر . هر چالیشمق ،  
هر اُمك ویرمك بردکلدر . بر آدام بر شیئه چالیشیر . لکز . ایسته میه ایسته میه چالیشیر ،  
کدریله کدریله او ایشی کورر . اویله چالیشمانك خیری اولماز . . لکن بر آدام ده بر ایش  
ایچون اُمك ویرر ، چالیشیر طورر . لکن زواللی او ایشك اصولنی بيلمديکی ایچون  
زورینه طبان ، دیکنه تراش زحمت چکر ، اُمکلری بوشینه کیدر . بویه اُمك ویرمکدن ده  
بر خیر کلز .

ایشته مسلمانلق بویه سینی بگنمیور . کرک دنیا ایشینه اولسون ، کرک آخرت ایشینه اولسون  
اهمیت ویرمکی یعنی اوزنه نهرک بزنه نهرک عشق ايله شوق ايله چالیشمغنی ایستایور . اُمکلرك بوشه کیتمه می  
ایچون ده ایشی کور کورینه یا مایک ، یوليله یورداميله پایيك دیيور . بویه جه یورولوب یولنده



بولندقدنصكرده مسلمانلق بزه توكل ايتمكي امر ايدسيور . شوايشه چاليشدق چابالادق شوتارلاي سورديك ايتديك يا ، آرتق ايسترايسته من اولاجق بيتهك ديمهك دييور .

أملك ويريك، لكن أمككزه كوكة نمهيك . تأثيريني اللهدن بلكهيك ديه امر ويرسيور .  
زيرا سز تارلا سوردرسكزه تخم أكرسكزه . لكن أكيي بيتيره منسكزه . اوني بيتيرهك اللهدر . اوتخمى قيلقدن قيلغه قويه جق ، اوني قابدن قابه قورتاره جق جناب حقددر . سنك ألكدن أنكندن چيقوب طوراغه دوشهـن بر بغدايك باشاق اولونجهيه قدر كچيرديكي تهلكه لري بر بيلسهك كندی أمككه كوكة نديكك ايچون اوتانيرسك ، يرلره كچرسك . بر دانه ؛ باشاق باغلايجهيه قدر اولان بيتهن ايشلرك اينجه لكينه كوزلجه عقل ايرديرسك شاشوب شاشوب سجده لره قاپانيرسك . بونك ايچون اللهك حكيمته قدرته قارشى هيچ سنك أمكككزيكه كوكة نمهك كلز .

نصل كوكة نهبيليرسك كه الله ايسترسه او طوراغه آديغك تخمك رزقني كسر ، محتاج اولديني صويي سيلي ويرمنز ، قوريتويرر . ياخود صويه سيله غرقايدر چوربتويرر . جناب مولا ديلرسه بيك درلو قورتلر ، قازنجهلر مسلط قيلول سنك كوزيكي ديكوب بلكه ديكك تخمى ير ايله يكسان ايدويورر حق تعالى حضرتلري مراد ايدرسه أكيي بيتيرد لكن صغوقله صيجاقله ، هوايله طولو ايله ، چكر كه ايله يا بشقه بر آفت ايله صوكردن ده محو ايدويورر بونك ايچون اي مسلمانلر چاليشوب چابالادقدنصكره هرايشده اللهه توكل ايتمكدن بشقه چاره يوقدر .

توكل ايتك قول شانيدر . بونده هم تبتلك ايتمهك ، همد اللهك عظمتنه قدرته قارشى كنديني هيچ كورمك واردركه انسانلر ايچون بو بيوك بر مرتبه در . توكل ايتك ايشي يولنه قويدقدن صكره اللهه حواله ايتك ، مولايه ايصارلامقددر . الله ايله قول آره سنده كوزمل بر سيفورطه . . لكن ايشكي يولنه قويدقدن صكره ؟ ! .

شاقا دكل ، بو بر قابله قوتدر . توكل ايلمايان كيمسه وسوسه لي اولور ، برايش كوره من جسارتسز اولور ، برايشه آتيله ماز ، بونك ايچون ديديكم كي ايشي كوزلجه يولنه قويدقدن صكره توكل ايدن مسلمانك كوزي بك ، كوكل فرح اولور . سلاح آتماسني ، حرب ايتمه سني ايجه اوكره ندكدن صكره صدقني بتون ايدوب اللهه بل باغلايان بر عسكرك اوكنه كيمسه طوراماز . اونك كوسترديك جسارتكي كيمسه كوستره من . چونكه بردفعه دشمنه قارشى كوحي يتديكي قادار حاضر لاش ، جناب حقل امريني يرينه كتيرمش . ذاتاً قدرده ايماني وار .

الله طغوزده ویردیگنی سکزده آلاماز دیور. حق تعالی حضرتلرینک دئی بتون مسلمانلره یاردیم ایده جکینی بیدور، بویه جه اعتقاد ایدیور. اجلی کلشسه شهید، کلمه مشه غازی... دهانه دن قورقون.

کوزنی سودیکم مسلمانلق نه طوغری یوللر آچش، نه صاعلام تمللر قورمش. معرفت بو یوللردن طیشاری چیتامق، بوتمللر. قدرینی بیلوب اوستنه بنالر قورمقدر. یازیق که بز بونلرک قیمتی بیله میورز. دوغری یولدن شاشوب چیقماز یوللره دوشورز. اولدم اولاسی به کندیغیزی توکله ویروب آمکسز یمک ایستورز. حیوانمزی صاعلام قازیغه باغله مه دن الله امانت ایدیورز. آغالر رجا ایدرم سز سزله یکه، بر طوغری برشمیدر؟ هیچ بویه توکل اولورمی؟ بن توکلی بر قوم دیه بر آدم قالدیروب کنیدی آتسه آتارمی؟ بن یارادامه صیغندم دیه بر انسان کنیدی کوز کوره تهلیکه به صوقارمی؟ مسلمانلق نه بویه شی وارمیدر؟

الله تعالی حضرتلری قرآن کریمده: کنیدیگیزی تهلیکه به آتایک! « بیوریور. بو امره قارشى بز: خایر یاری سن اویله بیوریورسک اما بز سکا صیغنه جغز. کنیدیگیزی تهلیکه به آناجغز. سن بزى صاقلا! « دیورز.

پیغمبر افدیمز: دوه کی باغلاده، صکره الله اصهارلا! « بیوریور. بز: خایر یا رسول الله. سن اویله بیوریورسک اما بز الله امانت ایده جکز، دوه منی باغلامه جغز. الله صاقلا سین « دیورز. آغزیمزله بویه دیمه سک بیله هر حالزله بویه دیورز، بویولی طوتیورزده صوفیلق پایورز صانیورز.

توکل ایدیورز دیه کنیدیگیزی کوز کوره جاهل لکه، خسته لغه، فقرالغه آتیورز. دنیانک هر طرفده قوتسز قدرتمز قلوب پریشان اولیورز. بویه لکه تهلیکه لرک اصل قارت باباسی اولان دشمنلرک آینه دوشیورز.

هم دنیامزک هم آخرتمزک ایکی پاره لق اولسنه سبب اولیورزده خبریمز یوق. بویه مسلمانلق اولماز. بویه صوفیلق، بویه متوکلک اولماز، پیغمبر افدیمزک توکلی بویه دکدی. پیغمبر افدیمزک اچدینی یول، طوتیدی یول بویول دکدی. بز ترس کیدیورز شاشقیملق ایدیورز. ای توکلی یا کلش آکلا بویه کنیدی شیطان مسخره ایدن مسلمانلر! بورایه باقیک سزه قرآن اوقویه جغم. الله کلامدن شاهد اثبات کتیرد جکم! باقیک مسلمانلق نه دیور، چالیشوب أمک ویرمک ایچون نلر بیلدیریور:

قرآن کریمک تام اورتە سنده « کبعض » ديه باشلايان سورەنك يکرمی بشنعي آيت کریمه سنده : وهزی اليک بجذع النخلة . . . . ديه بيوريليور .

حضرت مريم حضرت عيساي دنيايه کتيره چکي وقت آغری چکرکن قورو بر ايرماغک کنارنده قوب قورو بر خورما آغاچنه داياغش باباسز چوجق طوغوردی ديه خلقلک ايدە چکي افتادن دولايي کوزی دنياي کورمزمش . کاشکە اولوب کيدە ايدمده بوکونلری کورميه ايدم ديه قهرلنير طوررمش « او مبارکک برشيدن خبری يوق . مکر اللهک قدرتيه او ايرمق آغش ، او آغاج يشارمش ميوه ويرمش .

اولور آبتون دنياي هيچ بوقدن بوخاله قويان جناب مولاحسا برايە غيمي آقيداميه جق بر آغاچه ميوه می ويرديره ميه جک؟ اللهه ، اللهک قدرتنه ايماني اولان؟ بويه شيدە شهبه ايتمز . بويه بر ريدە ايلشوب قالماز . سوز داغيلماسين . بو بچي برکون ان شاء الله اوزون اوزادی يه سويلرم .

ايشته آغالر ! بويه چه نهر آقور ، آغاج يشاروب ميوه ويريور . لکين نه صو بر قابه قونوب کتيريليور ، نه ده ميوه آغاجدن طويلانوب لحوسه نك اوکنه قونيليور . يانه اوليور؟ نه اولاجق؟ حضرت مريمه : وهزی اليک بجذع النخلة . ديه ندا ايديليور . سيلمک ، صاللاده خورما يه دينيليور . غمني داغيته جق دها بر طاقم کوزل سوزلر سويلنيور . .

الله الله . نه دقت ايديله جک شي؟! قوری بر آغاجي يشارتوب او آندە يمش ويرديرمکه قادر اولان جناب مولا او خورمالري حضرت مريمک اوکنه قويديرمه — حاشا — قادر دکلي؟ لحوسه لحوسه حضرت مريم قالقوب خورما دوشوره جکنه ملەکلر همان اوکا اکرام ايتسه لر اولمازمی ایدی؟ های های جناب الله قارشى کوچلک يوقدی . ايسته سه ایدی اوليله ده اوليورردی . لکين بويه اوليشنده حکمت وار . بونده انسانلر ايچون بيوک بر درس بيوک بر عبرت وار .

زيرا قوری آغاجي يشارتوب يمش ويرديرمکه انسانک کوچي يتز اما آغاج صاللامق ، يمش طويلامق اأندن کلير . جناب حق يشارتمش ياراتمش . حضرت مريمده دوشوروب بيه جک . او قدر جق اولسون برأمي کچه جک . دنيا سبب دنياي . أمکمز يمک اولماز . آرمود پيش ، آغزيمه دوش ديه آغاج آلتندە بکلنمز . چاليشمق سندن ، ويروب ويرمه مک اللهدن . سن چاليش چابالا ، ينه رزقکي ربکدن بکله . کندينه کوکەنمه . ايشته او وقت تام بر متوکل قول اولورسک .



آغالر ! پیغمبر افندمرك نصل توكل ايتديكنى دها بر ايجه آكلاقمق ايجون سزمه خندق محاربه سنى سويلهيم . او سويلنمزمسه بو بحث نجھ اكسيك قالير .

پیغمبر افندمرك مكدن مدینه په كچديكنك بشنجی ییلنده یعنی تام بوندن بيك اوچيوز اوتوز درت سنه اول ؛ مكدده كي دين دشمنلری برلك اولديلر . مسلمانلغی اورتنه دن قالديرمق ايجون نه ياپوب ياپوب اون بيكدن فضله عسكـر طويلاديلر ، مدینه اوزرينه يوريمكه باشلاديلر .

پیغمبر افندمز بوخبری آلتجه اصحابی طويلايوب مشورت ايتدی . نه ديرسكز ديه هپسك فكرينى صوردی هر كس عقلك ايرديكنى سويلدی . ايجلرنده دها هنوز او سنه « نينوا » طرفلرندن مدینه په كلهرك مسلمان اولش اولان « سلمان فارسی » ده : مدینه نك اطرافه بویدن بويه درين چوقورلر آچالم ، خندقلر قازالم . بز عجمستانده بويه ياپارز . » دیدی . پیغمبر افندمزده بونی مناسب كوردی . همان اووقك حاله كوره طاش قيراجق طوبراق قازاجق هر نه وارسه طويلاندى . خندق قازلمغه باشلادی . بتون مسلمانلر كيجه كوندوز ديموب چاليشـيرلردی . پیغمبر افندمزده طاش قيرار خندق قازار ، طوبراق طاشيردی .

آغالر ! شو پیغمبر افندمرك بويوكلكنه باقيك بر كره كه : بن آخر زمان پیغمبری يم بن أويله طاشله طوبراقله بوغوشامام ، محاربه قهرینی چكوب دشمنله اوغراشه مام . سن ياربى او دشمنلری قهرايدويور ! » ديمه دی . تام اون بش كون ؛ كيجه ني كوندوزه قاته رق چاليشدی ؛ چاليشديردی . اوزمانه كوره نه يايقم ، نه ايتك لازمه اونى ياپدی ايتدی . هر شيئي يولنه قويدی . هيچ برایشی نقصان طوتمادی . لکن بر دقيقه بيله اللهی اونو تمادی . هم چاليشير ، همده مولا سندن مدد اوماردی . دوشونملى بر كره بونه بيوكلكدره بونده بزم ايجون نه بيوك عبرتلر واردر .

پیغمبر افندمز ايسته سي ایدی اللهك اذنيه شويله بر كره « پوف » ديمكه او دشمنلری هلاك ايدويوردی . لکن أويله يايتمادی . بتون مسلمانلره أورنك اولدی يول كوستردی . دشمنه نصل قارشى قونولا جغنى أوكرتدی . . او وقتلر عربستانده محاربه ايجون خندق قازمق يوقدی . لکن بشقه يرلرده بواصولك قوللانيلديني كندي سینه سويلنمزمه دوشوندى . مناسب كوردی . همان « بسم الله » ديهرك ايشه باشلادی . بو بزده عادت دكلدره اولاماز ديمدی . ياپدی چاىدى . دشمن مدینه په كلنجه په قد خندق ده تمام اولدی .

مسلمانان را صالدرمق ایسته بن دشمنان قارشیمیرینه بویه برخندق چیقنجه شایسته  
قالدیلر . بلکه بونک برکیدی وارد دیه هر طرفی دونوب دولاشدیلر . باقدیلر که : نه  
آت کچر ، نه دوه آنلار . کچمز ایدمز برشی . . دشمنان شیمدی به قدر هیچ بویه بر  
شی کورمه مشلردی . دوشوندیلر طاشیندیلر . نهایت قارشیدن قارشینه اوقله ؛ طاشله  
محاربه ایتمکدن بشقه چاره بولامادیلر . باشلادیلر اوزاقدن اوزاغه محاربه به . .

اوزمانه قدر مسلمانان را آرالی ای اولان [ بنی قریضه ] یهودیلر ده دشمنان را  
برک اولدیلر . پیغمبر اقدمز اولره نصیحتجیلر یوللادیسه ده دیکه مدیلر . اولرده  
دشمنان را قاتلدیلر . لیکن نه یاپارلرسه یاپسونلر ، بویه جه ایشی یولله «توب اللهه صدق  
بتون اولان مسلمانان را قارشی دشمنان هیچ برشی یاپامورلردی . ساده محاصره یوزندن  
مدینه ده برآز قیتلق اولدی . محاربه ده قیشه راست کلدیکندن کیجه لری ، آچقده سلاح  
باشنده کچرن مسلمانان صغوقدن چوق صیقتی چکیورلردی .

خندیک پک ای قازیله مامش بریری واردی . پیغمبر اقدمز بلکه دشمن اورادن  
هجوم ایدیور دیه کیجه لری اورانی هپ کندی بکلردی . مسلمانان ک سلامتی اوغرند  
کوزینه اصلا اویقو کیرمزدی .

بن پیغمبر افندیگ بو حالی دوشونورکن هپ قرانقلر اچیریسند کنش برآلین ،  
کوزل بر برون ؛ طانی بر سیا ، سویملی بر صقال ، پارلاق بر یوز ، جانه صوقیله جق بر  
وجود کوزیمک اوکمه کلیر . زره کیمش ، قیلیج قوشامش ، قیلانی قیافتی ده خوشجه  
یاقشمش اولان سوکیلی پیغمبریمک او صغوق وروزکاری کیجه لرده خندق کنارندن  
قرانقلره باقیشتی ، دشمن بلکه یشتی کوریر کی اولورم .

ایسته آغاز ! محاربه ، محاصره بویه جه ایکی هفته اوزادی . ییه جک ، ایجه جک  
چوق آزالدی . صغوقلرده پک زیاده لشدی . بویوزدن مسلمانان چوق صیقلمه باشلادی .  
لیکن ایشک بویه اوزامسندن دشمنان ده چوق صیقلدیلر ؛ ده چوق بونالدیلر .  
ایچلرینه ده فساددوشدی . «بنی قریضه» یهودیلری مسلمانان را بوزوشدقلرینه پشیمان اوله رق  
چکیلوب کتدیلر . بونی کورن دشمنان ده یاپه جقلرینی شاشیردیلر . دیرکن بر آقشام  
«الله» اولرک باشنه بر فورطنه کوندردی . اوقی اوت ، صوی صویه قانیدی . دشمنان  
نه به اوغرا دقلرینی بیله مدیلر . دنیا باشلرینه زندان کسیدلی . توزدن طور اقدن کوز  
آچماز ، صولوق آلاماز اولدیلر . دارالدیلر ، بونالدیلر . هرشیلری براقه رق دفع اولوب

کندیلر . برابر کتیر دکلری دنیا قدر خورما ذخیره ، حیوان هپ اسلامله نصیب اولدی .  
مسلمانلرک یوزی کولدی بوغائلده بوصورتله بیتدکن صکره « بنی قریضه » ده بلاسنی  
بولدی . ویردیکی سوزدن دونوب مشکل برزمانده دشمنلرله برلک اولمانک جزاسنی کوردی .  
شیمدی آغالر کوردیکزمی پیغمبر افندیمرک کیدیشتی ، مولاسنه نصل توکل ایدیشتی؟ .  
باقیک دشمنه قارشى ساده اللهه توکل ایتیمور . اوجکه دوشونیور ؛ دانیشیور . صکره  
ایشک اُک موافقی نه ایسه اوکا قرار ویریور . کچهپی کوندوزه قاتهرق چالیشیور .  
چالیشدیریور . بن پیغمبرم دیه تسبیحنی اُلنه آلوب برگناره چکلمیور . دیدینیور ، طاشله  
طور اقله بوغوشیور . هیچ برایشی نقصان طارتمیور ، اصلا مولاسنی ده اونوتمیور . ینه  
دائما اوندن مدد اومیور . او قدر یورغونلق اوزرینه مبارک کوزینه ده اویقوبی حرام  
ایدیور . زهر کی صفوقلره قارشى اُک تمسکلی یرده کیجهلری نوبت بکلیور . . آه جانم  
پیغمبر آه ، بویه لکله بزه هپ درس ویریور ، عبرتلر کوستیریور .

ایشته ای مسلمانلر بزده پیغمبریمز کی یایلم . هر ایشمزه بو یولی طوتالم . اوجکه  
کوزل کوزل یولیه ایزيله چالیشوب چابالایلم . صکره ایشی اللهه حواله ایدوب جان و  
کوکلدن اوکا بل باغلا یالم . اوندن صکره ده اَلْمَزَه چوق کچرسه قدرنی بیلوب شکر ایدلم ،  
اولعمتی رینه صرف ایلیم . شاید اَلْمَزَه آز کچرسه او وقت ؛ نه یایلم ، قسمتیمز بو قدر  
ایمش . « دیوب قناعت ایدلم . کندیمزدن یوقاریسنه باقما یوب کندیمزدن آشغیسنه باقالم .  
بزدن بتر اولانلری دوشونوب شکر ایدلم ؛ حلمزه راضی اولالم . بو اوضرده بر درده  
دوشرسهک ، بر طاقم صیقیتیلره اوغرارسهق کندیمزی یردن یره اورمیلم . یاخود کیدوبده  
آجیسنی عالمدن چیقارمغه قالمیم . صبر ایدوب اللهدن عنایت اوالم .

هی کیدی مسلمانلق هی ؟! اکر بز بو یولی بویه جه طوتاجق اولسهق باشمز کوکه  
ایردر . مملکتیمز عیلم الله شویه جتنه دوزر . بوکونکی حاللرمندن بری قالماز . آه هانی  
او کونلر : اویله کوزل کونلری کورمک ایسته مز میسکمز ای مسلمانلر ؟!

ای اللهک قوللری یتزمی بو قدر غفلت ؛ یتشمزمی بو قدر سفالت ؟ . هایدی الله  
عشقنه اولسون ایش باشنه !.. طورمایک یا هو طورمایک . طوریلحق ، دوداق بوکوله جک  
زمانده دکلز ! . دنیا دینیور . ایل عالم کندی چیقاری ایچون چیرپینیور . سزده سز  
اولوب کری قالمایک . کندیکزه سوز کتیروب دینکنزه توز قوندیرمایک . بویه یاپک که  
ایکی جهانده ده عزیز اولاسکمز .



# دين قارده شلڪى

اى آغالر ! پك اعلا بيليرسكيزكه انسانك برطرفى آغريس آجيسه ، يابر يرينه برشى اولاجق اولسه هپ آجيسى كلير آدامك يوره كنه چوكر .. تا آياقده كي برياره ؛ باشده كي كوزه اويقوي حرام ايدر . جكرده كي بر درد بتون وجودى صارصار خراب ايلر . انسانى شويله آديم آتة ميه جق بر حاله كتيرر .

آياقده كي ياردهن كوزه نه ؟ جكر ك دردى وارده الك آياغك نه اومورى ؛ دينه من چونكه بتون اعضا برلشمش هپ بر وجود اولمشدر .

آرالرنده كي اوزاقلغك ، يقينلغك هيچ اهميتى يوقدر هپسنگ بر يرينه ايليشكي واردر . تپه دن طرناغه قدر بتون اعضا سيكيلر ، دامارلر ، برطاقم درلو درلو شيلرله اورومجك آغى كي اورولمشدر . عادتاً و جودك هر طرفه تللر كريش ، تلغرافلر قونلشدر . بونك ايچون انسانك بر يرينه بر ديكن باتسه او ساعت اطرافه خبرلر كيدر ، تلغرافلر چكيلير ، آجيز ياميلير . همان بتون اعضا ايش باشنه كچوب امداده حاضر لانير ، كوز باقار ، ال قول اوزانير ، پارماقلر طوتار ايدر . سيكيلر ايشلر طورره نهايت او ديكن اورادن چيقاربلوب آتايير . او آجى ني كچيرمه نك بر چاره سنه باقيلير .

ايسته آغالر دين قارده شلڪى ده طبقي بونك كي اولمق كر كدر . الك آياغك دردندن كوز نصل اويقوسز قاليورسه ؛ دين قارده شلرى ده بر برينك دردندن كوزينه اويقو حرام اوله جقدر . بر ديكني چيقارمق ايچون عقل فكر ، ال قول ، پارمق سيكيلر نصل برلشوب چاليشيورلرسه باشنه فلاكت كلن بر دين قارده شى ايچون ده اويله جه چاليشوب چابالاماق مسلمانلر ك بيوننك بورجيدر .

چونكه بزورده مسلمانلق يوزندن برلشمش ، هپ بر وجود اولمشز . آرارمزه كي يقينلغك اوزاقلغك هيچ اهميتى يوقدر . دين همزى جان و كوكلدن بر برمزه باغلامشدر . مسلمانلر ايچون آيريلق غيريلق قالمامشدر . بونى بن ديمبورم ، قرآن ديمبور . الله كتابنده بويله بيورديور . مؤمنلر ك زنكيني فقيريني اوزاغنى يقيني بر بردن آيرد ايتيور . هپسنى بر يرينه

قاردهش طوتیور. هېسنى بروجود صایور. پیغمبر افندیژده بزه بونی بویه بیلدیریور. دین قاردهش کمزی الدن بر اقامق ایچون تکرار تکرار تندیه بیوریور، صیق صیق امرلر ویریور. بویوزدن کتابلر طولیور. کلوب کچن بونجه علما هپ بونی بویه جه خلقه بیلدیریور. مسلمانلرک بر برینه باغلی قالماسنه چوق غیرتله ایدیلیور. ایدلمش کیدلمش اما آغالر؛ غالبا بونلرک بری بزم ستمتزه اوغرامامش. اوغرامشسه ده مطلقا دو یا چق قولاق تأثیر ایده جک یورده ک بولامامش. اونک ایچون ارامزده دین قاردهش لکی پک ضعیفه مش. حتی بعضی لرنده نعوذ بالله هیچ قالمامش کبی بر شی . . کیت کیده ایش احواله کلش که اوله لرینک یاننده دین قاردهش لکی دینجه هانی زوالیلر بیلمه جه سویلنیور ظن ایده جکلر همان همان صوراجقلر : نه در او جانلی می جانسزمی ؛ نیرمی ینزمی ، بزم اوده وارمی یوقی ؟ « دیه جکلر .

آه کیدی شاشینلر آه ! . او بزی دنیاده ده آخرتده ده سلامتیه چقارده جق اولان دین قاردهش لکی او الله نعمتی ، او قدرت قوت خزینه سی جانلی ایدی، اوله جک بیته جک شی دکلدی اما بز قدرینی بیلهمدک. اونی اولدیردک، صانکه پنینر اکمله ییدک . بوکونکی کونده آرتق او نعمت بزم نه اویمزده قالمشدر ، نه ده کویمزده .

ایشته بز بونک ایچون بویه اولدق ، بو حاللره کلدک . یر یوزنده کی انسا نلرک اوج بلو کده بر بلوکی مسلمانکن، مسلمانلق عالمه درس و یروب هر کسه حدیخی بیلدیره بیله جک بر حالده ایکن بولوندک ، پارچه لاندق . دشمنلر آینه دوشوب خور حقیر قالدق. صاقین یا کلوبده : جانم الله بزی نیچون بویه یادی ؟ « دیمه یک اعتقاد بوزوقلنی آیله یک . زیرا دین قاردهش لکی بر نعمت ایدی ، بر قوت ایدی . بز اونک قدرینی بیلهمدک . بر بریمزی طوته مدق . بر بریمزک امدادینه قوشامدق . الله ده بزی بویه ایتدی . زیرا بو دنیا ایتمه بولمه دنیا سیدر . قورولدیغی قورولالی هپ بویه در . الله بال مومی ایسته یه نه بال مومی ویریر یاغ مومی ایسته یه نه یاغ مومی ویریر . آغالله چالیشان آغا اولور . بکلمکه چالیشان بک اولور . هیچ رشیده چالیشایان ده بویه بزم کبی علمک کیفه خدمتکار اولور .

مسلمانلر، مسلمانلر! عقلکیزی باشکیزه آلیک اعتقاد کزی بوزوبده قباحی کیزلیدن کیزلیه حاشا ثم حاشا جناب حقه بولما یک . الله ادامه قره کوزلری ایچون یاردیم ایتمز . آدی ساده احمدر ، محمدر دیه صاحب چیقماز . دنیا یه قویمش اولدیغی اصولی ، قانده یی بزم خاطریمز ایچون بوزماز .

# زنکینلک

ای آغالر ! جناب حق قوللرینه قارشى اولان نعمتلری او قدر چوقدر ، او قدر چوقدرکه ؛ هانی شویله نه سویله مکه بتر ، نه ده صایمقله تۆکه نیر . بن شیمدی سزمه بونلری اوزون اوزادی به آکلامغه قالمشیه جغم . ساده بو نعمتلك أك بیوکلرندن برینی سویله جکم که ؛ اوده بزم اصلا قدرینی قیمتی بیامدی کمز زنکینلکدر . بن بیلورم بو سوزم بردنبره بعضی کیمسه لره بر تحف کله جک . کیمی زنکینلکك بيوك بر نعمت اولیشه دوقوناجق . کیمی ده زنکینلک قدری بيلمه يز دیدیکمه ایلیشه جک . لیکن نه دیرلرسه دیسینلر ؛ ینه بنم دیدیکم دیدکدر . شکرینی بیلن بر کیمسه ایچون اللهك أك بيوك نعمتلرندن بری ده زنکینلکدر . آل کنیشلکله عمر سوروب کیمسه به بیون بوکمه مک دنیاده نه دولتدر . چولوغنی چو جوغنی کیمسه جکلره محتاج ایتمه مک بر آدم ایچون نه نعمتدر . انسانه ساده بویتیشیر . او زنکینلک سایه سنده یاپاجنی ایده جکی خیر حسنات ده اوسته جابا . .

بو بویله ایکن بعضی کیمسه لر زنکینلکی پک خور کوردرلر . اللهك بویله بر نعمتی یابانه آتوب فقیرلکه اوزدنیرلر . بیلمک فخرالغک نه سینى بکه نیرلر . زنکینلکه نه ایچون اولو اورتا دشمن کسایلرلر ؟ صانکه یوقسولاق چکوب آل اوغانه محتاج اولمق ایی بر شیمیدر ؟ فقیرلک او یونجاق دکل نعوذبالله آتشدن بر کوملکدر . اونک سهویله جک هیچ بر یری یوقدر . یوقسوللغک اویله بر درجه سی واردرکه حفظ الله آدمی شویله دارالتیر بونالیرده چیلهدن چیقاروب بیک درلو کناهه سوقار . بونک ایچون پیغمبر افندیز : فقیر لیکن سکا صیغینرم یاربى ! « ديه دعا ایدرمش . فقیرلک ایی برشی اولسیدی هیچ پیغمبر افندیز بویله دعا ایدرمیدی ؟ البته ایتزدی .

فقیرلک زنکینلکدن نصل ایی اولورکه ؛ بر دفعه فقیر اولان کیمسه حنخ ایده مز ، زکات ویره مز . اسلامک بویکی بیوک شرطینی یرینه کتیره مز . صکره فطره ویره مز ، قربان کسه مز برخیر یاپاماز ، محتاجلره یاردیمده بولوناماز ، لیکن زنکینلر بویله میدریا ؟



الله ویرسین اونلر یایمق ایستینجه قالدولر ، سوز تمثیل کویک برینه بر مکتب مدرسه  
آچورولر : امامسز خواجهسز قالمش بر کویه امام ، خواجه کتیروب کویلیه دینی  
دنیا سنی اوکرتدیو یورولر . بویه شیلر هپ زنکینلر خرجی دکلدر ؟

بونک ایچون انسان بیلیر بیلمز زنکینلکی یردن یره اورمالیدر . آکلامدن  
دیکله مدن زنکینلره اویله خور باقمالیدر . بزم دینز بزه صاقین زنکین اولماک دیمور  
دنیا مالینه کوکل ویرمه یک « دیور . مالی آرتدجه اللهدن اوزاقلان کیمسه لری ذم  
ایدیور . یوقسه شکرینی بیلن زنکینلره برسوز یوق . اونلر دنیا یه لازم کیمسه لر در .  
اویله زنکینلر اولمازسه فقیرلره عاجزلره کیم باقاجق ؟ یتیم لری اوکسوزلری کیم کوروب  
کوزمه جک ؟ جامع ، مکتب ، مدرسه ، کتبخانه ، یول ، چشمه کوپرو دها بونک کبی  
نیجه بیک درلو خیراتی کیملر میداننه کتیره جک ؟ بونلر نه ایله اولور ، هپ زنکینلکه  
اولمازمی ؟

اما سز نیم بوسوزیمه قارشى : خواجهم بوزمانده اویله سنک دیدیکک کبی زنکینلر  
پک آذرده دیه جکسکمز . سز شیمدی آذرده ، چوقدر سوزینی بر طرفه براقکده مسلمانلغک  
بکندیککی زنکینلردن اولمانک چاره سنه باقک ! بر طرفدن مالکمز ملککمز چوغالسین ،  
بر طرفدن ده خیریکمز حسناکمز آرتسین . بویه یاپارسه کز دنیا کزی ده آخرتکزی ده  
معمور ایتش اولورسکمز . یوقسه بوزمانده فقیر اولان کیمسه نه بلینی دوغریلته بیلیر ، نه ددیتنه  
ادام عقللی بر خدمت ایده بیلیر . اویله جه غم کدر ایچورسندمه یو اولانوب قهر اولور کدر .  
خواجهم ! نه بیللم بز فقیرلکی ای برشی ظن ایدیوروز . دائما : الله بزى فقیر فقرا  
بولوکندن آیرماسین « دیه دعالر ایدوب دوریوروز . باق سن ده شیمدی نه دیورسک ،  
پیغمبر افندیمک فقیرلکدن سکا صیغیریم یاربى ! « دیه دعا ایتدیککی بیلدیورسک . .  
هله سن کرم ایت بردها سویله ، شو زنکینلکک ایسیله فنانی بزه کوزلجه بر آکلات که  
ذهنمه سویله ایجه یر ایتسین . زیرا بزم آرامزده فقرالنی سه وون ، بکنهن چوقدر .  
آغالر ! سز نی دیکله یه جک اولدقدنصکره بن بر دفعه دها دکل ، الی دفعه دها  
سویلک ایجاب ایدرسه اللهک اذنیله ینه سویلرم ، هیچ اوشه نمم . شیمدی سز مادامکه  
بر دها آچیقجه سویلیم ایستیورسکمز ، شو ایکی زنکینلکی بر بردن کوزلجه آرد  
ایتمه می آرزو ایدیورسکمز . اویله ایسه دوریک بن سزه بر تمثیل کتیره مده ایشک  
آکلاشمدق هیچ بر یری قالماسین .

انسان کنیدیکندن تمیل بولغه حاجت یوق . نور ایچنده یاقینلر ، بکزه تنلر نه کوزهل بکزه تملر : کمی یه دکر نصل لازمه انسانده دنیا مالی اویله جه لازمدر « دیشلر . شیمدی بن سزه صورارم . کمی یه دکر نصل لازمدر ؟

نصل اولاجق باص بایاغی لازمدر . دکر اولمازسه کمی بر شینه یواماز . صوسز یرده کمی نه کزه بیلیر . نه یوزه بیلیر . بو بللی بر شی .

ایشته ای آغالر ! طبق بونک کبی پاره سز پولسز آدمده طاغ باشنده چاتلمش قلمش بر کمی یه بکزه ر . صو اولمانجه کمی نصل یوزه من ، بر یرلره کیده مزسه یوقسول آدمده هیچ بر خیر حسنا یاماز . خیرندن حسنا ندن واز کچک ، قارنی بیله دیورامازده اوتنه کنه بریکنه خاما اولور ، یاخود کیده ر عالمک باشنه بلا کسپلیر . شیمدی ایش بر آزدها آ کلاشلین دیه سزه بن بر شی صوراجم .. کمی دکر سز اولمازش بونی آ کلا دق . لکن دکر نک صوبی کمینک زه سنده اولمالیدر ؟ طیشنده می دورمالی ، یوقسه ایچنده می بولنلی ؟ بونی ده بر اوکره نمک ایسترم .

البته صو کمینک طیشنده اولمالیدر . زیرا صو کمینک ایچینه کیره جک اولورسه کمی باطار کیدر .

ایشته آغالر ! اصل دقت ایدیه جک یر بوراسیدر . دکر نک صوبی قدر چوق اولورسه اولسون کمینک ایچینه کیرمدکجه بر ضرر ویرمدیکی کبی ، بر آدامک ده مالی ملکی قدر چوق اولورسه اولسون ؛ او مال ملک انسانک کوکلنه کیرمدکجه هیچ بر ضرر ویرمن . لکن اکر مال ملک محبتی بر آدامک کوکلنه کیره جک اولورسه ؛ ایچینه صو هجوم ایش کمی کبی او آدامده باطار کیدر ، صولوخی اُک صوکنده جهنمده آلیر .

صاقین سز یا کلوبده : آدام سن ده بر دنیا محبتدن نه چیقار ؟ « دیمیک ! بیلمش اولک که دنیاده هر فسالق ، هر کوتولک اوندن چیقار . نهدن دیرسه کز او محبت دکل بر خسته لقدر ، بر بلادر . دنیایه کوکل ویرن آدام کیت کیده اویله بر حاله کلیر که نعوذ بالله آرتق دینی ایمانی هپ پاره اولور . پاره ایچون ، پول ایچون هر شیئی آیاق آلتیه آلیر ، هر شیئی فدا ایدر . دنیاده بوندن دها بیوک فئالق اولورمی ؟ ایشته دینز بزه : زنکین اولیک ، لکن کندی کیزی بو خسته لقدن صاقینک ! « دیور . سزه صورارم الله عشقنه ! فسامی سوبیلور ؟ پاره کز پولیکز دولابکزده ، قاصه کزده دورسه ده ؛ کوکلکزده دورماسه قیامتی قوپار ؟ . اکر سز بویله یاپارسه کز ، دینزک دیدکیرنی

طونارسه کنز علیم الله شویله قارون قدر مالکنز اولسه فائده سندن باشقه هیچ بر ضررینی کورمزسکنز .

شیمدی بو بویله اولونجه ای مسلمانلر ، ای اللهک قوللری ! کلیک آرتق انصاف ایدک . شودیدکلریمی برکوزلجه دوشونک؟ صکرده شویله باشیکزی قالدیروب اطرافکنزه برکوز کنزدیرک . عجبا شو زمانده سزدن زیاده فقیر ، سزدن دها زوکورت بر ملت وارمیدر ؛ باقیک هر کس فصل عقلینی باشینه آلمش ، ایشینی یولنه قویئمشده کوله اوینایه چالیشوب چابالایوب کیدیور . بز ساده اویله مسکین مسکین اوطوریوروز . آرپه جی قومروسی کبی دوشونوب دوریوروز . یوقسوللقدن چکه مزی ییچاقلر آچیور . بز نیه بویله بز ؟ بز بویله ایدن ، بو قدر فقیر دوشورن محاربه میدر ، متارکه میدر ، نهدر ؟ خایر ، خایر ! نه محاربه نه بر شی . بز محاربه دن اولده ینه بویله فقیر ایدک . ینه بویله مسکین ایدک . او وقتلر اورتالقی اوجوز اولمسه اوجوز ایدی . لکن بز ینه بورج ایله خرج ایله کچمزمی ایدک . پاره سزلقدن نه یاباجغمزی شاشیروب قالمزمی ایدک ؟ بونک ایچون صاقین محاربه یه فلان بهانه بولمایک ! قباحی دوسته دشمنه یوکلتمکه قالقشمایک ! بز عقلمزی قوللانامدقدنصکره دنیا دوزه لوب اورتالقی اُسکیمسی کبی اولسه ینه بزم بویله جه تعیل قاله جغمزه هیچ شبهه اتمه یک ! بونک ایچون نه یاپوب یاپوب بزم دیدیکمه کلیک ! اللهک امرینی طوتوب پیغمبرک کوستردیکی یوله کیدیک ! باقیک نه اولورسکنز ؛ بو فقیرلکدن ، بوسفیللکدن فصل قورتولورسکنز؟ ایشته بن بوقدر دیرم . هان ربم آکلایوب دیکله یوب یولیه 'یزيله چاشمقلر چابالامقلر نصیب و میسر ایله . یوقسه کیدیشمز کیدیش دکدر والسلام .



# آغاچ يتيشدير مك

آغالر ! بيلمش اوليك كه بزم ديمز آغاچ يتيشدير مكه بك چوق اهميت وبرمشدر .  
قرآن كريمك قاچ برنده آغاچدن ، آغاچلرك فائده سندن بحث اولمشدر . پيغمبر افندي زده .  
آغاچ يتيشدير مك ايچون نه لر سويلش ، نجه امرلر ورمشدر كه بونلرك برندن بزم خبريمز  
يوقدر . آغاچ ديككمك شويله طورسون بزر است كلديكمز آغاچك جانسه او قومقدن باشقه  
بر شي بيلمه يز . صانكه قرآن صاقين آغاچ ديكمه يك ديمش ، صانكه پيغمبر صاقين ير  
يوزنده آغاچ براقايك ديه امر ورمشده ، بزده او امرلري يرته كترمكه چالشيورزه .  
زده بر آغاچ كورسه كه هان كوكني قازيمغه باقيورزه . ليكن صكره بونك سيئه سي چكامكه باشلا نجه دهه :  
نه بيمز تو كمنز چيله مزوارمش ؟» ديز . يارب ! بزنك سوكيلى پيغمبريكك امتي بز . نه وار  
اللهم بزى يوقدر صيقوب جندره لرده قويه جق ؟» ديه حاشا قباحي اللهه بولوق ايسترز .

هيچ دوشونم يركه بو دنيا بر سبب دنيايدر . كيم اولورسه اولسون كنديني مطلقا  
بو جهانك ياراديليشنه اويدوره جقدر . جناب حقت برده كوكده ؛ كيزلى آشكار اولان  
حكمتلريني سزه جك ؛ آكلایه جق ، اوكا كوره داوردنه جقدر . بر آدم پيغمبر دخي اولسه  
ينه بويله يابه جق ، بو يولي طوته جقدر . مادامكه برانسان دنيايه كلشدر . ايسترايسته من  
صفوقك ، صيجاغك چاره سنه باقه جق ، يمهك ايچمهك يورداميني اوكرده جكدر . اولاد  
نصل يتيشديريليرمش ؛ دنيايه راحت نصل ياشانيرمش هپ بيله جكدر . بونلري بيلمه ينلره  
ياخود بيلمك ايسته ميه نلره برده كوكده نه وارسه هپسي دشمندر .

ايسته بز ديديكم كي ياشامهك يوليني بيلمه نلردنز . اللهك بونجه حكمتنه ، قدرته  
قارشى كوزيوموب بتون دنيايي كندينه دشمن ايدنلردنز . رجايديرم آغالر يلانمي سويليورم ؟  
بز اوليه دكلى يز . ، ير كوك بزه قارشى دشمن كسيلمه مشميدر ؟ بزم مملكتن زده هوالر  
ياغمورلى كيدرسه اورتائى سيل باصمازمي هر طرف كول كسيلوب باطاقلر چو غالد قجه  
چو غالمازمي هوالر قوراق كيدرسه كولينك الى آياغي قورومازمي ؟ .

تارلاريمزه چكر كه كلزمي ؟ باغلريمزه باغچه لريمزه بوجك اوشمزمي ؟ اكينلريمزي  
صفوقلر صيجاقلر ياقوب قاوورمازمي ؟ بونلر يتزمش كي برده آريجه يرتمزه ، يورديمزه  
انسان دشمنى مسلط اولمازمي ؟ باشمزه بر صونطورلو بلاده اوليه لكه چيقمازمي ؟ سوزك

قیصه سی، پیره نك پیردسندن دهاگوچوك حیوانلردن طونك ده دنیاك الك بویوك شیلرینه وارنجه هپسی بزم اوزریمزه هجوم ایتزمی ؟

شیمدی سزیم بوسوزلریمی بردنبره بك تحف بولورسكیز. آغاچ ديكمكدن بحث ایدم جكم دیركن زره لره كیتدی، نهلردن بحث ایتدی دیه شاشار طور وورسكیز. لکین ایجه دوشونور سه كنز انصاف ایدوب بكاحق ویررسكیز. چونكه بزم چكدكلر مزدن برچوغلنك سببی ده آغاچلره هپ خور باقیشمزدر. اونلرك قدرینی اصلا بیلمه یشمزدر.

صاقین بردنبره : آدم سنده آغاچدن ده نه اولورمش « دیمه يك . آغاچدن چوق شی اولور، آمان اوکا اهمیت ویرمه منلك ایله يك ؟ سز نه ظن ایدیورسكیز ! آغاچ انسانلره اللهك الك بیوك نعمتلرندن بریدر . زیرا آغاچ ديديكك هر شیدن اول بیوك بر شفادر . دالمله، بوداغیله ساده اویله طورركن بیله بیك درده دواذر. صكره بركتدر. یاغمورلرك وقتيله یاغماسنه بر سبیدر . صكره آزیقدر، رزقدر. الك صوكنده ده یوليله ازیله كسمك شرطيله كراسته در . اودوندر .

اگر آغالر هر شیدن اول آغاچلر اودوندر، كوموردر دیرسهك حالمز خرابدر. زیرا آغاچلر اولماسه وقتنده یاغمورلر یاغماز. قوراق اولور، قیراغی اولور، سیل اولور، باطافلق اولور، خسته لق اولور . اولور اوغلی اولور . بوكیزلی قافاقلی دكل، دائما کوربان برشیدر . اویله لرلر واردركه آغاچی بول، یاغموری یاغیشی کوزل، هوایی مكمیل. اها ایلسی ده یناقلرندن قان فیشقیراجق قدر صاغلام، هپسك ده كیفی یرنده . . لکین کیمسه بیلمزكه او یاغمورلر، اوبت برکت، او هوانك كوزللكی، او وجودلرك صاغلغی هپ او آغاچلر یوزندندو. اگر ایزرك خلقی بونعمتلره سبب اولان آغاچلرك قیمتنی بیلمه یوبده اونلرك كوكنی قازیمغه باشلارسه آرتق اوراسی كیت كیده یاشانماز برحاله كلیر .

باقارسك آغاچلر آزالدقچه هوا آغیرلاشیر . ایصیتمه كلیر . خسته لق چوغالیر . بت بكنز صولار . آغزلرده طات قالماز . وجودلرده کی اسکی صاغلغی كورولمز . آغاچسز قالان تپهلرده، بایرلرده یاغمورلردن طوپراق طوتماز اولور . یاپراق، دال بوداق یوق كه اینه ن یاغمورك خیزین آلسین. آغاچ كوکی، آغاچ داماری یوق كه یرلری طوتسون، ضبط ایتسین. هپ طوپراقلر آسماغیلره طوغری آقار . او جانم دره لر طولار، او كوزدم تپهلر چپلاق قالیر . یاتاقلری طولوب یولنی شاشیران دره لر اوتیه بری یه یاییلیر . هر طرفده سازلقلر باطافلقلر میدانه كلیر . وقتيله آغاچلرك قوروتمقده اولدینی صولاق یرلرده ده

آغاچسزاق يوزندن آريچه باطافقلر باش كوسترر . ديركن ياغمورلرده وقيله ياغماز .  
 طوبراغكده اسكى بركتى قالماز . بروقتلر او مبارك آغاچلرك زمرد كې ياپراقلىرى  
 آره سندن نازلى نازلى اسن روزكارلره بدل آرتق زهر كې سام اسمكه باشلار . اسكيدن  
 طاتلى طاتلى اوتوشن بلبلردن اثر قالمازده اونلرك يرني عقرب كېي صوقيچى سيورى  
 سينكلر طوتار . برزمانلر راحت حضور ايجريسند كولوب اوينيان خلق آرتق خسته لقدن  
 باش قالدیراماز اولور . يوقسوللقدن صاغنى صولنى بيله من برحاله كلير . بويله ليكله نه مال  
 قالير ، نه جان قالير ، نه ده اخلاق . هېمى ايكي پارهلق اولور . اهالينك كيمي آلير  
 باشنى غريسته دوشر . ايل قېوسنه صيغنيوب عالمه كولهك ايدر . كيمي ده او باطافقلر  
 ايجريسند چورى به چورى به محو اولور كيدەر . صكرا برده باقارسك كه او كوزل كويك  
 يرند يللر اسوب بايقوشلر مكان طوتار . ايشته الله آدامه آغاچ كسمه نك سينه سنى بويه چكديرر .  
 صاقين سز نم بوسوزلر يمه قارشى : آرتق سندن ده خواجهم ؛ آغاچك قيمتنى بك  
 آشيردك طاشيبردك ، كوكله چيقاردك . « ديمه يك ! آغاچك قدرنى بيولتهن ، آغاچ  
 ديكمه نك اهميتنى آرتديران بن دكلم ، پيغمبر يمزدر . » بر آغاچك ميوه سنى ساده انسانلر  
 دكل حيوانلر بيله ييدكجه او آغاجى ديكن آدامك دفترينه ثوابلر يازيلير . اوينيله ميوه لر  
 هپ او كيمسه نك صدقه سى يرينه كچر « ديهن ، حق قيامت قوباركن بيله آغاچ ديكيك ديه  
 امر ويره ن پيغمبر افنديمزدر .

آغالر دوشونسه كز بركره ، نچون بويله بيوريليور . نيه آغاجه بوقدر اهميت  
 ويريليور ؟ البته بومبارك سسوزلر بوشنه بويلنمه مشدر . البته بونلرك آلتنده بر چوق  
 حكمتلر واردر . اصل معرفت بونلرى بيلمكدر . ايشته آوروپاليلر بومعرفتى كوسترييورلر .  
 آغاچك اك اوفق بر فائده سنه وارنجه ، آكلايوب آراشديروب اوكا كوره داورانيورلر .  
 بك سازلقي ، بك باطافلق اولان يرلرى قولايجه قوروتماق ايجون هان بول بول آغاچ  
 ديكورلر . از وقته اوراي جنته چوبرييورلر .

بويله ليكله باطافلق قورورمى ايمش ديمه يك ! چونكه بر آغاچ يتيشنجه ساده ساللانوب  
 بوى كوسترمن . اومبارك ، سزك هيچ خبريكز اولمان سنه ده بيك اوقه صوني طوبراقدن  
 چكوب هوايه صاليورر . طورماز ديكله نمز . بر طلومه ما كنه سى كې دائما ايشله يرك ،  
 دائما صولوق آلاق سزك دشمنكز اولان رطوبى ، باطافلنى قوروتغه چاليشير . شيمدى  
 رجا ايدرم آغالر ، حساب ايدك بايقك : بر آغاچ سنه ده بيك اوقه صوني قوروتورسه  
 يوز آغاچ اون بيك اوقه ، بيك آغاچده بر مليون اوقه صو قوروتماش اولور .



ایشته سزه بس باد هوا بر ما کنه آکلایانه کوره به نندن بیوک نعمتی اولور؛ انسان ناصل اولورده آغاچ یتشدیرمک اوینک کوینک هوا سنی اییاشدیرمکه چالیشماز. طوغروسى آلد بوقدر قولای بر چاره وارکن تنبلك ایدنلرک بائنه نه کلسه آذر. هله او یتشمش سوکلون کبی آغاچلری یوق ایدنلرک سیئەسى نه قدر بیوک اولسه ینه هیچدر .

یالکیز شو وارکه اوجزالری، اوسیئەلری ساده تنبللر، ساده اواناسفمزلر چکسلر هایدی نه ایسه. لکن ایش اوقدرله قالماز. برطاقم صوچسز، قباحتمزواللی یاوروجقلرده بابالرینک، دده لرینک نارینه یانارلر. او باطاققلر ایچنده، او سیوری سینکلر آره سنده زهرلنه زهرلنه دها اولمادن صولارلر. بیونجقلری چوپ کبی ایجه لشوب قاریخقلری داوول کبی تیشەر. بتلری بکزلری ساز کبی صاراریر. بیچاره لرک چوغی یاشاماز. یاشایانلرده برایشه یاراماز. بوسبیدن کوبلرمز کیتدکجه بیویه جکی یرده کوچولور. خلقمز باشقه ملتلر کبی کیتدکجه دال بوداق صالەجنی یرده قاروریلوب قالیر .

شیمدی آغالر بزم سوزلرمک طوغرولغنی آکلامق ایچون کلک بر تجربه ایدیک . هواسی فنا، سازلق، باطاقلق یرلره بول بول آقاچ دیکیک . هله « اوقالبیتوس » دینلن ایصمه آغاچندن دیگر سه کز دها اعلا اولور. باقیك بش آلتی سنه ایچنده یتیشیوره جک اولان آغاچلر اوسازقللری، اوبطاققلری نصل قوروتیر. اویرلری ایصتمه دن نصل قورتاریر. اووقت بکا حق ویررسکیز. بزم ایچون نه دعالر ایدرسکیز .

لکن بن بیلورم. سز شیمدی برهانه بولاجقسکیز. بز اودی دیکک ایصتمه آغاچنی زرده بولام، نصل یتشدیرم دیه جکسکیز. اما بنجه بو برعذر دکلر. زیرا سز رشیک آلیجیمی اولدیکزمی؛ اونک صاتیجیلری دنیانک اوبراوجنده اولسلر اوساعت دویارلر. نه یاپوب یاپوب اونى سزک آباغکزه قدر کتیرلر. باقیك تونون طبقەسى، سیفاره آغزلانی قاو کبریت دها بونک کبی شیلر نصل بول بول کلور. سز ایستد کدنصرکه ایصتمه آغاچنک تخمیده کلیر. هبئیده اولور بیتر. بیلیرسکیز که : یوروکک کوکلی اولونجه تکدن یاغ چیقاریر، دیرلر اونک کبی سزکده جانکیز ایسترسه پک اعلا او تخمیده بولورسکیز، نصل دیکله جکنى ده اؤکره نیرسکیز. لکن ساده شوده وارکه او ایصتمه آغاچی پک صغوق یرلرده یتشمز، آنجه زیتون، اینجیر یتشەن هواسی ملایمجه یرلرده اولور. بونک ایچون باقارسکیز، اگر سزک اورالرده اینجیر، زیتون یتشیورسه ایصتمه آغاچیده یتشیر. هان بول بول اواغاچدن یتشدیرمکه باقیك .

هوق اكر يرلر بكنز صغوق اولورسه قره اغاج قيزيل آغاج ديكيك. قواق ، سكود ديكيك . ديش بوداق ، صالحيم ديكيك ميوهلى آغاجلر ديكيك . ديك ده نه ديكسه كنز ديكيك ، حتى ديكجك فدان بولامازسه كنز ماري هيچ اولمازسه «كونه طاپان» ديككاري آي جيچكي اكيك ليكن اوليه آز برشي دكل ، چوق چوق اكيك . چولوغه چوجنه وارنجه بتون كويلى بر آرايه كلوب ايصلاح ، باطاق يرلري هپ آي جيچكيه طولدير يك دقت ايديك ، بافك كويكنزك هواسي نصل فرق ايدجكدر . روسه ده باطاققارلى قولايجه قوروتمانك چاره سني بونكله بولمشلر . بك چوق اكدكلري ايچون آي جيچكنك تخمندن ده برياغ چيقارمغه باشلامشلر . بويه ليكله هم ملاكتهك هواسي دوزملش همده بركارك بولي بولونمش . هر نه حال ايسه آغالر ؛ نه يايوب يايوب آلدن كلديكي قدر چوق آغاج ديككه بافيك بوكوزل فرصتي قاجير مامغه غيرت ايدك . ديكديككنز آغاجلريده كوزلجه محافظه ايله نك بيلمش اوليككنز كه ساده آغاج ديككمكه اولماز . اونى قورومق ، اونى اولاد كي يتيشدير مك ده لازمدر . ايشته بزم ياپاماد بغمز شيلردن بريده بودر . حالبوكه آغاجلره ويريله جك امك بوشه كيمز . او اودون برشيدر . صكره بيويجه اومباركار ؛ كنديلرينه ايديلن خدمتك آجيسني بيك كره چيقايرلر . بونك ايچون اوشه نه يك آغالر اوشه نه يك ! ديكديككنز فدانلر سربيلوب بوي آتجه يه قدر كوزلجه قورويك . صكره بيويوب يتيشنجه ده اونلره آجيك اونلره ضرر ويره جك شيلردن صاقينيك .

بن بروقتلر قدس شريفه ياقين «خليل الرحمن» قصبه سنده بوتيوردم . بركون - هيچ اونو تمام قومشومز بولتان بر آورو پالينك خدمتجيسي كلهرك شويله ديمشدي :

افندي ! سزك خدمتجي باغچه كزده كي آغاجلره ايپ كهروب چاشير آصمش . بزم خانم پنجره دن كوردى بر درلو ايچي راحت ايمدى . ايلري باشقه يره باغلاسينلر ، صكره آغاجلره يازيق اولور ديه رجا ايدبيوردى .

بوسوز اوزرينه بزم خدمتجي : آغاجلرك هر برى ك آشاغي طقوز اون سنه ليكددر . چاشير آصمقله نه صاللانير ، نه كورور دييوردى . بن : طوغرى ديدم . صاللانماز ، ايمز اما آغاجلر كنجدر ، قابوقلري خير پالانير . سن يونى دوشونه مه مشك ديه هان ايلري جوز ديدردم . ديني آري برقاديندن آلدېغ بونصيهتك آجيسي حالا ايچمدين چيقماز . بزمسلان اولامده بويه شيلري نيه : وشونيم . نيه باشقه لرندن درس آلام ؛ طوغروسي بوزم ايچون يك بيوك برقاچدر .







فیشانی ♦ ۱ غروش